

周書

唐 令狐德棻 等撰

中 華 書 局

卷 第

至 卷一七(紀

傳)

册

出版説明

共同鎮壓起義軍,同時又互相争霸。最後在北方形成東魏(公元五三四至五五〇) 政權三分鼎立。後來,東魏改齊(公元五五〇至五七七),西魏改周(公元五五七至五八一) 元三九六至五三四)封建王朝。在這場激烈的階級搏鬥中,地主階級紛紛組織反動武裝, (公元五三五至五五六)兩個封建割據政權,與割據江淮以南的梁(公元五〇二至五五七) 後人稱它爲「北周」。在南方,陳(公元五五七至五八九)也取代了梁。 公元六世紀二十年代,黄河流域的各族人民大起義, 瓦解了統治中國北部的北魏(公 和西魏

這 個政權的統治區域大致包括今陝西、寧夏、甘肅和四川的大部、山西西南部、湖北西部以 西魏、 北周封建政權是以鮮卑豪強字文泰爲首的鮮卑貴族和漢族地主的聯合統治。

周書雖 以周題名,實際上是記述從公元五三四年康、西魏分裂到五八一年楊堅代周爲

公元五七七年,周滅齊,統一北方。五八一年,楊堅代周,建立隋朝。

周書出版説明

止

四十八年的

西魏

、北周史。

及河南西部。

周、隋五朝「正史」。 年(貞觀三年),舊事重提,德棻擔任周書的主編, 公元六二一年(唐武德四年),起居舍人令狐德棻向李淵(唐高祖)建議編寫梁、陳、齊、 他的意見被採納,並指派了各史編寫人員,但没有認真進行。 參加編寫的有岑文本和崔仁師。

年(貞觀十年),周書和其他四朝史同時完成

半是他寫的。 寫。 祭酒。 晉書、五代史志和所謂「國史」(卽唐史)以及李世民(唐太宗)、李治(唐高宗)兩朝實 岑文本,鄧州棘陽(河南新野)人,也是唐初著名文人,官至中書令。 令狐德棻(公元五八三至六六六),宜州華原(陝西耀縣)人,出身門閥貴族, 他在唐初頗有文名,曾多次參加官書的編寫。 崔仁師,定州安喜(河北定縣)人,官至中書侍郎、參知機務。 在歷史書方面,他還參加和 周書中的史論多 主持 官至國子 録 的編 過新

個編 物的嫡派子孫。 止是周書編者所特有,包括唐朝王室在内的唐初當權人物,也多半就是西魏 寫人也在 周書主編人令狐德棻的祖父令狐整是北周的大將軍,宇文政權骨幹人物之一 不同程度上和宇文政權有千絲萬縷的聯繫。 這樣就規定了對周書的特殊要求,卽不僅要竭力歌頌字文政權的骨幹人 而更重要的是, 這樣的家 北周 其 骨幹人 他兩

家」。 梁朝 的評 傀儡 對之辭塞進傳中,以充篇幅。 陷」嗎? 杜家是關中頭等門閥,唐朝諺語説「城南韋、杜,去天尺五」,周書没有杜 **舊史,包括西魏史官柳虯所寫** 父祖有傳」,而且「事有不同,言多爽實」。 中舉不 實加以 ·`所謂「關右舊族」、「八柱國、十二大將軍」,而且嘖嘖歎賞「今之稱門閥者,咸推 的疆 皇帝。 周 凡是唐朝的達官貴戚,周書總要想法爲他們在周代的祖先立傳, 勝舉。 領揚。 書在收集、考訂史料方面也 因此特爲杜杲立專傳,但由於事跡實在不多,只得把他出使陳朝 土,導致江陵十餘萬 其所以如此,正是因爲這個蕭詧是唐朝另一個宰相蕭瑀的祖父。 而書中竟給他作出「蓋有英雄之志,霸王之略」 比如,杜杲並無多少值得記載的事跡, 連唐代另一封建史家劉知幾也說:唐初編寫五朝史的特點,是「朝廷貴臣,必 人民淪爲奴婢的慘禍,自己卑躬屈節, 蕭詧是梁朝的宗室,爲了争奪帝位, 存在着問題。 這種情況,雖爲五朝史所共有, 它的資料來源,大致可以分爲 但他却是唐朝宰相杜 這樣與本人立身行 不惜勾結 充當 並往往 家的 西魏軍 的 但周書顯得比较 如晦 這類例子,周書 西 一些無謂 [傳, 魏軍 不惜 兩 事截然相 的曾伯 監護 類。 不是「缺 八柱國 隊 歪 下 的 進 曲 是 的

史,二是唐初爲了修史而徵集的家狀之類。牛史是本書的藍本。劉知幾曾經説過,周書只憑史,二是唐初爲了修史而徵集的家狀之類。牛史是本書的藍本。劉知幾曾經説過,周書只憑 (可能周代史官曾經續寫)的官史和隋代牛弘没有完成的周

周

作 很 牛 史、「 有限 的 碑 志 的 重 和 資 |加潤色」,「不能别求他述,用廣異文」,可見周書根據的資料是很貧乏的。 本 料範圍 書有 年自相矛 關 内, 列 盾的地 考核修訂的工作也是很草率的。 傳 比 對 方。 ,年月歷官常有出入,其中有些可以 我們曾將庾信 確定是本傳錯 爲當時官僚 了 貴 而 族 且. 還

有

不

少記

事

記

合編。 中反 段歷史還有一定的資料價值。 巴蜀(陸騰傳、伊婁穆傳、崔謙傳、柳昂傳等), 事 斷 役 没有志,一些有關 了突厥 特别是東西魏或齊周間)的戰争,以及宇文政權 實 的 的 映 資 和 開端,府兵制度的 雖 稽胡 然周 了 侮 料。 但從散見於紀傳的零星記載中,也保存了一 辱 些各族人民配合漢族 書作 性 本書最後一篇異域傳混淆 的歷史。 的 爲 記 土地、賦役以及所謂禮、樂、刑、政等制度的資料,寫入五代 資料 載。 散見於本書紀傳的各地 産生等,對於後來隋唐 但其 也很不完備,而且有不少錯誤,但是這部書對於我們研究、 八中也 它基本上反映了字文政權的建立, 包含一 人民反抗封建統治 了當時國 些可 供 兩代 東至幽州(宇文神舉傳), 人民武裝起義, 内 參考的 上層内訌的 少數民 有影響的社 一些諸 的頑 歷 如奴婢、部曲 史資 族 強鬥争。 和 有關情況。 外國 料 會關係 西起秦隴 另外, 建立 的 特别是各 界限, 、政治、軍 、客女的地位 |後三個封 南達襄陽(伊婁穆 周書只有 (李賢傳、史寧傳) 傳 中第一 也有 少數民 史志 事 制 不 建 之,和隋書 一、徴 紀 族 次記載 度 政 瞭解這 少 和 庸代 的 歪 的 權 傳, 傳

都是當時各地人民反抗封建統治的歷史資料。 傳),北到太原(宇文神舉傳),以致迫近國都長安的蓮勺也是「數有羣盗」 (劉志傳)。 這些

原始。 錯了的。 基本上是删節周書, 唐以前記述這段歷史的史籍都没有傳下來。 因此, 就現存的有關這段歷史的資料來說, 很少補充改正。 删改之處, 有些是對的, 稍後編寫的北史, 周書成書較早, 有些却是删節不當 其中西魏、 保存的資料也比較 北周部分 或是改

外,也有宋初未缺而傳世各本脱去的大段文字,如卷六武帝紀下、卷三九杜杲傳都脱去幾 百字,但册府元龜引文却没有缺 四、卷二六、卷三一、卷三二共五卷全缺;卷三六可能全缺,可能半缺;卷二一大半缺。此 説明不是周書原文,清人錢大昕也曾加考證。 年)編輯册府元龜, 引用周書缺卷各條已是後人的補本。 我們重新檢查,殘缺情況是:卷一八、卷一 宋人曾在本書缺卷後附有校語,

周書最早刻印的確切年月我們 還不 清楚。 周 出 版 説 明 舊本宋人安燾、王安國、 林希的目録序,

王安國

刊南北朝各史的工作是公元一〇六一年(宋嘉祐六年)開始交給「館閣官」辦理的。 内有 「今既鏤板以傳學官」的話。 據序文和宋晁公武郡齋讀書志、李燾續通鑑長編, 今考 校

和林希都在熙寧初任職館閣,安國死於一〇七四年(熙寧七年),則周書第一次刻

四年 這個本子也没有流傳下來。 板應在一○六八至一○七四年卽熙寧元年至七年間。 (紹興十四年), 周書和其他六史在眉山重刻, 現在流傳的是南宋翻刻,并有元明兩代補板的所謂「三朝 即所謂「宋蜀本」或「眉山七史本」。 這個最早的本子早已不存。 一 一 七

我們用以互校的是下列七種本子:

、南宋刻元明遞修本 與百衲本的底本同,校記中簡稱「宋本」。

、明萬曆間趙用賢刻南京 國子監本 校記中簡稱「南 本

以意改補一些文字,底本都是有元明補板 三、明萬曆間蕭雲舉刻北京國子監本 的南宋本。 校 記 中簡稱「北本」。 南、北監本都曾據北史或

六、清同治十三年(公元一八七四年)金陵書局本 四、明末毛氏汲古閣本 |、清乾隆四年(公元||七三九年)武英殿本 校記中簡稱「汲本」。 校記中簡稱「殿本」。 底本不詳,與宋本、南本異者多同北本。 校記中簡稱 「局本」。 底本是北 底本是汲古

蜀本。) 一九三四年上海商務印書館影印「宋蜀刻元明遞修本」(實是南宋臨安刻本, 校記中簡稱「百衲 本。 此本雖説影印,但多據他本改正錯字, 也有改錯了的,實

在 .上列七種本子中,殿本刻誤和古體、異體字較少,所以我們採用殿本爲底本。 際上成爲另外一種本子。

除版本校勘外,我們還通校了册府元龜和北史中有關部分。

再版 勘 同志擔任。 上的 時作進一 本書是由唐長 2 錯 誤。 全部點校工作早在一九六五年完成,業已制版。 步的修改。 限於水平,可能還有許多未發現的問題,希望廣大讀者提出批評意見, 孺同志點校的, 陳仲安同志也做過不少工作。 付印前又改正了一些標點、校 編輯整理工 作由王文錦 以便

中華 書局編輯部

書 出 版 説 明

周

周書目錄

周書目錄	武帝下	卷六 帝紀第六	武帝 ^邕 上 ······ · · · · · · · · · · · · · · ·	卷五 帝紀第五	明帝 毓 ••••••	卷四 帝紀第四	孝閔帝 覺	卷三 帝紀第三	文帝下 二	卷二 帝紀第二	文帝 宇文泰 上 ************ 一	卷一 帝紀第一
-	李皇后 四四	武帝阿史那皇后	明帝獨孤皇后	孝閔帝元皇后 四三	叱奴皇后	文帝元皇后 四	皇后 四	卷九 列傳第一	静帝 衍 三	卷八 帝紀第八	宣帝 贇······························· 一五	卷七 帝紀第七

卷十一 列傳第三	子 興	虞國公仲	莒莊公洛生	杷簡公連	導子廣亮翼棒衆•••	子什肥 子胄	邵惠公顥	卷 十 列傳第二	靜帝司馬皇后••••••	尉遲皇后 ············	元皇后	陳皇后************************************	朱皇后************************************	宣帝楊皇后••••••••••••
•	一	一	丟	<u></u>	善	畫	蓋		一 鬥		型	型	哭	一
賀拔勝 兄允 *********** 二五	卷十四 列傳第六	宣帝諸子 二0八	武帝諸子 二〇七	明帝諸子 二0七	孝閔帝子 二〇六	文帝諸子 二〇一	文閔明武宣諸子 二〇一	卷十三 列傳第五	子 貴	齊煬王憲 一八七	卷十二 列傳第四	馮遷 一八0	叱羅協 山山	晉蕩公護 一六五

周書目錄	卷十七 列傳第九	弟 瓊 凱············	侯莫陳崇•••••• 三穴	獨孤信 二二	趙貴・・・・・・・・・・・・・・・・・・・・・・・・・・・・・・・・・ 二六	卷十六 列傳第八	子 寔・・・・・・・・・・・・・・・・・・・ 二五0	于謹 二四三	弟 檦	李弼 子 輝 二元	寇洛 二三七	卷十五 列傳第七	念賢	侯莫陳悅 三三	弟 岳····································
Ξ	宇文貴 三一	弟永恩••••••••••• ≡10	豆盧寧・・・・・・・・・・・・・・・・・ 三0六	侯莫陳順············ =0+	子 震••••••••••• 三0六	達奚武 三0川	卷十九 列傳第十一	王思政 元	王羆 孫 述	卷十八 列傳第十	王德	劉亮二八四	怡峯・・・・・・・・・・・・ 二二	者干惠 二〇	梁禦子 睿

達	卷二十二 列傳第十四	司馬消難・・・・・・・・・・ 三	王謙	尉遲迥••••••===============================	卷二十一 列傳第十三	間慶・・・・・・・・・・・・・・・・・・・・・・	叱列伏龜······· =	尉遲綱············ =	賀蘭祥······	子	王盟•••••• ===============================	卷 二 十 列傳第十二	王雄*****************************	楊忠
		三芸四	薑	三 究		置二		三 元	三五	三四四			三 九	三四
儉	卷二十六 列傳第十八	弟遠子植 基 四八	李賢 四三	卷二十五 列傳第十七	盧斜 四0三	卷二十四 列傳第十六	弟 椿	蘇綽	卷二十三 列傳第十五	兄子 帶韋 三七三	柳慶子機 弘	兄穆 儉 三六	楊寬 爻 鈞	馮景••••• 三六三

卷三十二 列傳第二十四	梁士彦	年 6000000000000000000000000000000000000	事 孝 氪······ ;	卷三十一 列傳第二十三	李穆·····	于翼	兄子 毅	竇熾	卷 三 十 列傳第二十二	侯植······	劉雄	達奚寔	王雅	楊紹)
	売 七		蓋蓋		葦	五三三	蓋	五七		五〇五	五〇三	五〇二	吾)	五00	
一 卷三十四 列傳第二十六	趙文表			王 慶 五七五	趙剛	楊荐 至0	厙狄峙 	卷三十三 列傳第二十五	唐瑾	盧柔	柳敏子昂 丟0	弟 逞	陸通:	中徽	7

周書目錄	薛端 六二0	裴俠 六八	崔猷 六三	弟 說	崔謙	子 譯 六一	鄭孝穆 六0九	卷三十五 列傳第二十七	楊敷	弟 漢 弟 尼 族弟 鴻	表 寬 五九四	韓盛 五二	楊檦 五0	元定	趙善
七	劉志 六四八	裴 果····· 六四七	司馬裔子 偘 六四五	令狐整子熙 整弟休 一一	崔彥穆 六四0	王士良 六 六	段永	楊 9 秦 • • • • • • • • • • • • • · · · · · ·	族人 頂 六三	鄭偉 父 先護・・・・・・・・・・・・・・・ 六三二	卷三十六 列傳第二十八	敬珍 從兄 祥 公六	弟 愼	群善 六二	弟裕 六三

八

薛 憕 ••••••••••••••••••	呂思禮 六二	柳蚪••••• 六0	弟 湛 弟 讓 ············· 六六	蘇亮 六七	卷三十八 列傳第三十	高 爱	裴文舉 炙 邃 六六	郭彦 六六	李彦 六六五	張軌	趙肅 徐招 •••••••••• 六二	韓襃••••• 六八0	寇儁•••••	卷三十七 列傳第二十九
王軌————————————————————————————	尉遲運 七0九	卷 四 十 列傳第三十二	杜杲 七01	王子直 +00	族子 昂	辛慶之 六九七	皇甫璠•••••••••••• 六九六	梁昕 六五	幸 瑱 · · · · · · · · · · · · · · · · · ·	卷三十九 列傳第三十一	元偉	檀 翥	李昶 六八六	群寘••••• 六八五

柳檜・・・・・・・・・・・・・・・・・・・・・・・・二二	李棠	孝義 八三	卷四十六 列傳第三十八	樂遜	熊安生*********************	樊深	沈重	盧光・・・・・・・・・・・・・・・・・・・・・・・ 八〇七	盧誕 八0六	儒林 八0五	卷四十五 列傳第三十七	任果 七九	席固子 世雅	陽雄 炎 猛	J. Fi €
卷四十八 列傳第四十	褚該 強練 衞元嵩 ************ 八四九	趙文深 八四八	黎景熙 八四五	子 最 •••••••••••••••••••••••••••••••••••	姚僧垣************************************	蔣昇	冀儁 八三七	藝術・・・・・・・・・・・・・・・・・・・・・・ 八三七	卷四十七 列傳第三十九	張元:	皇甫遐••••••••• 八三	秦族************************	荆可****************** 八三0	杜叔毗	. (

傅准************************************	岑善方 八 三	劉盈 八二	甄玄成************************	許孝敬 李廣 ************** 八七一	薛暉************************************	尹正 公一	魏益德 八七0	王操 八元	蔡大寶 弟 大業・・・・・・・・・・・・・・・・・ 八六	歸子	晉子 寮 巖 岌 岑············ 八六十	歸子 · 琮 · · · · · · · · · · · · · · · · ·	營子 	蕭 经 八五五
宕昌	獠 八九0	蠻································· 八八七	百濟 八六	高麗	異域上	傳第四十一	袁敞 八六	沈君游弟 君公 八宝	范迪································ 八岩	王淀 八宝	徐岳•••••	柳洋 八齿	蕭欣	宗如周·•···································

					居
i	稽	廷	白	鄧	蓕
Ĺ	胡		白蘭	至	E

九 九 九 九 八 八 八 八 八 八 八 八 八 八 八 八 九 九 九 九	高目•••••	吐谷渾······	突厥	異域下	卷 五 十 列傳第四十二	庫莫奚	稽胡	氐	白襲	鄧至
	九四四	<u></u> 二	九0七	た0七	2.5	八九九 ———	公 类	八九四	八九四	八品

h hhhhhhhh	四 舊本周書目錄序)- 波斯)七 安息	粟特	完 <u> </u>	六 于闐	
			九一九			九一七	カー

焉耆…… 九六

鄯善…… 九三

周書卷

帝紀第一

文帝上

滅,子孫遯居朔野。有葛烏菟者,自然雄武多算略,鮮卑慕之,奉以爲主,遂總十二部落,世 爲大人。其後日普回,因狩得玉璽三紐,有文日皇帝璽,普回心異之,以爲天授。 太祖文皇帝姓宇文氏,諱泰,字黑獺,代武川人也。 其先出自炎帝神農氏,爲黃帝所 。 其俗謂天

日字,謂君日文,因號字文國,幷以爲氏焉。

寶敗,陵率甲騎五百歸魏,拜都牧主,賜爵安定侯。天興初,徙豪傑於代都,陵隨例遷武川 爲慕容晃所滅。其子陵仕燕,拜駙馬都尉,封玄菟公。魏道武將攻中山,陵從慕容寶禦之。 普回子莫那,至自陰山南徙,始居遼西,是日獻侯,爲魏舅生之國。九世至侯豆歸,至 陵生系,系生韜,並以武略稱。韜生肱。

帝 紀 第 文 帝 上 焉。

孤徒黨最盛,四肱乃糺合鄉里斬可孤,其衆乃散。後避地中山,遂陷於鮮于修禮。 肱 任俠有氣幹。 正光末,沃野鎭人破六汗拔陵作亂,回遠近多應之。 其僞署王衞可 修禮令

肱還統其部衆。 後爲定州軍所破,歿於陣。武成初,追尊曰德皇帝。

帝,德皇帝喜曰:「雖不至天,貴亦極矣。」 生而有黑氣如蓋,下覆其身。 顙廣額,美鬚髯,髮長委地,垂手過膝,背有黑子,宛轉若龍盤之形,面有紫光,人望而敬畏 少有大度,不事家人生業,輕財好施,以交結賢士大夫。 太祖,德皇帝之少子也。母曰王氏,孕五月,夜夢抱子昇天,纔不至而止。 及長,身長八尺,方 寤而告德皇

知其 旨慷慨,榮感而免之,益加敬待。 祖兄弟雄傑,懼或異己,遂託以他罪,誅太祖第三兄洛生,復欲害太祖。 無成,與諸兄謀欲逃避,計未行,會爾朱榮擒葛榮,定河北,太祖隨例遷晉陽。 少隨德皇帝在鮮于修禮軍。 及葛榮殺修禮,太祖時年十八,云一榮遂任以將帥。 太祖自理家冤,辭 祭以太

乃以別將從岳。及孝莊帝反正,以功封寧都子,邑三百戶,遷鎭遠將軍、步兵校尉 **令率兵入洛。** 孝昌二年,燕州亂,太祖始以統軍從榮征之。「む」先是,北海王顥奔梁,梁人立爲魏主, 魏孝莊帝出居河內以避之。榮遣賀拔岳討顯,仍迎孝莊帝。 太祖與岳有舊,

万俟醜奴作亂關右,孝莊帝遣爾朱天光及岳等討之,太祖遂從岳入關,先鋒破僞行臺

尉遲 文使君,吾等豈從逆亂。」太祖嘗從數騎於野,忽聞簫鼓之音,以問從人,皆云莫之聞也。 直閣將軍,行原州事。 菩薩等。 及平醜奴,定隴右,太祖功居多,遷征西將軍、金紫光祿大夫,增邑三百戶,加 時關隴寇亂,百姓凋殘,太祖撫以恩信,民皆悅服。咸喜曰:「早值字

心 恐其遠遁,乃倍道兼行。 悦遂不行。 |悅 將軍衆東下。 未 有二心,若以此事告之,恐其驚懼。 進失爾朱之期,退恐人情變動,乘此說悅,事無不遂。」岳大喜,卽令太祖入悅軍說之, 普泰二年,爾朱天光東拒齊神武,留弟顯壽鎭長安。 乃相率襲長安,令太祖 岳知天光必敗,欲留悅共圖顯壽,而計無所出。 顯壽果已東走,追至華山,擒之。 輕騎爲前鋒。 然悅雖爲主將,不能制物,若先說其衆,必人有留 太祖策顯壽怯懦,聞諸軍將至,必當東走, 秦州 太祖 刺史侯莫陳悅爲天光所召, 謂岳曰:「今天光尙邇,

事 無巨細,皆

委決焉。

凡欲立大功,匡社 遭追之,至關, 雄辯,公 齊神 齊神武以爲非常人,欲留之。 武 旣破爾朱, 遂專朝政。 不及。 .稷,未有不因地勢,總英雄,而能克成者也。 太祖還謂岳曰:「高歡非人臣也。 太祖 請往 太祖詭 一觀之。 陳忠款, 既至幷州, 乃得反 逆謀所以未發者,憚公兄弟耳。 侯莫陳悅本實庸材,遭逢際 齊神武問岳軍 命,遂星言就 道。 事,太祖 齊神武果 口 然

帝紀

文舉也。」后大悅,復遣太祖詣闕請事,密陳其狀。魏帝深納之。加太祖武衞將軍,還令報 威,服之以德,即可收其士馬,以實吾軍。西輯氐羌,北撫沙塞,還軍長安,匡輔魏室,此桓 懷異望。河西流民紇豆陵伊利等,戶口富實,未奉朝風。今若移軍近隴,扼其要害,示之以 會,遂叨任委,旣無憂國之心,亦不爲高歡所忌。 不下一萬,夏州刺史斛拔彌俄突勝兵之士三千餘人,岳及靈州刺史曹泥,並恃其僻遠,常 但爲之備,圖之不難。今費也頭控弦之騎

於齊神武 於是表太祖爲使持節、武衞將軍、[10] 夏州刺史。太祖至州,伊利望風款附,而曹泥猶通使 皆曰:「宇文左丞卽其人也。」岳曰:「左丞吾之左右手也,如何可廢。」沈吟累日,乃從衆議。 岳遂引軍西次平凉,謀於其衆曰:「夏州鄰接寇賊,須加綏撫,安得良刺史以鎭之。」 衆 压。

不行,乃謂諸將曰:「洛智能本闕,不宜統御,近者迫於羣議,推相攝領,今請避位,更擇賢 阻 .遠,未足爲憂。 <u>侯奠陳悅怙衆密邇,貪而無信,必將爲患,願早圖之。」</u>岳不聽,遂與 於是三軍未有所屬,諸將以都督寇洛年最長,相與推 魏永熙三年春正月,岳欲討曹泥,遣都督趙貴至夏州與太祖計事。太祖曰:「曹泥孤城 二月,至於河曲,后果爲悅所害。 其士衆散還平凉,唯大都督趙貴率部曲 洛以總兵事。 洛素 無雄 收岳屍還 略,威 、悅俱 令

幾也,今不早赴,將恐衆心自離。」都督彌姐元進規欲應悅,密圖太祖。事發,斬之。 應乘勢直據平涼,而反越趄,屯兵水洛,吾知其無能爲也。且難得易失者時也,不俟終日者 不遠。若已有賀拔公之衆,則圖之實難。願且停留,以觀其變。」太祖曰:「悅旣害元帥,自 憤惋,控告無所。公昔居管轄,恩信著聞,今無小無大,咸願推奉。衆之思公,引日成歲,願 皆稱善。乃命赫連達馳至夏州,告太祖曰:「侯莫陳悅不顧盟誓,棄恩背德,賊害忠良,羣情 以法令齊肅,賞罰嚴明,眞足恃也。今若告喪,必來赴難,因而奉之,則大事集矣。」〔三〕諸將 雖欲立忠建義,其可得乎。竊觀宇文夏州,英姿不世,雄謨冠時,遠邇歸心,士卒用命。 固亦衆無所依。必欲糾合同盟,復讐雪恥,須擇賢者,總統諸軍。舉非其人,則大事難集, 材。」於是趙貴言於衆曰:「元帥忠公盡節、暴於朝野、勳業未就,奄罹凶酷。 豈唯國喪良宰, 勿稽留,以慰衆望也。」太祖將赴之,夏州吏民咸泣請曰:「聞悅今在(永)[水]洛,曰三去平涼

景曰:「賀拔公雖死,宇文泰尚存,[1三]卿何爲也。」景失色,對曰:「我猶箭耳,隨人所射,安能 自裁。」景於此卽還。 太祖乃率帳下輕騎,馳赴平凉。時齊神武遣長史侯景招引岳衆,太祖至安定,遇之,謂 太祖至平凉,哭岳甚慟。將士且悲且喜曰:「宇文公至,無所憂矣。」

到平凉,會諸將已推太祖。 於時,魏孝武帝將圖齊神武,聞岳被害,遣武衞將軍元毗宣旨慰勞,追岳軍還洛陽。 侯莫陳悅亦被勅追還,悅旣附齊神武,不肯應召。 太祖謂諸將

曰:「侯莫陳悅枉害忠良,復不應詔命,此國之大賊,豈可容之」乃命諸軍戒嚴,將以討悅。

殞身王事,誠所甘心,恐敗國殄人,所損更大。 乞少停緩,更思後圖,徐事誘導,漸就 邑,不願東下。今逼以上命,悉令赴關,曰以院躡其後,歡邀其前,首尾受敵,其勢危矣。臣 太祖志在討悅,而未測朝旨,且兵衆未集,假此爲詞。因與元毗及諸將刑牲盟誓,同獎王 十四日,輕來赴軍,當發之時,已有別表,旣爲衆情所逼,權掌兵事。 爲國良策。 氣,朝野痛惜。 及元毗還,太祖表於魏帝曰:「臣前以故關西大都督臣岳,竭誠奉國,橫罹非命,三軍喪 但高歡之衆,已至河東,侯莫陳悅獨在水洛。 都督寇洛等,銜寃茹感,志雪讐恥。以臣昔同幕府,苦賜要結。 況此軍士多是關西之人,皆戀鄉 韶召岳軍入京,此乃 臣便以今月 東引。」

此衆,然終無所成。當有一字文家從東北來,後必大盛。」言訖不見。此吏恆與所親言之, 初,賀拔岳營於河曲,有軍吏獨行,忽見一 老翁,鬚眉皓素,謂之曰:「賀拔岳雖復據有

至是方驗。

留。」太祖又表曰:「侯莫陳悅違天逆理,酷害良臣,自以專戮罪重,不恭詔命,阻兵水洛,彊 下,良不可言。今亦徵侯莫陳悅士馬入京。若其不來,殷當親自致罰。 魏帝詔太祖曰:「賀拔岳旣殞,士衆未有所歸,卿可爲大都督,即相統領。 宜體此意,不過淹 知欲 漸就東

不聽反報。 梁秦隴。 臣以大宥旣班,忍抑私憾,頻問悅及都督可朱渾元等歸闕早晚,而悅並維絷使人, 觀其指趣,勢必異圖。臣正爲此,未敢自拔。兼順衆情,乞少停緩。」太祖乃與

悦 書 責 之 日

茂賞隆,遂征關右。此乃行路所知,不籍一二談也。 授戈南指,拯皇靈於已墜;擁旄西邁,濟百姓於淪胥。西顧無憂,繫公是賴。 頃者正光之末,天下沸騰,塵飛河朔,霧塞荆沔。故將軍賀拔公攘袂勃起,志寧禹

安能無愧。加以王室多故,高氏專權,主上虛心,寄隆晉鄭。君復與故將軍同受密旨, 將,便相聽許。是亦遐邇共知,不復煩之翰墨。縱使木石爲心,猶當知感,況在生靈, 君爲隴右行臺。朝議以君功名闕然,未之許也。遂頻煩請謁,至於再三。天子難違上 國賊,共危本朝,孤恩負誓,有靦面目。 豈不上畏於天,下慚於地! 屢結盟約,期於畢力,共匡時難。 而貌恭心狠,妬勝嫉賢,口血未乾,匕首已發。 協黨 君實名微行薄,本無遠量。故將軍降遷高之志,〔三篇彙征之理,乃申啓朝廷,薦

便陳啓天朝,暫來奔赴,衆情所推,遂當戎重。比有敕旨,召吾還闕,亦有別詔,令 吾以弱才,猥當藩牧,蒙朝廷拔擢之恩,荷故將軍國士之遇。 聞問之日,魂 守 驚 雖操行無聞,而年齒已宿。今日進退,唯君是視。君若督率所部,自山隴東

邁,吾亦總勒師徒,北道還闕。共追廉、藺之迹,同慕寇、賈之風。如其首鼠兩端,不時

奉詔,專戮違旨,國有常刑,枕戈坐甲,指日相見。幸圖利害,無貽噬臍。

前以人戀本土,侯莫陳悅窺窬進退,量度且宜住此。今若召悅授以內官,臣列旆東轅,匪朝 呈太祖。太祖表之曰:「臣自奉詔總平涼之師,責重憂深,不遑啓處。訓兵秣馬,唯思竭力。 悦旣懼太祖謀己,詐爲詔書與秦州刺史万俟普撥,令與悅爲黨援。 普撥疑之,封詔以

千人助歸鎭原州。太祖遣都督侯莫陳崇率輕騎一千襲歸,擒之,幷獲次安、伯和等,送於平 太祖表崇行原州事。万俟普撥又遣其將叱干保洛領二千騎來從軍。 初,原州刺史史歸爲岳所親任,河曲之變,反爲悅守。悅遣其黨王伯和、成次安將兵二 伊夕。朝廷若以悅堪爲邊扞,乞處以瓜、涼一藩。不然,則終致猜虞,於事無益。」

仗天威,爲國除害。小違大順,實在茲辰。克定之後,伏待斧鉞。」 得一雪寃酷,萬死無恨。且悅外附彊臣,內違朝旨。臣今上思逐惡之志,下遂節士之心,冀 途,志不俟旦。直以督將已下,咸稱賀拔公視我如子,今讐恥未報,亦何面目以處世間,若 聞誓死酬恩,覆宗報主,人倫所急,赴蹈如歸。自大都督臣岳歿後,臣頻奉詔還闕,秣馬戒 三月,太祖進軍至原州。衆軍悉集,諭以討悅之意,士卒莫不懷憤。太祖乃表曰:「臣

夏四月,引兵上隴,留兄子導爲都督,鎭原州。 太祖軍令嚴肅,秋毫無犯,百姓大悅。

破之。 意。 斬之。 太祖入上邽,收悅府庫,財物山積,皆以賞士卒,毫釐無所取。 接,不過走向靈州。」乃令原州都督導邀其前,都督賀拔潁等追其後。 乃間道遣使,請爲內應。其夜,悅出軍,軍中自驚潰,將卒或相率來降。 召其部將議之。皆曰「此鋒不可當」,勸悅退保上邽以避之。時南秦州刺史李弼亦在悅軍, 據守水洛。 歸,太祖知而罪之,即(割)〔剖〕賜將士,〔云衆大悅。 識 者知其有成。 悦果疑其左右有異志者,左右亦不安,衆遂離貳。 虜獲萬餘人,馬八千疋。 悅與其子弟及麾下數十騎遁走。 太祖曰:「悅本與曹泥應 太祖至水洛,命圍之,城降。太祖即率輕騎數百趣略陽,以臨悅軍。 軍出木峽關,大雨雪,平地二尺。太祖知悅怯而多猜,乃倍道兼行,出其不 聞大軍且至,退保略陽,留一萬餘人 導至牽屯山追及悅, 左右竊一銀鏤甕以 太祖縱兵奮擊,大 悦大懼,乃

州 李弼鎭原州,夏州刺史拔也惡蚝鎭南秦州,渭州刺史可朱渾元還鎭渭州,衞將軍趙貴行秦 渭州及南寨州氐、羌連結,所在蜂起。南岐至于瓜、鄯,跨州據郡者,不可勝數。太祖乃令 時凉州刺史李叔仁爲其民所執,舉州騷擾。 宕昌羌梁(金)[命]定引吐谷渾寇金城。[1+] 徵豳、涇、東秦、岐四州栗以給軍

已有異志,故魏帝深仗太祖 齊神武聞秦隴克捷,乃遣使於太祖,甘言厚禮,深相倚結。 乃徵二千騎鎭東雍州,助爲聲援,仍令太祖稍引軍而東。 太祖拒而不納。時齊神武

關。 祖乃遺大都督梁禦率步騎五千鎭河、渭合口,爲圖河東之計。 於齊神武,神武使其都督韓軌將兵一萬據蒲坂,而雍州刺史賈顯送船與軌,「八」請軌兵入 太祖因梁禦之東,乃逼召顯赴軍。 太祖之討悅也,悅遣使請援

禦遂入雍州

郡守張獻爲南岐州刺史。盧待伯拒代,遣輕騎襲擒之,待伯自殺。 督、略陽縣公,承制封拜,使持節如故。 魏帝遣著作即姚幼瑜持節勞軍,進太祖侍中、驃騎大將軍、開府儀同三司、關西大都 於是以寇洛爲涇州刺史,李弼爲秦州刺史,前略陽

洛。 進授太祖兼尚書僕射、關西大行臺,餘官封如故。 時魏帝方圖齊神武,又遣徵兵。太祖乃令前秦州刺史駱超爲大都督,率輕騎一千赴 太祖乃傳檄方鎭曰:

仁育萬物。 蓋聞陰陽遞用,盛衰相襲,苟當百六,無間三五。 運距孝昌,屯沴屢起,隴、冀騷動,燕、河狼顧。 皇家創歷,陶鑄蒼生,保安四海, 雖靈命重啓,蕩定有期,而

乘釁之徒,因生羽翼。

以凶黨外叛,歡苦相敦勉,令取京師。又勸吐萬兒復爲弑虐,曰之暫立建明,以令天下, 遂階榮寵。

不能竭誠盡節,專挾姦回,乃勸爾朱榮行茲篡逆。

及榮以專政伏誅,世隆 賊臣<u>高</u>歡,器識庸下,出自興皂,罕聞禮義,直以一介鷹犬,効力戎行, 觀冒恩私,

假推普泰,欲竊威權。並歸廢斥,俱見酷害。於是稱兵河北,假討爾朱,亟通表奏,云

膂,並使入居樞近,伺國間隟,知歡逆謀將發,相繼逃歸,歡益加撫待,亦無陳白。 從,恐先洩漏,乃密白朝廷,使殺高乾,方哭對其弟,稱天子橫戮。孫騰、任祥,歡之心 斯在:歡收而戮之,曾无聞奏。司空高乾,是其黨與,每相影響,謀危社稷。但以姦志未 挂網羅。 郡,端揆禁闥,莫非親黨。皆行貪虐,窫窳生人。而舊將名臣,正人直士,橫生瘡痏,動 與魏,必將有主,翊戴聖明,誠非歡力。而歡阻兵安忍,自以爲功。廣布腹心,跨州連 取讒賊。旣行廢黜,遂將篡弑。以人望未改,恐鼎鑊交及,乃求宗室,權允人心。天方 故武衞將軍伊琳,清貞剛毅,禁旅攸屬;直閣將軍鮮于康仁,忠亮驍傑,爪牙

讒人;或言欲來入關,與幕府決戰。今聖明御運,天下淸夷,百寮師師,四隩來暨。 關,[三] 韓軌之徒擁衆蒲坂。於是上書天子,數論得失,訾毀乘輿,威侮朝廷。藉此 庸,冀茲大寶。谿壑可盈,禍心不測。或言徑赴荆楚,開疆於外;或言分詣伊洛,取彼 代,令竇泰佐之。又遣侯景等云向白馬,輔世珍等徑趣石濟,高隆之、疋婁昭等屯據壺 陳悅陰圖陷害。幕府以受律專征,便卽討戮。歡知逆狀已露,稍懷旅距,遂遣蔡僑拒 故關西大都督、清水公賀拔岳,勳德隆重,興亡攸寄,歡好亂樂禍,深相忌毒,乃與侯莫 忠良,誰爲君側。而歡威福自己,生是亂階,緝構南箕,指鹿爲馬,包藏凶逆,伺我神 然歡入洛之始,本有姦謀。令親人蔡備作牧河、濟,至日以厚相思贈,以爲東道主人。

帝

卷一

器。是而可忍,孰不可容!

若固其巢穴,未敢發動,亦命羣帥,百道俱前,轘裂賊臣,以謝天下。 易同俯拾。 或趣其要害,或襲其窟宅,電繞蛇擊,霧合星羅。而歡違負天地,毒被人鬼,乘此掃蕩, 糜軀匪恡。 幕府折衝宇宙,親當受脹,銳師百萬,彀騎千羣,裹糧坐甲,唯敵是俟,義之所在, 歡若渡河, 稍逼宗廟, 則分命諸將, 直取抖州, 幕府躬自東轅, 電赴伊洛; 況頻有詔書,班告天下,稱歡逆亂,徵兵致伐。今便分命將帥,應機進討。

賞之科,已有別格。凡百君子,可不勉歟。 其州鎭郡縣,率土人黎,或州鄉冠冕,或勳庸世濟,並宜捨逆歸順,立效軍門。

寇洛即襲汾晉。 吾便速駕,直赴京邑。 使其進有內顧之憂,退有被躡之勢。 一舉大定,此 步萬餘,自涇州東引;王羆率甲士一萬,先據華州。歡若西來,王羆足得抗拒;如其入洛, 太祖謂諸將曰:「高歡雖智不足而詐有餘,今聲言欲西,其意在入洛。吾欲令寇洛率馬

爲上策。」衆咸稱善。

百里,曉兵者所忌,正須乘便擊之。而主上以萬乘之重,不能決戰, 回己方緣津據守。且長 河橋,令左衞元斌之、領軍斛斯椿鎭武牢,遣使告太祖。太祖謂左右曰:「高歡數日行八九 秋七月,太祖帥衆發自高平,前軍至於弘農。而齊神武稍逼京邑,魏帝親總六軍,屯於

州 河萬里,扞禦爲難,若一處得度,大事去矣。」即以大都督趙貴爲別道行臺,自蒲坂濟,趣幷 遺大都督李賢將精騎一千赴洛陽。曰司會斌之與斛斯椿爭權不協,斌之遂棄椿還,紿帝

云「高歡兵至。」

帝在洛陽,許以馮翊長公主配太祖,未及結納,而帝西遷。 四,別置二尙書,隨機處分,解尙書僕射,餘如故。 萊,立朝廷,軍國之政,咸取太祖決焉。 朕以不德,負乘致寇。今日相見,深用厚顏。責在朕躬,無勞謝也。」乃奉帝都長安。 曰:「臣不能式遏寇虐,遂使乘輿遷幸。 七月丁未,帝遂從洛陽率輕騎入關,太祖備儀衞奉迎,謁見東陽驛。 八月,齊神武襲陷潼關,侵華陰。太祖率諸軍屯霸上以待之。 請拘司敗,以正刑書。」帝曰:「公之忠節,曝於朝野 仍加授大將軍、雍州刺史,兼尚書令,進封略陽郡 太祖固讓,詔敦諭,乃(授)〔受〕。〔三司初,魏 至是,詔太祖尚之,拜駙馬都尉。 齊神武留其將薛瑾守關 太祖免冠泣涕謝

而退。行司太祖乃進軍討瑾,虜其卒七千,還長安,進位丞相

冬十月,齊神武推魏淸河王亶子善見爲主,徙都於鄴,是爲東魏

十一月,遺儀同李虎與李弼、「云」趙貴等討曹泥於靈州,虎引河灌之。 明年,泥降,遷其

豪帥于咸陽。

帝 紀

帝

勘 記

閏十二月,魏孝武帝崩。 文 上 校 太祖與羣公定策,尊立魏南陽王寶炬爲嗣,是爲文皇帝。

周

校勘記

(一) 葛烏菟 北史卷九周本紀上作「葛烏兔」。

(1)莫那 「那」原作「郍」,諸本皆作「郍」, 北史卷九周本紀上作「那」。按「船」「船」都是「那」的別

寫,今逕改作「那」。以後不出校記。

○≒」侯豆歸

破六汗拔陵 張森楷云:「晉書載記作『逸豆歸』。」按見晉書卷一〇九慕容皝載記。 張森楷云:「魏書孝明紀卷九,按當云肅宗紀作『破落汗』,源子雍卷四一、賀拔勝傳卷八

九賀拔勝傳作「破六韓」。汗、韓,落、六皆譯音之異。 以後不再出校記。

○並同。北齊書、北史紀傳皆作『破六韓』。」按周書卷一四賀拔勝傳又作「破六汗」。北史卷四

五 衞可孤 齊書卷一一賀拔允傳又作「衛可肱」。 張森楷云:「北史卷九周本紀上作『衛可瓌』。」按魏書卷八〇賀拔勝傳也作「衛可瓌」、北 譯音之異。

[六] 及葛榮殺修禮太祖時年十八 按卷二稱字文泰死時年五十二,北史卷九周本紀上作「五十」。魏

書卷九肅宗紀孝昌二年五三六年七月,元洪業殺鮮于修禮,葛榮又殺洪業。周書文帝紀云葛榮 殺修禮,不是事實。 如孝昌二年,宇文泰年十八,則由此下推到西魏恭帝三年五五六年止得四十

八歲,與五十、五十二皆不合。

4〕孝昌二年燕州亂太祖始以統軍從榮征之 孝昌二年五二六年宇文泰還在葛榮領導的起義軍中,豈能從爾朱榮。 北史周本紀上載此事不紀年。按「從榮」是從爾朱 考魏書卷一〇孝莊紀

周書所云「燕州亂」,卽指這次起義,則「孝昌二年」實是「永安二年」之誤。

永安二年五二九年二月稱:「燕州民王慶祖聚衆於上黨,自稱爲王,柱國大將軍爾朱榮討擒之。」

太祖 「占對」。按「占對」爲當時習用語,也屢見本書,疑是。 口對雄辯

ナし 俄 紀以北史補,但北史大致也出於北齊書。「解」和「斛」的不同旣出於周、齊二書的互異,所以北史就也紀 六五一四八七〇頁。校記中所注通鑑頁數,皆據中華書局排印本改。檢北齊書卷一六段樂附子韶傳作「斛 紀和册府卷六都作「解拔」。殿本周書紀傳作「斛拔」,當是據北史卷六齊本紀上百衲本或通鑑卷 斛拔彌俄突 律彌娥突」,當是後人疑「斛拔」姓罕見,妄改「拔」作「律」,原當作「斛拔」。、北史卷六齊本紀上作 「射拔彌俄突」,殿本作「賀拔」,也是後人所改。北齊書卷一神武紀、卅府卷一八六二二五四頁同,唯「彌 九周本紀 解拔」。張元濟以爲「斛」字誤,張森楷以爲「斛」字是。按本書卷一四賀拔岳傳宋本、北史卷] 謏倒作「俄彌」。知北齊書同沿自北齊書的北史齊本紀和册府卷一八六都作「斛拔」 北齊書神武 上、卷四九賀拔岳傳、册府卷六六六頁也都作「解拔」。知周書紀傳同沿自周書的北史周 宋本、明修南監本下簡稱南本、汲古閣本下簡稱汲本、金陵書局本下簡稱局本「斛拔」都作

五

帝

紀

校

勘

記

周事時作「解」,紀齊事時作「解」,很難斷其是非。但就周書的版本校勘來說,作「解」是。

[10] 於是表太祖為使持節武衞將軍 御覽卷一〇五 五〇四頁。校記中所注御覽頁數,皆據中華書局影印本。 作

「持節、衞將軍」。按上面已云魏帝「加太祖武衞將軍」,何須再行表請。魏書卷一一三官氏志

衞將軍在第二品,武衞將軍在從第三品,疑從覽是。

(11) 則大事集矣 宋本「則」作「卽」。

[三](永)(水)洛 諸本同誤。卷十七若干惠傳,宋本作「水洛」。 張元濟云:「按水洛城在陝西秦鳳

路,見宋史。」脹說是,今據改。以後逕改。

(三) 宇文泰尚存 改作「泰」。以下這樣的異同,不出校記。 宋本、南本「泰」作「諱」,此是令狐德蒸等承用周修舊史的避諱,忘掉改換,後人始

[1四] 悉令赴關 亦云「比有勅旨,召吾赴闕」。作「闕」較長。 册府卷六六七頁「關」作「闕」。按上文稱「追岳軍赴洛陽」,下文字文泰與侯莫陳悅書

「降」未知孰是,「遷喬」用誤經語甚合。但諸本皆同作「高」,故不改。 册府卷六六八頁作「行遷喬之志」。 按文意是說賀拔岳提拔侯莫陳悅。「行」與

(一六)即(割)(剖)別將出 通鑑卷一五六四八四二頁也都作「剖」,義亦較長,全據改。 宋本、南本、汲本、局本「割」都作「剖」。按北史周本紀上、册府卷六六九頁、

[1七] 宕昌羌梁(金)(命)定 傳仍作「企」。 以北史或作「仙」證之,知當作「仚」。字書又別出「仚」字,字彙以爲即「仙」字,恐實自「仚」字演 六〇侯莫陳崇附弟順傳、卷六一獨孤信傳並作「仚」,而周書卷一六獨孤信傳、卷一九侯莫陳順 按「命」字見說文,云「人在山上也」。廣韻卷二云:「命,輕舉貌。」干祿字書有命企 卷四九宕昌羌傳「企」作「仚」,北史卷五西魏文帝紀大統四年作「仙」,卷

雍州刺史賈顯 混。 賈顯 軍』。」按卷一五六四八四四頁無「乃逼顯度赴軍」語。張森楷以爲「溫公所見本尚有『度』字,此誤脫文」。按 卽 賈顯度,當時二名有單舉一字之例,但也應該稱「賈度」,今單舉「顯」字,即與其弟顯智相 <u>殿本考證云:「通鑑作『賈顯度』,下文『乃逼召顯赴軍』,通鑑作『乃逼顯度赴</u>

變。

今據改作「仚」。

(1元) 又勸吐萬兒復爲弑虐 四八爾朱榮傳云:「又北人語訛,語『爾朱』爲『人主。』」「爾」訛「人」可證「兒」「仁」北人讀音也相 似。「萬仁」省「吐」字。 曾孫 ;孝通傳見「吐萬仁」,梁書卷三二陳慶之傳見「驃騎將軍吐沒見」,都是指爾朱兆。 魏書卷七五爾朱兆傳云:「字萬仁」,「吐萬兒」即兆。北史卷三六薛辯附 按北史卷

令親· 帝 紀 人蔡僧 第 校 宋本、南本、汲本、局本「儯」都作「攜」,北史卷九周本紀上作「僬」,册府卷六七〇頁 勘 記 七

一八

<u>北齊書紀傳合,是也。」按二</u>張說是,諸本作「攜」並誤。下「<u>蔡</u>偽拒代」同。 張元濟云:「北齊書作『儁』,字書『儋』『儁』『雋』並同。」張森楷云:「新本『擕』作『儁』,與

高隆之疋婁昭等屯據壺關 局本、删府卷六七O頁和上引北史都作「壺」。按壺關是地名,作「壼」誤,今逕改。 薇元北朝胡姓考 九一頁。 五、北史卷五四都有傳。 周書用本姓,北齊書、北史用改姓,均可。「壺」原作「壼」,宋本、汲本、 魏書卷一一三官氏志:「匹婁氏後改爲婁氏。」「匹婁」亦作「疋婁」,見姚 北史周本紀上作「高隆之及婁昭等屯據壺關」。按婁昭北齊書卷一

(三) 不能決戰 語同。按「不能度河決戰」與下「方緣津據守」語意相連,當是脫去「度河」二字,杜佑、司馬光所 見本尚未脱 北史周本紀上、通鑑卷一五六四八五〇頁都作「不能度河決戰」,通典卷一五六引此

三] 精騎一千 汲本、局本「騎」作「兵」。

[118] 詔敦諭乃(授)[受] 宋本、南本、汲本、局本「授」都作「受」。 張元濟、張森楷都以爲作「授」誤,今·

(三) 薛瑾 魏孝武帝紀作「華按是薛之歌長瑜」,本書卷二〇賀蘭祥傳又作「薛長孺」,北史卷六一賀蘭祥傳 北史卷六齊本紀上、北齊書卷一神武紀、册府卷一八六二二五四頁「瑾」作「瑜」,北史卷五

「孺」作「儒」。 通鑑卷一五六四八五四頁作「薛瑜」,考異云:「北史 按當云過費作『薛瑾』,典略作『薛

將軍、洛州刺史,擊賊潼關,沒於陳」,自即此人。當時習慣,雙名常單稱,又在名的上下加一字 長瑜』,北齊帝紀作『薛瑜』。今從北齊書。」按魏書卷四二薛辯傳附見云:「長瑜,天平中爲征京 爲字,其例也極多。其人可能名「瑜」字「長瑜」,也可能名「長瑜」,單稱作「瑜」。疑「瑾」字誤。

但諸本皆同,今不改。

「虎」,不再出校記。

(三六) 儀同李虎 史不應直書『李虎』,蓋後人刊刻時妄改」。按原本自應作「諱」,但改得並不妄。以後改「諱」作 宋本、南本「虎」並作「諱」。殿本考證云:「『虎』,北史作『諱』。」以爲「令狐德萊等作

周書卷一

帝紀第二

文帝下

魏大統元年春正月己酉,進太祖督中外諸軍事、[1]錄尚書事、大行臺,改封安定郡王。

東魏遣其將司馬子如寇潼關,太祖

軍霸上,子如乃回軍自瀟津寇華州,刺史王羆擊走之。

太祖固讓王及錄尚書事,魏帝許之,乃改封安定郡公。

三月,太祖以戎役屢興,民吏勞弊,乃命所司斟酌今古,參考變通,可以益國利民便時

適治者,爲二十四條新制,奏魏帝行之。

二年春三月,東魏襲陷夏州,留其將張瓊、許和守之。

夏五月,秦州刺史、建中王万俟普撥率所部叛入東魏。曰太祖勒輕騎追之,至河北千

郊。 刺史杜密。至太祖還軍長安。 刺史泉企,回 陣,未及成列,太祖縱兵擊破之,盡俘其衆萬餘人。 安,聲言欲保隴右。 雖造橋,不能徑渡。 圍洛州。 而遠襲,事若蹉跌,悔無及也。」太祖曰:「歡前再襲潼關,吾軍不過霸上。 卒,屢勝 使竇泰得西入耳。久與相持,其計得行,非良策也。 賊顧謂吾但自守耳,無遠鬭意。 三年春正月,東魏寇龍門,屯軍蒲坂,造三道浮橋度河。 而驕。今出其不意,襲之必克。 太祖出軍廣陽,召諸將曰:「賊今掎吾三面,又造橋於河,示欲必渡,是欲綴吾軍 聞泰之歿,焚輜重棄城走。 辛亥,謁帝而潛出軍。 此五日中,三吾取竇泰必矣。 又狃於得志,有輕我之心。乘此擊之,何往不克。 克塚則歡不戰而自走矣。」諸將咸曰:「賊在近,捨 齊神武亦撤橋而退。 癸丑旦,至小關。 斬泰,傳首長安。 公等勿疑。」庚戌,太祖率騎六千還長 且歡起兵以來,泰每爲先驅,其下多銳 又遣其將竇泰趣潼關,高敖曹 竇泰卒聞軍至,惶懼,依山爲 企子元禮尋復洛州,斬東魏 高敖曹適陷洛州,執 今者大來,兵未出 賊

六月,遺儀同于謹取楊氏壁。 太祖請罷行臺,帝復申前命,太祖受錄尚書事,餘固讓,

乃止。

秋七月,徵兵會咸陽。

河,令賀拔勝追擒之,並送長安。於是宜陽、邵郡皆來歸附。先是河南豪傑多聚兵應東魏 守。於時連雨,太祖乃命諸軍冒雨攻之。庚寅,城潰,斬徽伯,虜其戰士八千。高干走度 惟爾士,[刊]整爾甲兵,戒爾戎事,無貪財以輕敵,無暴民以作威。 用命則有賞,不用命則有 陳崇、李遠、達奚武等十二將東伐。至潼關,太祖乃誓於師曰:「與爾有衆,奉天威,誅 至是各率所部來降。 獲其戍卒一千,送叔禮於長安。戊子,至弘農。東魏將高干、云 陝州刺史李徽伯拒 爾衆士其勉之。」遣于謹居軍前,狥地至樂豆。東魏將高叔禮守栅不下,謹急攻之,乃 八月丁丑,太祖率李弼、獨孤信、梁禦、趙貴、于謹、〔云〕若干惠、怡峯、劉亮、王悳、侯莫

渭南,徵諸州兵皆〔未〕會。〔£〕乃召諸將謂之曰:「高歡越山度河,遠來至此,天亡之時也。 情轉騷擾。 吾欲擊之何如。」

諸將咸以衆寡不敵,請待歡更西,以觀其勢。

太祖曰:「歡若得至咸陽,人 入關。齊神武遂度河,逼華州。刺史王羆嚴守。知不可攻,乃涉洛,軍於許原西。太祖據 是歲,關中饑。 齊神武懼,率衆十萬出壺口,趨蒲坂,將自后土濟。又遣其將高敖曹以三萬人出河南。 今及其新至,便可擊之。」即造浮橋於渭,令軍人齎三日糧,輕騎度潤,輜重自潤 太祖旣平弘農,因館穀五十餘日。時戰士不滿萬人,聞齊神武將度,乃引軍

文

帝下

南

||夾潤而

西。

渭曲 騎告齊神武軍且至。 皆偃戈於葭蘆中,聞鼓聲而起。 ,可先據以待之。」遂進軍至渭曲,背水東西爲陣。 多十月壬辰,至沙苑,距齊神武軍六十餘里。 兵將交,太祖鳴鼓,士皆奮起。 太祖 召諸將謀之。 申時,齊神武至,望太祖軍少,競馳而進,不爲行列,總萃於 于謹等六軍與之合戰,李弼等率鐵騎橫擊之,絕其軍 李弼曰:「彼衆我寡,不可平地置陣。 齊神武聞太祖至,引軍來會。 李弼爲右拒,趙貴爲左拒。 此東十里有 癸巳旦,候 命將 士

邑幷 所徵 前後虜其卒七萬。 前五千戶。 諸州兵始至。 李弼等十二將亦進爵增邑。幷其下將士,賞各有差。 乃於戰所,准當時兵士,人種樹一株,以旌武功。 留其甲士二萬,餘悉縱歸。 收其輜重兵甲,獻俘長安。 進太祖柱國 還軍渭南 大將軍,增 ,於是

爲二隊,大破之,〔10〕斬六千餘級,臨陣降者二萬餘人。

齊神武夜遁,追至河上,復大克獲。

東魏 追 荆 東魏潁川長史賀若統與密縣人張儉執刺史田迅舉城降。自己榮陽鄭榮業、鄭偉等攻梁州,擒 獲之。 州 將高 遣 左僕射、 賀拔勝、 太祖進軍蒲坂、略定汾、絳。 敖曹圍 馮翊王元季海爲行臺,與開府獨孤信率步騎 李弼渡河圍蒲坂。 弘農,聞其軍 ·敗,退守洛陽。 牙門將高子信開門納勝軍, 於是許和殺張瓊以夏州降。 獨孤 信至 新安, 二萬向洛陽; 敖曹復走度河,信遂 東魏將薛崇禮棄城走,勝等 初,太祖自弘農 洛州刺史李顯趨 入關後, 入洛陽。

其刺史鹿永吉; 清河人崔彥穆、檀琛攻滎陽,擒其郡守蘇定:[三]皆來附。 自梁、陳己西,將

吏降者相屬。

遣都督章孝寬取豫州。 大破之。 於是東魏將堯雄、趙育、是云寶出潁川,欲復降地。太祖遺儀同宇文貴、梁遷等逆擊, 趙育來降。 東魏復遣將任祥率河南兵與雄合,儀同怡峯與貴、遷等復擊破之。又 是云寶殺其東揚州刺史那(椿)[椿],以州來附。[]言

四年春三月,太祖率諸將入朝。禮畢,還華州。

孤信於洛陽。 七月,東魏遣其將侯景、厙狄干、高敖曹、(元)〔韓〕軌、〔日〕可朱渾元、莫多婁貸文等圍獨 齊神武繼其後。先是,魏帝將幸洛陽拜園陵,會信被圍,詔太祖率軍救信,魏

帝亦東。

西兗州刺史宋顯等,虜其甲士一萬五千,赴河死者以萬數。 之,因此軍 衆送弘農。 之,至於河上。 八月庚寅,太祖至穀城,莫多婁貸文、可朱渾元來逆,臨陣斬貸文,元單騎遁免,悉虜其 中擾亂。 逐進軍壓東。是夕,魏帝幸太祖營,於是景等夜解圍去。 景等北據河橋,南屬邙山為陣,與諸軍 都督李穆 下馬授太祖,軍以復振。 合戰。 於是大捷,斬高敖曹及其儀同李猛 太祖馬中流矢,驚逸,遂失所 及旦,太祖率輕騎追

爲後軍,遇信等退,即與俱還。 右,趙貴、怡峯居左,戰並不利,又未知魏帝及太祖所在,皆棄其卒先歸。 是日置陣旣大,首尾懸遠,從旦至未,戰數十合,氛霧四塞,莫能相知。 由是乃班師,洛陽亦失守。大軍至弘農,守將皆已棄城西 開府李虎、念賢等 獨孤信、李遠居

走。所虜降卒在弘農者,因相與閉門拒守。進攻拔之,誅其魁首數百人。

陽,斬思慶,擒伏德,南度渭與太祖會攻青雀,破之。太傅梁景睿先以疾留長安,遂與青雀 所俘軍人趙青雀、雍州民于伏德等遂反。青雀據長安子城,伏德保咸陽,與太守慕容思慶 等至長安,計無所出,乃與公卿輔魏太子出次渭北。關中大震恐,百姓相剽劫。於是沙苑 通謀,至是亦伏誅。關中於是乃定。 長安父老見太祖至,悲且喜曰:「不意今日復得見公」」士女咸相賀。華州刺史導率軍襲咸 各收降卒,以拒還師。長安大城民皆相率拒青雀,每日接戰。魏帝留止閿鄉,遣太祖討之。 大軍之東伐也,關中留守兵少,而前後所虜東魏士卒,皆散在民間,乃謀爲亂。及李虎 魏帝還長安,太祖復屯華州。

冬十一月,東魏將侯景攻陷廣州

十二月,是云寶襲洛陽,東魏將王元軌棄城走。都督趙剛襲廣州,拔之。自襄、廣以西

城鎭復內屬。

五年冬,大閱於華陰。

六年春,東魏將侯景出三鴟,將侵荆州, 太祖遣開府李弼、獨孤信各率騎五千出武關,

景乃退還。

夏,茹茹度河至夏州,太祖召諸軍屯沙苑以備之。

七年春三月,稽胡帥、夏州刺史劉平伏據上郡叛,口司遣開府于謹討平之。

冬十一月,太祖奏行十二條制,恐百官不勉於職事,又下令申明之。

八年夏四月,大會諸軍於馬牧。

冬十月,齊神武侵汾、絳,圍玉壁。 太祖出軍蒲坂,將擊之。軍至皂莢,齊神武退。 太

祖度汾追之,遂遁去。

十二月,魏帝狩於華陰,大饗將士。 太祖率諸將朝於行在所。これ

九年春, 東魏北豫州刺史高仲密舉州來附,太祖帥師迎之,令開府李遠爲前軍。 至洛

帝紀第二 文帝下

陽,遣開府于謹攻栢谷塢,拔之。

關隴豪右,以增軍旅。 今大寇未殄,而以諸將失律,便欲自貶,深虧體國之誠。 宜抑此謙光,恤予一人。」於是廣募 合,仗鉞專征,舉無遺算。 朕所以垂拱九載,實資元輔之力,俾九服寧謐,誠賴翊贊之功。 軍禦之,乃退。」太祖以邙山之戰,諸將失律,上表請自貶。]魏帝報曰:「公膺期作宰,義高匡 齊神武軍復合,太祖又不利,夜乃引還。旣入關,屯渭上。齊神武進至陝,開府達奚武等率 而獲免。太祖率右軍若干惠等大破齊神武軍,悉虜其步卒。趙貴等五將軍居左,戰不利。 日。 太祖留輜重於遷曲、士皆銜枚,夜登邙山。 三月,齊神武至河北。太祖還軍遷上以引之。齊神武果度河,據邙山爲陣,不進者數 未明,擊之,齊神武單騎爲賀拔勝所逐,僅

冬十月,大閱於櫟陽,還屯華州。

十年夏五月,太祖入朝。

更損益之,總爲五卷,班於天下。 秋七月,魏帝以太祖前後所上二十四條及十二條新制,方爲中興永式,乃命尚書蘇綽 於是搜簡賢才,以爲牧守令長,皆依新制而遣焉。 數年之

間,百姓便之。

十一年春三月,令曰:

彼人主者,欲與我爲治,安可苟辭。」於是降心而受命。及居官也,則畫不甘食,夜不甘 道沒,而姦詐之萌生。天下不治,正爲此矣。 也,可以尊身而潤屋者,則迂道而求之,損身而利物者,則巧言而辭之。於是至公之 廢,乃以官職爲私恩,爵祿爲榮惠。人君之命官也,親則授之,愛則任之。人臣之受位 不虛加,祿不妄賜。爲人君者,誠能以此道授官,爲人臣者,誠能以此情受位,則天下 也。於是人主賜之以俸祿,尊之以軒冕,而不以爲惠也。賢臣受之,亦不以爲德也。位 寢,思所以上匡人主,下安百姓;

不遑恤其私而憂其家,故妻子或有饑寒之弊而不顧 則慘然曰:「凡受人之事,任人之勞,何捨己而從人。」又自勉曰:「天生儁士,所以利時。 之大,可不言而治矣。昔薨、舜之爲君,稷、奧之爲臣,用此道也。及後世衰微,此道遂 一人所能獨治,是以博訪賢才,助己爲治。若其知賢也,則以禮命之。其人聞命之日 古之帝王所以外建諸侯內立百官者,非欲富貴其身而尊榮之,蓋以天下至廣,非

今聖主中興,思去澆偽。諸在朝之士,當念職事之艱難,負闕之招累,夙夜兢兢,

帝

卷二

如臨深履薄。 才堪者,則審己而當之;不堪者,則收短而避之。 使天官不妄加,王爵

不虛受,則淳素之風,庶幾可反。

冬十月,大閱於白水,遂西符岐陽。

十二年春,涼州刺史宇文仲和據州反。瓜州民張保害刺史成慶,以州應仲和。 太祖遣

開府獨孤信討之。 東魏遣其將侯景侵襄州,太祖遣開府若干惠率輕騎擊之。 至穰,景 遁

去。

夏五月,獨孤信平凉州,擒仲和,遷其民六千餘家於長安。 瓜州都督令狐延起義誅張

保,瓜州平。

七月,太祖大會諸軍於咸陽。

九月,齊神武圍玉壁,大都督韋孝寬力戰拒守,齊神武攻圍六旬不能下,其士卒死者什

會齊神武有疾,燒營而退。

其河南大行臺侯景有隙,景不自安,遣使請舉河南六州來附。 十三年春正月,茹茹寇高平,至于方城。 是月,齊神武薨。 齊文襄遣其將韓軌、厙狄干 其子澄嗣,是爲文襄帝。 與

等圍景於潁川。[19]

三月,太祖遣開府李弼率軍援之,軌等遁去。 景請留收輯河南,遂徙鎮豫州。 於是遣

開府王思政據潁川,弼引軍還。

秋七月,侯景密圖附梁。 太祖知其謀,悉追還前後所配景將士。 景懼,遂叛。

冬,太祖奉魏帝西狩於岐陽。

十四年春,魏帝詔封太祖長子毓爲寧都郡公,食邑三千戶。 初,太祖以平元顥、納孝莊

帝之功,封寧都縣子,至是改縣爲郡,而以封毓,用彰勤王之始也。

安陽,至原州,歷北長城,大狩。 夏五月,進授太祖太師。 太祖奉魏太子巡撫西境,自新平出安定,登隴,刻石紀事。 將東趣五原,至滯川,聞魏帝不豫,遂還。 既至,帝疾已愈, 下

於是還華州。

是歲,東魏遣其將高岳、慕容紹宗、劉豐生等,率衆十餘萬圍王思政於潁川。

十五年春,太祖遣大將軍趙貴帥軍至穰,兼督東南諸州兵以援思政。 高岳起堰,引洧

水以灌城,自潁川以北皆爲陂澤,救兵不得至

帝紀第二 文帝下

夏六月,潁川陷。 初,侯景自豫州附梁,後遂度江,圍建業。 梁司州刺史柳仲禮以本朝

有難,帥兵援之。梁竟陵郡守孫暠舉郡來附,太祖使大都督符貴往鎭之。及景克建業,仲

禮還同州,率衆來寇,暠以郡叛。太祖大怒。

多十一月,遣開府楊忠率兵與行臺僕射長孫儉討之,攻克隨郡。 忠進圍仲禮長史馬岫

於安陸。

是歲,盜殺齊文裹於鄴,其弟洋討賊,擒之,仍嗣其事,是爲文宣帝。

十六年春正月,柳仲禮率衆來援安陸,楊忠逆擊於漴頭,口〇大破之,擒仲禮,悉虜其

求。馬岫以城降。

父荆州刺 三月,魏帝封太祖第二子震爲武邑公,邑二千戶。 史、湘東王繹不睦,乃稱蕃來附,遣其世子燉爲質。 先是,梁雍州刺史、岳陽王詧與其叔 及楊忠擒仲禮,繹懼,復遣其

子方平來朝。

夏五月,齊文宣廢其主元善見而自立。

九月丁巳,軍出長安。

秋七月,太祖 率諸軍東伐,拜章武公導爲大將軍,總督留守諸軍事,屯涇北以鎭關中。

時連雨,自秋及冬,諸軍馬驢多死。

逐於弘農北造橋濟河,自蒲

坂還。 於是河南自洛陽,河北自平陽以東,遂入於齊矣。

十七年春三月,魏文帝崩,皇太子嗣位,太祖以冢宰總百揆。 梁邵陵王蕭綸侵安陸,大

將軍楊忠討擒之。

多十月,太祖遣大將軍王雄出子午,伐上津、魏興;大將軍達奚武出散關,伐南鄭。

魏廢帝元年春,王雄平上津、魏興,以其地置東梁州。〔1九〕

夏四月,達奚武圍南鄭,月餘,梁州刺史、宜豐侯蕭循以州降。 武執循還長安。

秋八月,東梁州民叛,率衆圍州城,太祖復遣王雄討之。

侯景之克建業也,還奉梁武帝爲主。居數旬,梁武以憤恚薨。景又立其子綱,尋而廢

綱自立。歲餘,綱弟繹討景,擒之,遣其舍人魏彥來告,仍嗣位於江陵,是爲元帝。

一年春,魏帝詔太祖去丞相大行臺,爲都督中外諸軍事。

一月,東梁州平,遷其豪帥於雍州。

二月,太祖遣 一大將軍、魏安公尉遲迥率衆伐梁武陵王蕭紀於蜀。

帝紀第二 文帝下

夏四月,太祖勒銳騎三萬西踰隴,度金城河,至姑臧 吐谷渾震懼,遺使獻其方物。

五月,蕭紀潼州刺史楊乾運以州降,引迥軍向成都。

秋七月,太祖自姑臧至於長安。

八月,克成都,劍南平。

冬十一月,尚書元烈謀作亂,事發,伏誅。

勳州 肆州 州,青州爲眉州。 州 州 州爲同州,北華爲鄜州,〔三0〕東秦爲隴州,南秦爲成州,北秦爲交州,東荆爲淮州,南荆爲昌 外品為九秩,亦以九為上。又改置州郡及縣:改東雍為華州,北雍為宜州,南雍為蔡州,華 爲甘州, 爲麓州,義州 ,東夏爲延州,南夏爲長州,東梁爲金州,南梁爲隆州,北梁爲靜州,陽都爲汾州,南汾爲 爲塘 ,汾州爲丹州,南豳爲寧州,南岐爲鳳州,南洛爲上州,南廣爲淯州,南襄爲湖州,西涼 三年春正月,始作九命之典,以敘內外官爵。以第一品爲九命,第九品爲一命。 西野 州 爲鴻州,西益爲利州,東巴爲集州,北應爲輔州,恆州爲均州,沙州爲深州,寧 冀州 爲巖州,新州爲溫州,江州爲沔州,西安爲鹽州,安州爲始州,幷州爲隨州, 凡改州四十六,置州一,改郡一百六,改縣二百三十。 爲順州,淮州爲純州,揚州爲潁州,司州爲憲州,南平爲昇州,南郢爲歸 改流

自元烈誅,魏帝有怨言。 魏淮安王育、四)廣平王贊等垂泣諫之,帝不聽。於是太祖與

公卿定議,廢帝,尊立齊王廓,是爲恭帝。

呼!茲咎予其焉避。予實知之,矧爾衆人之心哉。惟予之顏,豈惟今厚,將恐來世以予爲 嗣託於予,訓之誨之,庶厥有成。而予罔能革變厥心,曰言庸暨乎廢,墜我文皇帝之志。嗚 而誰?」太祖乃令太常盧辯作誥諭公卿曰:「三」「嗚呼!我羣后暨衆士,維文皇帝以襁褓之 元輔之任,又納女爲皇后,遂不能訓誨有成,致令廢黜,負文皇帝付屬之意,此咎非安定公 七歲,文皇帝託於安定公曰:『是子才,由于公,不才,亦由于公,宜勉之。』公旣受茲重寄,居 口實。」乙亥,韶封太祖子邕爲輔城公,憲爲安城公,邑各二千戶。 魏恭帝元年夏四月,帝大饗羣臣。魏史柳虬執簡書於朝曰:「廢帝,文皇帝之嗣子。年

茹茹乙旃達官寇廣武。五月,遣柱國趙貴追擊之,斬首數千級,收其輜重而還。

秋七月,太祖西狩至於原州。

梁元帝遣使請據舊圖以定疆界,又連結於齊,言辭悖慢。太祖曰:「古人有言『天之所

棄,誰能興之』,其蕭繹之謂乎。」

冬十月壬戌,遣柱國于謹、中山公護、大將軍楊忠、韋孝寬等步騎五萬討之。

平紀第二 文帝下

三六

申,回避至江陵,列營圍守。 民以歸。沒爲奴婢者十餘萬,其免者二百餘家。 月癸未, 師濟於漢。 辛亥,進攻城,其日克之。 中山公護與楊忠率銳騎先屯其城下, 立蕭詧爲梁主,居江陵,爲魏附庸。 擒梁元帝,殺之,幷虜其百官及 據江津以備其逸。 |梁 士 丙

王僧辯、陳霸先於丹陽立梁元帝第九子方智爲主。

次 、功者爲九十九姓後,所統軍人,亦改從其姓。 魏氏之初,統國三十六,大姓九十九,後多絕滅。 至是,以諸將功高者爲三十六國後,

一年,梁廣州刺史王琳寇邊。冬十一月,三三遣大將軍豆盧寧帥師討之。

未成、衆務猶 漢魏官繁,思革前弊。 徒,趙貴爲太保、大宗伯,獨孤信爲大司馬,于謹爲大司寇,侯莫陳崇爲大司空。初,太祖以 三年春正月丁丑,初行周禮,建六官。以太祖爲太師、大冢宰,柱國李弼爲太傅、大司 歸臺閣。 大統 至是始畢,乃命行之。 中,乃命蘇綽、盧辯依周制改創其事,尋亦置六卿官,然爲撰次

夏四月,太祖北巡狩。

秋七月,度北河。 王琳遣使來附,以琳爲大將軍、長沙郡公。 魏帝封太祖子直為秦郡

公,招爲正平公,邑各一千戶。

九月、太祖有疾、還至雲陽、命中山公護受遺輔嗣子。

孝閔帝受禪,追尊爲文王,廟日太祖。武成元年,追尊爲文皇帝。 多十月乙亥,崩於雲陽宮,還長安發喪。 時年五十二。 甲申,葬於成陵,[lik]諡曰文公。

方略,無不制勝。 咸思用命。 太祖知人善任使,從諫如流,崇尙儒術,明達政事,恩信被物,能駕馭英豪,一見之者, 沙苑所獲囚俘,釋而用之,河橋之役,率以擊戰,皆得其死力。 性好朴素,不尙虛飾,恆以反風俗,復古始爲心。 諸將出征,授以

資;仲類凶殘,實啓當塗之業。 天命有底,庸可滔乎。 [19] 以求得,莫不闚閻九鼎,睥睨兩宮,而誅夷繼及,亡不旋踵。 史臣曰:水曆將終,羣凶放命,或威權震主,或釁逆滔天。咸謂大寶可以力征,神物可 是知巨君篡盜,終成建武之

待人,弘大順以訓物。 鳩集義勇,糺合同盟,一舉而殄仇讐,再駕而匡帝室。於是內詢帷幄,外仗材雄,推至誠以 太祖田無一成,衆無一旅,驅馳戎馬之際,躡足行伍之間。屬與能之時,應啓聖之運, 高氏籍甲兵之衆,恃戎馬之彊,屢入近畿,志圖吞噬。及英謀電發,

紀第二

文帝下

論功,綽有餘裕。 者,孰能與於此乎。昔者,漢獻蒙塵,曹公成夾輔之業;晉安播蕩,宋武建匡合之勳。校德 期允集。功業若此,人臣以終。盛矣哉!非夫雄略冠時,英姿不世,天與神授,緯武經文 周之景命。 廢典,成一代之鴻規。 德刑並用,勳賢兼敍,遠安邇悅,俗阜民和。 億兆之望有歸,揖讓之 神斾風馳,弘農建城濮之勳,沙苑有昆陽之捷。取威定霸,以弱爲彊。 南淸江漢,西舉巴蜀,北控沙漠,東據伊瀝。乃擯落魏晉,憲章古昔,修六官之 紹元宗之衰緒,創隆

之不永,或此之由乎。 至於渚宮制勝,闔城孥戮;一茲歸命,盡種誅夷:雖事出於權道,而用乖於德敎。 周祚

- (一) 進太祖督中外諸軍事 《鑑卷一五七四八六一頁「督」上並有「都」字,張所疑有據,但諸本皆同,今不補 張森楷云:「『督』上當有『都』字。」按册府卷六七〇頁、卷七二八一八頁、通
- []] 建中王 宋本、南本「中」作「忠」,北史卷六齊本紀上、北齊書卷一神武紀同。按隋書卷二九地 魏孝明帝因爲鴻賓兄弟鎭壓關中起義軍和反抗蕭寶夤的叛變有「功」,「改三原縣爲建中郡」,字 理志京兆郡三原縣條云:「後周置建忠郡。」但郡實是北魏末建。 北史卷四九毛遐附弟鴻賓傳說

「建忠縣伯」,卷三一章孝寬傳見「建忠郡公」,並作「忠」。 作「中」。 但太平寰宇記卷三一耀州三原縣條引周地圖記却作「忠」。 立郡所以旌表毛氏兄弟,恐以作「忠」 周書卷一六獨孤信傳見

爲是

[||] 此五日中 || 宋本、北史周本紀上「此」作「比」。

|25| |__/ 泉企 泉企,周書卷四四、北史卷六六都有傳,周書作「企」,北史作「仚」,卷三一高允附高昂傳

作「命」,而北齊書卷二一高戟附弟昂傳作「企」。二字常相混,未知孰是,今悉仍其舊。

五 杜密 卷四四泉企傳、通鑑卷一五七四八七六頁「密」作「窋」。

ペン于謹 「謹」原作「瑾」。 ` |宋本、南本、汲本、局本都作「謹」,按|于瑾即|唐瑾,卷三|二有傳,名軰較

後,豈能在十二將之列。今逕改。

. 七 山 惟爾士 御覽卷三〇七一四一二頁「爾」下有「衆」字,疑當有此字。

高干 汲本「干」作「于」,北史卷九周本紀上作「千」。參卷三三校記第一七條。

≯6 **徽**諸州兵皆(未)會 至」,顯然在戰時尙未至。 八八四頁「皆」下有「未」字。 北史周本紀上「皆」作「未」。通典卷一五六記這次戰事和通鑑卷一五七四 諸本皆脫,今據通典、通鑑補 按下文屢言衆寡不敵,在戰勝後又說「還軍渭南,於是所徵諸州兵始

絕其軍爲二隊大破之 北史周本紀上、册府卷一二五一五〇〇頁、御覽卷三〇九一四三三頁、通典

帝

紀第

卷一五六、通鑑卷一五七四八八五頁「隊」都作「遂」,屬下讀爲「遂大破之」,文義較長。 但諸本都

作「隊」,今不改。

[二]東魏潁川長史賀若統與密縣人張儉執刺史田迅舉城降 不得有長史也。」按作「潁州長史」者有本書卷二八賀若敦傳、魏書卷一二孝靜紀、北齊書卷一九 張森楷云::「『川』當作『州』,潁川是郡,

傳、卷六八賀若敦傳,作「潁州刺史」者有本書卷一九字文貴傳殿本,他本作「潁川」,別見卷一九校記第二

八條。其名則周書紀傳都作「統」,北齊書任延敬傳、堯雄傳、北史卷五三任祥傳都作「徽」,魏書

|孝靜紀作「微」,不成字,也是「徽」之訛。大抵|東魏、北齊知其名爲「徽」,或是統之初名、小名。 其官則作「刺史」顯誤,下云「執刺史田迅」可證,作「長史」是。「潁州」「潁川」是州郡之異,據隋

裡卷二七百官志中北齊的刺史屬官有「長史」。知作「潁州長史」是。但諸本皆同,今不改。又書卷二七百官志中北齊的刺史屬官有「長史」。知作「潁州長史」是。但諸本皆同,今不改。又

「田迅」,通鑑卷一五七四八八八頁作「田迄」。按本書卷二八賀若敦傳、魏書卷一二孝靜紀、北史

卷五三任祥傳都作「田迅」,疑通鑑誤。

按「宿」「淑」音近、「宿」「定」形似、未知孰是。 宋本「定」作「宿」,本書卷三六、北史卷六七崔彥穆傳、通鑑卷一五七四八八九頁又作「蘇

[1]] 東揚州刺史那(椿)[椿]以州來附 宋本、南本「椿」作「椿」,汲本作「椿」,注云「一作『椿』」。 北史

一志無「東揚州」、「陽州」治宜陽。 周本紀上、通鑑卷一五七四八八九頁也作「椿」,「椿」字誤,今據改。 治項城,侯景降梁,改爲殷州,到侯景渡江,壽春又歸東魏,乃復壽春的揚州而加「北」字於治項 年置,治項城。」隋書卷三〇地理志中淮陽郡項城條云:「東魏置揚州、梁改曰殷州, 是育寶爲揚州刺史,據項城」,蓋即以所據之地授官。魏書卷一〇六地形志中:「北揚州,天平二 州,後來「還本州,據城降敵」,所云「本州」和「以州來附」之州,自即揚州 衲本「揚」作「楊」,古書常通用。 不但通鑑作「陽州」誤,即此處作「東揚州」亦行「東」字。北齊書以是云寶是東魏揚州刺史亦誤, 城的揚州。 日北揚州。」據此,知天平二年置此州,本無「北」字,那時治於壽春的北魏揚州,已爲梁有,故寄 隋志前後兩稱東魏,即因此故。 是云寶據以降西魏之州,既是治項城的「揚州」,則 唯通鑑卷一五七四八八九頁又作「陽州」。 北齊書卷二〇薨雄傳稱是云寶「云」,原作「育」,親以揚州刺史攻潁 宋本及北史卷九周本紀上百 按魏書卷一〇六地形 堯雄傳又說「西魏以 東魏又改

[四](元)[韓]軌 傳,雖不載攻圍洛陽事,然此處與侯景等諸將並列,應卽其人,今據改。 宋本、南本、册府卷六七一頁「元」作「韓」。按韓軌,北齊書卷一五、北史卷五四有

刺史是那椿。

[1吾] 劉平伏 卷一五于謹傳作「劉平」,乃雙名單稱。

紀

第二

校

勘記

朝於行在所 「行在所」原倒作「行所在」。諸本及北史卷九周本紀上都作「行在所」,今逕乙正。

- 庫狄干 諸本「厙」都作「庫」。按「庫」亦音舍,後人因爲有兩種讀法,始以去點者讀作舍 批朝胡
- 姓考一八二頁有說。爲書原文恐當作「庫」,但異讀已久,令不改。
- 楊忠逆擊於漴頭 卷一九楊忠傳「濃」作「淙」,通鑑卷一六三五〇三五頁作「漂」,考異云:「太清紀
- 作『潼頭』,在去年十二月,今從典略。」參見卷一九楊忠傳校記第四七條。
- 王雄平上津魏興以其地置東梁州 按隋書卷二九地理志西城郡條云:「梁置梁州,尋改爲南梁
- 州,西魏改置東梁州。」楊守敬隋書地理志考證以下簡稱楊氏秀證卷二以爲「南梁」乃「東梁」之誤。
- 魏改名, 考問書卷四四李遷哲傳,說他曾爲梁之東梁州刺史。可知梁代置州就名東梁,治魏興,並非西 更非創置此州。又卷四四泉企附子仲遵傳,說他隨王雄佔領上津、魏興後,「遂於上津
- 置 南洛州,以仲遵爲刺史」,則上津別自爲州,不屬東梁,與本紀不合。隋書卷三十地理志上洛
- 郡上津縣條云:「舊置北上洛郡,梁改爲南洛州,西魏又改爲上州。」卷四四扶猛傳說他曾爲梁南
- 洛、北司二州刺史,可知南洛州治上津,亦始於梁。西魏佔領其地,並未併合改置,故下面廢帝
- 州、東梁州 三年正月改置州郡中即有「東梁爲金州」「南洛爲上州」的明文。本紀此條當云「以其地置南洛 」,今本脫去「南洛州」三字。至於因梁之舊而云「置」者,當因魏本無此二州,在西魏
- 爲 創置· 也。

北華爲鄜州

『敷』。」 誌云:「周二年除敷州 作『敷』。 楊氏考證卷一云:「據地形志『敷城郡』『敷城縣』,則周書與元和志所云,皆當從志隋書地 此因隋大業改『敷』作『鄜』,遂蒙西魏之稱云。」按八瓊室金石補正卷二五鞏賓墓 數即數 中部郡守」,當時石刻都作「敷」,楊說是。 但周書皆作「鄜」,或原本

如此,今不改,以後不再出校記。

裏可能原作「臨淮」,但未必是。參卷一六校記第三○條。 淮」,然卷一六六五一四○頁却又作「淮安」。卷三八元偉傳末,北史卷六○傳末都作「淮安」。 魏淮安王育 御覽卷一〇五五〇四頁引周書作「臨淮王」。按通鑑卷一六五五一〇頁亦作「臨 這

疑都據北史改 作誥諭 公卿 諸本及宋本册府卷五五四「誥」都作「告」。 北史卷九周本紀上、明本册府作「誥」。

至三 而予罔能革變厥心 作「弗」。 按「弗」可作去解,作「弗」未必誤。 北史卷九周本紀上、册府卷五五四六六五五頁、御覽卷一〇五五〇四頁「革」

二門 丙申 宋本、南本、汲本「丙」都作「景」,乃是避唐諱。原本當作「景」,後人追改。以後此字不再

冬十一 月 北史周本紀上「十一月」作「十月」。 通鑑卷一六六五二三七頁同周書。

出校記

帝紀

第

校

勘記

三台 時年五十二甲申葬於成陵 北史周本紀上作「時年五十。十二月甲申,葬於成陵」。按年齡不

「年五十二」,甲申也繫於十月了。 通鑑卷一六六 五一五五頁與北史同,考異無說,知司馬光所見 去一個「十」字也可能脫去「月」字,不可通,後人又刪「月」字如脫去的是「月」字,則又删「十」字,遂合而爲 合,已見卷一校勘記第六條。八瓊室金石補正卷二三強獨樂文帝廟造象碑稱宇文泰「春秋五 十,薨於長安」,和北史同。疑爲書本同北史,亦作「時年五十。十二月甲申葬於成陵」。 傳寫脫

相連,疑作「慆」是。 十七年孟懿子、陽貨伐鄆,子家子曰:「天命不慆久矣。」杜注:「慆,疑也。」這裏和上「天命有底」

的周書這一條並無異文。

用書卷 三

帝紀第三

孝閔帝

布告遐邇焉。」使大宗伯趙貴持節奉册書曰:「咨爾周公,帝王之位弗有常,有德者受命,時 崩,丙子,嗣位太師、大冢宰。十二月丁亥,魏帝詔以岐陽之地封帝爲周公。庚子,禪位於 壽不足以稱之耳。」魏恭帝三年三月,命爲安定公世子。四月,拜大將軍。十月乙亥,太祖 乃天道。 九歲,封略陽郡公。〔〕時有善相者史元華見帝,退謂所親曰:「此公子有至貴之相,但恨其 垂變以告,惟爾罔弗知。予雖不明,敢弗龔天命,格有德哉。今踵唐虞舊典,禪位於周,庸 詔曰:「予聞皇天之命不於常,惟歸於德。故堯授舜,舜授禹,時其宜也。 孝閔皇帝諱覺,字陁羅尼,太祖第三子也。母曰元皇后。大統八年,生於同州官舍。 予式時庸,荒求於唐虞之彝踵。日我魏德之終舊矣,我邦小大罔弗知,今其可久 天厭我魏邦,

帝

紀第三

孝関帝

欽祗聖典,遜位於公。公其享茲大命,保有萬國,可不愼歟。」魏帝臨朝,遣民部中大夫、濟 **怫於天道而不歸有德歟。** 北公元迪致皇帝璽紱。固辭。公卿百辟勸進,太(師)[史]陳祥瑞,三乃從之。是日,魏帝 躬,又宣重光。故玄象徵見於上,謳訟奔走於下,天之歷數,用實在焉。予安敢弗若。是以 時用詢謀。愈日公昭考文公,格勳德於天地,丕濟生民。

遜于大司馬府。

毓、高陽公達奚武、武陽公豆盧寧、小司寇陽平公李遠、小司馬博陵公賀蘭祥、小宗伯魏安 冢宰,大司馬、河內公獨孤信爲太保、大宗伯,柱國、中山公護爲大司馬。以大將軍寧都公 之讖,服色宜烏。」制曰可。以大司徒、趙郡公李弼爲太師,大宗伯、南陽公趙貴爲太傅、大 更正朔,明受之於天,革民視聽也。逮於尼父,稽諸陰陽,云行夏之時,後王所不易。今魏 爲文后。大赦天下。封魏帝爲宋公。是日,槐里獻赤雀四。百官奏議云:「帝王之興,罔弗 曆告終,周室受命,以木承水,實當行錄,正用夏時,式遵聖道。惟文王誕玄氣之祥,有黑水 元年春正月辛丑, 卽天王位。柴燎告天, 朝百官於路門。追尊皇考文公爲文王, 皇妣

公尉遲迥等並柱國。 壬寅,祠圓丘。詔曰:「予本自神農,其於二丘,宜作厥主。始祖獻侯,啓土遼海,肇有

丘。 國基,配南北郊。文考德符五運,受天明命,祖于明堂,以配上帝,廟爲太祖。」癸卯,祠方 甲辰,祠太社。初除市門稅。乙巳,祠太廟。丁未,會百官於乾安殿,班賞各有差。

趙國公,太傅趙貴為楚國公,太保獨孤信為衞國公,大司寇于謹為燕國公,大司空侯莫陳崇 不爲有司所申;鰥寡孤窮,不爲有司所恤;暨黎庶衣食豐約,賦役繁省,災厲所興,水旱之 己,才堪佐世之人,而不爲上所知;冤枉受罰,幽辱于下之徒,而不爲上所理;孝義貞節, 聞知哉。 視風俗,以求民瘼,然後克治。 矧予眇眇,又當草昧,若弗尙于達四聰、明四目之訓者,其有 處:並宜具聞。 戊申,詔曰:「上天有命,革魏於周,致予一人,受茲大號。予惟古先聖王,罔弗先于省 乙卯,詔曰:「惟天地草昧,建邦以寧。今可大啓諸國,爲周藩屛。」於是封太師李剛爲 有司宜分命方別之使,所在巡撫。 五教何者不宣,時政有何不便; 得 無 脩 身 潔 若有年八十已上,所在就加禮餼。」辛亥,祠南郊。 辛酉,祠太廟。癸亥,親耕籍田。 壬子,立王后元氏。 丙寅,

於劍南陵井置陵州,武康郡置資州,遂寧郡置遂州 爲梁國公,大司馬、中山公護爲晉國公,邑各萬戶。

二月癸酉,朝日於東郊。 乙亥,改封永昌郡公廣爲天水郡公。 戊寅,祠太社。

丁亥,楚國公趙貴謀反,伏誅。 詔日

朕文考昔與羣公洎列將衆官,同心戮力,共治天下。 自始及終,二十三載,迭相匡

帝

圖危祉稷。 止其身」,其貴、通、興、龍仁罪止一家,僧衍止一房,餘皆不問。惟爾文武,咸知時事。 不能輯睦,致使楚公貴不悅于朕,與万俟幾通、叱奴興、王龍仁、長孫僧衍等陰相假署, 弼,上下無怨。 是以羣公等用升余於大位。 朕雖不德,豈不識此。 是以朕於羣公,同 如痗。但法者天下之法,朕旣爲天下守法,安敢以私情廢之。清曰「善善及後世,惡惡 姓者如弟兄,異姓者如甥舅。冀此一心,平定宇內,各令子孫,享祀百世。而朕不明, 事不克行,爲開府宇文盛等所告。及其推究,咸伏厥辜。興言及此,心焉

太保獨孤信有罪免。

蘭祥爲大司馬, 高陽公達奚武爲大司寇, 大將軍、化政公宇文貴爲柱國。 己亥,秦州、涇州 甲午,以大司空、梁國公侯莫陳崇爲太保,大司馬、晉國公護爲大冢宰,柱國、博陵公賀

各獻木連理。歲星守少微,經六十日。

檢,有窮餒者,並加賑給。」癸亥,省六府士員,三分減一。 「(湖) [淅]州去歲不登,[三]厥民饑饉,朕用慜焉。其當州租輸未畢者,悉宜免之。 兼遣使巡 三月庚子,會文武百官,班賜各有差。 己酉,柱國、衞國公獨孤信賜死。 壬子,詔曰:

午,謁成陵。乙酉,還宮。丁亥,祠太廟。 夏四月己巳,以少師、平原公侯莫陳順爲柱國。四 壬申,詔死罪以下,各降一等。 壬

五月癸卯,歲星犯太微上將,太白犯軒轅。 己酉,槐里獻白鷰。 帝欲觀漁於昆明池

士姜須諫,乃止。

秋七月壬寅,帝聽訟於右寢,多所哀宥。甲辰,月掩心後星。辛亥,祠太廟。 熒惑犯東

井北端第二星。

所舉官司,皆治其罪。」 衆才,以乂厥民。今二十四軍宜舉賢良堪治民者,軍列九人。被舉之人,於後不稱厥任者, 流,日流以下各降一等。不在赦限者,不從此降。」甲午,詔曰:「帝王之治天下,罔弗博求 秋律已應,將行大戮,言念羣生,責在於戾。 八月戊辰,祠太社。 辛未,韶曰:「朕甫臨大位,政敎未学,使我民農,至多陷刑網。 宜從肆告,與其更新。 其犯[死]者宜降從

軍人不霑爵封者,宜各授兩大階。」「引改太守爲郡守。 九月庚申,詔曰:「朕聞君臨天下者,非由一人,時乃上下同心所致。今文武之官及諸

因此誅護。光洛又白之。時小司馬尉遲綱總統宿衞兵,護乃召綱共謀廢立。令綱入殿中, 光洛密白護,護乃出植爲梁州刺史,恆爲潼州刺史。鳳等遂不自安,更奏帝,將召羣公入, 疾護之專,乃與宮伯乙弗鳳、賀拔提等潛謀,請帝誅護。帝然之。又引宮伯張光洛同謀。〔5〕 帝性剛果,見晉公護執政,深忌之。司會李植、軍司馬孫恆以先朝佐命,入侍左右,亦

紀

第三

孝閔帝

周 書 卷三

詐呼鳳等論事。 令宮人持兵自守。 旣至,以次執送護第,並誅之。綱仍罷散禁兵,帝方悟,無左右,獨在內殿, 護又遣大司馬賀蘭祥逼帝遜位。 遂幽於舊邸,月餘日,以弒崩,時年十

六。植、恆等亦遇害。

尊親。 輿, 寃結生民, 毒流寓縣。 蒼靈之慶,下昭后祇之錫。 (過)[迥]於南郊上諡曰孝閔皇帝,[弘]陵日靜陵。 及武帝誅護後,乃詔曰:「愼始敬終,有國彝典;事亡如存,哲王通制。 故略陽公至德純粹,天姿秀傑。 今河海澄淸,氛沴消蕩,追尊之禮,宜崇徽號。」遣太師、蜀國公 而禍生肘腋,釁起蕭牆,白獸噬驂,蒼鷹集殿,幽辱神器,弑酷乘 屬魏祚告終,寶命將改,謳歌允集,歷數攸歸,上協 義崇追遠,禮貴

黄初代德,太始受終,不之尚也。然政由寧氏,主懷芒刺之疑;祭則寡人,臣無復子之請。 史臣曰:孝閔承旣安之業,應樂推之運,柴天竺物,正位君臨,邇無異言,遠無異望。

校勘記

以之速禍,宜哉。

- 九歲封略陽郡公 三九頁也同周書作「九」。 北史卷九周本紀上、御覽卷一〇五五〇五頁「九」作「七」,但御覽卷七三〇三二
- 太(師)[史]陳祥瑞 文泰死後,閔帝受禪,命李弼爲太師前,無人任此官,且陳祥瑞正是太史的職司,今據改。 宋本、南本和北史周本紀上「師」都作「史」。張元濟以爲「師」字誤。 按在字
- (浙)[淅]州 之誤,今據改。本書「淅州」幾乎都同此誤,此後逕改,不出校記。 按當時並無「浙州」。隋書卷三〇地理志淅陽郡條云:「西魏置淅州」,「浙」乃「淅」
- CBJ以少師平原公侯莫陳順爲柱國 末及北史卷六〇傳末載十二大將軍,也稱平原郡開國公侯莫陳順。 張森楷云:「順傳卷一九作『安平郡公』,與此不同。」按卷一六卷
- (五) 使我民農 册府卷八三九七七頁作「使乎民庶」。
- [六] 其犯[死]者宜降從流 按下云「流以下各降一等」,則上「降從流」自爲對犯死罪者而言,諸本皆 脱,今據册府卷八三九七七頁補。
- [4] 宜各授兩大階 册府卷七九九二〇頁「授」作「進」。
- [八] 張光洛 七周宗室傳都作「光」,疑作「先」誤。 北史卷九周本紀上、御覽卷一〇五五〇五頁「光」作「先」。按卷一一字文護傳、北史卷五
- [元]太師蜀國公(過)[迥]宋本「過」作「逈」,册府卷二九,三二〇頁,同,但「蜀」訛「屬」。南本、局本作「迥」。張 帝 紀 第三 校 勘 記

周書卷四

帝紀第四

明帝

即天王位,大赦天下。乙丑,朝羣臣於延壽殿。 月癸亥,至京師,止於舊邸。甲子,羣臣上表勸進,備法駕奉迎。帝固讓,羣臣固請,是日, 州諸軍事、岐州刺史。治有美政,黎民懷之。及孝閔帝廢,晉公護遣使迎帝於岐州。 司、宜州諸軍事、宜州刺史。魏恭帝三年,授大將軍,鎭隴右。孝閔帝踐阼,進位柱國,轉岐 帝於統萬城,因以名焉。大統十四年,封寧都郡公。十六年,行華州事。尋拜開府儀同三 世宗明皇帝諱毓,小名統萬突,太祖長子也。母曰姚夫人,永熙三年,太祖臨夏州,生

圓丘。 丙戌,祠方丘。 甲午,祠太社。 柱國、陽平公李遠賜死。 冬十月癸酉,太師、趙國公李弼薨。己卯,以大將軍、昌平公尉遲綱爲柱國。 是月,梁相陳霸先廢其主蕭 乙酉,祠

帝

紀

五四

方智而自立,是爲陳武帝。

十一月庚子,祠太廟。 丁未,祠圓丘。丁巳,詔曰:「帝王之道,以寬仁爲大。 魏政諸有

輕犯未至重罪、及諸村民一家有犯乃及數家而被遠配者,並宜放還。」

見囚。甲午,詔曰:「善人之後,猶累世獲宥,況魏氏以德讓代終,豈容不加隱卹。」元氏子女 自坐趙貴等事以來,所有沒入爲官口者,悉宜放免。」 十二月庚午,謁成陵。癸酉,還宮。庚辰,以大將軍、輔城公邕爲柱國。戊子,赦長安

丁巳,雍州置十二郡。 二年春正月乙未,以大冢宰、晉公護爲太師。辛亥,親耕籍田。癸丑,立王后獨孤氏。 又於河東置蒲州,日河北置虞州,弘農置陝州,正平置絳州,宜陽置

熊州,邵郡置邵州。

此,良可哀傷。 納于隍。 二月癸未,詔曰:「王者之宰民也,莫不同四海,一遠近,爲父母而子之。 一物失所,若 賊之境土,本同大化,往因時難,致阻東西。 自元年以來,有被掠入賊者,悉可放免。」自冬不雨,至於是月方大雪。 逐使疆埸之間, 互相抄掠。 興言及

衆迎之。改羅州刺史爲羅州牧,京兆郡守爲京兆尹。 三月甲午,齊北豫州刺史司馬消難舉州來附,遣柱國、高陽公達奚武與大將軍楊忠率 以廣業、脩城二郡置康州,葭蘆郡置

戊申,長安獻白雀。庚申,詔曰:「三十六國,九十九姓,自魏氏南徙,皆稱河南之民。

今周室旣都關中,宜改稱原兆人。」

夏四月己已,以太師、晉公護爲雍州牧。庚午,熒惑入軒轅。 辛未,降死罪一等,五歲

刑已下皆原之。甲戌,王后獨孤氏崩。甲申,葬敬后。

五月乙未,以大司空、梁國公侯莫陳崇爲大宗伯。

安爲萬年縣,並治京城。辛未,幸昆明池。壬申,長安獻白鳥。 六月癸亥, 囐噠遺使獻方物。 己巳, 板授高年刺史、守、令, 恤鰥寡孤獨各有差。 遣使分行州郡,理囚徒,察

風俗,掩骼埋胔。

將使三方歸本,九州翕定。惟此大體,三景福在民。予安敢讓宗廟之善,三弗宣大惠。可 舜烝烝,來茲異趾;周文翼翼,翔此靈禽。文考至德下覃,遺仁爰被,遠符千載,降斯三足。 豈直日月珠連,風雨玉燭。是以鈎命決曰『王者至孝則出』,元命苞曰『人君至治所有』。 虞 八月甲子,羣臣上表稱慶。詔曰:「夫天不愛寶,地稱表瑞,莫不威鳳巢閣,圖龍躍沼, 秋七月甲午,遺柱國、寧蜀公尉遲迴率衆於河南築安樂城。 丙申,順陽獻三足烏。

大赦天下,文武官普進二級。」

九月辛卯,以大將軍楊忠、大將軍王雄並爲柱國。回甲辰,封少師元羅爲韓國公,以紹

帝

魏後。 丁未,幸同州。過故宅,賦詩曰:「玉燭調秋氣,金輿歷舊宮。 還如過白水,更似入新

霜潭漬晚菊,寒井落疎桐。舉盃延故老,令聞歌大風。」

冬十月辛酉,還宮。 乙丑,遺柱國尉遲迴鎭隴右。長安獻白兔。

十二月辛酉,突厥遣使獻方物。 癸亥,太廟成。辛巳,以功臣琅邪貞獻公賀拔勝等十

三人配享太祖廟庭。壬午,大赦天下。

武成元年春正月己酉,太師、晉公護上表歸政,帝始親覽萬機。軍旅之事,護猶總焉。

初改都督諸州軍事爲總管。 丙辰,封大將軍、章武孝公導子亮爲永昌公,翼爲西陽公。

三月癸巳,陳六軍,帝親擐甲胄,迎太白於東方。 秦郡公直鎮蒲州。 吐谷渾寇邊,庚

戌,遺大司馬、博陵公賀蘭祥率衆討之。

四月戊午,武當郡獻赤鳥。 甲戌,雲。至秦州獻白馬朱鬣。

是以容成創定於軒轅,羲和欽若於唐世,鴻範九疇,大弘五法。 五月戊子,詔曰:「皇王之迹不一,因革之道已殊,莫不播八政以成物,兆三元而爲紀。 湯曰:『澤中有火,革,君子

獲麟,二百七十六萬歲,晷度推移,餘分盈縮,南正無聞,疇人靡記。 以治歷明時。』故歷之爲義大矣。 但忽微成象,象極則差,分積命時,時積斯舛。 暑往寒來,理乖攸序, 開闢至於

城,吐谷渾遁走 事跡可知者,有司宜即推窮。 糾發官司赦前事。 敬授民時,何其積謬。昔漢世巴郡洛下閎善治歷,云後八百歲,當有聖人定之。自火行至 達奚武爲大宗伯,武陽公豆盧寧爲大司寇,柱國、輔城公邕爲大司空。乙卯,詔曰:「比屢有 以聞。」己亥,聽訟於正武殿。辛亥,以大宗伯、梁國公侯莫陳崇爲大司徒,大司寇、高陽公 **今,**木德應其運矣,朕何讓焉。 有侵盜 如此之徒,有司勿爲推究。 云家財畜錢粟者,魏朝之事,年月旣遠,一不須問。 此雖意在疾惡,但先王制肆眚之道,令天下自新。 可命有司,傍稽六曆,仰觀七曜,博推古今,造我周曆,量定 得實之日,但免其罪,徵備如法。」賀蘭祥攻拔洮陽、洪和二 惟庫廢倉廩與海內所共,漢帝有云『股爲天下守財耳』。若 自周有天下以來,雖經赦宥,而 若又推問,自新何由

閏月庚申,高昌遣使獻方物。

圖,作民父母,弗敢怠荒,以求民瘼。 德,蒼生何咎。 潁川從我,是日元勳; 罔 六月戊子, 大雨霖。 有所 刑政所失,罔識厥由。 **股**將覽察, 無忘父城,實起王業。 韶曰:「昔唐咨四嶽,殷告六眚,覩災興懼,咸寘時雍。 以答天譴。 而霖雨作沴,害麥傷苗,隤屋漂垣,洎于昏墊。 公卿大夫士爰及牧守黎庶等,今宜各上封事 其遭水者,有司 文考屬天地草昧,造化權輿,拯彼橫流,匡茲 可時巡檢,條列以聞。」 庚子, 韶曰: 朕 ,讜言極 諒股不 撫運應

帝

紀第四

明帝

賴英賢盡力,文武同心,翼贊大功,克隆帝業。 而被堅執銳,櫛風沐雨,永言疇昔,良

是從先王向夏州,發夏州從來,見在及薨亡者,並量賜錢帛,稱朕意焉。」是月,陳武帝薨,兄 用憮然。 至若功成名逐,建國剖符,予惟休也。 其有致死王事,妻子無歸者, 殷甚傷之。

秋八月己亥,改天王稱皇帝,追尊文王爲帝,至大赦改元。壬子,以大將軍、安城公憲

爲益州總管。癸丑,增御正四人,位上大夫。

子蒨立,是謂文帝。

爲齊國公,秦郡公直 九月乙卯,以大將軍、天水公廣爲梁州總管。 爲衞國公,正平公招爲趙國公。 辛未,進封輔城公邕爲魯國公,安城公憲 封皇弟儉爲譙國公,純爲陳國公,盛爲

宇文貴為許國公,陳留公楊忠爲(隋)[隨]國公,守昌平公尉遲綱爲吳國公,武威公王雄爲 鄭國公,武陽公豆盧寧為楚國公,博陵公賀蘭祥爲涼國公,寧蜀公尉遲迥爲蜀國公,化政公 越國公,達爲代國公,通爲冀國公,道爲滕國公。 進封天水公廣爲蔡國公,高陽公達奚武爲

庸國公。邑各萬戶。

多十月甲午,以柱國、吳國公尉遲綱爲涇州總管。 是月,齊文宣帝薨,子殷嗣立。 以柱

國、蜀國公尉遲迥爲秦州總管。

二年春正月癸丑朔,大會羣臣於紫極殿,始用百戲焉。

三月辛酉,重陽閣成,會羣公列將卿大夫及突厥使者於芳林園,賜錢帛各有差。

夏四月,帝因食遇毒。庚子,大漸。詔曰:

之上,此乃上不負太祖,下不負股躬,股得啓手啓足,從先帝於地下,實無恨於心矣。 所可恨者, 朕享大位, 可謂四年矣, 不能使政化循理, 黎庶豐足, 九州未一, 二方猶梗, 將、軍〔人〕等,〔<〕 並立勳效,積有年載,輔翼太祖,成我周家。 今股纘承大業,處萬乘 賢餘論,未嘗不以此自曉。今乃命也,夫復何言。諸公及在朝卿大夫士,軍中大小督 死者,物理之必然。 處必然之理,修短之間,何足多恨。 睽雖不德,性好典墳,披覽聖 勸,勿忘」太祖遺志,提挈後人,朕雖沒九泉,形體不朽。 顧此懷恨,目用不瞑。 人生天地之間,禀五常之氣,天地有窮已,五常有推移,人安得長在。是以生而有 唯冀仁兄冢宰,洎朕先正、先父、公卿大臣等,協和爲心,勉力相

言,令萬代稱歎。 若克念世道艱難,輔邕以主天下者,可謂有終矣。 海內共聞,能弘我周家,必此子也。夫人貴有始終,公等事太祖,輔朕躬,可謂有始矣, 今大位虛曠, 社稷無主。 朕兒幼稚,未堪當國。 哀死事生,人臣大節,公等思念此 魯國公邕,朕之介弟,寬仁大度,

帝

四

以素服從事,待大例除。非有呼召,各按部自守,不得輒奔赴闕庭。禮有通塞隨時之 擇不毛之地,因地勢爲墳,勿封勿樹。且厚葬傷生,聖人所誡,朕旣服膺聖人之敎,安 義,葬訖,內外悉除服從吉。三年之內,勿禁婚娶,飲食一令如平常也。 **敢違之。凡百官司,勿異朕此意。四方州鎭使到,各令三日哭,哭訖,悉權辟凶服,還** 不可闕,皆令用瓦。小斂訖,七日哭。文武百官各權辟衰麻,且以素服從事。葬日,選 身終之日,豈容違棄此好。喪事所須,務從儉約,斂以時服,勿使有金玉之飾。若以禮 朕稟生儉素,非能力行菲薄,每寢大布之被,服大帛之衣,凡是器用,皆無雕刻。

時事殷猥,病困心亂,止能及此。 如其事有不盡,准此以類爲斷。 死而近思,云

其詔卽帝口授也。 辛丑,崩於延壽殿,時年二十七,諡曰明皇帝,廟稱世宗。 五月辛未,葬

古人有之。朕今忍死,書此懷抱。

於 い昭陵。

位,集公卿已下有文學者八十餘人於麟趾殿,刋校經史。 帝寬明仁厚,敦睦九族,有君人之量。 幼而好學,博覽羣書,善屬文,詞彩溫麗。 又捃採衆書,自羲、農以來,訖於 及卽

魏末,敍爲世譜,凡五百卷云。所著文章十卷。[10]

文儒,亹亹焉其有君人之德者矣。始則權臣專制,政出私門; 終乃鴆毒潛加,享年 不永。 而百辟傾心,萬方注意。及乎迎宣黜賀,入纂大宗,而禮貌功臣,敦睦九族,率由恭儉,崇尙 史臣曰:世宗寬仁遠度,叡哲博聞。處代邸之尊,實文昭之長。豹姿已變,龍德猶潛,

校勘記

惜哉! 二

- [1]河東置蒲州「置」原作「至」,諸本都作「置」,今逕改。
- (三) 惟此大體 册府卷二三二五一頁卷八三九七八頁、御覽卷九二○四○八三頁「體」作「禮」,較長。
- (三) 予安敢讓宗廟之善 一册府卷二三三五一頁、御覽卷九二○四○八三頁「讓」作「攘」,較長。
- 大將軍王雄並爲柱國 諸本「王」都作「楊」。殿本考證云:「按楊雄至武帝時始顯,又其傳中卷 帝時。北史卷九周本紀上正作「王雄」。至王雄傳進位柱國在孝閔帝踐祚後,明帝武成初之前, 二年,亦與傳不合。」按殿本改「楊」作「王」是對的,隨書卷四三觀德王雄傳,授柱國在周末,非明 軍」,其爲王雄無疑。今改正。但傳云孝閔帝踐祚,進柱國大將軍,而本紀雄爲柱國,乃在明帝 二九楊紹傳附見無爲柱國事。汪雄傳卷一九云:『孝閔帝踐祚,授少傅,增邑二千戶,進位柱國大將

帝

紀

卷 四

未爲不合。

つまし 甲戌雲 本紀很少特書某日雲之例,某日雩常見史籍,疑「雲」爲「雩」之訛。

(水)追尊文王爲帝 北史卷九周本紀上作「追尊文王爲文皇帝」。册府卷二九三一九頁作「追尊文王

爲文帝」,下多「祖考爲德皇帝」六字。按卷一文帝紀明云武成初,追尊字文泰父肱爲德皇帝,此

處疑當有此語。

[4]楊忠爲(隋)[隨]國公 宋本「隋」作「隨」。按改「隨」稱「隋」乃後事,今據改。此後逕改,不出校

「ペ」軍中大小督將軍「人」等 北史「軍」下有「人」字。按督將、軍人爲當時習用語,此脫「人」字,今

へ た し 死而近思 北史周本紀上作「死而可忍」,與下「股今忍死」句相啣接,疑是。

[10] 敍爲世譜凡五百卷云所著文章十卷 北史周本紀上「五百卷」作「百卷」。隋書卷三五經籍志四

後周明帝集九卷。

一惜哉 宋本上多「嗚呼」二字。

周書卷五

帝紀第五

武帝 上

郡公。 武成元年,入爲大司空、治御正,進封魯國公,領宗師。 神光照室。 性沉深有遠識,非因顧問,終不輒言。 高祖武皇帝諱邕,字禰羅突,太祖第四子也。母曰叱奴太后。大統九年,生於同州,有 孝閔帝踐阼,拜大將軍,出鎭同州。世宗卽位,遷柱國,授滯州諸軍事、滯州刺史。 幼而孝敬,聰敏有器質。太祖異之,曰:「成吾志者,必此兒也。」年十二,封輔城 世宗每歎日:「夫人不言、言必有中。」 。甚爲世宗所親愛,朝廷大事,多共參

卽皇帝位,大赦天下。冬十二月,改作露門、應門。 武成二年夏四月,世宗崩,遺詔傳帝位於高祖。 高祖固讓,百官勸進,乃從之。 壬寅,

是歲,齊常山王高演廢其主殷而自立,是爲孝昭帝。

帝紀第五 武帝上

遣使獻方物。 一月己卯,遣大使巡察天下。於洮陽置洮州。甲午,朝日於東郊。乙未,突厥、宕昌並 丙午,省舉輦,去百戲。 弘農上言九尾狐見。

丙子,大射於正武殿,賜百官各有差。

三月丙寅,改八丁兵爲十二丁兵,率歲一月役。

夏四月丙子朔,日有食之。庚寅,以少傅、吳公尉遲綱爲大司空。丁酉,白蘭遣使獻犀

甲、鐵鎧。

五月丙午,封孝閔皇帝子康爲紀國公,皇子贇爲魯國公。 晉公護獲玉斗以獻。

突厥、龜茲並遣使獻方物。

六月乙酉,遣治御正殷不害等使於陳。

追封武邑公震爲宋國公,以世宗子實爲後:並襲封。己巳,熒惑入輿鬼,犯積尸。 五,與五銖並行。己酉,追封皇伯父顥爲邵國公,以晉公子江陵公會爲後;次伯父連爲杞 以下,曰一歲刑以上,各降本罪一等;百鞭以下,悉原免之。」更鑄錢,文曰「布泉」,以一當 國公,以章武孝公子永昌公亮爲後;第三伯父洛生爲莒國公,以晉公子崇業公至爲後;又 秋七月戊申,韶曰:「亢旱歷時,嘉苗殄悴。 ' 豈獄犴失理,刑罰乖衷歟? 其所在見囚:死

九月甲辰,南寧州遣使獻滇馬及蜀鎧。乙巳,客星見於翼。

冬十月甲戌,日有蝕之。戊寅,熒惑犯太微上將,合焉。

鄧國公。丁巳,狩於岐陽。是月,齊孝昭帝薨,弟長廣王湛代立,是爲武成帝。 十一月乙巳,以大將軍、衞國公直爲雍州牧。陳遣使來聘。 進封柱國、廣武公寶熾爲

十二月壬午,至自岐陽。

帝紀第五 武帝上

周

是歲,追封皇族祖仲爲虞國公。

二年春正月壬寅,初於蒲州開河渠,同州開龍首渠,以廣灌溉。 丁未,以陳主弟項爲柱

國,送還江南。

閏月己丑,詔柱國以下,帥都督以上,母妻授太夫人、夫人、郡君、縣君各有差。 癸巳,

太白入昴。己亥,柱國、大司馬、涼國公賀蘭祥薨。洛州民周共妖言惑衆,假署將相,事發

伏誅。

營薨。以大將軍、蔡國公廣爲秦州總管。 |月壬寅,熒惑犯太微上相。 癸丑,以久不雨,降宥罪人,京城三十里內禁酒。

梁主蕭

三月壬午,熒惑犯左執法。

夏四月甲辰,禁屠宰,旱故也。丁巳,南陽獻三足烏。湖州上言見二白鹿從三角獸而

雖錫以茅土,而未(及)[給]租賦。[言諸柱國等勳德隆重,宜有優崇,各准別制,邑戶聽寄食 己未,於伏流城置和州。癸亥,詔曰:「比以寇難猶梗,九州未一,文武之官立功效者,

他縣。」

五月庚午,以山南衆瑞並集,大赦天下,百官及軍人,普汎二級。 南陽宛縣三足鳥所

集,免今年役及租賦之半。壬辰,以柱國隨國公楊忠爲大司空,吳國公尉遲綱爲陝州總管。 六月己亥,以柱國蜀國公尉遲迥爲大司馬,邵國公會爲蒲州總管。 分山南荆州、安州、

襄州、江陵爲四州總管。

秋七月己已,封開府賀拔緯爲霍國公。乙亥,太白犯輿鬼。

九月戊辰朔,日有蝕之。陳遣使來聘。

誰爲足。凡是供朕衣服飲食,四時所須,爰及宮內調度,朕今手自減削。縱不得頓行古人 修富其位。是以唐堯疎葛之衣,麤糲之食,尙臨汾陽而永歎,登姑射而興想。況無聖人之 公卿列將皆會。戊午,講武於少陵原。分南寧州置恭州。 之道,豈曰全無庶幾。凡爾百司,安得不思省約,勗殷不逮者哉。」辛亥,帝御大武殿大射, 德而嗜欲過之,何以克厭衆心,處于尊位,朕甚恧焉。今巨寇未平,軍戎費廣,百姓空虛,與 冬十月戊戌,韶曰:「樹之元首,君臨海內,本乎宣明敎化,亭毒黔黎;豈唯尊貴其身,

十一月丁卯,以大將軍衞國公直、大將軍趙國公招並爲柱國。又以招爲益州總管。壬

午,熒惑犯歲星於危南。

十二月,益州獻赤烏。

三年春正月辛未,改光遷國爲遷州。乙酉,太保、梁國公侯莫陳崇賜死。壬辰,於乞銀

城置銀州。

授官。 權輿,事多倉卒,乖和爽序,違失先志。致風雨您時,疾厲屢起,嘉生不遂,萬物不長,回股 甚傷之。自今舉大事、行大政,非軍機急速,皆宜依月令,以順天心。 憂勞庶政,曆序六家,以陰陽爲首。 洎予小子,弗克遵行,惟斯不安,夕惕若厲。 欽若敬授,易序治曆明時。此先代一定之典,百王不易之務。伏惟太祖文皇帝,敬順昊天, 二月庚子,初頒新律。辛丑,詔魏大統九年以前,都督以上身亡而子孫未齒敍者,節級 渭州獻三足烏。辛酉,詔曰:「二儀創闢,玄象著明;三才已備,曆數昭列。故書稱 自頃朝廷

三月乙丑朔,日有蝕之。丙子,宕昌遣使獻生猛獸二,詔放之南山。 乙酉,盆州獻三足

鳥。

道焉。 囚徒。 夏四月乙未,以柱國、鄭國公達奚武爲太保,大將軍韓果爲柱國。 癸卯,大雩。癸丑,有牛足生於背。戊午,幸太學,以太傅、燕國公于謹爲三老而問 初禁天下報讐,犯者以殺人論。 壬戌,詔百官及民庶上封事,極言得失。 己亥,帝御正武殿錄

五月甲子朔,避正寢不受朝,旱故也。甲戌,雨。

秋七月戊辰,行幸原州。庚午,陳遣使來聘。丁丑,幸津門,問百年,賜以錢帛,又賜高

年板職各有差,降死罪一等。

八月丁未,改作露寢。

萬與突厥伐齊。 九月甲子,自原州登隴山。 己丑,蒲州獻嘉禾,異畝同穎。 熒惑犯太微上將。 初令世襲州郡縣者改爲五等爵,州封伯, 丙戌,幸同州。 戊子, 詔柱國楊忠率騎

郡封子,縣封男。

冬十月壬辰, 熒惑犯左執法。 乙巳,以開府、杞國公亮爲梁州總管。 庚戌,陳遣使來

聘。

有人生子男,而陰在背後如尾,兩足指如獸爪。 十有二月辛卯,至自同州。 遣太保、鄭國公達奚武率騎三萬出平陽以應楊忠。 有犬生子,腰以後分爲二身,兩尾六足。 是月,

四年春正月庚申,楊忠破齊長城,至晉陽而還。

二月庚寅朔,日有蝕之。甲午,熒惑犯房右驂。

三月己未,熒惑又犯房右驂。庚辰,初令百官執笏。

夏四月癸卯,以柱國、鄧公竇熾爲大宗伯。

五月壬戌,封世宗長子賢爲畢國公。丁卯,突厥遣使獻方物。 癸酉,以大將軍、安武公

帝紀第五 武帝上

李穆 爲柱國。 丁亥,改禮部爲司宗,大司禮爲禮部,大司樂爲樂部。

六月庚寅,改御伯爲納言。

秋七月戊午,(栗)[栗]特遣使獻方物。[吾戊寅,焉耆遣使獻名馬。

八月丁亥朔,日有蝕之。韶柱國楊忠率師與突厥東伐,至北河而還。 戊子,以柱國齊

公憲爲雍州牧,許國公宇文貴爲大司徒。

九月丁巳,以柱國、衞國公直爲大司空,封開府李昞爲唐國公,至若干鳳爲徐國公。陳

遣使來聘。是月,以皇世母閻氏自齊至,大赦天下。

閏月己亥,以大將軍章孝寬、大將軍長孫儉並爲柱國。

冢宰、晉國公護率軍伐齊,帝於太廟庭授以斧鉞。 多十月癸亥,以大將軍陸通、大將軍宇文盛、蔡國公廣並爲柱國。 於是護總大軍出潼關,大將軍權景宣率 甲子,詔大將軍、大

山南諸軍出豫州,少師楊檦出(积)〔軹〕關。〔刊丁卯,幸沙苑勞師。 癸酉,還宮。

十一月甲午,柱國、蜀國公尉遲迥率師圍洛陽,柱國、齊國公憲營於邙山,晉公護次於

陝州。

尉遲迥率麾下數十騎扞敵,得却,至夜引還。 十二月,權景宣攻齊豫州,刺史王士良以州降。 柱國、庸國公王雄力戰,死之。遂班師。 壬戌,齊師渡河,晨至洛陽,諸軍驚散。

州 白、熒惑、歲星合於婁。 乙巳,吐谷渾遣使獻方物。 以庸國公王雄世子開府[謙爲柱 安州、江陵等總管並隸襄州總管府,以柱國、大司空、衞國公直爲襄州總管。 五年春正月甲申朔,廢朝,以庸國公王雄死王事故也。 辛卯,白虹貫日。 庚子,令荆 甲辰,太 國

寇。 壬申,行幸岐州。 突厥逆女。甲子,郢州獲綠毛龜。丙寅,以柱國安武公李穆爲大司空,綏德公陸通爲大司 二月辛酉,詔陳國公純、柱國許國公宇文貴、神武公竇毅、南安公楊(薦)〔荐〕等,公如

三月戊子,柱國、楚國公豆盧寧薨。

夏四月,齊武成禪位於其太子緯,自稱太上皇帝。

五月丙戌,以皇族父興爲大將軍,襲虞國公封。己亥,詔左右武伯各置中大夫一人。

後百餘日,稍短,長二尺五寸,在虛、危滅。辛未,詔曰:「江陵人年六十五以上爲官奴婢者, 六月庚申, 彗星出三台, 入文昌, 犯上將, 後經紫宮西垣入危, 漸長一丈餘, 指室、壁。

已令放免。 其公私奴婢有年至七十以外者,所在官司,宜贖爲庶人。」

秋七月辛巳朔,日有蝕之。 庚寅,行幸秦州。 降死罪以下。辛丑,遣大使巡察天下。

帝紀第五 武帝上

周

八月丙子,至自秦州。

九月乙巳、盆州獻三足鳥。

冬十月辛亥,改函谷關城爲通洛防。

十一月庚辰,岐州上言一角獸見。甲午,吐谷渾遣使獻方物。 丁未,陳遺使來聘。

州 會焉,頒賜各有差。癸未,大赦改元,百官普加四級。己亥,親耕籍田。 以柱國、昌寧公長孫儉爲陝州總管。 天和元年春正月己卯,日有蝕之。辛巳,露寢成,幸之。令羣臣賦古詩,京邑耆老並預 遣小載師杜杲使於陳。 丁未,於宕昌置宕

二月戊申,以開府、中山公訓爲蒲州總管。 戊辰, 韶三公已下各舉所知。 庚午,日鬭,

光遂微,日裏鳥見。

二月丙午,祠南郊。

夏四月己酉,益州獻三足鳥。 辛亥,雩。甲子,日有交暈,白虹貫之。 是月,陳文帝薨,

子伯宗嗣立。

州 甲午,韶曰:「道德交喪,禮義嗣興。 褒四始於一言,美三千於爲敬。 五月庚辰,帝御正武殿,集羣臣親講禮記。 吐谷渾龍涸王莫昌率戶 內附,以其地爲扶 是以在上不驕,處

殷鑒斯在。」 之銘。矧伊末學,而能忘此。宜依是日,省事停樂。庶知爲君之難,爲臣不易。貽之後昆, 滿不溢,富貴所以長守,邦國於焉乂安。故能承天靜地,和民敬鬼,明並日月,道錯四時。 喪亂,禮儀紊毀,此典茫然,已墜於地。昔周王受命,請聞顓頊。廟有戒盈之器,室爲復禮 朕雖庸昧,有志前古。甲子乙卯,禮云不樂。<u>莫弘表昆吾之稔,杜曹</u>有揚觶之文。自世道

六月丙午,以大將軍、枹罕公辛威爲柱國。

學,但束脩於師,不勞釋奠。釋奠者,學成之祭,自今卽爲恆式。」 秋七月戊寅,築武功、郿、尉谷、武都、留谷、津坑諸城,以置軍人。壬午,韶:「諸胄子入

官司,隨事言上。當加弔勉,以厲薄俗。」 八月己未,韶:「諸有三年之喪,或負土成墳,或寢苫骨立,一志一行,可稱揚者,仰本部

九月乙亥,信州蠻冉令賢、向五子王反,詔開府陸騰討平之。

十一月丙戌,行幸武功等新城。十二月庚申,還宮。 冬十月乙卯,太白晝見,經天。甲子,初造山雲儛,以備六代之樂。

一年春正月癸酉朔,日有蝕之。己亥,親耕籍田。

帝紀第五 武帝上

三月癸酉,改武遊園爲道會苑。丁亥,初立郊丘壇壝制度。

夏四月乙巳,省東南諸州:以穎州、歸州、湒州、均州入唐州,〔4〕油州入純州,鴻州入

淮州、洞州入湖州、睢州入襄州、嵩州入昌州。以大將軍、陳國公純爲柱國。

五月壬申,突厥、吐谷渾、安息並遣使獻方物。丁丑,進封柱國、安武公李穆爲申國公。

己丑,歲星與熒惑合於井。

六月辛亥,尊所生叱奴氏爲皇太后。 甲子,月入畢。

閏月庚午,地震。戊寅,陳湘州刺史華皎率衆來附,遺襄州總管衞國公直率柱國綏(國)

[德]公陸通、[10]大將軍田弘、權景宣、元定等,將兵援之,因而南伐。 壬辰,以大將軍、譙國

公儉爲柱國。丁酉,歲星、太白合於柳。戊戌,襄州上言慶雲見。

庚戌、太白犯軒轅。壬子、以太傅、燕國公于謹爲雍州牧。 秋七月辛丑,梁州上言鳳凰集於楓樹,羣鳥列侍以萬數。 甲辰,立露門學,置生七十一

九月,衞國公直等與陳將淳于量、吳明徹戰於沌口,王師失利。 元定以步騎數千先度,

遂沒江南

十一月戊戌朔,日有蝕之。 冬十月辛卯,日出入時,有黑氣一,大如盃,在日中。 癸丑,太保、許國公宇文貴薨 甲午,又加一焉。 經六日乃滅。

三年春正月辛丑,祠南郊。

二月丁卯,幸武功。丁亥,還宮。

會百寮及四方賓客於路寢,賜衣馬錢帛各有差。甲寅,以柱國陳國公純爲秦州總管,蔡國 三月癸卯,皇后阿史那氏至自突厥。甲辰,大赦天下,亡官失爵,並聽復舊。丁未,大

公廣爲陝州總管。戊午,太傅、柱國、燕國公于謹薨。己未,太白犯井北軒第一星。

夏四月辛巳,以太保、鄭國公達奚武爲太傅,大司馬、蜀國公尉遲迥爲太保,柱國、齊國

公憲爲大司馬。太白入興鬼,犯積尸。

五月庚戌,祠太廟。庚申,行幸醴泉宮。

六月甲戌,有星孛於東井,北行一月,至輿鬼,乃滅。

秋七月壬寅,柱國、隨國公楊忠薨。戊午,至自醴泉宮。己未,客星見房,漸東行入天

市,犯營室,至奎,四十餘日乃滅。

焉。 癸酉,帝御大德殿,集百僚及沙門、道士等親講禮記。 八月乙丑,韓國公元羅薨。齊請和親,遣使來聘,韶軍司馬陸逞、日己兵部尹公正報聘

九月庚戌,太白與鎭星合於角。

中紀第五 武帝上

七六

多十月癸亥,祠太廟。 丙戌,太白入氐。 丁亥,上親率六軍講武於城南,京邑觀者,與

馬彌漫數十里,諸蕃使咸在焉。

十一月壬辰朔,日有蝕之。甲辰,行幸岐陽。 壬子,遣開府崔彥穆、小賓部元暉使於

。 甲寅,陳安成王頊廢其主伯宗而自立,是爲宣帝。

十二月丁丑,至自岐陽。是月,齊武成帝薨。

四年春正月辛卯朔,廢朝,以齊武成薨故也。 遭司會、河陽公李綸等會葬於齊,仍弔賻

焉。

等討論釋老義。 |月癸亥,以柱國、||寧公長孫儉爲夏州總管。 戊辰,帝御大德殿,集百僚、道士、沙門 歲星逆行,掩太微上將。庚午,有流星大如斗,出左攝提,流至天津,滅後,

有聲如雷。

夏四月(乙)[己]已,[三齊遣使來聘。

五月己丑,帝制象經成,集百僚講說。 封魏廣平公子元謙爲韓國公,以紹魏後。

行幸醴泉宮。丁巳,柱國、吳國公尉遲綱薨。

六月,築原州及涇州東城。

秋七月辛亥,至自醴泉宮。丁巳,突厥遣使獻馬。

八月庚辰,盜殺孔城防主,以其地入齊。

九月辛卯,遣柱國、齊國公憲率衆於宜陽築崇德等城。

冬十一月辛亥,柱國、昌寧公長孫儉薨。

十二月壬午,罷隴州。

五年春二月己已,邵惠公顥孫胄自齊來歸。 改邵國公會爲譚國公,封胄爲邵國公。

三月辛卯,進封柱國韋孝寬爲鄖國公。 甲辰,初令宿衞官住關外者,將家累入京,不樂

者,解宿衞。

夏四月甲寅,以柱國宇文盛爲大宗伯。 行幸醴泉宮。 省帥都督官。 丙寅, 遺大使巡天

下。三以陳國公純爲陝州總管。

六月壬辰,封開府梁睿爲蔣國公。 庚子,降宥罪人,並免逋租懸調等,以皇女生故也。

七月,鹽州獻白兔。乙卯,至自醴泉宮。辛巳,以柱國、譙國公儉爲益州總管。

九月己卯,太白、歲星合於亢。

冬十月辛巳朔,日有蝕之。 丙戌,太白、鎭星合於氏。 丁酉,太傅、鄭國公達奚武薨。

帝紀第五 武帝上

月乙丑,追封章武孝公導爲豳國公,以蔡國倂於豳。 丁卯,柱國、豳國公廣薨。 七八

十二月癸巳,大將軍鄭恪率師平越巂,置西寧州

是多,齊將斛律明月寇邊,於汾北築城,自華谷至於龍門。

六年春正月己酉朔,廢朝,以露門未成故也。 韶柱國、齊國公憲率師禦斛律明月。

一月己丑夜,有蒼雲廣三尺許經天,自戌加辰。

三月己酉,齊國公憲自龍門度河,斛律明月退保華谷,憲攻拔其新築五城。

卯,以大將軍張掖公王傑、譚國公會、鴈門公田弘、魏國公李暉等並爲柱國。

夏四月戊寅朔,日有蝕之。 己卯,熒惑犯輿鬼。 辛卯,信州蠻渠冉祖喜、冉龍驤舉兵

亮爲秦州總管。庚子,以大將軍、滎陽公司馬消難爲柱國。 反,遣大將軍趙誾率師討平之。甲午,以柱國、燕國公于寔爲凉州總管,曰己大將軍、杞國公 陳國公純、鴈門公田弘率師取

平高公侯伏侯龍恩並爲柱國。封開府斛斯徵爲岐國公,右宮伯長孫覽爲薛國公。

以大將軍武安公侯莫陳瓊、太安公閻慶、自己神武公竇毅、南陽公叱羅協、

齊宜陽等九城。

上庸公陸騰、安義公宇文丘、北平公寇紹、許國公宇文善、犍爲公高琳、鄭國公達奚震、隴 五月癸卯,日己遣納言鄭翮使於陳。 丙寅,以大將軍唐國公李昞、中山公訓、杞國 公亮、

東公楊纂、常山公于翼並爲柱國。

六月乙未,以大將軍、太原公王柬爲柱國。(1+)是月,齊將段孝先攻陷汾州。

秋七月乙丑,以大將軍、越國公盛爲柱國

八月癸未,鎭星、歲星、太白合於氐。

九月庚申,月在婁,蝕之旣,光不復。 癸酉,省掖庭四夷樂、後宮羅綺工人五百餘人。

冬十月壬午、(翼) [冀]國公通薨。[15] 乙未, 遣右武伯谷會琨、御正蔡斌使於齊。 壬寅,

上親率六軍講武於城南。

十一月壬子,以大將軍梁國公侯莫陳芮、大將軍李意並爲柱國。 丙辰,齊遺使來

一是多,牛大疫,死者十六七。 丁巳,行幸散鬭。十二月己丑,還宮。

建德元年春正月戊午,帝幸玄都觀,親御法座講說,公卿道俗論難,事畢還宮。 降死罪

及流罪一等,其五歲刑已下,並宥之。

|月癸酉, 遺大將軍、昌城公(孫)深使於<mark>突厥, [15]司(賓)[宗]|李際、[10]小賓部</mark>賀遂禮使

於齊。乙酉,柱國、安義公宇文丘薨。

帝紀第五

武帝上

惕兢懷。自今正調以外,無妄徵發。庶時殷俗阜,稱朕意焉。」 已,加以頻歲師旅,農畝廢業。去秋灾蝗,年穀不登,民有散亡,家空杼軸。 朕每旦恭己,夕 時,則石言於國。 故知爲政欲靜,靜在寧民;爲治欲安,安在息役。頃興造無度,徵發不 國枹罕公辛威爲大司寇,綏德公陸通爲大司馬。 詔曰:「民亦勞止,則星動於天;作事不 大赦,改元。罷中外府。癸亥,以太傅、蜀國公尉遲迥爲太師,柱國鄧國公竇熾爲太傅,大 會弟大將軍莒國公至、崇業公靜,並柱國侯伏侯龍恩、龍恩弟大將軍萬壽、大將軍劉勇等。 司空、申國公李穆爲太保,齊國公憲爲大冢宰,衞國公直爲大司徒,趙國公招爲大司空,柱 三月癸卯朔,日有蝕之。齊遣使來聘。丙辰,誅大冢宰晉國公護、護子柱國譚國公會、

非常貢獻。庚寅,追尊略陽公爲孝閔皇帝。癸巳,立魯國公寶爲皇太子。大赦天下,百官 己卯,以柱國張掖公王傑爲涇州總管,魏國公李暉爲梁州總管。韶公卿以下各舉所知。遣 各加封級。 工部代公達、小禮部辛彥之使於齊。丙戌,詔百官軍民上封事,極言得失。丁亥,詔斷四方 夏四月甲戌,以代國公達、滕國公逌並爲柱國。詔荆州、安州、江陵等總管停隸襄州。

韶之曰:「盛農之節,亢陽不雨,氣序愆度,蓋不徒然。豈朕德薄,刑賞乖中歟。將公卿大臣 五月,封衞國公直長子賓爲莒國公,紹莒莊公洛生後。壬戌,帝以大旱,集百官於庭,

或非其人歟? 宜盡直言,無得有隱。」公卿各引咎自責。 其夜澍雨。

六月庚子,改置宿衞官員。

秋七月辛丑,陳遣使來聘。丙午,辰星、太白合於東井。 己酉,月犯心中星。

九月庚子朔,日有蝕之。庚申,扶風掘地得玉盃以獻。

冬十月庚午,詔江陵所獲俘虜充官口者,悉免爲民。 辛未,遣小匠師楊勰、 齊馭唐則

使於陳。柱國、大司馬、綏德公陸通薨。

十一月丙午,上親率六軍講武城南。庚戌,行幸羌橋,集京城以東諸軍都督以上,頒賜

有差。乙卯,還宮。壬戌,以大司空、趙國公招爲大司馬。乙未,月犯心中星。

御正武殿,親錄囚徒,至夜而罷。 庚寅,幸道會苑,以上善殿壯麗,遂焚之。

十二月壬申,行幸爲谷,集京城以西諸軍都督已上,頒賜有差。丙戌,還宮。己丑,帝

鳳爲柱國。庚戌,復置帥都督官。乙卯,祠太廟 二年春正月辛丑,祠南郊。乙巳,以柱國、鴈門公田弘爲大司空,大將軍、徐國公若干

閏月己旦,陳遣使來聘。

紀第五

武帝上

一月辛亥,白虹貫日。甲寅,詔皇太子贇撫巡西土。壬戌,遣司會侯莫陳凱、太子宮尹

鄭譯使於齊。熒惑犯輿鬼,入積尸。省雍州內八郡,併入京兆、馮翊、扶風、咸陽等郡。

大夫以下官,府置四司,以下大夫爲之官長,上士貳之。 三月己卯,皇太子於岐州獲二白鹿以獻。 韶答曰:「在德不在瑞。」癸巳,省六府諸司中

夏四月己亥,祠太廟。丙辰,增改東宮官員。

五月丁卯,熒惑犯右執法。丁丑,以柱國周昌公侯莫陳瓊爲大宗伯,滎陽公司馬消難

爲大司寇,上庸公陸騰爲大司空。

猛獸、鷙鳥之象。 加一階。大選諸軍將帥。丙辰,帝御露寢,集諸軍將,勗以戎事。庚申,詔諸軍旌旗皆畫以 六月庚子,省六府員外諸官,皆爲丞。甲辰,月犯心中星。壬子,皇孫衍生,文武官普

秋七月己巳,祠太廟。 自春末不雨,至於是月。 壬申,集百寮於大德殿,帝責躬罪己,

問以治政得失。戊子,雨。

八月丙午,改三夫人爲三妃。關內大蝗。

韶曰:「政在節財,禮唯寧儉。 而頃者婚嫁競爲奢靡,牢羞之費,罄竭資財,甚乖典訓之 九月乙丑,陳遣使來聘。癸酉,太白犯右執法。戊寅,以柱國、鄭國公達奚震爲金州總 有司宜加宣勒,使咸遵禮制。」壬午,納皇太子妃楊氏。

多十月癸卯,齊遣使來聘。甲辰,六代樂成,帝御崇信殿,集百官以觀之。

十一月辛巳,帝親率(大)[六]軍講武於城東。[三]癸未,集諸軍都督以上五十人於道會

施大射,帝親臨射宮,大備軍容。

次,佛教爲後。以大將軍、樂川公赫連達爲柱國。詔曰:「尊年尙齒,列代弘規,序舊酬勞, 宜有優崇。 哲王明範。 十二月癸巳,集羣臣及沙門、道士等,帝升高座,辨釋三教先後,以儒教爲先,道教爲 朕嗣承弘業,君臨萬邦,驅此兆庶,寘諸仁壽。軍民之間,年多耆耋,眷言衰暮, 可頒授老職,使榮霑邑里。」戊午,聽訟於正武殿,自旦及夜,繼之以燭。

之法,縱酒盡歡。 節儉,勿爲財幣稽留。」乙亥,親耕籍田。丙子,初服短衣,享二十四軍督將以下,試以 馬。癸酉,韶:「自今已後,男年十五,女年十三已上,爰及鰥寡,所在軍民,以時嫁娶,務從 陳國公純、越國公盛、代國公達、滕國公追並進爵爲王。己巳,祠太廟。 留,以外盡糶 三年春正月壬戌,朝羣臣於露門。册柱國齊國公憲、衞國公直、趙國公招、譙國公儉、 韶以往歲年穀不登,民多乏絕,令公私道俗,凡有貯積栗麥者,皆准口聽 庚午,突厥遣使獻 軍旅

|月壬辰朔,日有食之。 丁酉,紀國公康、畢國公賢、酆國公貞、宋國公實、漢國公贊、

帝紀

第五

武帝上

夷之弊,反本無由,宜加蕩滌,與民更始。可大赦天下。」庚申,皇太后不豫。 陳,纖毫無隱。斯則風行草偃,從化無違,導德齊禮,庶幾可致。但上失其道,有自來矣,凌 之情斯起。雖復雲鳥殊世,文質異時,莫不限以隄防,示之禁令。朕君臨萬寓,覆養黎元, 文善有罪免。乙卯,行幸雲陽宮。丙辰,詔曰:「民生而靜,純懿之性本均;感物而遷,嗜欲 秦國公贄、曹國公允並進爵爲王。丙午,令六府各舉賢良淸正之人。癸丑,柱國、許國公宇 思振頹綱,納之軌式。比因人有犯,與衆棄之,所在羣官有僁過者,咸聽首露,莫不輕重畢

請,累旬乃止。詔皇太子贇總釐庶政。 三月辛酉,至自雲陽宮。癸酉,皇太后叱奴氏崩。帝居倚廬,朝夕共一溢米。

夏四月乙卯,齊遣使弔贈會葬。丁巳,有星孛於東北紫宮垣,長七尺。

吉。帝不許,引古禮答之,羣臣乃止。於是遂申三年之制,五服之內,亦令依禮。初置太 苫廬之禮,率遵前典,以申罔極。 百寮以下,宜依遺令。」公卿上表,固請俯就權制,過葬卽 近代沿革,遂亡斯禮。伏奉遺令,旣葬便除,攀慕几筵,情實未忍。三年之喪,達於天子,古 今無易之道,王者之所常行。但時有未諧,不得全制。軍國務重,庶自聽朝。○三該麻之節, 五月庚申,葬文宣皇后於水固陵,帝祖跣至陵所。辛酉,詔曰:「齊斬之情,經籍彝訓,

子諫議員四人,文學十人; 皇弟、皇子友員各二人,學士六人。丁卯,荆州獻白烏。戊辰,

故晉國公護及諸子,並追復先封,改葬加諡。 丙子,初斷佛、道二毅,經像悉毀,罷沙門、

道士,並令還民。 並禁諸淫祀、禮典所不載者、盡除之。

黎元,扶成教義者,並宜弘闡,一以貫之。俾夫翫培塿者,識嵩岱之崇崛,守磧礫者,悟渤 朴散,形氣斯乖。 解之泓澄,不亦可乎。」 不有會歸,爭驅靡息。 戊午,詔曰:「至道弘深,混成無際,體包空有,理極幽玄。 六月丁未,集諸軍將,敎以戰陣之法。 遂使三墨八儒,朱紫交競;九流七略,異說相騰。道隱小成,其來舊矣。 今可立通道觀,聖哲微言,先賢典訓,金科玉篆,秘蹟玄文,所以濟養 壬子, 更鑄五行大布錢, 以一當十, 與布泉錢並 但歧路旣分,派源逾遠,淳離

等拒守。 秋 七月庚申,行幸雲陽宮。 直敗,率百餘騎遁走。 京師連雨三旬,是日霽。 乙酉,衞王直在京師舉兵反,欲突入肅章門。 戊子,至自雲陽宮。 司武 尉遲運

後事發失官爵者,並聽復舊。 八月辛 剪 擒直於荆州, 免爲庶人。 丙申,行幸雲陽宮。 乙未,詔自建德元年八月以前犯罪,未被推糾,於

九月庚申,幸同州。 戊辰,以柱國、大宗伯、周昌公侯莫陳瓊爲秦州總管。

乏絕者,令向郿城以西,及荆州管內就食。 冬十月丙申,御正楊尙希、禮部盧愷使於陳。 甲寅,行幸蒲州。 戊戌,雍州獻蒼烏。 乙卯, 曲赦蒲州見囚大辟以 庚子,韶 蒲州民遭饑

八六

丙辰,行幸同州。 始州民王鞅擁衆反,大將軍鄭恪討平之。

十一月戊午,以柱國、大司空、上庸公陸騰爲涇州總管。 于闐遣使獻名馬。 己巳,大閱

於城東。甲戌,至自同州。

郭,地裂,涌泉出。 士並爲侍官。丁酉,利州上言騶虞見。癸卯,集諸軍講武於臨阜澤。 厦五州總管內,有能率其從軍者,[三] 授官各有差。 十二月戊子,大會衞官及軍人以上,賜錢帛各有差。辛卯,月掩太白。詔荆、襄、安、延、 其貧下戶,給復三年。丙申,改諸軍軍 凉州比年地震, 壞城

校勘記

韶先經兵戎官年六十已上 册府卷五五六一六頁「兵戎」作「有職」。,北史卷一○周本紀下但云

「高年官」。

死以下 册府卷八三九七八頁 死」上有「殊」字,疑當有此字。

而未(及)(給)租賦 宋本「及」作「給」,按册府卷五〇五六〇六五頁亦作「給」。今據改。

[四]萬物不長 宋本、南本「長」作「昌」。

[五](栗)(栗)特 按栗特,古西邊部族名,魏書卷一〇二、北史卷九七都有傳,今據改。

- ☆」封開府李昞爲唐國公 國公。 四,五〇六六頁李虎卒於魏大統十七年五月。新、舊唐書唐太祖本紀太當作高,下同,太祖父昞封唐 深考,故此處與下文『以大將軍唐國公李昞爲柱國』並訛作『李虎』,今改正」。按考證說是。 此唐有天下之號所自起也。 宋本、南本「昞」作「諱」,北本、汲本作「虎」。 殿本考證云:「按通鑑卷一六 大約此書原本,凡李虎、李昞俱稱『李諱』。 後人妄改,又不
- -1 | 少師楊檦出(枳)(軹)關 帜關、帜縣都以, 朝道得名,從戰國策及漢書地理志以來的地志沒有作「枳」的,令據改。下「楊檦 五〇五頁、通鑑卷一六九五二四五頁「枳」都作「軹」,册府卷一一九一四二五頁作「軟」,亦「軹」之訛字。 卷十一字文護傳、卷三四楊檦傳、北史卷一〇周本紀下、御覽卷一〇五
- 於 枳關戰沒」逕改。 宋本、南本、局本「薦」作「荐」。 按楊荐、卷三三有傳。 今據改。

楊(薦)[荐]

- 九 爲默州 唐州。 以穎州歸州溳州均州入唐州 此 後周省均、默、涓、歸四州入,改曰唐州 紀有『頴』無『款』、『款』與『頴』行書相似,未知孰是。」楊氏隋志考證卷九疑問書誤。 錢氏考異卷三二云:「按隋志漢東郡唐城縣:『西魏立肆州,尋日 原注:此四字疑譌。』又安貴縣:『梁置北郢州,西魏改
- 柱國 德」。 綏(國)[德]公陸通 按卷三二陸通傳正作「綏德郡公」。 宋本「國」作「德」。 此紀在前則保定五年二月,在後則建德元年三月並

帝 紀 第 五 校 勘 記 見綏

德公陸通,今據改。

- 陸逞 即列傳二四陸通傳附弟逞記有使齊事。今逕改。 「逞」原作「程」。諸本都作「逞」。張元濟以爲「程」字誤。云:「見傳二十四。」 按卷三二
- 夏四月(乙)(己)已 |宋本作「己巳」,張元濟云:「正月辛卯朔,四月不應有乙巳,見北史卷一〇凋
- 体紀下。」 按張說是,今據改。
- (三) 遣大使巡天下 保定元年二月,五年七月及卷七宣帝紀宣政元年八月都有遣大使巡察天下的紀載,知 但諸本皆同,今不補。 北史卷一〇周本紀下、明本册府卷一六一一九四五頁「巡」下有「察」字。 此 按此卷 處脫
- 二門 于寔 「寔」原作「實」。 宋本、南本、北本、汲本、局本都作「寔」。按于寔附卷十五于謹傳。

改。

- (三) 太安公閻慶 卷一五寶泰傳、韓軌傳,卷一九尉長命、莫多婁貸文、斛律羌舉諸傳,卷二〇步大汗薩傳,卷二五 閻慶傳稱封大安郡公。 <u>汪統傳都作「太安」人,這是魏書地形志朔州</u>的「大安」。北史諸人傳也是「太」「大」雜出。 |宋本、南本「太」作「大」。 張元濟以爲「太」字誤,云:「見傳十二。」按卷二〇即傳一二 魏書卷一〇六地形志朔州有大安郡。 而西夏州又有「太安郡」。 北齊書 雖似作
- 五月癸卯 北史卷一〇周本紀下「癸卯」作「癸亥」。按天和六年五月戊申朔,癸亥是十六日,無

「大安」是,今不改。

(1七) 以大將軍太原公王柬爲柱國 ·傳作「沮渠康。」三思政之子當名「秉」,「康」是諱改,「柬」乃形訛。 <u>問書建德四年條也作「王康」</u>, 罪,……以康襲爵太原公……保定二年,歷安、襄二州總管,位柱國。」周書卷六武帝紀下建德 作「康」。魏書卷四下世祖紀太平眞君五年七月稱「東雍州刺史沮渠秉謀叛」,北史卷三九薛安都 二百衲本作崔康,殿本已改作「秉」,却沒有改淨。魏書卷六三汪肅傳,弟秉,北史卷四二「秉」也 考北史避唐諱「昞」嫌名,「秉」或改「執」,而人名「秉」者常改作「康」。魏書卷四九崔秉,北史卷三 四年正月:「以太原公王康爲襄州總管。」歷官紀年不同,當是北史王思政傳有誤,然必是一人。 封太原郡公,子秉。而北史卷六二王思政傳又稱:「子康……思政陷後, 韶以因水城陷, 非戰之 也 而 於汪思政傳原缺,後人所補作「秉」,或後人回改。通常避諱用音近或義同字代,此取形近之字, 北史卷一〇周本紀下「柬」作「秉」。按本書卷一八王思政傳思政

- [八](翼)[冀]國公通薨 紀武成元年八月條,卷一三文閔明武宣諸子傳皆云通封冀國公。今據改。 北史卷一〇周本紀下、通鑑卷一七〇五二九七頁「翼」作「冀」。 按卷四明帝
- 昌城公(孫)深 殿本考證云:「北史卷一〇周本紀下及通鑑卷一七一,五三〇一頁俱無『孫』字。 按『深』即

紀第五

校

勘記

Č

宇文護之子,『孫』字當衍。」按考證說是,今據刪。

[10] 司(寬)[宗]李際 際」。殿本考證云據通鑑卷一七一五三〇一頁改。按通鑑作「司賓」,雖或別有所據,但今無可考, 諸本及無府卷一四二 1七三1頁都作「司宗李祭」,北史周本紀下作「司宗李

不宜以孤證輕改諸本及他書相同之字,今回改。「際」字見、北史,通鑑作「李除」亦「際」之訛,今仍

殿本改字。

[三] 帝親率(大)[六]軍講武於城東 一四八四頁亦作「六」。按本卷天和二年十月、六年十月、建德元年十一月並有「親率六軍講武城 北史卷一〇周本紀下「率」作「帥」,「大」作「六」。册府卷一二四

南」的紀載,知此處也應作「六軍」,今據改。

[三] 庶自聽朝 册府卷二七二九五頁「庶」作「須」,較長。

[三] 有能率其從軍者 册府卷一二四一四八八頁「其」作「募」。按「率募從軍」爲當時習用語。「率其」

文義不順,若非「其」下有脫文,即爲「率募」之誤。

周書卷六

帝紀第六

五帝下

獨不能自存者,所在量加賬卹。 親,庶民弗信。』刺史守令,宜親勸農,百司分番,躬自率導。 營軍器監。 建德四年春正月戊辰,以柱國枹罕公辛威爲寧州總管,太原公王康爲襄州總管。 壬申,詔曰:「今陽和布氣,品物資始,敬授民時,義兼敦勸。 逋租懸調,兵役殘功,並宜蠲免。」 癸酉,行幸 事非機要,並停至秋。 詩不云乎:『弗躬弗 同州 鰥寡孤 初置

二月丙戌朔,日有蝕之。 辛卯,改置宿衞官員。 己酉,柱國、廣德公李意有罪免。

丙寅,至自同州。 三月丙辰,遣小司寇淮南公元(衛)〔偉〕、納言伊婁謙使於齊。 甲戌,以柱國、趙王招爲雍州牧。 []郡縣各省主簿一人。

夏四月甲午,柱國、燕國公于寔有罪免。 帝 紀 第 六 武 帝 下 丁酉,初令上書者並爲表,於皇太子以下

稱咨。

六月, 韶東南道四總管內, 自去年以來新附之戶, 給復三年。

秋七月丙辰,行幸雲陽宮。己未,禁五行大布錢不得出入關,布泉錢聽入而不聽出。丁

卯,至自雲陽宮。甲戌,陳遣使來聘。

唯彼爲齊,猶懷跋扈。雖復戎車屢駕,而大勳未集。朕以寡昧,纂承鴻緒,往以政出權宰, 王公以爲何如。」羣臣咸稱善。 丁丑,詔曰: 虐,恣行無道,伐暴除亂,斯實其時。 無所措懷。 若攻拔河陰,兗、豫則馳檄可定。 丙子,召大將軍以上於大德殿,帝曰:「太祖神武膺運、創造王基,兵威所臨,有征無戰。 自親覽萬機,便圖東討。惡衣菲食,繕甲治兵,數年已來,戰備稍足。 今欲數道出兵,水陸兼進,北拒太行之路,東扼黎陽之 然後養銳享士,以待其至。 但得一戰,則破之必矣。 而偽主昏

刑妄逞,毒賦繁興,齊、魯軫殄悴之哀,幽、抖啓來蘇之望。 聘好,務息黎元。 由彼始; 高氏因時放命,據有汾、漳,擅假名器,歷年永久。 朕以亭毒爲心,遵養時晦,遂敦 兵興汾曲,事非我先。 而彼懷惡不悛,尋事侵軼,背言負信,竊邑藏姦。 此獲俘囚,禮送相繼;彼所拘執,曾無一反。 旣禍盈惡稔,衆叛親離,不 往者軍下宜陽,釁 加以淫

有一

一戎,何以大定。

今白藏在辰,涼風戒節,厲兵詰暴,時事惟宜。 朕當親御六師,襲行天罰。 庶憑祖

宗之靈,潛資將士之力,風馳九有,電掃八紘。 可分命衆軍,指期進發

以柱 親率六軍,衆六萬,直指河陰。 衆一萬守太行道,申國公李穆帥衆三萬守河陽道,常山公于翼帥衆二萬出陳、汝。 管,越王盛爲後一軍總管,周昌公侯莫陳瓊爲後二軍總管,趙王招爲後三軍總管,齊王 率衆二萬趣黎陽,隨國公楊堅、廣寧侯薛迴舟師三萬自渭入河,〔三柱國梁國公侯莫陳芮率 國陳王純爲前一軍總管,滎陽公司馬消難爲前二軍總管,鄭國公達奚震爲前三軍總 壬午,上 憲

城,拔之。 八月癸卯,入于齊境。 進攻子城,未克。 禁伐樹踐苗稼,犯者以軍法從事。丁未,上親率諸軍攻河陰大 上有疾。

皆棄而不守。 己卯,以華州刺史、畢王賢爲荆州總管。 九月辛酉夜,班師,水軍焚舟而退。 唯以王藥城要害,令儀同三司 齊王憲及于翼、李穆等所在克捷,降拔三十餘城, 韓正守之。 正尋以城降齊。 戊寅,至自東伐。

爲儀同大將軍,又置上開府、上儀同官。 多十月戊子,初置上柱國、上大將軍官,改開府儀同三司爲開府儀同大將軍,儀同三司 甲午,行幸 同州

里 月, 齊將尉 相貴寇大寧,延州總管王慶擊走之。 以柱國齊王憲、蜀國公尉遲迥爲上

帝紀

第

六

武帝下

九三

柱國,柱國代王達爲益州總管,大司寇滎陽公司馬消難爲梁州總管。 詔諸畿郡各舉賢良。

十一月己亥,三改置司內官員。

十二月辛亥朔,日有食之。庚午,至自同州。 丙子,陳遣使來聘。

是歲,岐、寧二州民饑,開倉賑給。

克舉;及行宣圭蓽,道著丘園:並須撿審,依名騰奏。其鰥寡孤獨,寔可哀矜,亦宜賑給,務 方,察訟聽謠,問民卹隱。其獄犴無章,侵漁黎庶,隨事究驗,條錄以聞。若政績有施,治綱 使周贍。」廢布泉錢。戊申,初令鑄錢者絞,其從者遠配爲民。 同州。丁酉,詔曰:「朕克己思治,而風化未弘。永言前古,載懷夕惕。可分遣大使,周省四 五年春正月癸未,行幸同州。辛卯,行幸河東凍川,集關中、河東諸軍校獵。甲午,還

一月辛酉,遣皇太子贇巡撫西土,仍討吐谷渾,戎事節度,並宜隨機專決。

三月庚子,月犯東井第一星。壬寅,至自同州。文宣皇后服再期,戊申,祥。

夏四月乙卯,行幸同州。開府、淸河公宇文神舉攻拔齊陸渾等五城。

五月壬辰,四至自同州。

六月戊申朔,日有食之。 辛亥,祠太廟。丙辰,利州總管、紀王康有罪,賜死。丁巳,行

幸雲陽宮。月掩心後星。庚午,熒惑入興鬼。

秋七月乙未,京師早。

八月戊申,皇太子伐吐谷渾,至伏俟城而還。 乙卯,至自雲陽宮。 乙丑,陳遣使來聘。

九月丁丑,大醮於正武殿,以祈東伐。

若復同往年,出軍河外,直爲撫背,未扼其喉。然晉州本高歡所起之地,鎭攝要重,今往攻 行師,殆同兒戲。又聞其朝政昏亂,政由羣小,百姓嗷然,朝不謀夕。天與不取,恐貽後悔。 軌。」諸將多不願行。帝曰:「幾者事之微,不可失矣。若有沮吾軍者,朕當以軍法裁之。」 之,彼必來援,吾嚴軍以待,擊之必克。然後乘破竹之勢,鼓行而東,足以窮其窟穴,混同文 萬守統軍川,大將軍韓明步騎五千守齊子嶺,(焉)[鳥]氏公尹昇[云]步騎五千守(鍾)鼓[鍾] 至晉州,遣齊王憲率精騎二萬守雀鼠谷,陳王純步騎二萬守千里徑,鄭國公達奚震步騎一 右三軍總管,譙王儉爲左一軍總管,大將軍竇(泰)[恭]爲左二軍總管,至 廣化公丘崇爲左 三軍總管,齊王憲、陳王純爲前軍。庚戌,熒惑犯太微上將。戊午,歲星犯太陵。癸亥,帝 冬十月,帝謂羣臣曰:「朕去歲屬有疹疾,遂不得克平逋寇。 己酉,帝總戎東伐。以越王盛爲右一軍總管,杞國公亮爲右二軍總管,隨國公楊堅爲 前入賊境,備見敵情,觀彼

鎭,任源城公辛韶步騎五千守滯津關,柱國、趙王招步騎一萬自華谷攻齊汾州諸城,柱國

永安二城,並拔之。 宇文盛步騎一萬守汾水關。 加授大將軍,留精兵一萬以鎭之。又遣諸軍徇齊諸城鎭,並相次降款。 主特進、開府、海昌王尉相貴,俘甲士八千人,送關中。甲戌,以上開府梁士彥爲晉州刺史, 城北面,夜密遣使送款,上開府王軌率衆應之。未明,登城鼓噪,齊衆潰,遂克晉州,擒其城 曲赴城下,親督戰,城中惶窘。 庚午,齊行臺左丞侯子欽出降。 是夜,虹見於晉州城上,首向南,尾入紫微宮,長十餘丈。 遭內史王誼監六軍,攻晉州城。帝屯於汾曲。<u>齊王</u>憲攻洪洞 壬申,齊晉州刺史崔景嵩守 帝每 日自

齊諸城鎭降人還。丁酉,帝發京師。壬寅,度河,與諸軍合。 固。〔<ご 暨元戎反旆,方來聚結,遊魂境首,尚敢趦趄。 股今更率諸軍,應機除剪。」丙申,放 信背約,惡稔禍盈,是以親總六師,問罪汾、晉。兵威所及,莫不摧殄,賊衆危惶,烏栖自 軍於涑水,爲晉州聲援。河東地震。癸巳,至自東伐。獻俘於太廟。甲午,詔曰:「僞齊違 爲後拒。是日,齊主至晉州,憲不與戰,引軍度汾。齊主逐圍晉州,晝夜攻之。齊王憲屯諸 十一月己卯,齊主自持州率衆來援。帝以其兵新集,且避之,乃詔諸軍班師,遣齊王憲

名以慰勉之。 將士感見知之恩,各思自厲。 將戰,有司請換馬。 帝曰:「朕獨乘良馬何所 戌,帝帥諸軍八萬人,置陣東西二十餘里。帝乘常御馬,從數人巡陣處分,所至輒呼主帥姓 十二月戊申,次於晉州。初,齊攻晉州,恐王師卒至,於城南穿塹,自喬山屬於汾水。庚

之。三齊主亦於塹北列陣。 申後,齊人塡塹南引。帝大喜,勒諸軍擊之,齊人便退。

其麾下數十騎走還幷州。 齊衆大潰,「丸」軍資甲仗,數百里間,委棄山積。

獨往。」諸將不敢言。〔10〕甲寅,齊主遣其丞相高阿那肱守高壁。〔1〕帝麾軍直進,那肱望風退 |主留其從兄安德王延宗守幷州,自將輕騎走鄴。二三是日,詔〔齊王公以下〕日: , 丙辰,師次介休,齊將韓建業舉城降,以爲上柱國,封郇國公。<<a>三丁巳,大軍次抖州,齊 辛亥,帝幸晉州,仍率諸軍追齊主。諸將固請還師,帝曰:「縱敵患生。 卿等若疑,朕將

聞,醜聲夙著,酒色是耽,盤游是悅。閹豎居阿衡之任,胡己四人寄喉脣之重。棟梁骨 鯁,翦爲仇讐;)狐、趙緒餘,降成阜隸。 民不見德,唯虐是聞。 朕懷茲漏網,置之度外, 正欲各靜封疆,共紓民瘼故也。 一世之人,寘之仁壽之域。嗟彼齊趙,獨爲匪民,乃睠東顧,載深長想。僞主涼德早 〔夫樹之以君,司牧黔首,蓋以除其苛慝,恤其患害。 朕君臨萬國,志淸四海,思濟

謀,爪牙奮干戈之勇,贏糧坐甲,若赴私讐。是以一鼓而定晉州,再舉而摧逋醜。僞丞 威,應時崩潰,那肱則單馬宵遁,建業則面縛軍和,爾之逃卒,所知見也。 相高阿那肱驅逼餘燼,江三竊據高壁;偽定南王韓建業作守介休,規相抗擬。 爾之主相,曾不是思,欲構厲階,反貽其梗。我之率土,咸求傳刃,帷幄獻兼弱之 聊示兵

帝紀第六 武帝下

若下愚不移,守迷莫改,則委之執憲,以正刑書。嗟爾庶士,胡寧自棄。或我之將卒, 誠。 等威,氣逐風雲齊舉。 王師所次,已達近郊,望歲之民,室家相慶,來蘇之后, 思副厥 忌,攻昧侮亡,兵之上術。 朕今親馭羣雄,長驅宇內,六軍舒旆,萬隊啓行。 僞將相王公已下,衣冠士民之族,如有深識事宜,建功立効,官榮爵賞,各有加隆。 僞主若妙盡人謀,深達天命,牽羊道左,銜璧轅門,當惠以焚櫬之恩,待以列侯之 勢與雷電

自 是齊之將帥,降者相繼。 封其特進、開府賀拔伏恩爲郜國公,其餘官爵各有差。

逃彼逆朝,無問貴賤,皆從蕩滌。善求多福,無貽後悔。璽書所至,咸使聞知。

衆排陣而 帝率諸軍合戰,齊人退,帝乘勝逐北,率千餘騎入東門,詔諸軍繞城置陣。 扉不得闔。 戊午,高延宗僭即僞位,改年德昌。己未,軍次幷州。 前,城中軍却,人相蹂踐,大爲延宗所敗,死傷畧盡。齊人欲閉門,以閣下積尸,曰己 帝從數騎,崎嶇危險,僅得出門。至明,率諸軍更戰,大破之,擒延宗,幷州平。 庚申,延宗擁兵四萬出城抗拒, 至夜,延宗率其

海內,混楚弓於天下,一物失所,有若推溝。 昔天厭水運,龍戰于野,兩京圮隔,四紀于茲。 股垂拱巖廊,君臨宇縣,相邠民於 方欲德綏未服,義征不譓。偽主高緯,放

幽 既振,魚潰鳥離,破竹更難,建瓴非易,日也延宗衆散,解甲軍門。 桃塞,無疆之慶,非獨在余。 命燕齊,怠慢典刑,俶擾天紀,加以背惠怒鄰,棄信忘義。 而 |青海岱,折簡而來,冀北河南,傳檄可定。 八紘共貫,六合同風,方當偃伯靈臺,休牛 |高延宗擾攘之間,遂竊名號,與僞齊昌王莫多婁敬顯等,收合餘燼,背城抗敵。 蕩平陽, 再舉而摧勍敵。僞署王公,相繼道左。 高緯智窮數屈,逃竄草間。 **朕應天從物,伐罪弔民,一鼓** 根本旣傾,枝葉自實, 偽安德

蕩滌。 宥。官榮次序,依例無失。其齊僞制令,即宜削除。 並 ·宜銓錄。 百年去殺,雖或難希,期月有成,庶幾可勉。 漢皇約法,除其苛政,姬王輕典,刑彼新邦。 可大赦天下。 高緯及王公以下,若釋然歸順,咸許自新。諸亡入僞朝,亦從寬 思覃惠澤,被之率土,新舊臣民,皆從 鄒魯縉紳,幽抖騎士,一介可稱,

業公尉遲運 封齊王憲子安城郡公質爲河間王,大將軍廣化公丘崇爲潞國公,神水公姬願爲原國公,廣 越王盛、杞國公亮、梁國公侯莫陳芮、庸國公王謙、北平公寇紹、鄭國公達奚震並爲上柱國。 丙寅,出齊宮中金銀寶器珠翠麗服及宮女二千人,班賜將士。以柱國趙王招、陳王純、 爲盧國公。 諸有功者,封授各有差。 癸酉,帝率六軍趣鄴。 以上柱國、陳王純

局幷州總管。

戰也,於陣獲其齊昌王莫多婁敬顯。帝責之曰:「汝有死罪者三:前從|并走|鄴,攜妾棄母,是 先送其母幷妻子於靑州,及城陷,乃率數十騎走靑州。 遣大將軍尉遲勸率二千騎追之。是 主先於城外掘壍豎栅。癸巳,帝率諸軍圍之,齊人拒守,諸軍奮擊,大破之,遂平鄴。 不死何待。」遂斬之。是日,西方有聲如雷者一。 不孝;外爲僞主戮力,內實通啓於朕,是不忠;送款之後,猶持兩端,是不信。 如此用懷,

於潜。 平鄴,身殞戰場者,其子卽授父本官。」尉遲勤擒齊主及其太子恆於靑州。 獨孤永業爲應國公。丙申,以上柱國、越王盛爲相州總管。己亥,詔曰:「自晉州大陣至于 甲午,帝入鄴城。 孝卿未達,被執送鄴。 齊任城王湝先在冀州,齊主至河,遣其侍中斛律孝卿送傳國璽禪位 詔去年大赦班宣未及之處,皆從赦例。 封齊開府、洛州刺史

除凶暴,表閻封墓,事切下車。 明月,日弘僞侍中、特進、開府故崔季舒等七人,或功高獲罪,或直言見誅。 庚子,詔曰:「偽齊之末,姦佞擅權,濫罰淫刑,動挂羅網,自己僞右丞相、咸陽王故斛律 宜追贈諡,幷窆措。其見存子孫,各隨蔭敍錄。 朕 兵 以 家口田宅沒 義動,翦

官者,並還之。」

毀撤。瓦木諸物,凡入用者,盡賜下民。山園之田,各還本主。」 風敎,追念生民之費,尙想力役之勞。方當易茲弊俗,率歸節儉。 層臺累構,槩日凌雲。以暴亂之心,極奢侈之事,有一於此,未或弗亡。朕菲食薄衣,以弘 辛丑,詔曰:「僞齊叛渙,竊有漳濱,世縱淫風,事窮彫飾。或穿池運石,爲山學海;或 其東山、南園及三臺可並

置宮及六府官。 (六)[八]百八十六。[三]乃於河陽、幽、靑、南兗、豫、徐、北朔、定並置總管府,相、幷二總管各 軍討平之。齊定州刺史、范陽王高紹義叛入突厥。齊諸行臺州鎭悉降,關東平。合州五十 五,郡一百六十二,縣三百八十五,[10] 戶三百三十萬二千五百二十八,[11] 口二千萬六千 降自阼階,以賓主之禮相見。。高湝在冀州擁兵未下,遣上柱國、齊王憲與柱國、隨公楊堅率 二月丙午,論定諸軍功勳,置酒於齊太極殿,會軍士以上,班賜有差。丁未,齊主至,帝

來,河南諸州之民,僞齊被掠爲奴婢者,不問官私,並宜放免。其住在淮南者,亦卽聽還,願 黎人,念甚泣辜,誠深罪己。除其苛政,事屬改張,宜加寬宥,兼行賬卹。自僞武平三年以 天,毒流比屋。無罪無辜,係虜三軍之手;不飲不食,僵仆九逵之門。曰己朕爲民父母,職養 (往)[住]潍北者,[回]可隨便安置。其有癃殘孤老,饑餒絕食,不能自存者,仰刺史守令及親 癸丑,詔曰:「無悔焭獨,事顯前書; 哀彼矜人,惠流往訓。僞齊末政,昏虐寔繁,災甚滔

紀

武

帝下

民長司,躬自檢校。 無親屬者,所在給其衣食,務使存濟。」

乙卯,帝自鄴還京。丙辰,以柱國、隨公楊堅爲定州總管。

明立條科,務在弘益。」 平,王道初被,齊氏弊政,餘風未殄。 大駕布六軍,備凱樂,獻俘於太廟。京邑觀者皆稱萬歲。戊申,封齊主爲溫國公。庚戌,大 疾苦,不能上達,寢興軫慮,用切於懷。宜分遣使人,巡方撫慰,觀風省俗,宣揚治道。 會羣臣及諸蕃客於露寢。 夏四月乙巳,至自東伐。列齊主於前,其王公等並從,車轝旗幟及器物以次陳於其後。 三月壬午,韶山東諸州,各舉明經幹治者二人。若奇才異術,卓爾不羣者,弗拘多少。 乙卯,廢蒲、陝、涇、寧四州總管。己巳,祠太廟。 朕劬勞萬機,念存康濟。恐淸淨之志,未形四海,下民 韶曰:「東夏旣

嗜欲。往者,冢臣專任,制度有違,正殿別寢,事窮壯麗。非直雕牆峻宇,深戒前王,而締構 惡衣菲食,貴昭儉約。上棟下宇,土階茅屋,猶恐居之者逸,作之者勞,詎可廣厦高堂,肆其 震爲大宗伯,梁國公侯莫陳芮爲大司馬,柱國應國公獨孤永業爲大司寇,鄖國公韋孝寬爲 弘敞,有踰淸廟。不軌不物,何以示後。兼東夏初平,民未見德,率先海內,宜自朕始。其 大司空。辛巳,大醮於正武殿,以報功也。 五月丁丑,以柱國、譙王儉爲大冢宰。庚辰,以上柱國杞國公亮爲大司徒,鄭國公達奚 己丑,祠方丘。 詔曰:「朕欽承丕緒,寢興寅畏,

露寢、會義、崇信、含仁、雲和、思齊諸殿等,農隙之時,悉可毀撤。雕斵之物,並賜貧民。 農之隙,別漸營構,止蔽風雨,務在卑狹。」庚子,陳遣使來聘。是月,青城門無故自尉。 侈過度,誠復作之非我,豈容因而弗革。 諸堂殿壯麗,並宜除蕩,甍宇雜物,分賜窮民。 造之宜,務從卑朴。」癸巳,行幸雲陽宮。戊戌,詔曰:「京師宮殿,已從撤毀。」幷、鄴二所,華

爲〔妻〕妾。〔三〕其已定未成者,即令改聘。」 然也。而娶妻買妾,有納母氏之族,雖曰異宗,猶爲混雜。自今以後,悉不得娶母同姓,以 置芳州,廣川防置弘州。甲子,帝東巡。丁卯,詔曰:「同姓百世,婚姻不通,蓋惟重別,周道 六月丁未,至自雲陽宮。辛亥,御正武殿錄囚徒。癸亥,於河州鷄鳴防置旭州,甘松防

在所,共論治政得失。戊戌,以上柱國、庸公王謙爲益州總管。 芝草。丙戌,行幸洛州。己丑,詔山東諸州舉有才者,上縣六人,中縣五人,下縣四人,赴行 秋七月己卯,封齊王憲第四子廣都公負爲莒國公,紹莒莊公洛生後。〔云〕癸未,應州獻

以措。 世重。 尾狐,皮肉銷盡,骨體猶具。 八月壬寅,議定權衡度量,頒於天下。其不依新式者,悉追停。詔曰:「以刑止刑,世輕 罪不及嗣,皆有定科。 道有沿革,宜從寬典。 帝曰: '瑞應之來, 必昭有德。 凡諸雜戶,悉放爲民。 雜役之徒,獨異常憲,一從罪配,百世不免。 配雜之科,因之永削。」甲子,鄭州獻九 若使五品時敍,四海和平,家識 罰旣無窮,刑何

帝

紀第六

武帝下

孝慈,人知禮讓,乃能致此。今無其時,恐非實錄。」乃命焚之。

軍、上黃公王軌爲郯國公。吐谷渾遣使獻方物。 州獻白雀。壬辰,詔東土諸州儒生,明一經已上,並舉送,州郡以禮發遣。癸卯,封上大將 綢、綿綢、絲布、圓綾、紗、絹、綃、葛、布等九種,餘悉停斷。 朝祭之服,不拘此例。 九月壬申,以柱國鄧國公竇熾、申國公李穆並爲上柱國。戊寅,初令民庶已上,唯聽衣 甲申,絳

冬十月戊申,行幸鄴宮,戊午,改葬德皇帝於冀州。 帝服總,哭於太極殿,百官素服哭。

是月,誅溫國公高緯。

是月,稽胡反,遣齊王憲率軍討平之。 侵呂梁,徐州總管梁士彥出軍與戰,不利,退守徐州。 遣上大將軍、郯國公王軌率師討之。 十一月庚午,百濟遣使獻方物。壬申,封皇子充爲道王,兄爲蔡王。癸酉,陳將吳明徹

陵之後,良人沒爲奴婢者:並宜放免。 及客女。 韶自永熙三年七月已來,去年十月已前,東土之民,被抄畧在化內爲奴婢者,及平江 所在附籍,一同民伍。 若舊主人猶須共居,聽留爲部

劉、曹已降,等列彌繁,選擇遍於生民,命秩方於庶職。 韶曰:「正位於中,有聖通典。 質文相革,損益不同。 五帝則四星之象,三王制六宮之 椒房丹地,有衆如雲。本由嗜

曲

從約簡。 欲之情,非關風化之義。 股運當澆季,思復古始,無容廣集子女,屯聚宮掖。 可置妃二人,世婦三人,御妻三人,自茲以外,悉宜減省。」 弘贊後庭,事

己亥晦,日有蝕之。

以上,小盜及詐偽請官物三十匹以上,正長隱五戶及十丁以上、隱地三頃以上者,至死。至己 刑書所不載者,自依律科。 初行刑書要制。 持杖羣彊盜一匹以上,不持杖羣彊盜五匹以上,監臨主掌自盜二十匹

道爲 公宇文神舉破平之。 戊辰,廢幷州宮及六府。 河陽總管。 十二月戊午,吐谷渾遣使獻方物。己未,東壽陽土人反,率衆五千襲幷州城,刺史東平 丁卯,以柱國、隨國公楊堅爲南兗州總管, 庚申,行幸幷州宮。 是月,北營州刺史高寶寧據州反。 移幷州軍人四萬戶於關中。 上柱國、 申國公李穆爲幷州總 丙寅,以柱國 滕王

洛州 置潞州。 ,清河郡置貝州,黎陽郡置黎州,汲郡置衞州;分定州常山郡置恆州;分幷州上 宣政元年春正月癸酉,吐谷渾偽趙王他婁屯來降。 辛卯,行幸懷州。 癸巳,幸洛州。 韶於懷州 置宮。 壬午,行幸鄴宮。 分相州 廣平郡置

月甲辰,柱國、大冢宰譙王儉薨。丁巳,帝至自東巡。 乙丑,以上柱國越王盛爲大冢

紀

宰,陳王純爲雍州牧。

於呂梁,擒其將吳明徹等,俘斬三萬餘人。丁亥,詔:「柱國故豆盧寧征江南武陵、南平等 以阜紗爲之,加簪而不施纓導,其制若今之折角巾也。上大將軍、郯國公王軌破陳師 三月戊辰,於蒲州置宮。廢同州及長春二宮。壬申,突厥遣使獻方物。甲戌,初服常

郡,所有民庶爲人奴婢者,悉依江陵放免。」壬辰,改元。 夏四月壬子,初令遭父母喪者,聽終制。庚申,突厥入寇幽州,殺掠吏民。議將討之。

中公私驢馬,悉從軍。癸巳,帝不豫,止于雲陽宮。丙申,詔停諸軍事。 五月己丑,帝總戎北伐。遣柱國原公姬願、東平公宇文神舉等率 軍五道俱入。發關

六月丁酉,帝疾甚,還京。其夜,崩於乘輿。時年三十六。遺詔曰:

疾大漸,氣力稍微,有志不申,以此歎息。 雖復妖氛蕩定,而民勞未康。每一念此,如臨冰谷。將欲包舉六合,混同文軌。今遘 肇開王業。 滅趙榛蕪,久竊名號。 朕上述先志,下順民心,遂與王公將帥,共平東夏。 姓安樂,刑措罔用,所以昧旦求衣,分宵忘寢。昔魏室將季,海內分崩,太祖扶危翼傾, 人肖形天地,稟質五常,脩短之期,莫非命也。朕君臨字縣,十有九年,未能使百

天下事重,萬機不易。王公以下,爰及庶僚,宜輔導太子,副朕遺意。令上不負太

統,此其志也。

祖,下無失爲臣。朕雖瞑目九泉,無所復恨。

禮,墓而不墳,自古通典。 朕平生居處,每存菲薄,非直以訓子孫,亦乃本心所好。 隨吉即葬,葬訖公除。 四方士庶,各三日哭。 喪事資用,須使儉而合 妃嬪以下無子

諡曰武皇帝,廟稱高祖。己未,葬於孝陵。

者,悉放還家。

然。 士,必自執杯勸酒,或手付賜物。 山谷,履涉勤苦,皆人所不堪。平齊之役,見軍士有跣行者,帝親脫靴以賜之。 宮嬪御,不過十餘人。勞謙接下,自彊不息。以海內未康,銳情敎習。至於校兵閱武,步行 諸宮殿華綺者,皆撤毀之,改爲土階數尺,不施爐栱。 克己勵精,聽覽不怠。 士卒死力,以弱制強。 性旣明察,少於恩惠。凡布懷立行,皆欲踰越古人。 帝沉毅有智謀。 初以晉公護專權,常自晦迹,人莫測其深淺。及誅護之後,始親萬機。 用法嚴整,多所罪殺。 破齊之後,遂欲窮兵極武,平突厥,定江南,一二年間,必使天下一 至於征伐之處,躬在行陣。 號令懇惻,唯屬意於政。 其雕文刻鏤,錦繡纂組,一皆禁斷。後 身衣布袍,寢布被,無金寶之飾, 性又果決,能斷大事。 羣下畏服,莫不肅 每 宴 故能得 會將

彼一此。 史臣曰:自東西否隔,二國爭彊,戎馬生郊,干戈日用,兵連禍結,力敵勢均,疆場之事, 高祖纘業,未親萬機,慮遠謀深,以蒙養正。及英威電發,朝政惟新,內難旣除,

危,盛矣哉,其有成功者也。若使翌日之瘳無爽,經營之志獲申,黷武窮兵,雖見譏於良史, 兵之術,乘讐人之有釁,順大道而推亡。五年之間,大勳斯集。攄祖宗之宿憤,拯東夏之阽 外晷方始。乃苦心焦思,克己勵精,勞役爲士卒之先,居處同匹夫之儉。脩富民之政,務彊

校勘記

雄圖遠畧,足方駕於前王者敷。

[1] 遣小司寇淮南公元(衞)(偉)納言伊婁謙使於齊 按卷三八元偉傳, 偉封淮南縣公, 建德二年官

小司寇,四年使於齊。北史卷一五常山王遵附偉傳同。此處之「元衞」自爲「元偉」之誤。通鑑

卷一七二五三四三頁亦作「衞」。考異曰:「謙傳隋書卷五四作『拓跋偉』,今從周書帝紀。」則司馬光

所見問書已作「元衞」。「元」爲「拓跋」改姓,「拓跋」又爲「元」之復姓,伊婁謙傳也可證出使者是

元偉。今據改。

[1]廣寧侯薛迴「迴」原作「迴」。諸本及册府卷一一七二三九三頁「迴」都作「迴」。北史周本紀下作

「廣寧公侯莫陳迥」,侯莫陳當是賜姓,或涉下「侯莫陳芮」而誤。 「父回,字道弘,仕周官至涇州刺史」,當卽其人,而又作「回」,但可以旁證作「迴」是。 今據諸本 按隋書卷六五薛世雄傳云:

- 及册府逕改。「侯」,局本及北史、通鑑卷一七二五三四五頁作「公」,未知孰是。
- (三)十一月己亥 汲本、局本「己亥」作「庚寅」。按是月辛巳朔,庚寅爲十日,己亥爲十九日。
- 五月壬辰
- 〔五〕竇(泰)〔恭〕 亦誤。」按册府卷一一七一三九四頁、御覽卷一〇五五〇六頁正作「恭」。 張說是,今據改。 張森楷云:「『泰』當作『恭』,竇恭是竇熾子,事見熾傳周書卷三〇。北史卷一〇周本紀下
- 「六」(焉)(鳥)氏公尹昇 鑑卷一七二五三五三頁作「焉氏公尹升」,胡注以爲「焉氏」即魏書地形志涼州番和郡之燕支縣。按 顏師古注「氏晉支」,知「氐」字誤。 魏書卷四五章遺附梁顯傳稱梁嵩遵封烏氏縣開國伯,正作 魏書卷一〇六地形志安定郡有鳥氏縣,云「二漢、晉屬安定」。則即漢書地理志之「鳥氏」。漢志 「升」無所作「尹昇」,知採自爲書。「昇」「升」互通。「焉氏」則無此郡縣。當從北史、册府作「鳥氏」。通 · 烏氏」。 尹昇所封亦卽此縣,作「焉氏」誤,不必強以燕支縣實之。 今據改。 北史卷一〇周本紀下、册府卷一一七一三九四頁「焉」作「鳥」,北史「昇」作
- [十](鍾)鼓[鍾]鎭 第 六 校 宋本、南本及北史周本紀下、册府卷一一七二三九四頁、通鑑卷一七二五三五三頁「鍾 勘記 一〇九

鼓」都作「鼓鍾」。 通鑑胡注引水經注卷四河水注敎水所經有鼓鍾上峽、鼓鍾川、鼓鍾城。 知「鍾

鼓」爲「鼓鍾」誤倒,今據改。

(へ)鳥栖自固 |宋本「鳥」作「鳥」,汲本作「鳥」,下注一作「鳥」。 册府卷一一七一三九四頁亦作「鳥」。

ハ た し 齊主亦於塹北列陣至齊衆大潰 一一一十一三九四頁、經覽卷二八○一三○五頁此段作:「齊

後,齊人塡塹南引。 | 册府訛作「王」 亦於塹北 帝大喜,勒諸軍擊之。兵纔合,齊人便退。帝御覽殿「退帝」二字逐北,斬首萬有 御覽訛作「此塹」 列陣。 帝欲薄之,以礙塹遂止。 自旦至申,相持不決。 申

御覽無「有」字餘級。 三十一字。今本憑書此段和北史全同,當因殘缺,後人以北史補。大致從此開始直到詔書「人 齊主與其麾下數十騎走還幷州。 於是齊衆大潰。」按删府此段多出今本問書

寄喉舌之重」以上,都已缺失,敍事部分後人用、北史補上,而詔書不見、北史,就留下了空白。其 實卒白遠不止詔書所缺。 删府、御覽編纂時所據本這段缺文尚在。甚至通鑑所據也還是未殘

字稍微有改動而已。可知這一大段的殘缺和以北史補亡當在南宋時。 本。通鑑卷一七二五三五八——五九頁敍這次戰事,颁府、御覽多出今本的文字基本上都有,僅用

諸將不敢言 册府卷一一七 二三九五頁下有「癸丑軍次汾水關」五字,今本問書及北史周本紀下

無。通鑑卷一七二五三六〇頁作「癸丑至汾水關」。

齊主遣其丞相高阿那肱守高壁 一一七一三九五頁「肱」作「瓌」,下多「率兵一萬」四字。

,突補,才作「肱」,後人却連下文「瓌」字一律改成「肱」。 但如北齊書所說,高阿那肱的「肱」字乃 通鑑卷一七二五三六〇頁亦云:「高阿那肱所部兵尚一萬,守高壁。」按北齊書卷五〇恩倖高阿那 是正字,而且周書傳刻已久作「肱」,故不回改。册府多四字,與通鑑合,足證今本這一段以北

〉史補。 齊將韓建業舉城降以爲上柱國封郇國公 知。 郇公」,北史、册府都有刪節,北史去「開府」之官,册府刪去封公。周書原本當皆有之,觀通鑑可 | 封郇國公」四字。通鑑卷一七二五三六一頁作「齊開府儀同三司韓建業舉城降,以爲上柱國,封 但通鑑於舊史稱「開府」者例增「儀同三司」四字,非有別據。 册府卷一一七 二三九五頁「齊將」下多「開府」二字,無

齊主留其從兄安德王延宗守幷州自將輕騎走鄴 缺失首尾。 按自此以上至「齊主亦於塹北列陣」都是以北史補。多一「等」字,本可不舉,却可以證明武帝紀 册府卷一一七一三九五頁「延宗」下有「等」字。

是日韶「齊王公以下」日「夫樹之以君至胡」 「是日詔齊王公以下,示以逆順之道」,而不載詔書。補周書者見下面殘缺詔書,乃改作「是日詔 日」,而注云「此下缺」。 册府卷一六四一九七七頁有詔書全文,文館詞林卷六六二有後周武帝伐 原作「是日韶曰此下缺」。按北史卷一〇周本紀下作

帝

紀

第六

校勘記

北齊詔二首,第二首即此詔而缺其尾。今據補「詔」下五字,「曰」下八十二字。又,「嗟」字文館

詞林作「緬」。

(1吾) 高阿那肱 宋本和册府卷一六四一九七七頁「肱」都作「瓖」。前「高阿那肱守高壁」條乃是以北史 後人疑其前後異稱,就連後面「瓖」字都改作「肱」。

補,故作「肱」參校記第一一條。

兩「肱」字尙留有挖改痕跡。 知周書本都作「瓖」。下六行「那肱則單馬宵遁」條「肱」字同,不別

今南本此詔中

出校記。

闇下 積尸 宋本和北史卷一〇周本紀下、册府卷一一七二三九五頁「闇」作「閫」。

[14] 破竹更難建瓴非易 這二句的上文言齊軍潰敗之狀。如要接着說齊軍不能抵抗,應用 |負隅|

「當車」等字面來表示,今用「破竹」「建瓴」,知是說周軍勢大,「建瓴」更合關中之兵東下之意,但

「更難」「非易」却又說難以取勝,顯然矛盾。疑「更」「非」二字誤倒,當作「破竹非難,建瓴更易」,

則文意相貫

動挂羅網 「挂」原作「持」,諸本及北史周本紀下、册府卷一三八一六六七頁「持」都作「挂」,今

逕改。

偽右丞相咸陽王故斛律明月 缺,後人以北史補 按北齊書卷一七斛律金附子光傳、北史卷八齊本紀上北齊書此卷

斛律光死前已由右丞相轉左丞相。凡稱官封,應以最後爲定,此處「右」當作

「左」。但諸本及北史、册府皆同,或所本的詔書已誤,今不改。

合州五十五郡一百六十二縣三百八十五 十五」,則「六」「八」二字易混,雖不知孰是,原來當無歧異。唯州數相差甚多。 「恐周書、北史均誤」。至御覽卷三二四一四九二頁作「州五十」,則當是脫去下「五」字。 「州九十有七郡一百六十縣三百六十五」。按隋志於郡數不過去其畸零之數。 北史卷一〇周本紀下同。 隋書卷二九地理志序作 縣數作「三百六 楊氏考證以爲

- 戶三百三十萬二千五百二十八、北史周本紀下脫「三百」二字。册府卷四八六五八〇八頁作「二 舉尾數。删府之「二百三萬」,「二」當是「三」之誤。疑今周書諸本衎「十」字。 百三萬」,尾數同,通典卷七作「三百三萬」,尾數同,隨書卷二九地理志序亦作「三百三萬」而不
- 頁、御覽卷三二四一四九二頁、通典卷七都作「八百」,今據改。 口二千萬六千(六)[八]百八十六 宋本「六百」作「八百」,北史周本紀下、册府卷四八六五八〇八
- 僵仆九逵之門 作「九達之間」。 |宋本「逵」作「達」、冊府卷一四六一七七四頁、文館詞林卷六七〇後周武帝大赦詔
- 願(往)[住]淮北者 淮南人。作「住」是,今據改。 宋本及北史、文館詞林卷六七〇「往」作「住」。 按此指願意留住在淮北的
- 悉不得娶母同姓以爲〔妻〕妾 帝 紀 第 六 校 勘 記 局本及北史卷一〇周本紀下「妾」上有「妻」字,按上云:「娶妻買

四四

妾,有納母氏之族」,知妻妾當並在禁例,今據補。

(三六) 封齊王憲第四子廣都公負爲莒國公紹莒莊公洛生後 一二齊王憲傳稱憲六子貴、質、賨、貢、乾禧、乾洽,貢出後莒莊公。 卷一〇莒莊公洛生傳作「廣都公眞」。卷 北史卷五八周室諸王傳同。

按宇文泰諸孫,名多從貝,而字皆上乾下某。洛生傳作「眞」誤。卷一三德王直傳稱其第二子名

「貢」,不應重複,但「負」也不像人名。今不改。

[三] 持杖羣彊盜一匹以上至隱地三頃以上者至死 「皆」,通鑑卷一七三五三八三頁作「若地頃以上皆死」。按「至死」包括「持杖羣彊盜一匹以上」以 北史周本紀下、册府卷六一一七三三九頁「者」作

至「隱地」諸罪條,「者」疑當作「皆」字。三頃與一頃,未知孰是。

周書卷七

帝紀第七

宣帝

國。 月丙午,封魯國公。建德元年四月癸巳,高祖親告廟,冠於阼階,立爲皇太子。 撫西土。文宣皇后崩,高祖諒闇,詔太子總朝政,五旬而罷。高祖每巡幸四方,太子常留監 五年二月,又詔皇太子巡西土,因討吐谷渾。 宣皇帝諱贇,字乾伯,高祖長子也。 母日李太后。武成元年,生於同州。 韶皇太子巡 保定元年五

熒惑、太白合於東井。甲子,誅上柱國、齊王憲。封開府于智爲齊國公。 宣政元年六月丁酉,高祖崩。戊戌,皇太子卽皇帝位,尊皇后爲皇太后。 癸丑,歲星、

妃楊氏爲皇后。 閏月乙亥, 詔山東流民新復業者, 及突厥侵掠家口破亡不能存濟者, 並給復一年。 立 辛巳,以上柱國趙王招爲太師,陳王純爲太傅,柱國代王達、滕王逌、盧國

公尉遲運、薛國公長孫覽並爲上柱國。進封柱國、平陽郡公王誼爲揚國公。日 是月,幽州

人盧昌期據范陽反,詔柱國、東平公宇文神舉帥衆討平之。

戌,以柱國、南兗州總管、隨公楊堅爲上柱國、大司馬。癸亥,尊所生李氏爲帝太后 宗伯、岐國公斛斯徵爲大宗伯。丙辰,熒惑、太白合於七星。己未,太白犯軒轅大星。 秋七月辛丑,月犯心前星。乙巳,祠太廟。丙午,祠圓丘。戊申,祠方丘。庚戌,以小

國、揚國公王誼爲大司空。庚辰,太白入太微。丙戌,以柱國、永昌公椿爲大司寇。 自存者,並加稟恤。以大司徒、杞國公亮爲安州總管,上柱國、薛國公長孫覽爲大司徒,柱 廉,上州、上郡歲一人,下州、下郡三歲一人;九日,年七十以上,依式授官,鰥寡困乏不能 若欲入仕,皆聽預選,降二等授官,八日,州舉高才博學者爲秀才,郡舉經明行修者爲孝 蓽,文武可施,宜竝採訪,具以名奏;七日,偽齊七品以上,已敕收用,八品以下,爰及流外, 順孫義夫節婦,表其門閭,才堪任用者,即宜申薦;六曰,或昔經驅使,名位未達,或沉淪蓬 聽婚;三日,以杖決罰,悉令依法;四日,郡縣當境賊盜不擒獲者,並仰錄奏;五日,孝子 遣大使巡察諸州。詔制九條,宣下州郡:一曰,決獄科罪,皆准律文,,二曰,母族絕服外者, 九月丁酉,熒惑入太微。以柱國宇文盛、張掖公王傑、枹罕公辛威、鄖國公韋孝寬並爲 八月丙寅,夕月於西郊。長安、萬年二縣民居在京城者,給復三年。壬申,行幸同州。

一六

反,ED 韶上柱國、越王盛爲行軍元帥,率衆討平之。 庚申,熒惑犯左執法。 上柱國。 庚戌,封皇弟元爲<u>荆</u>王。詔諸應拜者,皆以三拜成禮。 汾州稽胡帥劉受邏千舉兵

冬十月癸酉,至自同州。以大司空、揚國公王誼爲襄州總管。 戊子,百濟遣使獻方物。

十一月己亥,講武於道會苑,帝親擐甲胄。 是月,突厥寇邊,圍酒泉,殺掠吏民。

十一月甲子,以柱國、畢王賢爲大司空。癸未,熒惑入氐,仍留經一月。 己丑,以上柱

國、河陽總管滕王道爲行軍元帥,率衆伐陳。 免京師見徒,並令從軍。

伯。 巡狩。 丽,申國公李穆爲大左輔,大司馬隨國公楊堅爲大後丞。 改元大成。 癸丑,日又背。戊午,行幸洛陽。 大象元年春正月癸巳,受朝於露門,帝服通天冠、絳紗袍,羣臣皆服漢魏衣冠。 丙午,日有背。以柱國、常山公于翼爲大司徒。 初置四輔官,以上柱國大冢宰越王盛爲大前疑,相州總管蜀國公尉遲迥爲大右 立魯王衍爲皇太子。 辛亥,以柱國、許國公宇文善爲大宗 癸卯,封皇子衍爲魯王。 甲辰,東 大赦,

二月癸亥,詔曰:

阜安,乃建王國。 河洛之地,世稱朝市。 時經五代,世歷千祀,規模弘遠,邑居壯麗。 上則於天,陰陽所會,下紀於地,職貢路均。 自魏氏失馭,城闕爲墟,

君子有戀舊之風,小人深懷土之思。

翼之心。 邦事,修復舊都。 巡東夏,省方觀俗,布政此宮,遂移氣序。 脵以眇身,祗承寶祚,庶幾聿修之志,敢忘燕 我太祖受命酆鎬,胥字崤函,蕩定四方,有懷光宅。 一昨駐蹕金墉,備嘗遊覽,百王制度,基趾尙存,今若因修,爲功易立。 宜命 奢儉取文質之間,功役依子來之義。 高祖神功聖略,混一區字,往 北瞻河內,咫尺非遙,前韶經

營,今宜停罷。

子,初令授總管刺史及行兵者,加持節,餘悉罷之。辛已,詔曰: 於是發山東諸州兵,增一月功爲四十五日役,起洛陽宮。常役四萬人,以迄于晏駕。幷移相 爲千金公主,嫁於突厥。戊辰,以上柱國、鄖國公韋孝寬爲徐州總管。 州六府於洛陽,稱東京六府。殺柱國、徐州總管、郯國公王軌。 停南討諸軍。 乙亥,行幸鄴。 以趙王招女 丙

定於杳冥,天下爲公,蓋不避於內舉。我大周感蒼昊之精,受河洛之錫,武功文德, 光格區字,創業垂統,永光無窮。 不貳之心。 有聖大寶,實惟重器,玄天表命,人事與能,幽顯同謀,確乎不易。 域中之大,實懸 職貢與雲雨俱通,憲章共光華並亘。圓首方足,咸登仁壽,思隆國本,用弘 朕以寡薄, 祗承鴻緒, 上賴先朝得一之迹, 下藉羣后

天曆。

而 !成,天祿之期,不謀已至。 股今傳位於|術。乃睠四海,深合謳歌之望;俾予一人, 皇太子衙,地居上嗣,正統所歸。遠憑積德之休,允叶無疆之祚。帝王之量,未肅

六府處分。」 戶,並聽還洛州。此外諸民欲往者,亦任其意。河陽、幽、相、豫、亳、青、徐七總管,受東京 王達爲大右弼。辛卯,詔徙鄴城石經於洛陽。又詔曰:「洛陽舊都,今旣修復,凡是元遷之 如鷄卵,經四日滅。戊子,以上柱國大前疑越王盛爲太保,大右酮蜀公尉遲迥爲大前疑,代 爲天元皇太后。封內史上大夫鄭譯爲沛國公。癸未,日初出及將入時,其中並有烏色,大 帝於是自稱天元皇帝,所居稱天臺,冕有二十四旒,(室)[車]服旗鼓,[三]皆以二十四爲節。 內史、御正皆置上大夫。皇帝所稱正陽宮,置納言、御正、諸衞等官,皆准天臺。尊皇太后 高 。蹈風塵之表。 萬方兆庶,知朕意焉。 可大赦天下,改大成元年爲大象元年。

趙王招第二子貫爲永康縣王。四 甲胄,入自青門。皇帝衍備法駕從入。百官迎於|青門外。其時驟雨,儀衞失容。辛酉,封 三月壬寅,以上柱國、薛國公長孫覽爲涇州總管。庚申,至自東巡,大陳軍伍,帝親撰

亥,以柱國、墨王賢爲上柱國。 己巳,祠太廟。 壬午,大醮於正武殿。 戊子,太白、歲星、辰 夏四月壬戌朔,有司奏言日蝕,不視事。過時不食,乃臨軒。立妃朱氏爲天元帝后。癸

周 書 卷

星合於東井。

國,以潞州上黨郡爲代國,以荆州新野郡爲滕國,邑各一萬戶。令趙王招、陳王純、越王盛 五月辛亥,以洛州襄國郡爲趙國,以齊州濟南郡爲陳國,以豐州武當、安富二郡爲越

癸丑,有流星大如斗,出太微,落落如遺火。

是月,遺使簡視京兆

及諸州士民之女,充選後宮。 突厥寇幷州。 代王達、滕王逌並之國。

修長城。 乙酉,有流星大如斗,出營室,流入東壁。 六月丁卯, 有流星大如鷄子, 出氐, 西北流, 長一丈, 入月中。己巳, 月犯房北頭第二 是月,咸陽有池水變爲血。 發山東諸州民,

皇后,妃陳氏爲天左皇后。 后。尊天元帝太后李氏爲天皇太后。壬子,改天元帝后朱氏爲天皇后。立妃元氏爲天右 司馬消難爲大後丞。壬辰,熒惑掩房北頭第一星。丙申,納大後丞司馬消難女爲正陽宮皇 秋七月庚寅,以大司空、畢王賢爲雍州牧,大後丞、隨國公楊堅爲大前疑,柱國、滎陽公

初,高祖作刑書要制,用法嚴重。及帝卽位,以海內初平,恐物情未附,乃除之。 至是大醮 府元晟並爲上柱國。山提封鄅國公,晟封翼國公。開府楊雄爲邗國公,至乙弗寔戴國公。 八月庚申,行幸同州。壬申,還宮。甲戌,以天左皇后父大將軍陳山提、天右皇后父開

太師,上柱國、郇國公韓建業爲大左輔。是月,所在有蟻羣鬭,各方四五尺,死者什八九。 於正武殿,告天而行焉。云辛巳,熒惑犯南斗第五星。壬午,以上柱國、雍州牧、畢王賢爲

帥,率行軍總管杞國公亮、郕國公梁士彥以伐陳。遣御正杜杲、禮部薛舒使於陳。 九月己酉,太白入南斗。乙卯,以酆王貞爲大冢宰。上柱國、鄖國公韋孝寬爲行軍元

於行殿。是歲,初復佛像及天尊像。至是,帝與二像俱南面而坐,大陳雜戲,令京城士民縱 乙酉,熒惑、鎭星合於虛。是月,相州人段德舉謀反,伏誅。 冬十月壬戌,歲星犯軒轅大星。 是日,帝幸道會苑大醮,以高祖武皇帝配。 醮訖,論議

陽,杞國公亮拔黃城,梁士彥拔廣陵。陳人退走。於是江北盡平。 流,光明燭地。丁巳,初鑄永通萬國錢,以一當十,〔七〕與五行大布並行。是月,韋孝寬拔壽 十一月乙未,幸溫湯。戊戌,行幸同州。壬寅,還宮。己酉,有星大如斗,出張,東南

十二月戊午,以災異屢見,帝御路寢,見百官。 詔曰:

房,又與土合,流星照夜,東南而下。然則南斗主於爵祿,軒轅爲於後宮,房曰明堂,布 非福。始於秋季,及此玄冬,幽顯殷勤,屢貽深戒。至有金入南斗,木犯軒轅,熒惑干 政所也,火土則憂孽之兆,流星乃兵凶之驗。豈其官人失序,女謁尙行,政事乖方,憂 穹昊在上,聰明自下,吉凶由人,妖不自作。 朕以寡德,君臨區寓,大道未行,小信

患將至。 何其昭著,若斯之甚。 上瞻俯察,朕實懼焉。

膳,去飾撤懸,披不諱之誠,開直言之路。欲使刑不濫及,賞弗踰等,選舉以才,宮闈修

宜宣諸內外,庶盡弼諧,允叶民心,用消天譴。

內外命婦,大列妓樂,又縱胡人乞寒,用水澆沃爲戲樂。乙丑,行幸洛陽。 於是舍仗衞,往天興宮。百官上表勸復寢膳,許之。甲子,還宮。御正武殿,集百官及宮人 行三百里。 譴責,人馬頓仆相屬。己卯,還宮。 四皇后及文武侍衞數百人,並乘驛以從。仍令四后方駕齊驅,或有先後,便加 帝親御驛馬,日

右。 戊申,雨雪。雪止,又雨細黄土,移時乃息。乙卯,詔江左諸州新附民,公給復二十 初稅入市者,人一錢。 二年春正月丁亥,帝受朝于道會苑。癸巳,祀太廟。乙巳,造二晟,畫日月之象,以置左

聖皇太后。癸未,立天元皇后楊氏爲天元大皇后,天皇后朱氏爲天大皇后,天右皇后元氏 爲天右大皇后,天左皇后陳氏爲天左大皇后。正陽宮皇后直稱皇后。是日,至洛陽有禿 改制韶爲天制韶,敕爲天敕。壬午,尊天元皇太后爲天元上皇太后,天皇太后李氏曰天元 二月丁巳,帝幸露門學,行釋奠之禮。戊午,突厥遣使獻方物,且逆千金公主。乙丑,

將避正寢,齋居克念,惡衣減

鶩鳥集於新營太極殿前。榮州有黑龍見,與赤龍鬭於汴水之側,黑龍死。

幸同 服之。 俱 作。 後承 州 德惟藏往,道實生知,以大聖之才,屬千古之運,載弘儒業,式敍彝倫。[10]至如幽贊天人之 公韋孝寬於豫州。 理,裁成禮樂之務,故以作範百王,垂風萬葉。 脍飲承寶曆,服膺教義,眷言洙、泗,懷道滋 左大皇后陳氏爲天中大皇后,立妃尉遲氏爲天左大皇后 州 襲。 且褒成啓號,「二」雖彰故實,旌崇聖績,猶有闕如。可追封爲鄒國公,邑數准舊。 三月丁亥,賜百官及民大酺。 壬寅、韶內外命婦皆執笏,其拜宗廟及天臺,皆俛伏。 天臺侍衞之官,皆著五色及紅紫綠衣,以雜色爲緣,名曰品 又令武賁持鈒馬上,稱警蹕,以至於同州。 別於京師置廟,以時祭享。」戊子,行軍總管、杞國公亮舉兵反,襲行軍元帥、鄖國 增候正,前驅戒道,爲三百六十重,自應門至於赤岸澤,數十里間,幡旗 亮不勝,孝寬獲而殺之。 韶曰:「盛德之後,是稱不絕,功施於民,義昭祀典。 辛卯,以永昌公椿爲杞國公,紹簡公連後。 乙未,改同州宮爲天成宮。庚子,至自同 甲辰,初置天中大皇后。 色衣。 有大事,與公服間 相蔽,鼓樂 打立

歎,將虧南畝之業。 日:「朕以 夏 四月乙丑,有星大如斗,出天厨,流入紫宮,抵鈎 寡薄,昧於治方,不能使天地休和,陰陽調序。 興言夕惕,無忘鑒昧。自己良由德化未敷,政刑多舛,萬方有罪,責在朕 陳乃滅。 自春 涉夏,甘澤未豐,旣 己巳,祀太廟。 軫 己卯 西郊之 言語

申,還宮。令京城士女於衢巷作音樂以迎候。 惡逆不道,及常赦所不免者,不在降例。」壬午,幸(中)[仲]山祈雨。[三至咸陽宮,雨降。甲

大夫鄭譯矯制,以隨國公堅受遺輔政。是日,帝崩於天德殿。時年二十二,諡曰宣皇帝。 風鼓幡旗。丁未,追趙、陳、越、代、滕五王入朝。己酉,大漸。御正下大夫劉昉,與內史上 乙未,帝不豫,還宮。韶隨國公壓入侍疾。甲辰,有星大如三斗,出太微端門,流入翼,聲若 五月己丑,以上柱國、大前疑、隨國公楊堅爲揚州總管。甲午夜,帝備法駕幸天興宮。

七月丙申,葬定陵。

威嚴,矯情修飾,以是過惡遂不外聞。 太子被廢者幾人,餘兒豈不堪立耶。」於是遣東宮官屬錄帝言語動作,每月奏聞。帝憚高祖 不得休息。性旣嗜酒,高祖遂禁醪醴不許至東宮。帝每有過,輒加捶扑。嘗謂之曰:「古來 帝之在東宮也,高祖慮其不堪承嗣,遇之甚嚴。朝見進止,與諸臣無異,雖隆寒盛暑,亦

後宮,或旬日不出。公卿近臣請事者,皆附奄官奏之。所居宮殿,帷帳皆飾以金玉珠寶,光 便恣聲樂,采擇天下子女,以充後宮。好自矜夸,飾非拒諫。禪位之後,彌復驕奢,躭酗於 嗣位之初,方逞其欲。大行在殯,曾無戚容,即閱視先帝宮人,逼爲淫亂。纔及踰年,

華炫燿,極麗窮奢。及營洛陽宮,雖未成畢,其規模壯麗,踰於漢魏遠矣。

天。以五色土塗所御天德殿,各隨方色。又於後宮與皇后等列坐,用宗廟禮器罇彝珪瓚之 屬以飲食焉。又令羣臣朝天臺者,皆致齋三日,清身一日。車旗章服,倍於前王之數。旣 之從祖兄子也。其妻尉遲氏有容色,因入朝,帝遂飮之以酒,逼而淫之。虎聞之,懼誅,乃 下婦人皆不得施粉黛之飾,唯宮人得乘有輻車,加粉黛焉。四陽公溫,杞國公亮之子,即帝 爲次長祖,官名凡稱上及大者改爲長,有天者亦改之。又令天下車皆以渾成木爲輪,禁天 自比上帝,不欲令人同己。嘗自帶綬及冠通天冠,加金附蟬,顧見侍臣武弁上有金蟬,及王 反。纔誅溫,卽追尉遲氏入宮,初爲妃,尋立爲皇后。 公有綬者,並令去之。又不聽人有高大之稱,諸姓高者改爲姜,九族稱高祖者爲長祖,曾祖 唯自尊崇,無所顧憚。國典朝儀,率情變改。後宮位號,莫能詳錄。每對臣下,自稱爲

之伎,常在目前。好令京城少年爲婦人服飾,入殿歌舞,與後宮觀之,以爲喜樂。 仗衞,[le]晨出夜還。或幸天興宮,或遊<u>道會苑,陪侍之官,皆不堪命。</u>散樂雜戲魚龍爛漫 每召侍臣論議,唯欲興造變革,未嘗言及治政。 其後遊戲無恆,出入不(飾)〔節〕,羽儀

何察之,動止所爲, 莫不鈔錄,小有乖違, 輒加其罪。自公卿已下,皆被楚撻, 其間誅戮黜 擯斥近臣,多所猜忌。又吝於財,略無賜與。恐羣臣規諫,不得行己之志,常遣左右密

被寵嬖,亦多被杖背。於是內外恐懼,人不自安,皆求苟免,莫有固志,重足累息,以逮於終。 免者,不可勝言。每笞捶人,皆以百二十爲度,名曰天杖。宮人內職亦如之。后妃嬪御,雖

亡,幸哉。 大而弗爲。 以檟楚,期之於懲肅,義方之敎,豈若是乎。卒使昏虐君臨,姦回肆毒,善無小而必棄,惡無 史臣曰:高祖識嗣子之非才,顧宗祏之至重,滯愛同於晉武,則哲異於宋宣。 窮南山之簡,未足書其過;盡東觀之筆,不能記其罪。 然獨獲全首領,及子而 但欲威之

校勘記

(一) 進封柱國平陽郡公王誼爲揚國公 國公王誼爲襄州總管」條,以及他處中所載王誼封國往往「揚」「楊」雜出,今皆不改,也不再出 九〇頁「揚」都作「楊」。按「揚」「楊」古多通用。下「柱國揚國公王誼爲大司空」條、「以大司空揚 宋本、南本、北本及北史卷一〇周本紀下、通鑑卷一七三五三

(三)汾州稽胡帥劉受邏千 册府卷九八四一一五六〇頁、卷一三越王盛傳「千」作「干」。按當時北邊

校記

人常以「受邏干」爲名,北齊有万俟受洛干。疑作「干」是。

[]] (室)[車]服旗鼓 宋本、南本、汲本及北史周本紀下、册府卷一八〇二 五九頁、御覽卷一〇五五〇 六頁「室」都作「車」,今據改。明本冊府「鼓」又作「章」,宋本仍作「鼓」。

[8]封趙王招第二子貫爲永康縣王 卷一三趙王招傳作「永康公貫」,北史卷五八作「永康王貫」。按

縣王之稱未見他例,疑有誤。

□開府楊雄爲邗國公 問書卷二九楊紹傳末云:「子雄嗣,大象末上柱國、邽國公。」隋書卷四三觀 按「邽公」只見問書楊紹傳。「邘」是古國名,疑當作「邘」。

「六」初高祖作刑書要制至告天而行焉 北史卷一○周本紀下「至是」下有「為刑經聖制,其法深刻」九 之。』」下又云:「於是又廣刑書要制而更峻其法,謂之刑經聖制。」據隋志所述,大象元年廢刑書 字。獅覽卷六三六三八四九頁「初」上有「韶罷」高祖所約法」七字,至「乃除之」止。按如周書之文, 要制,不記月日,以後宣帝所制定的刑經聖制也沒有說何時頒佈,而確是兩件事,並非刑書要制 聖制」。考隋書卷二五刑法志云:「大象元年又下詔曰:『高祖所立刑書要制,用法深重,其一切除 好似「刑書要制」廢而復行,如北史所述,則廢「刑書要制」在先,這時「告天而行的是宣帝的刑經 先廢後復。 周書卷四〇樂運傳,樂運上疏有云:「豈有削嚴刑之詔,未及半祀,便卽追改,更嚴前

第

校勘記

制」,正是指的廢刑書要制,行刑書聖制事。 北史的記載大致可信。這年八月「告天而行」的,就

是刑經聖制。 疑問書原來和北史同,後來脫去九字,但無府卷六一一七三三九頁已同今本,知脫

去已久了。至御覽多出的七字,倒像八月是廢刑書要制之時,恐未可據。

「七」以一當十 |宋本、汲本、局本「十」作「千」。 張元濟以爲「十」字誤,云見北史。 按北史周本紀下

及御覽卷八三六三七三三頁、通典卷九、通鑑卷一七三五四〇一頁都作「千」。隋書卷二四食貨志

₩府卷五○○ 五九九三頁作「十」。

詔江左諸州新附民 北史周本紀下「左」作「右」。按上年十一月稱「江北盡平」,此詔卽對這些

州而言,所以謂之「新附」。疑作「江右」是。

(よ)是日 宋本及北史周本紀下「日」作「月」。

[10] 式敍彝倫 『式」原作「世」。諸本及無府卷四九五五四頁「世」都作「式」。 按文義作「式」是,今

逕改。

且褒成啓號 |宋本且字缺作□。爰厥卷四九五五四頁「且」作「而」。疑本作「而」,宋本所據之底

無忘鑒昧 本,此字缺,故作□。後來諸本作「且」,乃是以意補之。 宋本及册府卷八三九七九頁「昧」作「寐」,並通。 疑本作「寐」。

(三) 幸(中)[仲]山祈雨 通典卷一四二、隨書卷一四、通鑑卷一七四五四〇七頁「中」都作「仲」。 **通**

胡注:「顏師古曰:仲山,即今九嵕山之東仲山是也。 括地志:仲山在雍州雲陽縣西十五里。」

「中」字誤,今據改。

[四] 出入不(飾)(節)羽儀仗衞 則當連下讀。周宣帝出行常大陳儀衞,豈得謂之「不飾羽儀仗衞」。正因其多隨從,故下云「陪 北史周本紀下、通鑑卷一七三五三九七頁「飾」作「節」。按如作「飾」,

侍之官皆不堪命」。「飾」字誤,今據改。

周書卷入

帝紀第八

靜帝

宫。 大皇后元氏、天左大皇后尉遲氏並出俗爲尼。 爲太帝太后,天元大皇后楊氏爲皇太后,天大皇后朱氏爲帝太后。其天中大皇后陳氏、天右 以聽於左大丞相。 揚州總管、隨國公楊堅爲假黃鉞、左大丞相,柱國、秦王贄爲上柱國。 元年正月癸卯,封魯王。戊午,立爲皇太子。二月辛巳,宣帝於鄴宮傳位授帝,居正陽宮。 大赦天下,停洛陽宮作。庚戌,上天元上皇太后尊號爲太皇太后。天元聖皇太后李氏 靜皇帝諱衍,後改爲闡,宣帝長子也。母曰朱皇后。 二年夏五月乙未,宣帝寢疾,詔帝入宿於露門學。己酉,宣帝崩,帝入居天臺,廢正陽 壬子,以上柱國、鄖國公韋孝寬爲相州總管。 柱國、漢王贊爲上柱國、右大丞相,上柱國、 建德二年六月,生於東宮。 罷入市稅錢。 帝居諒闇,百官總己

帝紀第八

靜

帝

公梁睿爲益州總管。 率軍討之。 恩並爲上柱國。甲子,相州總管尉遲迥舉兵不受代。 舊沙門、道士精誠自守者,簡令入道。辛酉,以柱國杞國公椿、燕國公于寔、郜國公質拔伏 國。 有赤氣起西方,漸東行,遍天。庚辰,罷諸魚池及山澤公禁者,與百姓共之。以柱國、蔣國 趙王招、陳王純、越王(達)〔盛〕、代王(盛)〔達〕、〔1〕滕王道來朝。 庚申,復行佛、道二教, 己巳,韶南定、北光、衡、巴四州民爲字文亮抑爲奴婢者,並免爲民,復其本業。甲戌, 上柱國、畢王賢以謀執政,被誅。以上柱國秦王贄爲大冢宰,杞國公椿爲大司 韶發關中兵,即以孝寬爲行軍元帥,

南星。 州三總管內諸蠻,各率種落反,焚燒村驛,攻亂郡縣。 趙王招、越王盛以謀執政被誅。 率軍討之。 楊 刺史、邵國公宇文胄舉兵,遣大將軍、淸河公楊素討之。 堅爲都督內外諸軍事。 秋 甲午,月掩南斗第六星。庚子,韶趙、陳、越、代、滕五王入朝不趨,劍履上殿。 七月甲申,突厥送齊范陽王高紹義。庚寅,申州刺史李慧起兵。〔三辛卯,月掩氐東 壬子,歲星與太白合於張,有流星大如斗,出五(軍)[車],[ē] 東北流,光明燭地。 癸丑,封皇弟術爲鄴王,衎爲郢王。四是月,豫州、荆州、襄 青州總管尉遲勤舉兵。 丁未,隨公 祭州

州平。 國、枹罕公辛威爲宿國公,開府怡昻爲鄯國公。庚午,韋孝寬破尉遲迥於鄴城,迥自殺,相 丙子,以<u>漢王贊爲太師,上柱國幷州總管申國公李穆爲太傅,宋王實爲大前疑,秦王</u>贄爲大 八月庚申,益州總管王謙舉兵不受代,即以梁睿爲行軍元帥,率軍討之。丁卯,封上柱 移相州於安陽,其鄴城及邑居皆毀廢之。分相州陽平郡置毛州,昌黎郡置魏州。〔吾

右弼,燕國公于寔爲大左輔。己卯,詔曰:

孽,一朝淸蕩。 自朝及野,喜抃相趨。 昔上皇之時,不言爲治,聖人宰物,有敎而已。 未戢干戈,實深慚德。思弘寬簡之政,用副億兆之心,可大赦天下。其共迥元謀,執迷 之痛,四海窮遏密之悲。獨幸天災,欣然放命,稱兵擁衆,便懷問鼎。乃詔六師,肅茲 遲迥,才質凡庸,志懷姦慝,因緣戚屬,位冠朝倫。 屬上天降禍,先皇晏駕,萬國深鼎湖 不悟,及迥子姪,逆人司馬消難、王謙等,不在赦例。 如莽,直指漳濱,擒斬元惡,羣醜喪魄,咸集鼓下。 順高秋之氣,就上天之誅,兩河妖 九伐,而凶徒孔熾,充原蔽野。諸將肆雷霆之威,壯士縱貔貅之勢,芟夷縈拂,云所在 朕祗承洪業,二載於茲。 藉祖考之休,憑宰輔之力,經天緯地,四海晏如。 逆賊尉

五百餘人,邳州平。沙州氐帥、開府楊永安聚衆應王謙,遣大將軍、樂寧公達奚儒討之。〔5〕 庚辰,司馬消難擁其衆以魯山、甑山二鎭奔陳,遣大將軍、宋安公元景山率衆追擊,守回俘斬

空。廢相、靑、荆、金、晉、梁六州總管。 楊素破宇文胄於滎州,斬胄於石濟。以上柱國、神武公竇毅爲大司馬,齊國公于智爲大司

己酉,熒惑犯左執法。庚戌,以柱國常山公于翼、化政公宇文忻並爲上柱國。 楊國公王誼爲上柱國。辛丑,分潼州管內新逐普合及瀘州管內瀘戎六州並隸信州總管府。 國公,忻爲英國公。壬子,丞相去左右之號,隨公楊堅爲大丞相。 (陽) [楊] 慧爲大宗伯。云 壬辰,廢皇后司馬氏爲庶人。甲午,熒惑入太微。戊戌,以柱國、 九月甲申,熒惑與歲星合於翼。丙戌,廢河陽總管爲鎭,隸洛州。 以小宗伯、竟陵公 進封翼爲任

南,追斬之,傳首京師。益州平。 純以怨執政,被誅。大丞相、隨國公楊堅加大冢宰,五府總於天官。戊寅,梁睿破王讓於劍 冬十月甲寅,日有蝕之。乙卯,[10]有流星大如五斗,出張,南流,光明燭地。 壬戌,陳王

十一月甲辰,達奚儒破楊永安於沙州。沙州平。乙巳,歲星守太微。丁未,上柱國、鄖

國公韋孝寬薨。

雄、(為)普安公賀蘭謩、[三] 郕國公梁士彦、上大將軍新(安)[寧]公叱列長(文)[叉]、[三] 武鄉 公崔弘度、大將軍中山公宇文恩、濮陽公宇文述、渭原公和干子、任城公王景、漁陽公楊銳 十二月壬子,以柱國、蔣國公梁睿爲上柱國。癸丑,熒惑入氐。丁巳,以柱國邗國公楊

賜姓者衆,本殊國邑,實乖胙土。 亥,韶曰:「詩稱『不如同姓』,傳曰『異姓爲後』。蓋明辯親疎,皎然不雜。 上柱國、大司馬,小冢宰、始平公元孝矩爲大司寇。 王,以十郡爲國。 可仍遵謙挹之旨,久行權宜之制。 上開府廣宗公李崇、隴西公李詢並爲上柱國。庚申,以柱國、楚國公豆盧勣爲上柱國。 籙表革代之文,星垂除舊之象,三分天下,志扶魏室,多所改作,冀允上玄。文武羣官, 且 |神徵革姓,本爲曆數有歸,天命在人,推讓終而 辛未,代王達、滕王道並以謀執政被誅。 諸改姓者,悉宜復舊。」甲子,大丞相、隨國公楊堅進 不歆非類,異骨肉而共烝嘗,不愛其親,在行路而敍昭 弗獲。 壬申,以大將軍、長寧公楊勇爲 故君臨區寓,累世於茲。 太祖受命,龍 德獨 不 癸

輔 治者寡。 屢有妖寇,宰臣英算,咸得淸蕩。 熒惑掩房北第一星。 言增號絕。 執鉤,垂風揚化。 大定元年春正月壬午,詔曰:「朕以不天,夙遭極罰。 斯故上失其道,以至於茲,亦由下有幽人,未展其力。今四海寧一,八表無塵,元 踰祀 革號,憲章前典,可改大象三年爲大定元年。」乙酉,歲星逆行,守右執 若使天下英傑,盡升於朝,銓衡陟降,量才而處,垂拱無爲,庶幾可至。」 丙戌,詔曰:「帝王設官,惟才是務,人臣報國,薦賢爲重。 逆亂之後,兵車始朅,遐邇勞役,生民未康。 光陰遄速,遽及此辰。 居官之徒,致 去歲已來, 窮慕纒綿,

帝紀

第

靜

帝

校勘記

人,居官三年有功過者,所舉之人,隨加賞罰。以大司馬、長寧公楊勇爲洛州總管。 於是遣戎秩上開府以上,職事下大夫以上,外官刺史以上,各舉清平勤幹者三人。被舉之

簴宮懸。王后、王子爵命之號,並依魏晉故事。甲子,隨王楊堅稱尊號,帝遜于別宮。 不趨,贊拜不名,備九錫之禮,加璽、鉞、遠遊冠,相國印綠綟綬,位在諸王上。又加冕十有 二旒,建天子旌旗,出警入蹕,乘金根車,駕六馬,備五時副車,置旄頭雲罕,樂舞八佾,設鍾 二月庚申,大丞相、隨王楊堅爲相國,總百揆,更封十郡,通前二十郡,劍履上殿,入朝

隋氏奉帝爲介國公,邑萬戶,車服禮樂一如周制,上書不爲表,答表不稱詔。 開皇元年五月壬申,崩,時年九歲,隋志也。 諡日靜皇帝,葬恭陵。 有其文,

隆景業,自己未踰二紀,不祀忽諸。斯蓋宣帝之餘殃,非孺子之罪戾也。 逐遷龜鼎。 史臣曰:靜帝越自幼冲,紹茲衰緒。 雖復岷峨投袂,翻成陵奪之威,漳滏勤王,無救宗周之殞。 內相挾孫、劉之詐,戚藩無齊、代之彊。 嗚呼,以太祖之克 隋氏因之,

- 越王(達)[盛]代王(盛)[達] 局本及北史周本紀下作「越王盛代王達」。按卷一三文閔明武宣諸
- 子傳越王名盛,代王名達。這裏是誤倒,今據改。
- 申州刺史李慧起兵 六頁「慧」都作「惠」。 唐書卷七十上宗室世系表作「慧」。 卷二一尉遲迴傳、北史周本紀下、卷六二尉遲迴傳、通鑑卷一七四五四十
- 有流星大如斗出五(軍)(車) 宋本、南本、局本「軍」作「車」。張元濟以爲「軍」字誤。按隋書卷二

一天文志亦作「五車」,「五車」是星座名,今據改。

. 24 .../ 封皇弟術爲鄴王衎爲郢王 『衍』,本紀作『衍』。靜帝初旣名衍,則其弟焉得復以衍爲名。 郢王,與此互異。又按諸王傳 周書卷一三 宣帝五 當作三子,朱皇后生靜皇帝,王姬生鄴王衎,皇甫 <u>城</u>生郢王術。是衍爲兄,術爲弟。今本紀乃以術爲兄,衍爲弟,而王號亦互異。此本紀訛也。又 殿本考證云:「按通鑑 卷一七四,五四二〇頁周主封其弟衍爲葉王,術爲 此諸王傳訛也。」按北史周本紀下

武宣諸子傳、殿本北史周本紀下作「鄴王衍郢王術」。 建德二年六月壬子稱「皇孫衍生」,與周書卷八靜帝紀、北史卷一〇周本紀下所云靜帝於 兄誤倒是對的。 百衲本、卷五八周室諸王傳、册府卷二六五三一四四頁都作「萊王衍郢王術」。 二年六月生於東宮」的紀載相合。 諸書雖同作「衍」,但卷七宣帝紀、卷八靜帝紀都說靜帝初名衍, 靜帝既名衍,不能兄弟同名,考證以爲當從本紀作「衎」,也是 諸書次序都是先衔後術,考證以爲本紀弟 周書卷一三文閔明 卷五武帝紀上 建德

有理由的。 此外,諸書所紀王號也有紛歧。、北史紀傳及册府以衍布所封爲「萊王」,周書紀傳

及殿本北史周本紀下作「鄴王」。通鑑卷一七四五四二〇頁作「葉王」,「葉」恐是「萊」之誤。「鄴」

是北齊故都,又是縣名,恐不以封王。諸王封國,多取州名。 隋書卷三〇地理志東萊郡條稱「舊

置光州,開皇五年改曰萊州」,或改名在周末。疑作「萊」是。

五 〕昌黎郡置魏州 錢氏考異卷三二二云:「昌黎當作昌樂。」按隋書卷三〇地理志武陽郡條云:「後周

鄉郡貴鄉縣。或昌樂復改郡時,貴鄉尚未立郡,爲昌樂郡屬縣。錢說是。

置魏州。」屬縣有繁水,云:「舊日『昌樂』,置昌樂郡,東魏郡廢,後周又置。」據隋志,魏州當治貴

[六] 芟夷縈拂 册府卷八三九七九頁「縈」作「剪」,較長。

(セン大將軍宋安公元景山 封,疑誤。」按傳稱景山已進位爲「上大將軍」,此亦稱故官。 張森楷云:「隋書元景山傳卷三九言自宋安郡公徙爲平原郡公,此稱故

大將軍樂寧公達奚儒 通鑑卷一七四五四二九頁同。胡注:「長儒襲父慶爵樂安郡公。 志隋書卷三

○地理志云:『北海郡博昌縣,舊日樂安。』『寧』當作『安』,『儒』上逸『長』字。」張森楷云:「隋書卷五

爲樂寧公也。 有達奚長儒傳,不言名儒,且言初襲爵樂安公,進成安郡公。 此文有誤。」按長儒單稱儒,乃雙名單稱之例。 據傳則不但「樂寧」爲誤,且亦應 討楊永安時,進爵久矣, 初未嘗

稱「成安公」。

- へ た ∪ 以小宗伯竟陵公(陽)(楊)慧爲大宗伯 惠」。 大宗伯,應即其人。 按隋書卷四四滕穆王瓚傳云:「一名慧,高祖母弟也。」他在周封竟陵郡公,楊堅當國時爲 這裏作「陽」誤,今據改。「楊惠」是楊雄初名,未嘗爲大宗伯,通鑑亦誤。 北史周本紀下作「楊慧」,通鑑卷一七四五四二九頁作「楊
- 乙卯 「卯」原作「酉」,諸本都作「卯」。按是月癸丑朔,乙卯是三日,無乙酉。今逕改。

見卷一九校記第六〇條。

- 柱國邗國公楊雄(為)普安公賀蘭謩 刪。又「邗」當作「邘」,見上卷校記第五條。 張森楷云:疑「爲」字衍。按北史周本紀下無「爲」字,今據
- 上大將軍新(安)[寧]公叱列長(文)[叉] 諸本「安」都作「寧」。宋本、汲本、局本「文」作「叉」,汲 即「叱列」異譯,在齊封許昌公,北齊書和北史本傳未言。 稱:「祖長叉 國。 本、局本注云:「一作文。」按北齊書卷二〇叱列平傳稱一子長义,在齊封新寧王,隋開皇中上柱 仍其故封而降爵爲公。 北史卷五三叱列平傳「乂」又作「叉」。漢魏南北朝墓誌集釋馮忱妻叱李綱子墓誌 齊許昌公,周少司徒,脩按即「治」字信州總管、相州刺史、上柱國、新寧密公。」「叱李」 其名應作「叉」,作「文」「乂」皆誤,今據改 或是先封許昌公,後封新寧王。入周 圖版五二一
- 以太祖之克隆景業 書武、宣、靜三帝紀論合成、疑此「太祖」下脫「之經啓鴻基高祖」七字。 北史周本紀下論作「文皇之經啓鴻基,武皇之克隆景業」。 北史此論以周

帝紀

第

八

校勘記

周書卷九

列傳第

皇后

文帝元皇后 文宣叱奴皇后 孝閔帝元皇后 明帝獨孤

皇后 宣帝朱皇后 武帝阿史那皇后 宣帝陳皇后 武帝李皇后 宣帝元皇后 宣帝楊皇后 宣帝尉遲皇后

靜帝司馬皇后

之別,實有國有家者之所愼也。自三代迄于魏晉,興衰之數,得失之迹,備乎傳記,故其詳 可得聞焉。 濟紀有處之德,載「釐降二女」; 詩述<u>文</u>王之美,稱「刑于寡妻」。 若娉納以德,防閑以禮,大義正於宮闈,王化行於邦國,則坤儀式固,而鼎命惟 是知婚姻之道,男女

傳第一 皇后

列

至於邪僻旣進,法度莫修,治容迷其主心,私謁蠹其朝政,則風化凌替,而宗社不守

矣。夫然者,豈非皇王之龜鑑與。

爲皇后傳云。 體者,非一人焉;階房帷而拖青紫,承恩倖而擁玉帛者,非一族焉。 闡有貫魚之美,戚里無私溺之尤,可謂得人君體也。 之傾惑,曾未足比其髣髴也。 採擇無厭。恩之所加,莫限廝皂;榮之所及,無隔險詖。 周氏率由姬制,內職有序。 民厭苛政,弊事實多,太祖之祚忽諸,特由於此。 太祖創基,修衽席以儉約;高祖嗣曆,節情欲於矯枉。 宣皇外行其志,內逞其欲,溪壑難滿, 於是升蘭殿而正位,踐椒庭而 雖辛、癸之荒淫,趙、李 故敍其事以 齊 宮

嘗殺后侍婢。 七年,薨。 文帝元皇后,魏孝武帝之妹。 后怒,訴之於帝,帝乃執歡殺之。 Ξ 魏恭帝三年十二月,合葬成陵。 初封平原公主,適開府張歡。[1] 歡性貪殘,遇后無禮,又 改封后爲馮翊公主,以配太祖, 孝閔帝踐祚,追尊爲王后。武成初,又追 生孝閔帝

尊爲皇后。

皇太后。〔三〕建德(二)〔三〕年三月癸酉,崩。〔四四月丁巳,葬〔永〕固陵。〔三 文宣叱奴皇后,代人也。 太祖爲丞相,納后爲姬,生高祖。天和(元)[二]年六月,尊爲

祚,立爲王后。 爲孝閔皇后,居崇義宮。 孝閔帝元皇后名胡摩,魏文帝第五女。初封晉安公主。帝之爲略陽公也,尚焉。 帝被廢,后出俗爲尼。 隋氏革命,后出居里第。 建德初,高祖誅晉國公護,上帝尊號爲孝閔帝,以后 大業十二年,殂。 及踐

四月,崩,葬昭陵。 明帝獨孤皇后,太保、衞國公信之長女。帝之在藩也,納爲夫人。二年正月,立爲王后。 武成初,追崇爲皇后。 世宗崩,與后合葬。

武帝阿史那皇后,突厥木扞可汗俟斤之女。「私」突厥滅茹茹之後,盡有塞表之地,控弦

列

武公竇毅、南(陽)[安]公楊荐等,公奉備皇后文物及行殿,并六宮以下百二十人,至俟斤牙 止,高祖深敬焉。 等設行殿,列羽儀,奉之以歸。〔弘〕天和三年三月,后至,高祖行親迎之禮。后有姿貌,善容 厅不從。

會大雷風起,飄壞其穹廬等,旬日不止。

俟斤大懼,以爲天譴,乃備禮送后。

(及)純 帳所,迎后。俟斤又許齊人以婚,將有異志。純等在彼累載,不得反命。雖論之以信義,俟 祖即位,前後累遣使要結,乃許歸后於我。保定五年二月,詔陳國公純、許國公宇文貴、神 數十萬,志陵中夏。行太祖方與齊人爭衡,結以爲援。俟斤初欲以女配帝,旣而悔之。

皇太后。隋開皇二年殂,年三十二。隋文帝詔有司備禮册,祔葬於孝陵。 增奉鴻名,光縟常禮。俾誠敬有展,歡慰在茲,福祉無疆,億兆斯賴。」宣帝崩,靜帝傳爲太 神盡智,含弘載物,道洽萬邦,儀刑四海。 皇太后。册曰:「天元皇帝臣贇,奉璽綬册,謹上天元皇太后尊號曰天元上皇太后。伏惟窮 宣帝即位,尊爲皇太后。大象元年二月,改爲天元皇太后。二年二月,又尊爲天元上 聖慈訓誘,恩深明德,雖册徽號,未極尊嚴。 是用

稍得親幸。大象元年二月,改爲天元帝太后。[10]七月,又尊爲天皇太后。二年,尊爲天元 武帝李皇后名娥姿,楚人也。于謹平江陵,后家被籍沒。 至長安,太祖以后賜高祖,後

精劾祉,坤靈表貺,瑞肇丹陵,慶流華渚。 是用思弘稱首,上昭聖德,敢竭誠敬,永綏福履。顯揚慈訓,貽厥孫謀。」宣帝尉,靜帝尊爲 聖皇太后。 太帝太后。 册曰:「天元皇帝臣贇,奉璽綬册,謹上天皇太后尊號曰天元聖皇太后。伏惟月 隋開皇元年三月, 出俗爲尼, 改名常悲。 雖率由令典,夙奉徽號,而因心盡敬,未極尊名。 八年殂,年五十三,以尼禮葬于京城

南。

厥猷,寅荅靈命,對揚休烈,可不愼歟。」尋又立(爲)天中大皇后,〔三〕與后爲五皇后。 六月,立爲皇后。帝後自稱天元皇帝,號后爲天元皇后。尋又立天皇后及左右皇后,與后 曰:「咨爾含章載德,體順居貞,肅恭享祀,儀刑邦國,是用嘉茲顯號,式暢徽音。 因天之象,增錫嘉名。」於是后與三皇后並加(太)〔大〕焉。〔三〕帝遣使持節册后爲天元大皇后 上玄,稽諸令典,爰命四后,內正六宮,庶弘贊柔德,廣修粢盛。 比殊禮雖降,稱謂曷宜,其 爲四皇后焉。二年,詔曰:「帝降二女,后德所以儷君;天列四星,妃象於焉垂耀。朕取法 宣帝楊皇后名麗華,隋文帝長女。帝在東宮,高祖爲帝納后爲皇太子妃。 宣政元年閏 爾其敬踐

后性柔婉,不妬忌,四皇后及嬪御等咸愛而仰之。帝後昏暴滋甚,喜怒乖度。 列 傳 第 皇 后 嘗譴后,

欲加之罪,后進止詳閑,辭色不撓。帝大怒,遂賜后死,逼令引訣。 后母獨孤氏聞之,詣閤

陳謝,叩頭流血,然後得免。帝崩,靜帝尊后爲皇太后,居弘聖宮。

於河西,年四十九。煬帝還京,韶有司備禮,祔葬后於定陵。 皇六年,封后爲樂平公主。後又議奪其志,后誓不許,乃止。 父有異圖,意頗不平,形於言色。及行禪代,憤惋逾甚。隋文帝旣不能譴責,內甚愧之。 初雖不預謀,然以嗣主幼冲,恐權在他族,不利於己,聞昉、譯已行此詔,心甚悅之。後知其 初,宣帝不豫,詔后父入禁中侍疾。及大漸,劉昉、鄭譯等因矯詔以后父受遺輔政。 大業五年,從煬帝幸張掖,殂 開 后

以靜帝故,特尊崇之,班亞楊皇后焉。宣帝崩,靜帝尊爲帝太(皇)后。〔三〕隋開皇元年,出俗 性履道,無愆禮正,永固休祉,可不愼歟。」后本非良家子,又年長於帝十餘歲,疎賤無寵 爲尼,名法淨。六年殂,年四十,以尼禮葬京城。 后。册曰:「咨爾彌宣四德,訓範六宮,軒庭列序,堯門表慶,嘉稱旣降,盛典宜膺。爾其飾 年少,召而幸之,遂生靜帝。大象元年,立爲天元帝后,尋改爲天皇后。二年,又改爲天大皇 宣帝朱皇后名滿月,吳人也。 其家坐事,沒入東宮。帝之爲太子,后被選掌帝衣服。帝

粢盛,[lē]徽音日躋,肇建嘉名,宜膺顯册。」於是以后爲天中大皇后。 軌,[18]次妃並四;虞舜受命,厥娶猶三。禮非相襲,隨時不無。 潔,淑問彰於遠近,令則冠於宮闈。是用申彼寵章,加茲徽號。爾其復禮問詩,披圖顧史, 我改作,超革先古。 永隆嘉命,可不愼歟。」三月,又詔曰:「正內之重,風化之基,嘉耦之制,代多殊典。」軒、譽繼 土數惟五,旣縟恆典,宜取斯儀。四大皇后外,可增置天中大皇后一人。天中大皇后爰主 爲德妃。 宣帝陳皇后名月儀,自云潁川人,大將軍山提第八女也。 月餘,立爲天左皇后。二年二月,改天左大皇后。册曰:「咨爾儀範柔閑,操履凝 日天元居極,五帝所以仰崇; 王者稱尊,列后於焉上儷。 大象元年六月,以選入宮,拜 **朕祗承寶圖,載弘徽號,自** 帝崩,后出家爲尼,改 且坤儀比德,

大將軍,封(浙)[淅]陽郡公。[1七]大象元年,以后父超授上柱國,進封鄅國公,除大宗伯。 后父山提本高氏之隸。[18]仕齊,官至特進、開府、東兗州刺史、謝陽王。 高祖平齊,拜

冰,載德塗山,懿淑內融,徽音潛暢。 妃。 大象元年七月,立爲天右皇后。 宣帝元皇后名樂尚,自己河南洛陽人也。開府晟之第二女。年十五,被選入宮,拜爲貴 是用加茲寵數,式光踐禮。 二年二月,改爲天右大皇后。[15]册曰:「咨爾資靈姜 爾其聿修儀範,肅膺顯册,

列

|朱及||尉遲后等並相繼殞沒,而二后于今尙存。 后父晟,少以元氏宗室,拜開府。 祗承休命,可不慎歟。」帝崩,后出俗爲尼,改名華勝。初,后與陳后同時被選入宮,俱拜 [元]年七月,[10]以后父進位上柱國,封翼國公。 爲妃,及升后位,又同日受册,帝寵遇二后,禮數均等,年齒復同,特相親愛。及爲尼後,李、

章。爾其克愼厥猷,寅荅景命,永承休烈,可不愼歟。」帝尉,后出俗爲尼,改名華首。 皇十五年, 殂, 年三十。 例入朝,帝逼而幸之。及亮謀逆,帝誅溫,進后入宮,拜爲長貴妃。大象二年三月,立爲天 左大皇后。册曰:「咨爾門膺積善,躬表靈貺,徽音茂德,朕實嘉之。是用弘茲盛典,申彼寵 宣帝尉遲皇后名熾繁,蜀國公迴之孫女。有美色。初適杞國公亮子西陽公溫,以宗婦

膺乾御曆,內政爲助,昭被圖篆。惟爾門積慶靈,家韜休烈,徽音令範,無背一時。是用命 爲帝納爲皇后。册曰:「坤道成形,厚德於焉載物;陰精迭運,重光所以麗天。 靜帝司馬皇后名令姬,柱國、滎陽公消難之女。 大象元年二月,宣帝傳位於帝,七月, 在昔皇王,

爾,作儷皇極。 無怠,雖休勿休,以隆嘉祚。」二年九月,隋文帝以后父擁衆奔陳,廢后爲庶人。 爾其克勵婉心,肅膺盛典,追皇、英之逸軌,庶任、姒之芳塵,韓翟有光,粢盛 後嫁爲隋

司(州)[隸]刺史|李丹妻,[三]于今尙存。

倦矣,施者無厭,向之所謂和親,未幾已成讐敵。 昧之辰,事殊權宜之日,乃弃同即異,以夷亂華。 |戎女, 卜人以爲不吉。斯固非謬焉。 人,未親庶政,而謀士韞奇,直臣鉗 史臣曰:孔子稱「夷狄之有君,不如諸夏之亡也」。是以周納狄后,富辰謂之禍階;晉升 口。 自周氏受命,逮乎高祖,年踰三紀,世歷四君。 過矣哉! 奇正之道,有異於斯。 捐婚姻之彝序,求豺狼之外利。 于時高祖雖受制於 旣而 業非草 報者

王族,喪周祚者楊氏。 歷觀前載,以外戚而居宰輔者多矣。 何滅亡之禍,合若符契焉。 申、呂則曠代無聞,呂、霍則與時俱盛。 斯魏文所以發一槩之詔也已。 傾漢室者

校勘記

列傳第

校勘

記

初封平原公主適開府張歡 張森楷云"「北齊書張忻傳卷二〇張瓊傳作『平陽公主』,『張歡』作『張

- 忻』。『忻』、『歡』誼同,豈避高歡諱改歟。」按錢氏考異卷四○已指出「齊史避諱,改歡爲欣」。
- 生孝閔帝大統七年薨 北史卷一四后妃傳下作「大統十七年」。按卷三孝閔帝紀謂帝以大統八
- 年生,其母不當死在前。當從北史。
- C 〕 天和(元)(二)年六月尊爲皇太后 宋本、南本「元」作「三」。卷五武帝紀事在二年,今從紀改。
- 建德(二)(三)年三月癸酉崩 德三年三月癸酉,御覽是,今據改。 御覽卷一四〇六八三頁「二」作「三」。按卷五武帝紀叱奴后死於建
- 二五 四月丁巳葬〔永〕固陵 申。又諸本「固」上都有「永」字,與武帝紀合,今據補。 「四月」北史卷一四元妃傳下作「五月」。按卷五武帝紀上葬在五月庚
- へ入し 突厥木扞可汗 汗」周書卷一九楊忠傳、卷二八史寧傳、卷五〇異城傳、北史卷六一史寧傳,或作「木杆」北史卷一一院本紀敍楊忠事,卷 亦相近,譯音無定字。 九九突厥傳。 隋書卷八四突厥傳局本作「扞」,百衲本「杆」「扞」雜出。「杆」爲「杆」之誤,「汗」「扞」音同,「杆」音 北史卷一四后妃傳下宋本作「木杆」,殿本作「木杆」。 考之其他紀載,或作「木
- 控弦數十萬志陵中夏 御覽卷一四〇六八四頁作「控弦十數萬,於是陵逼中原」。
- 南(陽)[安]公楊荐 卷五武帝紀 保定五年、卷三三楊莽傳、北史卷一四后妃傳下「陽」都作「安」,

个據改。

- уь ∪ 乃備禮送后(及)純等設行殿列羽儀奉之以歸 以歸」亦純等奉之以歸。「純等」二字自應屬下讀,這裏衍「及」字,今據北史刪 以歸」。按上文言純等入突厥迎后,「奉備皇后文物及行殿」,知行殿羽儀乃純等所設所列,「奉之 北史卷一四后妃傳下省作「乃禮送后,純等奉之
- 後稍得親幸大象元年二月改爲天元帝太后 帝。 二月改爲天元帝太后」,若無先尊爲帝太后之文,則「改」字無理,知「親幸」下有脫文。 宣帝宣政元年七月尊爲帝太后』。」按錢氏實據北史卷一四后妃傳下補。 錢氏考異卷三二云:「按『親幸』之下,當云『生宣 周書云「大象元年 御覽卷
- 於是后與三皇后並加(太)(大)焉 說是,今據改。以下「太皇后」皆逕改「大皇后」,不出校記 張森楷云:「北史 卷一四后处傳下『太』作『大』,是。下同。」按張

四〇六八四頁作「高祖幸之,生宣帝。

宣帝即位,尊爲天元聖皇太后」,也有刪節

- \subseteq 專又立 (為) 天中大皇后 證說是,今據刪 天元大皇后,未嘗改册爲天中大皇后。 殿本考證云:「按天中大皇后大原作「太」,陳月儀也。 北史卷一四后妃傳下『立』下無『爲』字,於文義爲協。」按考 楊后本册立爲
- 靜帝尊爲帝太(皇)后 帝紀正作「帝太后」,「皇」字衍,今據刪 北史卷一四后妃傳下「太」下無「皇」字。 張森楷云:「北史是。」按卷八靜
- 列傳第一校勘記 [18] 軒嚳繼軌 宋本「軌」作「範」,不成字,當是「範」之訛。

(1三) 天中大皇后爰主粢盛 按這是陳月儀由天左改册天中的册文,「爱主粢盛」云云是贊揚陳未改

册時的話,疑「中」當作「左」。

- 本高氏之隸 六八四頁 同北史。 殿本考證云:「北史卷一四后妃傳下作本爾朱兆之隸,未知孰是。」按御覽卷一四〇 張森楷云:「二史皆是也。山提初爲兆隸, 兆使殺己, 不從。 兆死,轉事高數為
- 蒼頭。 各據一端而言,其實非有二也。」張所云出北齊書卷二五張亮傳,卷五〇恩倖傳
- (浙)[淅]陽郡公 張森楷云:「『浙』當作『淅』,北史卷一四后如傳下正作『淅』。」按張說是,今據改。
- (史改。 名樂尙 諸本「樂 都作「藥」。北史卷一四后妃傳下、御覽卷一四〇六八四頁作「樂」,疑殿本據北
- 二九 改爲天右大皇后 卷一四后妃傳下改。 殿本考證云:"「『天右』,舊本俱訛作『天元』。」按殿本當據卷七宣帝紀及北史 局本從殿本。
- 大象(末)(元)年七月 是,今據改。但宣帝紀稱元晟封公在八月,此作七月,蓋誤以立皇后之月爲封后父之月。 宋本「末」作「元」。張元濟以爲作「末」誤,云「見帝紀」卷七宣帝紀。按張說
- 軺車條、卷六六房彥謙傳、卷六七裴蘊傳並見「司隸刺史」,此作「司隸」不誤,殿本妄改,今回改。 傳下改正」。按隋無司州,隋書卷二八百官志司隸臺有刺史十四人,巡察畿外,卷一○禮儀志五 後嫁爲隋司(州)[隸]刺史李丹妻 殿本考證云:「『司州』,諸本俱訛爲『司隸』,今據北史卷一四后妃

周書卷十

列傳第二

邵惠公顥 子什肥 導 (護) 什肥子胄 導子廣 亮 翼 椿

札簡公連 莒莊公洛生 子菩提

虞國公仲

衆

武川 賊追騎大至,顥遂戰歿。 莊公洛生,次太祖。 事、恆州刺史。 南河,臨陣墜馬,顥與數騎奔救,擊殺數十人,賊衆披靡,德皇帝乃得上馬引去。 邵惠公顥,太祖之長兄也。 封邵國公,邑萬戶。 **顥性至孝,德皇后崩,哀毀過禮,鄉黨咸敬異焉。** 保定初,追贈太師、柱國大將軍、大冢宰、大都督、恆朔等十州諸軍 德皇帝娶樂浪王氏,是爲德皇后。 諡曰惠。 顥三子什肥、導、護。 護別有傳。 生顥,次杞簡公連,次莒 德皇帝與衞 可孤 戦於 俄

什肥年十五而惠公歿,[1]自傷早孤,事母以孝聞。 永安中,太祖入關,什肥不能離母

定等州諸軍事、冀州刺史。 遂留晉陽。 及太祖定秦、隴,什肥爲齊神武所害。保定初,追贈大將軍、小冢宰、大都督、冀 襲爵邵國公。 諡日景。 子胄嗣

迥,與淸河公楊素戰,敗,遂走,追獲於石濟,遂斬之。 國除。 中大夫,進位大將軍,出爲原州刺史,轉滎州刺史。大象末,隋文帝輔政,胄舉州兵應尉遲 景公封。 胄少而孤貧,頗有幹略。 天和中,與齊通好,胄始歸關中。授大將軍、開府儀同三司,襲爵邵公。 景公之見害也,以年幼下蠶室。 保定初,韶以晉公護子會紹 尋除宗師

保定初,紹景公後,拜驃騎大將軍、開府儀同三司。二年,除蒲州潼關六防諸軍事、蒲州刺 胄至自齊,改封譚國公。 (胄子)[會字] 乾仁,[三] 幼好學,聰惠。 尋進位柱國。 魏恭帝二年,以護平江陵之功,賜爵江陵縣公。 建德初,與護同伏誅。 三年五月,追贈,復封

冠軍將軍,加通直散騎常侍。 隨 出故塞 賀拔岳 導字菩薩。 ,導率騎追之,至牽屯山及悅,斬之,傳首京師。 入關,導從而 少雄豪,有仁惠,太祖愛之。 西, 常從征伐。太祖討侯莫陳悅,以導爲都督,鎭原州。及悅敗,北走 魏文帝即位,以定策功,進爵爲公,增邑五百戶,拜使持節、散 初與諸父在葛榮軍中,榮敗,遷晉陽。及太祖 以功封饒陽縣侯,[三] 邑五百戶,拜

發關 朝議 方。 🖾 及大軍不利 幷 自 儀 賦 騎常侍、車騎大將軍、左光祿大夫。三年,太祖東征,導入宿衞,拜領軍將軍、大都督。 皇太子 が前二 華州 同 渡 中 將 泂 兵 一千戶。 率所部兵擊之,擒伏德,斬思慶。 應之, 侵 東征,復以蹲爲大都督、華東雍二州諸軍事,行華州刺史。 討之,魏文帝遣齊王廓鎭隴右,徵導還朝。 馮翊,太祖 明年,魏文帝東征,留導爲華州刺史。 乃徵 尋加侍中、開府、驃騎大將軍、太子少保。 為隴右大都督、秦南等十五州諸 ,東魏軍追至稠桑,知關 自弘農引軍入關,導督左右禁旅會於沙苑,與齊神武戰,大破之。 還,乃旋舊鎭。 進屯渭橋,會太祖軍。 中有備, 及趙青雀、于伏德、慕容思慶等作亂, 軍事、巨秦州刺史。 乃退。 拜大將軍、大都督、三雍二華等二十三 高仲密以北豫降,太祖率諸將輔魏 會侯景舉河南來附,遣使請援 事平,進爵章武郡公,增邑 導治兵訓卒,得守捍之 及齊氏稱帝,太祖 進位

帝遣 奠祭於路, 西戎,威恩顯著,欲令世鎭隴右, 恆居守, 侍中、 導 性 深爲 「寬明,善於撫御,凡所引接, 悲號滿野,皆曰「我君捨我乎」。大小相率,負土成墳,高五十餘尺,周迴八十餘 漁陽王 吏民所附, 繩監護喪事 朝廷亦以此 o 以 贈本官, 彰 重之。 厥德, 人皆盡誠。 加 尚書令、 乃葬於 魏恭帝元年十二月,薨於上邽,年四十 臨事敬慎,常若弗及。 上邽城西無疆原。 秦州 刺史,公諡 日孝。 華戎 太祖每出征討,導 會葬有 朝 議 以 邁餘· (導撫和 四。 魏

州

諸

軍

事

,屯咸陽。

大軍

五五五

顥

爲官司所止,然後泣辭而去。 其遺愛見思如此。 天和五年, 重贈太師、柱國、 豳國公。

導五子,廣、· 廃、翼、椿、衆。 · 亮、椿 並出後於 祀。

年,除 稱母 權 焉。 護諸子及廣弟杞國公亮等,服玩侈靡,踰越制度,廣獨率由禮則,又折節待士,朝野以是稱 國公,增邑萬戶。保定初,入爲小司寇。尋以本官鎭蒲州,兼知潼關等六防諸軍事。(三)[二] 驃騎大將軍、開府儀同三司,出爲秦州刺史。 武成初,進位大將軍,[+]遷梁州總管,進封蔡 ,勸令挹損,護不能納。 爲廣 曾侍食於高祖 廣字乾歸。少方嚴,好文學。初封永昌郡公。孝閔帝踐阼,改封天水郡公。世宗卽位,授 初, 秦州總管、十三州諸軍事、秦州刺史。〔5〕廣性明察,善綏撫,民庶畏而悅之。時晉公 廣母 病,廣爲母亡,慈孝之道,極於一門。 李氏以廣患彌年,憂而成疾,因此致沒。 ,所食瓜美,持以奉進,高祖悅之。 天和三年,除陝州總管,以病免。 高祖素服親臨,百僚畢集。 四年,進位柱國。 廣既居喪,更加綿篤,乃以毀薨。 及孝公追封豳國公、詔廣襲爵。 廣以晉公護久擅威 其故吏儀同李充 世

信等上表日

理舛和,奉詔還闕,藥石所及,沉痾漸愈。而災釁仍集,丁此窮憂,至性過人,遂增舊 具瞻攸在 臣 聞 [,道冠羣后,功懋維城。· 受脹建旆,威行秦、隴; 資孝成忠,生民高義,旌德樹善,有國常規。 竊惟故豳國公臣廣,懿親 班條驅傳,化溢崤、函。 令望, 比腠

疾,因茲毀頓,以至薨殂。尋繹貫切,不能自已。

薪。 之澤,留情旣往,降愍幽魂,爰敕有司,申其宿志,窀穸之禮,庶存儉約。 無餘,器用服玩,取給而已。 今卜兆有期,先遠方及,誠恐一從朝露,此志莫伸。伏惟陛下弘不世之慈,垂霈然 臣等接事,每承餘論。 仰之平昔,約己立身,位極上公,賦兼千乘,所獲祿秩,周瞻 每言及終始,尤存簡素。 非秦政而褒吳禮,譏石椁而

遺志; 子洽嗣。 間才藻,追敍於中尉,東海謙約,見稱於身後。 懿戚,用匡朝政,奄丁荼蓼,便致毀滅。 啓手歸全,無忘雅操。 言念旣往,震于厥心。 韶曰:「省充信等表,但增哀悼。 黜殯之請,無虧令終。」於是贈本官,加太保。 大定中,隋文輔政,行以宗室被害,國除。 豳國公廣藩屛令望,宗室表儀,言著身文,行成士則。 可斟酌前典,率由舊章。 葬於隴西。 所司一遵詔旨,並存儉約。 使易簣之言,得申 昔河

高祖 拜宗師中大夫,進位大將軍。 出 無 ^然政績。 爲安州總管。 東伐,以亮爲右第二軍總管。 亮字乾德。 尋進位柱國。 大象初,韶以亮爲行軍總管,與元帥、鄖國公韋孝寬等伐陳。 武成初,封永昌郡公。 晉公護誅後,亮心不自安,唯縱酒而已。 豳國公薨,以亮爲秦州總管,廣之所部,悉以配焉。 幷州平,進位上柱國。 後襲烈公爵,除開府儀同三司、梁州總管。 仍從平鄴,遷大司徒。 高祖手勑讓之。 亮自安陸道 宣帝即位, 亮在州甚 天和末, 建德中,

列

攻拔黄城,輒破江側民村,掠其生口,以賜士卒。軍還至豫州,亮密謂長史杜士峻曰:「主上

主,鼓行而前,誰敢不從。」遂夜將數百騎襲孝寬營。 淫縱滋甚,社稷將危。吾旣忝宗枝,不忍坐見傾覆。今若襲取鄖國公而幷其衆,推諸父爲 會亮國官茹寬知其謀,先以馳告,孝寬

乃設備。 亮不克,逐走,孝寬追斬之。子明坐亮誅。 韶以亮弟椿爲烈公後。

翼字乾宜。 武成初,封西陽郡公。早薨,諡曰昭。 無子,以杞國公亮子溫爲嗣。 後坐

亮反誅,國除。

高祖 軍。 害,幷其五子四陽公道宗、本、仁隣、武子、禮獻。曰己 卽 位,拜大司寇。 東伐、[10]椿與齊王憲攻拔武濟等五城。 尋除岐州 椿字乾壽。 刺史。四年,關中民饑,椿表陳其狀,璽書勞慰。因令所在開倉賑卹。 初封永昌郡公。保定中,授開府儀同三司、宗師中大夫。 亮誅後,詔令紹烈公封。 尋進位上柱國,轉大司徒。 大定初,爲隋文帝所 五年,高祖出晉州,椿率衆屯棲雞原。日已宣帝 建德初,加大將 四年,

封爲介公,後復誅之,并二子仲和、孰倫。 衆字乾道。 保定初,封天水郡公。 少而不惠,語默不常,人莫能測。 隋文帝踐極,初欲

督、幽燕等六州諸軍事、〇四幽州刺史。 使持節、太傅、柱國大將軍、大司徒、大都督、定冀等十州諸軍事、定州刺史; 五千戶; **杞簡公連,幼而謹厚,臨敵果毅。** 諡曰簡。 。子(光)[元]寶爲齊神武所害。[1三]保定初,追贈大將軍、小司徒、[大]都 隨德皇帝逼定州,軍於唐河,遂俱歿。 襲爵杞國公,諡日烈。 以章武公導子亮嗣。 封杞國公,邑 保定初,追贈

莒國 多出 贈使持節、太保、柱國大將軍、大冢宰、大宗伯、大都督、幷肆等十州諸軍事、幷州 洛生善將士,自己帳下多驍勇。 東,收諸豪傑,遷於晉陽,洛生時在虜中。 [其下。及葛榮破鮮于修禮,乃以洛生爲漁陽王,仍領德皇帝餘衆。時人皆呼爲洛生王。 公,邑五千户; <u>莒莊公洛生,少任俠,尚武藝,及壯,有大度,好施愛士。</u> 諡日莊。 至於攻戰,莫有當其鋒者,是以克獲常冠諸軍。 榮雅聞其名,心憚之。 北州賢俊,皆與之遊,而才能 尋爲榮所害。 爾朱榮定山 保定初,追 刺史; 封

州 刺史,襲爵莒國公,諡曰穆。 子菩提,爲齊神武所害。 保定初,追贈大將軍、小宗伯、大都督、肆恆等六州諸軍事、肆 以晉公護子至爲嗣。

至字乾附。 列 傳 第 初封崇業公,後襲穆公爵。 杷 簡 公 連 莒 莊 公 洛 生 建德初、〔坐〕父護誅、〔云詔以衞王直子賓爲穆 庾 國 公 仲 五 九

公後。三年,追復至爵。

賓字乾瑞。 尋坐直誅。 建德六年,更以齊王憲子廣都公(眞)[頁]襲爵。

(眞)[頁]字乾禛。[12]宣帝初,被誅,國除。

徒、大都督、燕平等十州諸軍事、燕州刺史;封虞國公,邑三千戶。 虞國公仲,德皇帝從父兄也。卒于代。保定初,追贈使持節、太傅、柱國大將軍、大司 子興嗣。

以興宗戚近屬,尊禮之甚厚,拜使持節、驃騎大將軍、開府儀同三司、都督,封大寧郡公。 觀。 恆幽等六州諸軍事、恆州刺史、諡曰靖。 年薨,高祖親臨,慟焉。 除宗師中大夫。 寇沙苑,興預在行間,軍敗被虜,隨例散配諸軍。 魏恭帝二年,舉賢良,除本郡丞,徙長隰縣令。 興生,兵亂,與仲相失,年又冲幼,莫知其戚屬遠近。與太祖兄弟,初不相識。 四年,出爲涇州刺史。 韶大司空、申國公李穆監護喪事。 五年,又徵拜宗師,加大將軍,襲爵虞國公。 子洛嗣。 興性弘厚,有志度,雖流離世故,而 保定二年,韶仲子興始附屬籍。日公高祖 贈使持節、柱國大將軍、大都督、 天和一 風範 齊神武 可

大將軍、儀同三司。及靜帝崩,隋文帝以洛爲介國公,爲隋室賓云。 洛字永洛。[15]九歲,命爲虞國公世子。 天和四年,詔襲興爵。 建德初,拜使持節、車騎

以善政;蔡文公之純孝,[10]而飾之以儉約:峩峩焉,足以轥轢於前載矣。當隋氏之起,乘 **衞梁楚,其疎屬有凡蔣荆燕,咸能飛聲騰實,不泯於百代之後。至若豳孝公之勳烈,而加之** 義舉,可謂忠而能勇。功業不遂,悲夫!院實庸才,圖非常於巨逆。古人稱不度德、不量力 天威而服海內,將相王侯,莫不隳肝膽以効款,援符命以頌德。。胄以葭莩之親,據一州而 史臣曰:自古受命之君及守文之主,非獨異姓之輔也,亦有骨肉之助焉。 其茂親有魯 叶

校勘記

者,其斯之謂歟。

[] 什肥年十五而惠公歿 子五O八年,到正光五年是十七歲。閻姬自述其子生肖當可信,這裏的「年十五」應有誤。參卷 卷一一晉蕩公護傳載其母閻姬書,自云三子,「大者屬鼠」,大者卽指什肥,應該生於永平元年戊 據上文, 宇文顥 ^{邵惠公} 死在六鎭起義之初, 不能早於正光五年 五二四年。

列

一一校記第一條。

- (二)(胃子)(會字)乾仁 子也。『胄子』二字是彼刻誤。」今按脹說是,且以「乾」爲字者都和胄同輩,胄子矮了一輩,不能 北史卷五七周宗室傳稱「會字乾仁」。張森楷云:「案下所敍事皆是會,非胄
- 也以「乾」排行。今據北史改。
- () 以功封饒陽縣侯 宋本無「侯」字。北史卷五七周宗室傳「侯」作「伯」。「侯」與「伯」未知孰是。
- [] 守捍之方 殿本考證云:「舊本俱作『定捍之方』,依北史 卷五七 改。」
- C 五 〕 秦南等十五州諸軍事 按隋書卷二九地理志上巴東郡武寧縣條云:「後周置南州」,然和秦州不 相連接,且置於周代,疑此「南」字下有脫文。
- 秦州刺史、宋本「秦」作「泰」。按宇文導任秦州刺史踰三年,死後葬於秦州治所上邽,秦州和他

無關,恐作「秦」是。

- 武成初進位大將軍、文苑英華卷九四八庾信周故大將軍趙公宇文廣墓誌銘作「二年拜大將軍」, 在武成建元前一年五三八年。
- CCJ(II)(II)(II)年除秦州總管十三州諸軍事秦州刺史 宋本「三」作「二」。張元濟以爲「三」字誤,云 墓誌在二年閏月。脹說是,今據改。 「見紀五」。按字文廣除秦州刺史見卷五武帝紀保定二年五六二年二月。英華卷九四八字文廣

- Эυ Ш 大定中隋文輔政 卷四八蕭詧傳, 大定是後梁宣帝年號,這是很近的事, 宋本作「太定」。 按周書卷八靜帝紀、北史卷一〇周本紀下都作「大定」。但 後梁又是周的屬國, 似不應重複。「太」
- 「大」在年號中從來多混淆,究未知孰是。
- (10) 四年高祖東伐 不誤,張以爲這裏的「四年」爲衍文是對的。 張森楷云:「上文已出四年,此不應復出,當誤衍四年字。」按兩四年下所記事都
- 棲雞原 張森楷云:「齊王憲傳 卷一二作『雞棲原』,是也。 此誤倒文。」按張說是。
- 張森楷云:「上西陽公翼傳云『以杞國公亮子溫爲嗣,後

封,就不能說「國除」。 這裏可能封邑名有誤。 又五子之名共九字,必有一人單名,但別無可考,

不能確切點斷。

坐亮反,誅,國除』,

則不得更有西陽公也。

而此云云,豈溫誅後,更以道紹封歟。」

按若有人紹

- (二三) (光)(元)寶 『光』『元』形近,未知孰是。」按北史卷五七周宗室傳、册府卷二九六三四七五頁都作「元」,今據改 張森楷云:「晉煬公護傳 卷一一載母閻姬書,稱『汝叔母賀拔及兒元寶』,即此子也
- 追贈大將軍 字。 按保定 初追贈沒於東魏、北齊的宗室,伯父和從兄弟都加大都督,元寶不應獨異,今據補 小司徒〔大〕都督幽燕等六州諸軍事 宋本作「大都督」。 張元濟以爲殿本脫「大」
- 二吾 洛生善將士 北史卷五七周宗室傳、册府卷二七一三二〇頁「善」下有「撫」字,較長。

- (二六)建德初(坐)父護誅 殿本考證云:「北史卷五七周宗室傳作『後坐父護誅』。此脫一『坐』字。」按無
- 「坐」字不可通,考證說是,今據補。
- [1七] 更以齊王憲子廣都公(眞)(頁)襲爵(眞)(頁)字乾禎 卷一二齊王憲傳,但所載其弟兄之字,除乾洽外,下一字都從示,這裏作「頑」是對的。 郡公貢襲,貢字乾貞。」名、字都不同。名應作「貢」,見卷六校記第二六條,今據改。」貢之字不見 北史卷五七周宗室傳稱:「而齊王憲子廣都
- [14] 韶仲子興始附屬籍 北史卷五七周宗室傳云:「詔訪仲子孫,興始附屬籍。」文義較長,疑這裏 「韶」下脱「訪」字,「子」下脱「孫」字。
- [1式] 洛字永洛 宋本「永」作「水」。按水洛城常訛作「永洛」。洛可能以地爲字,宋本未必誤。 [110] 蔡文公之純孝 蔡文公指宇文廣,廣後襲封豳國公,爲了避兎與上文豳孝公重「豳」字,故稱其 初封。但本傳不載廣論「文」,只見於北史卷五七問宗室傳。史臣論旣稱其論,疑廣傳脫去「論

周書卷十一

列傳第三

晉蕩公護 叱羅協 馮遷

於諸兄。年十一,惠公薨,〔1〕隨諸父在葛榮軍中。榮敗,遷晉陽。太祖之入關也,護以年 小不從。普泰初,自晉陽至平涼,時年十七。至一太祖諸子並幼,遂委護以家務,內外不嚴而 太祖嘗歎曰:「此兒志度類我。」 晉蕩公護字薩保,太祖之兄邵惠公顯之少子也。幼方正有志度,特爲德皇帝所愛,異

東將軍、大都督。八年,進車騎大將軍、儀同三司。邙山之役,護率衆先鋒,爲敵人所圍,都 樂勳,進爵爲公,增邑通前一千戶。從太祖擒竇泰,復弘農,破沙苑,戰河橋,並有功。 之。後以迎魏帝功,封水池縣伯,邑五百戶。大統初,加通直散騎常侍、征虜將軍。以預定 及出臨夏州,留護事賀拔岳。岳之被害,太祖至平涼,以護爲都督。從征侯莫陳悅,破

列

傳第三

晉蕩公

書 卷 + -

將軍。 恃險作梗。 督侯伏侯龍恩挺身扞禦,方得免。 艦以待。 並擒其候騎,進兵徑至江陵城下。城中不意兵至,惶窘失圖。 十二年,加驃騎大將軍、開府儀同三司,進封中山公,增邑四百戶。 與于謹征江陵,至遵整輕騎爲先鋒,晝夜兼行,乃遣裨將攻梁臨邊城鎭,並拔之。 大軍之至,圍而克之。以功封子會爲江陵公。 及師還,護率軍討平之。 是時,趙貴等軍亦退,太祖遂班師。護坐免官,尋復本位。 初行六官, 拜小司空。 初,襄陽蠻帥向天保等萬有餘落, 護又遣騎二千斷江津,收舟 十五年,出鎭河東,遷大

安。 涕泣奉命。 至是,人以護字當之。 吾形容若此,必是不濟。 護綱紀內外,撫循文武,於是衆心乃定。 太祖 西巡至牽屯山,遇疾,馳驛召護。 行至雲陽而太祖崩。 尋拜柱國。 諸子幼小,寇賊未寧,天下之事,屬之於汝,宜勉力以成吾志。」護 護秘之,至長安乃發喪。 太祖山陵畢,護以天命有歸,遣人諷魏帝,遂行禪代 護至涇州見太祖,而太祖疾已綿篤。 先是,太祖常云「我得胡力」。當時莫曉其旨, 時嗣子冲弱,彊寇在近, 謂 人情不 護日:

執之,黨與皆伏誅。 孝 | 閔帝踐阼,拜大司馬,封晉國公,邑一萬戶。 拜大冢宰 趙貴、獨孤信等謀襲護,護因貴入朝,遂

時司會李植、軍司馬孫恆等,在太祖之朝,久居權要。四見護執政,恐不見容。 乃密要

謀臣宿將,爭往附之,大小政事,皆決於護。以臣觀之,將不守臣節,恐其滋蔓,願早圖之。」 宮伯乙弗鳳、張光洛、賀拔提、元進等爲腹心,說帝曰:「護誅(朝)[趙]貴以來, 至 威權日盛, 帝然其言。鳳等又曰:「以先王之聖明,猶委植、恆以朝政,今若左提右挈,何向不成。 公常云我今夾輔陛下,欲行周公之事。 臣聞周公攝政七年,然後復子明辟,陛下今日,豈能 七年若此乎。 深願不疑。」帝愈信之。數將武士於後園講習,爲執縛之勢。 且晉

阻。 懇,干觸天威者,但不負太祖之顧託,保安國家之鼎祚耳。 **猶生之年**。 命託臣以後事。臣旣情兼家國,寔願竭其股肱。若使陛下親覽萬機,威加四海,臣死之日, 諫曰:「天下至親,不過兄弟。 之口。」因泣涕,久之乃止。 護微知之,乃出植爲梁州刺史,恆爲潼州刺史,欲遏其謀。後帝思植等,每欲召之。 且臣旣爲天子兄,復爲國家宰輔,知更何求而懷冀望。伏願陛下有以明臣,無惑讒人 但恐除臣之後, 姦回得逞其欲, 非唯不利陛下, 亦恐社稷危亡。 臣所以勤勤懇 帝猶猜之。 若兄弟自搆嫌隙,他人何易可親。太祖以陛下富於春秋,顧 不意陛下不照愚臣款誠,忽生疑 護

遺綱入宮,召鳳等議事,及出,以次執送護第。 乃召柱 鳳等盆懼, 國賀蘭祥、 密謀滋甚。 小司 '馬尉遲綱等,以鳳謀告之。 遂克日將召羣公入醮,執護誅之。 光洛具以其前後謀告護,護 因罷散宿衞兵,遣衅逼帝, **祥等並勸護廢帝。** 時綱總領禁兵,護乃 幽於舊邸。 於是

列傳第

立之。 之家事,敢不惟命是聽。」於是斬鳳等於門外,幷誅植、恆等。尋亦弑帝。迎世宗於岐州而 兼茂,仁孝聖慈,四海歸心,萬方注意。 今欲廢昏立明,公等以爲如何。」 羣臣咸曰:「此公 社稷必致傾覆。寡人若死,將何面目以見先王。今日寧負略陽,不負社稷爾。寧都公年德 奄棄萬國。 寡人地則猶子,親受顧命。以略陽公旣居正嫡,與公等立而奉之,革魏興周,爲 召諸公卿畢集,護流涕謂曰:「先王起自布衣,躬親行陣,勤勞王業,三十餘年。 寇賊未平, 四海主。 自卽位以來,荒淫無度,昵近羣小,疎忌骨肉,大臣重將,咸欲誅夷。若此謀遂行,

憚之。有李安者,本以鼎爼得寵於護,稍被升擢,位至膳部下大夫。至是,護乃密令安囚進 食於帝,加以毒藥。帝遂寢疾而崩。護立高祖,百官總己以聽於護。 金石之樂。武成元年,護上表歸政,帝許之。軍國大事尙委於護。帝性聰睿,有識量,護深 二年,拜太師,賜輅車冕服。封子至爲崇業郡公。初改雍州刺史爲牧,以護爲之,幷賜

軍事,令五府總於天官。或有希護旨,云周公德重,魯立文王之廟,以護功比周公,宜用此 不行。護第屯兵禁衞,盛於宮闕。事無巨細,皆先斷後聞。保定元年,以護爲都督中外諸 於是詔於同州晉國第,立德皇帝別廟,使護祭焉。三年,詔曰:「大冢宰晉國公,智周萬 自太祖爲丞相,立左右十二軍,總屬相府。太祖崩後,皆受護處分,凡所徵發,非護書

物,道濟天下,所以克成我帝業,安養我蒼生。況親則懿昆,任當元輔,而可同班羣品,齊位

衆臣!自今詔誥及百司文書,並不得稱公名,以彰殊禮。」護抗表固讓。

朝,且請和好。四年,皇姑先至。 及諸戚屬,並沒在齊,皆被幽繁。 破齊長城,至幷州而還。期後年更舉,南北相應。齊主大懼。先是,護母閻姬與皇第四姑 初,太祖創業,即與突厥和親,謀爲掎角,共圖高氏。是年,乃遣柱國楊忠與突厥東伐。 齊主以護旣當權重,乃留其母,以爲後圖。仍令人爲閻作 護居宰相之後,每遣間使尋求,莫知音息。至是,並許還

書報護日:

汝嫂劉新婦等同居,[+] 頗亦自適。但爲微有耳疾,大語方聞。行動飲食,幸無多恙。 復何可處。吾自念十九入汝家,今已八十矣。旣逢喪亂,備嘗艱阻。 得見一日安樂。何期罪釁深重,存沒分離。吾凡生汝輩三男三女,云今日目下,不覩 今大齊聖德遠被,特降鴻慈,旣許歸吾於汝,又聽先致音耗。 積稔長悲,豁然獲展。 此 一人。興言及此,悲纒肌骨。賴皇齊恩卹,差安衰暮。又得汝楊氏姑及汝叔母紇干、 天地隔塞,子母異所,三十餘年,存亡斷絕,肝腸之痛,不能自勝。想汝悲思之懷, 恆冀汝等長成,

汝 與吾別之時,年尙幼小,以前家事,或不委曲。昔在武川鎭生汝兄弟,大者屬鼠, 乃仁侔造化,將何報

送限。 城內。 寶掌。 汝叔母紇干及兒菩提,幷吾與汝六人,同被擒捉入定州城。未幾間,將吾及汝送與元 城,行至唐河之北,被定州官軍打敗。汝祖及二叔,時俱戰亡。 次者屬冤,汝身屬蛇。鮮于修禮起日,吾之闔家大小,先在博陵郡住。 汝,汝等三人並呼吾作「阿摩敦」。 汝時年十二,至此吾並乘馬隨軍,可不記此事緣由也? 後爾朱天柱亡歲,賀拔阿斗泥在關西,遣人迎家累。 四人謀欲加害。自己吾共汝叔母等聞之,自己各捉其兒打之。 元寶、菩提及汝姑兒賀蘭盛洛,自己幷汝身四人同學。 走向本軍。」旣至營,遂告吾輩在此。 | 領,至宜檢看,知吾含悲戚多歷年祀。[18] 汝時著緋綾袍、銀裝帶,盛洛著紫織成纈通身袍、黄綾裏,並乘騾同去。 至定州城南,夜宿同鄉人姫庫根家。 經停三日,寶掌所掠得男夫、婦女,可六七十人,云悉送向京。 賀拔、紇干,各別分散。 寶掌見汝云:「我識其祖翁,形狀相似。」時寶掌營在唐 如此之事,當分明記之耳。今又寄汝小時所著錦袍 明旦日出,汝叔將兵邀截,吾及汝等,還得向營。 茹茹奴望見鮮于修禮營火,語吾云:「我今 博士姓成,爲人嚴惡,(凌)〔汝〕等 時汝叔亦遣奴來富迎 於後,吾共汝在受陽住。[10]時 唯盛洛無母,獨不被打。其 汝叔母賀拔及兒元寶, 相將欲向左人 吾時與汝同被 汝 盛洛小於 及盛洛

屬千載之運,逢大齊之德,矜老開恩,許得相見。

一聞此言,死猶不朽,況如今者,

一七〇

衣,饑不得汝食,汝雖窮榮極盛,光耀世間,汝何用爲。於吾何益。吾今日之前,汝旣 喜,死而更蘇。世間所有,求皆可得,母子異國,何處可求。假汝貴極王公,富過山海, 勢必聚集。禽獸草木,母子相依,吾有何罪,與汝分離,今復何福,還望見汝。言此悲 有一老母,八十之年,飄然千里,死亡旦夕,不得一朝蹔見,不得一日同處,寒不得汝 不得申其供養,事往何論。今日以後,吾之殘命,唯繫於汝,爾戴天履地,中有鬼神,勿

每存款質,兼亦載吾姓名。 汝楊氏姑,今雖炎暑,猶能先發。關河阻遠,隔絕多年,書依常體,慮汝致惑,是以 當識此理,不以爲怪。

云冥昧而可欺負。

護性至孝,得書,悲不自勝,左右莫能仰視。報書曰:

冀奉見於泉下爾。 飽,泯如天地之外,無由暫聞。晝夜悲號,繼之以血,分懷冤酷,終此一生,死若有知, 飛越,號天叩地,不能自勝。 不孝!宿殃積戾,唯應賜鍾,豈悟網羅,上嬰慈母。但立身立行,不負一物,明神有識, 宜見哀憐。 區宇分崩,遭遇災禍,違離膝下,三十五年。受形稟氣,皆知母子,誰同薩保,如此 而子爲公侯,母爲俘隸,熱不見母熱,寒不見母寒,衣不知有無,食不知饑 不謂齊朝解網、惠以德音、摩敦、四姑、並許矜放。 四姑卽蒙禮送,平安入境,以今月十八日於河東拜見。遙 初聞此旨,魂爽

列傳

奉顏色,崩動肝腸。 後慈訓,刻肌刻骨,常纒心腑。 敗之日,薩保年已十餘歲,隣曲舊事,猶自記憶;況家門禍難,親戚流離,奉辭時節,先 苦,常謂寢膳貶損,或多遺漏;伏奉論述,次第分明。一則以悲,一則以喜。 曲盡悲酷,備述家事。伏讀未周,五情屠割。書中所道,無事敢忘。 云與摩敦雖處宮禁,常蒙優禮,今者來鄴,思遇彌隆。 但離絕多年,存亡阻隔,相見之始,口未忍言,唯敍齊朝寬弘,每存 矜哀聽許摩敦垂敕,三 摩敦年尊,又加憂 當鄉里破

家有國,信義爲本,伏度來期,已應有日。 一得奉見慈顏,永畢生願。 恩,自己既以霑洽,愛敬之至,施及傍人。草木有心,禽魚感澤,况在人倫,而不銘戴。有 責,至於歲時稱慶,子孫在庭,顧視悲摧,心情斷絕,胡顏履戴,負 媿 久,宛然猶識,抱此悲泣。至于拜見,事歸忍死,知復何心! 奉答。不期今日,得通家問,伏紙嗚咽,言不宣心。 **今恩,負山戴岳,未足勝荷。 二國分隔,理無書信,主上以彼朝不絕子母之恩,亦賜許** 相負背。 天長喪亂,四海橫流。 太祖升遐,未定天保,薩保屬當猶子之長,親受顧命。 太祖乘時,齊朝撫運,兩河、三輔,各值神機。原其事跡,非 蒙寄薩保別時所留錦袍表,年歲雖 雖身居重任,職當憂 生死肉骨, 豈過 神 明。 霈然

齊朝不卽發遣,更令與護書,要護重報,往返再三,而母竟不至。朝議以其失信,令有司移

傷和氣,有悖天經。我之周室,太祖之天下也,焉可捐國顧家,殉名虧實! 民,又云匪報。詳觀此意,全乖本圖。愛人以禮,豈爲姑息。要子責誠,質親求報,實 兵出函谷,則韓裂爲三。安得猶全,謂無損益。 斯日仁人。 候,氷霜行及,方爲世母虛設詭詞,未議言歸,更徵酬答。子女玉帛,旣非所須,保境寧 發,已送仁姑,許歸世母。 乃稱煩暑,指尅來秋。 夷,時鍾圮隔,皇家親戚,淪陷三紀。仁姑、世母,望絕生還。彼朝以去夏之初,德音爰 無媿,隨會所以爲盟。未有司牧生民,君臨有國,可以忘義而多食言者也。 夫有義則存,無信不立,山岳猶輕,兵食非重。 臥鼓潛鋒,孰非深計。若令迭爭尺寸,兩競錐刀,瓦震長平,則趙分爲二; 謂其信必由衷,嘉言無爽。今落木戒 故言誓弗違,重耳所以享國;祝史 不害所養, 自數屬屯

城下。 朝請見,與君周旋。 道路,早已戒嚴,非直 聞善始,卒無令終,百辟震驚,三軍憤惋。不爲孝子,當作忠臣。 大冢宰位隆將相,情兼家國,銜悲茹血,分畢寃魂,豈意噬指可尋,倚門應至。 雖日 班師,餘功未遂。 爲惠不終,祇增深怨。 北拒,又將南略。 **今茲馬首南向**,更期重入。 儻欲自送,此之願也。 愛親無慢,垂訓尼父; 晉人角之,我之職矣。 如或嬰城,未能求敵,詰 去歲北軍深 矜卹窮老, 貽則周 入,數俘 聞 徒 諸

列傳

環玦之義,事不由此,自應內省,豈宜有間。

移書未送而母至。舉朝慶悅,大赦天下。 護與母睽隔多年,一旦聚集,凡所資奉,窮極華 每四時伏臘,高祖率諸親戚,行家人之禮,稱觴上壽。榮貴之極,振古未聞。

宇宙,惟公是屬。 朕當親執斧鉞,廟庭祗受。[15]有司宜勒衆軍,量程赴集。 進止遲速,委公 遺。季孟勢窮,伯珪日蹙,坐待滅亡,鑒之愚智。故突厥班師,仍屯彼境,更集諸部,傾國齊 高氏乘釁跋扈,竊有抖、冀,世濟其惡,腥穢彰聞。皇天震怒,假手突厥,驅略汾晉,掃地無 威,干戈之用,帝王大器,誰能去兵。太祖丕受天明,[1+]造我周室,日月所照,罔不率從。 公達奚武等營於邙山。 之兵出豫州,少師楊檦出帜關。護連營漸進,屯軍弘農。迴攻圍洛陽。柱國齊公憲、鄭國 於廟庭授護斧鉞。出軍至潼關,乃遣柱國尉遲迥率精兵十萬爲前鋒,大將軍權景宣率山南 處分。」於是徵二十四軍及左右廂散隸、及秦隴巴蜀之兵、諸蕃國之衆二十萬人。十月,帝 至,星流電擊,數道俱進,期在仲冬,同會幷、鄴。大冢宰晉公,朕之懿昆,任隆伊、呂,平一 患。不得已,遂請東征。九月,詔曰:「神若軒皇,尚云三戰,聖如姬武,且曰一戎。弧矢之 是年也,突厥復率衆赴期。護以齊氏初送國親,未欲卽事征討,復慮失信蕃夷,更生邊

護性無戎略,且此行也,又非其本心。故師出雖久,無所克獲。護本令壍斷河陽之路,

是班師。以無功,與諸將稽首請罪,帝弗之責也。 陰霧,齊騎直前,圍洛之軍,一時潰散。唯尉遲迥率數十騎扞敵,齊公憲又督邙山諸將拒 遏其救兵,然後同攻洛陽,使其內外隔絕。 之,乃得全軍而返。 權景宣攻克豫州,尋以洛陽圍解,亦引軍退。 諸將以爲齊兵必不敢出,唯斥候而已。値連日 楊檦於軹關戰沒。護於

文軌尙隔,方隅猶阻,典策未備,聲名多闕,曰己宜賜軒懸之樂,六佾之舞。」 右,才表棟隆。國步艱難,寄深夷險,皇綱締構,事均休戚。故以迹冥殆庶,理契如仁。今 使持節、太師、都督中外諸軍事、柱國大將軍、大冢宰晉國公,體道居貞,含和誕德,地居戚 韶曰:「光宅曲阜,魯用郊天之樂; 地處參墟,晉有大蒐之禮。 所以言時計功,昭德紀行。 天和二年,護母薨,尋有詔起令視事。四年,護巡歷北邊城鎮,至靈州而還。五年,又

貪殘,僚屬縱逸,恃護威勢,莫不蠹政害民。上下相蒙,曾無疑慮。高祖以其暴慢,密與衞 王直圖之。 護性甚寬和,然暗於大體。自恃建立之功,久當權軸。凡所委任,皆非其人。兼諸子

之曰:「太后春秋旣尊,頗好飮酒。不親朝謁,或廢引進。〔三〕喜怒之間,時有乖爽。比雖犯 是帝於禁中見護,常行家人之禮。護謁太后,太后必賜之坐,帝立侍焉。至是護將入,帝謂 七年三月十八日,護自同州還。CHOJ帝御文安殿,見護訖,引護入含仁殿朝皇太后。先

入,如帝所戒,讀示太后。未訖,帝以玉珽自後擊之,護踣於地。又令宦者何泉以御刀斫 顏屢諫,未蒙垂納。兄今旣朝拜,願更啓請。」因出懷中酒誥以授護曰:「以此諫太后。」護旣

平公乾嘉,及乾基、乾光、乾蔚、乾祖、乾威等,幷柱國侯伏侯龍恩、龍恩弟大將軍萬壽、大將 護訖,乃召宮伯長孫覽等告之,即令收護子柱國譚國公會、大將軍莒國公至、崇業公靜、正 泉惶懼,斫不能傷。時衞王直先匿於戶內,乃出斬之。 初,帝欲圖護,王軌、宇文神舉、宇文孝伯頗豫其謀。是日,軌等並在外,更無知者。殺

出自皂隸,所典唯庖厨而已。旣不預時政,未足加戮。」高祖曰:「公不知耳,世宗之崩,安所 軍劉勇、中外府司錄尹公正、袁傑、膳部下大夫李安等,於殿中殺之。齊王憲白帝曰:「李安

爲也。」十九日,詔曰:

朕兄故略陽公,英風秀遠,神機頴悟,地居聖胤,禮歸當璧。 遺訓在耳,忍害先加。 永尋 厥臣民,誰亡怨憤。 摧割,貫切骨髓。世宗明皇帝聰明神武,〔惟幾〕藏智。〔三〕護內懷凶悖,外託尊崇。凡 濟艱難,遂任總朝權,寄深國命。不能竭其誠効,罄以心力,盡事君之節,申送往之情。 君親無將,將而必誅。太師、大冢宰、晉公護,地寔宗親,義兼家國。爰初草創,同

股纂承洪基,十有三載,委政師輔, 責成宰司。 護志在無君,義違臣節。 懷茲蠆

伏〔侯〕龍恩、〔三〕萬壽、劉勇等,未効庸勳,先居上將,高門峻宇,甲第彫墻,寔繁有徒, **朕約己菲躬,情存庶政。** 毒,逞彼狼心,任情誅暴,肆行威福,朋黨相扇,賄貨公行,所好加羽毛,所惡生瘡痏 同惡相濟。民不見德,唯利是眎。百姓嗷嗷,道路以目;含生業業,相顧鉗口。 無日給,民不聊生。且三方未定,邊隅尙阻,疆埸待戎旗之備,武夫資扞城之力。 七百之基,忽焉顚墜,億兆之命,一旦阽危,上累祖宗之靈,下負蒼生之責 每思施寬惠下, 輒抑而不行。 逐使戶口凋殘,征賦勞劇,家 常恐

兆民更始。可大赦天下,改天和七年爲建德元年。 **今肅正典刑,護已卽罪,其餘凶黨,咸亦伏誅。 氛霧旣淸,遐邇同慶。** 朝政惟新,

德齎璽書就殺之。三年,詔復護及諸子先封,諡護曰蕩,並改葬之。 長史代郡叱羅協、 護世子訓爲蒲州刺史。其夜,遣柱國、越國公盛乘傳往蒲州,徵訓赴京師,至同州賜死。護 司錄弘農馮遷及所親任者,皆除名。 護子昌城公深使突厥,遣開府宇文

俄而城陷,協沒於榮。榮敗,事汾州刺史爾朱兆,頗被親遇,補錄事參軍。 擢 爲從事。及魏末,六鎭搔擾,客於冀州。冀州爲葛榮所圍,刺史以協爲統軍,委以守禦。 **叱羅協本名與高祖諱同,後改焉。少寒微,嘗爲州小吏,以恭謹見知。恆州刺史楊鈞** 兆爲天柱大將

列傳

第三

晉蕩公護

騎常侍,攝大行臺郎中,累遷相府屬從事中郞。 歲久,行國授大丞相府東閤祭酒、撫軍將軍、銀青光祿大夫,轉錄事參軍,遷主簿,加通直散 爲御史中尉,以協爲治書侍御史。秦向潼關,協爲監軍。 計事,謀討齊神武。兆等軍敗,還幷州,令協治肆州刺史。兆死,逐事竇泰,泰甚禮之。泰 軍 兆與齊神武初戰不利,還上黨,令協在建州督軍糧。 泰死,協亦見獲。太祖以其在關 後使協至洛陽,與其諸叔

將軍、左光祿大夫。九年,除直閤將軍、恆州大中正,加都督,進爵爲伯,增邑八百戶。 本之望。及河橋戰不利,協隨軍而還。太祖知協不貳,封冠軍縣男,邑二百戶。 大都督、儀同三司。 協歷仕二京,詳練故事。又深自克勵,太祖頗委任之。然獨以其家屬在東,疑其有戀 尋加 尋遷 運騎

岐州 以 協,協乃將兵四百人守硤道,與賊短兵接戰,賊乃退避。辟邪棄城走,協追斬之,羣氐皆伏。 千人斷道破橋。協遣儀同仇買等行前擊之,賊開路,協乃領所部漸進。又有氐賊一千人邀 功授開府。仍爲大將軍尉遲迥長史,率兵伐蜀。旣入劒閣,迥令協行潼州事 刺史。時東益州刺史楊辟邪據州反。二年,協率所部兵討之,軍次涪水。 初,太祖欲經略漢中,令協行南岐州刺史,并節度東益州戎馬事。魏廢帝元年,即授南 會有氐賊一

時有五城郡氏會趙雄傑等扇動新、潼、始三州民反叛,聚結二萬餘人,在州南三里,隔

敵,各棄馬短兵接戰。 值水漲不得即渡。 樂,與司馬裔等率師討之;復遣大都督裴孟嘗領百姓繼進,任以爲其聲勢。 涪水,據槐林山,置栅拒守。 仍據舊栅。 樓訓、「三一大都督司馬裔等將步騎千餘人,夜渡涪水擊雄傑,一戰破之。令公以雄傑敗,亦 水北,置栅以應之。 棄棚走還本郡。 而孟嘗方得渡水與長樂合。卽勒兵攻栅,經三日,賊乃請降。 復與鄧朏等更率萬餘人,於郡東南隔水置栅,斷絕驛路。 而王令公、鄧朏見孟嘗騎少,乃將三千餘人圍之數重。 同逼州城。 從辰至午,於陣斬令公及胐等。 梓潼郡民鄧朏、王令公等招誘鄉邑萬餘人,復在州東十里,涪 城中糧少,軍人乏食。協撫安內外,咸無異心。 賊徒旣失渠帥,遂即散走。其徒黨 此後數有反叛, 孟嘗旣至梓潼 協遺儀同楊長 孟嘗以衆寡不 遺儀同伊

邑一千戶。常在護側,陳說時事,多被納用。世宗知其材識庸淺,每折之。 何知也'」 猶以護所親任,難卽屛黜,每含容之。 及世宗崩,便授協司會中大夫、中外府長 大悅,以爲得協之晚。 旣殺孫恆、李植等,欲委腹心於司會柳慶、司憲令狐整等。慶、整並辭不堪,俱薦協。語在 魏恭帝三年,太祖徵協入朝,論蜀中事,乃賜姓宇文氏,增邑通前一千五百戶。晉公護 護遂徵協入朝。旣至,護引與同宿,深寄託之。協欣然承奉,誓以軀命自効。 即授軍司馬,委以兵事。尋轉治御正,又授護府長史,進爵爲公,增 數謂之曰:「汝 護

協輒遣兵討平之。

列

史。 教汝」,及其所言,多乖事衷。 協形貌瘦小,舉措編急。 當時莫不笑之。 旣以得志,每自矜高。朝士有來請事者, 輒云「汝不解,吾今

室,乃求復舊姓叱羅氏。護爲奏請,高祖許之。又進位柱國。護以協年老,許其致仕,而協 貪榮,未肯告退。 護誅,協除名。 郡公,兼營作副監。宮室旣成,以功賜爵洛邑縣公,回授一子。協旣受護重委,冀得婚連帝 公護以協竭忠於己,每提獎之,頻考上中,賞以粟帛。 遷少保,轉少傅,進位大將軍,爵南陽 保定二年,Clabu追論平濁功,別封一子縣侯。又於濁中食邑一千戶,入其租賦之半。晉

十六。子俭嗣。云 建德三年,高祖以協宿齒,授儀同三司,賜爵南陽郡公,時與論說舊事。是歲卒,年七

能,州辟從事。魏神龜中,刺史楊鈞引爲中兵參軍事,轉定襄令,尋爲幷州水曹參軍。 馮遷字羽化。 父障,州從事。 及遷官達,追贈儀同三司、陝州刺史。 遷少修謹,有幹 所歷

之職,咸以勤恪著稱。

中。 後從太祖擒竇泰,復弘農,戰沙苑,皆有功。授都督、龍驤將軍、羽林監,封獨顯縣伯, 及魏孝武西遷,乃棄官,與直閤將軍馮靈豫入關。即從魏孝武復潼關,定回洛,除給事

帝二年,就加車騎將軍、大都督、通直散騎常侍,鎭樊城。 進爵爲侯。 邑六百戶。 久之,出爲廣漢郡守。 及洛陽之戰,遷先登陷陣,遂中重瘡,僅得不死。 時蜀土初平,人情擾動,遷政存簡恕,夷俗頗安之。 尋拜漢東郡守。 以功加輔國將軍、軍師都督,

卒於家,時年七十八。子恕,位至儀同三司、伏夷鎭將、平寇縣伯 微,不爲時輩所重,一旦刺舉本州,唯以謙恭接待鄕邑,人無怨者。 後以其朝之舊齒,欲以衣錦榮之,乃授陝州刺史,進爵隆山郡公,增邑幷前二千戶。 明練時事,善於斷決。 錄,進授驃騎大將軍、開府儀同三司。 大夫,歷軍司馬,遷小司空。自天和已後,遷以年老,委任稍衰。及護誅,猶除名。 孝閔帝踐阼,入爲晉公護府掾,加車騎大將軍、儀同三司,進爵臨高縣公。 每校閱文簿,孜孜不倦,從辰逮夕,未嘗休止。 遷性質直,小心畏愼,雖居樞要,不以勢位加人。 復入爲司錄,轉工部中 以此甚爲護所委任 尋遷護府司 建德末, 遷本寒 兼

護所委信者,又有朔方邊平,位至大將軍、軍司馬、護府司馬。 護敗,亦除名。

率禮由乎正理,易以成佐世之功,反經繫乎非常,難以定匡時之業。故得其人則治,伊尹 史臣曰:仲尼有言:「可與適道,未可與權。」夫道者,率禮之謂也;權者,反經之謂也。

勘

記

一八二

放太甲,周旦相孺子是也;不得其人則亂,新都遷漢鼎,晉氏傾魏族是也。是以先王明上 承利劒,臨沸鼎,不足以讋其慮,據帝圖,君海內,不足以回其心。 下之序,聖人重君臣之分。委質同於股肱,受爵均其休戚。當其親受顧託,位居宰衡,雖復 若斯人者,固以功與山

嶽爭其高,名與穹壤齊其久矣。

行之而無悔。 征伐自出。 就之心。卒能變魏爲周,俾危獲乂者,護之力也。向使加之以禮讓,繼之以忠貞,桐宮有悔 過之期,未央終天年之數,則前史所載,焉足以道哉。 有周受命之始,宇文護寔預艱難。及太祖崩殂,諸子冲幼,羣公懷等夷之志,天下有去 有人臣無君之心,爲人主不堪之事。 忠孝大節也,違之而不疑;廢弑至逆也, 終於身首橫分,妻孥爲戮,不亦宜乎。 然護寡於學術,昵近羣小,威福在己,

校勘記

(二) 年十一惠公薨 話,又說「去歲阿那瓖叛逆,遺字崇令北征」。據卷九肅宗紀,李崇北征阿那瓖在正光四年五三三 崇傳,在臨淮王彧和李叔仁被起義軍擊敗後,孝明帝在一次會議上有「武川乖防,復陷凶手」的 文肱組織豪強武裝,在起義軍佔領武川後。 按卷一〇邵惠公顥傳,顥隨父肱和六鎭起義軍作戰而死。卷一四賀拔勝傳,宇 起義軍佔領武川年月史無明文。 據魏書卷六六李

年歲不合,已見上卷校記第一條。宇文護屬蛇,應生於延昌二年癸巳五二三年,到正光五年乃十 得早於五年。本傳載其母閻姬與護書說她三子「大者什肥屬鼠,次者導屬兔,汝讓身屬蛇」。 年,臨淮王彧之敗在五年五二四年。 則起義軍佔領武川,宇文肱組織武裝反抗,宇文顥戰死,均不 |什肥

普泰初自晉陽至平涼時年十七 按自延昌二年五一三年到普泰元年五三一年應年十九,非十七。

二歲,非十一歲。

(三) 十五年出鎭河東遷大將軍與于謹征江陵 按卷二文帝紀下,征江陵在魏恭帝元年五五四年,距

大統十五年 五四九年已五年。這裏自「十五年」連叙下來,易生誤會。 北史卷五七周宗室傳同

[B] 久居權要 「久」原作「允」。 !宋本、南本、汲本及通鑑卷一六七五一六五頁「允」都作「久」,二張以 爲「允」字誤。今逕改。

五 護誅(朝)〔趙〕貴以來 宋本、南本、局本及通鑑卷一六七五一六五頁「朝」都作「趙」。張森楷云:「新 本作『朝』非。」今據改。

(4) 吾凡生汝輩三男三女 北史卷五七周宗室傳作「三男二女」。

汝嫂劉新婦等 北史卷五七周宗室傳作「汝嫂劉及汝新婦等」。

列

傳

第三

校勘

記

汝時年十二 按上文敍「鮮于脩禮起日」云云。宇文護生於延昌二年五一三年,十二歲爲正光五

宗紀在孝昌二年五二六年正月。這是據奏報朝廷之時書之,其起實當在上年,宇文護年十三。閻 年五二四年,這時北鎭羣衆尚未遷徙河北,哪裏會有鮮于脩禮起義的事。 脩禮起義據魏書卷九肅

|姫記其子生肖必不誤,年齡則耄老或有誤記,又刋本也可能訛「十三」爲「十二」。

吾共汝在受陽住 太原郡文水縣、籌陽縣條。本傳前文和卷一文帝紀、卷一○宗室什肥導洛生傳、卷二○賀蘭祥傳都說 北史卷五七周宗室傳「受」作「壽」。「受」「壽」同音通用見楊氏隋書地理志考證卷五

賀蘭盛洛 遷「晉陽」,可能以晉陽重鎭包舉旁縣 卷二〇賀蘭祥傳「洛」作「樂」,錢氏考異卷三二云:「『洛』『樂』文異音同。」

 \subseteq 博士姓成爲人嚴惡(後)[汝]等四人謀欲加害 張森楷云:「上文無名凌者,『凌等』 二字不知何

解。 豈屬上嚴惡爲句歟? 北史卷五七獨宗室傳『凌』作『汝』,當是。」按「淩等」不可通,今據北史改。

吾共汝叔母等聞之 「之」,宋本、汲本、局本和北史卷五七周宗室傳都作「知」,兩通,今不改。

知吾含悲戚 北史卷五七門宗室傳「悲」下有「抱」字,文義較長。

二吾 矜哀聽許摩敦垂勅 北史卷五七周宗室傳「矜哀」上有「重降」二字,文義較長。

霈然之恩 北史卷五七周宗室傳、通鑑卷一六九五二四四頁「霈然」上都有「齊朝」二字, 文義

較長。

(11) 太祖丕受天明

- (一八) 廟庭祗受 宋本「庭」作「廷」,通用。張元濟云:「『受』當作『授』。」按張說是,但諸本皆同,今不
- [元] 聲名多闕 宋本「名」作「明」。按「聲明」疑用左傳桓二年「昭其聲也」「昭其明也」的話。
- (三0) 七年三月十八日護自同州還 按下面接着就敍護被殺事。卷五武帝紀記護被殺在三月丙辰。錢
- 氏考異卷三二云:「按是年三月癸卯朔,丙辰則月十四日也。護傳云『三月十八日』,與紀異。」
- [三] 不親朝謁或廢引進 北史卷五七周宗室傳「不」作「諸」。按太后雖也可能接見羣臣,畢竟不是
- 常事,不能以「不親朝謁」作爲過失。從下句看來,疑作「諸」是。
- Ξ | 聰明神武〔惟幾〕藏智 「藏智」上原注「缺二字」,今據文館詞林卷六六九補。
- 〔三〕侯伏〔侯〕龍恩 六九都作「侯伏侯龍恩」,張說是,今據補。 張森楷云:「『伏』下當更有一『侯』字。」按本傳前文和卷五武帝紀文館詞林卷六
- [三四] 太祖以其在關歲久 册府卷七七八九一頁「關」下有「中」字。按本傳前文協於大統三年五三七被 俘,在關中並不久。「在關」固費解,「在關中歲久」也和事實不符,疑有誤。
- (三吾) 儀同伊婁訓 刻誤。」按張以爲伊婁訓即伊婁穆是對的,但或是初名與二名之歧,不一定是誤刻。 張森楷云:「案伊婁穆傳卷二九載有同協破趙雄傑事,則非必有二人,蓋是『訓』字
- (三六) 復遣大都督裴孟嘗領百姓繼進 쀘府卷三五五四三一五頁「百姓」作「百騎」,按下云「王令公、鄧

列 傳

朏見孟嘗騎少」,知作「騎」是。 但諸本皆同,今不改。

[17] 保定二年 「定」原作「安」,諸本都作「定」。「保定」是周武帝年號,今逕改。

[三六] 子金嗣 北史卷五七周宗室傳「金」下有「剛」字。

周書卷十二

列傳第四

齊煬王憲

命左右取以賜之。魏恭帝元年,進封安城郡公。〔1〕孝閔帝踐阼,拜驃騎大將軍、開府儀同 取駁馬。太祖問之,對曰::「此馬色類旣殊,或多駿逸。若從軍征伐,牧圉易分。」太祖喜曰: 城縣公。 「此兒智識不凡,當成重器。」後從獵隴上,經官馬牧,太祖每見駁馬,輒曰:「此我兒馬也。」 齊煬王憲字毗賀突,太祖第五子也。性通敏,有度量,雖在童齔,而神彩嶷然。 少與高祖俱受詩、傳,咸綜機要,得其指歸。太祖嘗賜諸子良馬,惟其所擇。 初封涪

史,進封齊國公,邑萬戶。初,平閩之後,太祖以其形勝之地,不欲使宿將居之。 世宗即位,授大將軍。武成初,除益州總管、益寧巴瀘等二十四州諸軍事、三益州刺 諸子之中,

列

祖大悅,以憲年尙幼,未之遣也。世宗追遵先旨,故有此授。 非爾所及。 政術,解訟輻湊,聽受不疲。蜀人懷之,共立碑頌德。 欲 有推擇。 以年授者,當歸爾兄。」憲曰:「才用有殊,不關大小。 編問高祖已**下**,誰能此行。 並未及對,而憲先請。 尋進位柱國 憲時年十六,善於撫綏,留 太祖曰:「刺史當撫衆治民, 試而無効,甘受面欺。」太

唯憲與王雄、達奚武率衆拒之。 晉公護執政,雅相親委,賞罰之際,皆得預焉 武、王雄等軍於邙山。 保定中,徵還京,拜雍州牧。〔三〕及晉公護東伐,以尉遲迥爲先鋒,圍洛陽。 自餘諸軍,各分守險要。 而雄爲齊人所斃,三 齊兵數萬,奄出 軍震懼。 憲親自督勵,衆心乃安。 軍後,諸軍恒 駭 ,並各退散。 憲與達奚

孔城 見,兄宜暫出同州,以爲威勢,憲請以精兵居前,隨機攻取。非惟邊境淸寧,亦當別有克獲。」 將斛 馳,遂使疆埸之間,生民委弊。 戰而還。 律明月率衆四萬,築壘洛南。 防主能奔達,以城應之。 天和三年,以憲爲 是歲,明月又率大衆於汾北築城,西至龍門。 大司馬,治小冢宰,雍州牧如故。四年,齊將獨孤永業來寇,盜殺 韶憲與柱 **豈得坐觀屠滅,而不思救之。** 五年,憲涉洛邀之,明月遁走。 國李穆將兵出宜陽,築崇德等五城,絕其糧道。 晉公護謂憲曰:「寇賊充斥,戎馬交 汝謂計將安出。」曰:「如憲所 憲追之,及于安業,至屢 齊

護然之。

歸。 爲汾州之援。齊平原王段孝先、蘭陵王高長恭引兵大至,憲命將士陣而待之。 憲自入兩乳谷,襲克齊柏社城,進軍姚襄。齊人嬰城固守。 也,北攻姚襄城,陷之。〔六〕時汾州又見圍日久,糧援路絕。憲遣柱國宇文盛運粟以饋之。 等四城,二日盡拔。又進攻張壁,克之,獲其軍實,夷其城壘。斛律明月時在華谷,弗能救 仍掘移汾水,水南堡壁,復入於齊。齊人謂略不及遠,遂弛邊備。 六年,乃遣憲率衆二萬,出自龍門。 齊將新蔡王王康德以憲兵至,潛軍宵遯。 憲使柱國、譚公會築石殿城,以 憲乃渡河,攻其伏龍 大將軍韓歡 憲乃西

常恐失墜。冢宰無君凌上,將圖不軌,吾所以誅之,以安社稷。汝親則同氣,休戚共之,事 不相涉,何煩致謝。」乃詔憲往護第,收兵符及諸簿書等。 及晉公護誅,高祖召憲入,憲免冠拜謝。帝謂之曰:「天下者,太祖之天下,吾嗣守鴻基,

爲齊人所乘,遂以奔退,憲身自督戰,齊衆稍却。會日暮,乃各收軍。

不能平,雖遙授冢宰,寔奪其權也。 有可不,憲慮主相嫌隙,每曲而暢之。高祖亦悉其心,「や」故得無患。然猶以威名過重,終 亦爲刻薄。憲旣爲護所委任,自天和之後,威勢漸隆。護欲有所陳,多令憲聞奏。其間或 尋以憲爲大冢宰。時高祖旣誅宰臣,親覽朝政,方欲導之以政,齊之以刑,爰及親親

開府裴文舉,憲之侍讀,高祖常御內殿,引見之。謂曰:「晉公不臣之迹,朝野所知,朕

權。 所以泣而誅者,安國家,利百姓耳。 昔魏末不綱,太祖匡輔元氏; 有周受命,晉公復執威 積習生常,便謂法應須爾。 豈有三十歲天子而可爲人所制乎。且近代以來,又有

人。』一人者,止據天子耳。雖陪侍齊公,〔5〕不得卽同臣主。且太祖十兒,寧可悉爲天子。 弊,暫經隸屬,便卽禮若君臣。此乃亂代之權宜,非經國之治術。〕詩云:『夙夜匪解,以事一

出,歸以白憲。 卿宜規以正道,勸以義方,輯睦我君臣,協和我骨肉。 憲指心撫几曰:「吾之夙心,公寧不悉,但當盡忠竭節耳,知復何言。」 無令兄弟,自致嫌疑。」文舉拜謝而

高祖。高祖方剪削諸弟,甚悅其文。憲常以兵書繁廣,難求指要,乃自刋定爲要略五篇,至 建德(三)〔三〕年,進爵爲王。〔五〕憲友劉休徵獻王箴一首,憲美之。休徵後又以此箴上

是表陳之。 高祖覽而稱善。

軍,吾亦續發。」直尋敗走。 知之乎。」憲曰:「臣初不知,今始奉詔。直若逆天犯順,此則自取滅亡。」高祖曰:「汝卽爲前 其秋,高祖幸雲陽宮,遂寢疾。 高祖至京師,憲與趙王招俱入拜謝。 衛王直於京師舉兵反。高祖召憲謂曰:「衞王搆逆,汝 高祖日:「管蔡爲戮,周公

悉之,不得更有所疑也。」及文宣皇后崩,直又密啓云:「憲飲酒食肉,與平日不異。」高祖曰: 容之。且以帝之母弟,每加友敬。 作輔,人心不同,有如其面。 但愧兄弟親尋干戈,於我爲不足耳。」初,直內深忌憲,憲隱 晉公護之誅也,直固請及憲。 高祖曰:「齊公心迹,吾自

「吾與齊王異生,俱非正嫡,特爲吾意,今袒括是同。 汝當愧之,何論得失。汝親太后之子,

偏荷慈愛。今但須自勗,無假說人。」直乃止。

虵外 乎。」乃韶憲率衆二萬爲前軍,趣黎陽。 寶等一十六件,少助軍資。」詔不納,而以憲表示公卿曰:「人臣當如此,朕貴其心耳,寧須物 昔邊隅 時來,兼弱攻昧,事資權道。伏惟陛下繼明作聖,闡業弘風,思順天心,用恢武略。方使長 東西二城。 右,遂告之。 翦 四年,高祖將欲東討,獨與內史王誼謀之,餘人莫得知也。後以諸弟才略,無出於憲 未靜,卜式願上家財;江海不澄,[10]衞茲請獻私粟。臣雖不敏,敢忘景行。謹上金 ,宇宙大同,軍民內向,車**書混一。竊以龍旗雷動,天網雲布,**芻粟糧餼,或須周給。 以高 祖 疾,班師。 是歲,初置上柱國官,以憲爲之。 高祖親圍河陰,未克。 憲攻拔武濟,進圍洛口,收其

將兵十萬,自來援之。 同、永安二城,自己更圖進取。 **今爲營,不須張幕,可伐栢爲菴,示有形勢。** 文盛守汾水關,並受憲節度。 五年,大舉東討,憲率精騎二萬,復爲前鋒,守雀鼠谷。 時柱國、陳王純頓軍千里徑,大將軍、永昌公椿屯雞棲原,大將軍宇 憲密謂椿曰:「兵者詭道,去留不定,見機而 齊人焚橋守險,軍不得進,遂屯於永安。 令兵去之後,賊猶致疑也。」時齊主分軍萬人向 高祖 親圍晉州。 齊主聞晉州見圍,乃 作,不得遵常。 憲進兵克洪 汝

憲又回軍赴之。會情被勑追還,率兵夜返。齊人果謂栢菴爲帳幕也,不疑軍退,翌日始悟。 人望谷中塵起,相率遽退。盛與柱國侯莫陳芮涉汾逐之,多有斬獲。 千里徑,又令其衆出汾水關,自率大兵與椿對陣。 宇文盛馳騎告急,憲自以千騎救之。 齊 俄而椿告齊衆稍逼,

段暢 爲陣。 壞等百餘人,齊衆乃退。憲渡汾而及高祖於玉壁。 遽追之,戈甲甚銳。憲與開府宇文忻各統精卒百騎爲殿以拒之,斬其驍將賀蘭豹子、山褥 相見,何用隱其名位。」陳王純、梁公侯莫陳芮、內史王誼等並在憲側。暢固問不已。 曰:「我天子太弟齊王也。」指陳王以下,並以名位告之。 暢鞭馬而去,憲卽命旋軍,而齊人 也。公復爲誰。」憲曰:「我虞(侯)〔侯〕大都督耳。」〔三〕暢曰:「觀公言語,不是凡人,今日 時高祖已去晉州,留憲爲後拒。 齊領軍段暢直進至橋。 憲隔水招暢與語,語畢,憲問暢曰:「若何姓名。」暢曰:「領軍 齊主自率衆來追,至於高梁橋。 憲以精騎二千,阻水 憲乃

之。憲返命曰:「是易與耳,請破之而後食。」帝悅曰:「如汝所言,吾無憂矣。」憲退,內史柳 部,先向晉州。明日,諸軍總集,稍逼城下。 間諜還者,或云已陷。憲乃遣柱國越王盛、大將軍尉遲迥、□□開府宇文神舉等輕騎一萬夜 至晉州。憲進軍據蒙坑,爲其後援,知城未陷,乃歸涑川。尋而高祖東轅,次于高顯,憲率所 高祖又令憲率兵六萬,還接晉州。 憲遂進軍,營于涑水。 。濟人亦大出兵,陣於營南。 齊主攻圍晉州,晝夜不息。 高祖召憲 馳 往 觀

走,憲輕騎追之。 <u>虯私謂憲曰:「賊亦不少,王安得輕之。」</u>憲曰:「憲受委前鋒,情兼家國,掃此逋寇,事等摧 商周之事,公所知也,賊兵雖衆,其如我何。」旣而諸軍俱進,應時大潰。其夜,齊主遁 既及永安,高祖續至。 齊人收其餘衆,復據高壁及洛女砦。 高祖命憲攻

洛女,破之。明日,與大軍會於介休。

子賓爲大將軍。 城,憲攻其西面,克之。 時齊主已走鄴,留其從兄安德王延宗據幷州。延宗因僭偽號,出兵拒戰。 仍詔憲先驅趣鄴。 延宗遁走,追而獲之。 明年,進克鄴城 以功進封第二子安城公質爲河間王,拜第三 高祖進圍其

乃集齊之舊將,遍示之。又謂之曰:「吾所爭者大,不在汝等。 潜曰:「朝廷遇緯甚厚,諸王無恙。 與潜書日 帛,沙門求爲戰士者,亦數千人。 齊任城王湝、廣寧王孝珩等據守信都,有衆數萬。 憲軍過趙州,潜令間諜二人覘窺形勢,候騎執以白 叔若釋甲,則無不優待。」潜不納,乃大開賞募, 高祖復詔憲討之。 今放汝還,可卽充我使。」 乃 仍令齊主手書與 憲 多出金 憲

武,式隆景業,興稽山之會,總盟津之師。 者交戰,想無虧德。 山 ĴΪ 有間,每深勞佇,仲春戒節,納履惟宜。 昔魏曆云季,海內橫流,我<u>太祖撫運乘時,大庇黔首</u>。 雷駭唐郊,則野無橫陣,雲騰晉水,則地靡 承始屆兩河,仍圖三(位)[魏],[四二 皇上嗣 膺下

列

彼朝宿將舊臣,良家戚里,俱升榮寵,皆糜好爵。是使臨漳之下,効死爭驅,營

丘之前,奮身畢命。此豈唯人事,抑亦天時。宜訪之道路,無俟傍說。

抗堂堂之師;繁帶汚城,[三翼保區區之命。 知幾也 破身殞,爲天下笑。又足下諜者爲候騎所拘,軍中情實,具諸執事。 可以逃身哉!且殷微去商,侯服周代;項伯背楚,賜姓漢朝。 荷來蘇。足下高氏令王,英風夙著,古今成敗,備諸懷抱,豈不知一木不維大厦,三諫 已勒諸軍,分道並進,相望非遠,憑軾有期。兵交命使,古今通典,不俟終日,所望 吾以不武,任總元戎,受命安邊,路指幽、冀。列邑名藩,莫不屈膝,宣風導禮,皆 戰非上計,無待卜疑; 去此弗圖,苟狥亡轍,家 守乃下策,或未相 知以弱 卒瑣甲,欲

存。 衆降。 布陳國難,辭淚俱下,俯仰有節,憲亦爲之改容。 潜及孝珩等。 逢宗社顚覆,今日得死,無愧墳陵。」憲壯之,命歸其妻子,厚加資給。又問孝珩。 憲 相願,潜心腹也,衆甚駭懼。 至信都,潜陣於城南,憲登張耳冢以望之。 憲謂階曰:「任城王何苦至此。」階曰:「下官神武帝子,兄弟十五人,幸而 潜大怒,殺其妻子。明日復戰,遂破之,俘斬三萬人,擒 俄而潜所署領軍尉相願偽出略陣,遂以 孝珩 玃

憲素善謀,多算略,尤長於撫御,達於任使,摧鋒陷陣,爲士卒先,羣下感悅,咸爲之用。

齊人夙聞威聲,無不憚其勇略。 及幷州之捷,長驅敵境,蒭牧不擾,軍無私焉。

先是,稽胡劉沒鐸自稱皇帝,又詔憲督趙王招等討平之。 語在稽胡傳

行,誰爲吾使。」憲懼曰:「臣陪奉鑾輿,誠爲本願,但身嬰疹疾,不堪領兵。」帝許之。 憲自以威名日重,潛思屛退。 及高祖欲親征北蕃,乃辭以疾。 高祖變色日:「汝若憚

賢,今欲以叔爲太師,九叔爲太傅,十一叔爲太保,叔以爲何如。」]憲曰:「臣才輕位重,滿盈 帝又命智就宅候憲,因是告憲有謀。帝乃遣小冢宰宇文孝伯謂憲曰:「三公之位,宜 長孫覽總兵輔政,而諸王有異志,「云奏令開府」一智察其動靜。及高祖山陵還,諸王歸第。 安邑公王興、上開府獨孤熊、開府豆盧紹等,皆以昵於憲也。 茲恨耳。」因擲笏於地。乃縊之。時年三十五。[1+]以于智爲柱國,封齊國公。又殺上大將軍 勢,何用多言。」憲曰:「我位重屬尊,一旦至此,死生有命,寧復圖存。 憲辭色不撓,固自陳說。帝使于智對憲。憲目光如炬,與智相質。或謂憲曰:「以王今日事 命,尋而復來曰:「詔王晚共諸王俱至殿門。」憲獨被引進,帝先伏壯士於別室,至即執之。 是懼。三師之任,非所敢當。且太祖勳臣,宜膺此舉。若專用臣兄弟,恐乖物議。」孝伯反 尋而<u>高祖崩,宣帝嗣位,以憲屬尊望重,深忌</u>憚之。 時高祖未葬,諸王在內治服。 帝旣誅憲,無以爲辭,故託興 但以老母在堂, 恐留 一屬親 司衞

列傳第四

齊場王憲

等與憲結謀,遂加其戮。 時人知其寃酷,咸云伴憲死也。

馳使參問,果如所慮。 太妃舊患風熱,屢經發動,憲衣不解帶,扶侍左右。 憲所生母達步干氏,茹茹人也。 憲六子,貴、質、管、貢、乾禧、乾洽。 建德三年,册爲齊國太妃。 憲有至性,事母以孝聞。

月卒,年十七。高祖甚痛惜之。 隨例來參,貴乃問云:「商人燒烽,何因私放。」烽帥愕然,遂卽首服。其明察如此。五年四 不識,貴便說其姓名,莫不嗟伏。白獸烽經爲商人所燒,烽帥納貨,不言其罪。他日,此帥 年,册拜齊國世子。 嘗假人,至是封貴焉。年十一,從憲獵於鹽州,一圍之中,手射野馬及鹿十有五頭。 留心庶政。性聰敏,過目輒記。嘗道逢二人,謂其左右曰:「此人是縣黨,何因輒行。」左右 之本。」天和四年,始十歲,封安定郡公,邑一千五百戶。太祖之初爲丞相也,始封此郡,未 貴字乾福,少聰敏,涉獵經史,尤便騎射。始讀孝經,便謂人曰:「讀此一經,足爲立身 四年,授車騎大將軍、儀同三司。尋出爲豳州刺史。貴雖出自深宮,而 建德二

後莒莊公。乾禧,安城公。乾洽,龍涸公。並與憲俱被誅 質字乾祐,初封安城公。後以憲勳,進封河間郡王。竇字乾禮,大將軍、中垻公。貢出

役,所居皆取卿相。 美,任城、琅邪以武功馳譽。 挾震主之威,屬道消之日,斯人而嬰斯戮,君子是以知周祚之不永也。昔張耳、陳餘賓客厮 勇冠世,攻戰如神,敵國繫以存亡,鼎命由其輕重。比之異姓,則方、召、韓、白,何以加茲。 才高行,終鮮於天下之士焉。齊王奇姿傑出,獨牢籠於前載。以介弟之地,居上將之重,智 史臣曰:自兩漢逮乎魏、晉,其帝弟帝子衆矣,唯楚元、河間、東平、陳思之徒以文儒播 而濟之文武僚吏,其後亦多至台牧。 何則。體自尊極,長於宮闈,佚樂侈其心,驕貴蕩其志,故使奇 異世同符,可謂賢矣。

校勘記

- [一] 魏恭帝元年進封安城郡公 文苑英華卷八九〇庾信齊王憲神道碑作「周元年,進爵安城郡公」。
- 除益州總管益寧巴瀘等二十四州諸軍事 上瀘川 郡條云「梁置瀘州」,應即齊王憲所督,今逕改 「瀘」原作「盧」,諸本都作「瀘」。按隋書卷二九地理志
- 保定中徵還京拜雍州牧 英華齊王憲碑作「天和元年徵還,行確牧」。
- 껃띡 天和三年以憲爲大司馬治小冢宰雍州牧如故 英華齊王憲碑稱「二年 天和 拜大司馬,仍理小家

字」。

「五」及于安業 北齊書卷一七斛律金附子光傳、文苑英華卷六五〇庾信移齊河陽執事文「業」作

「鄴」。

C公司北攻姚襄城陷之 北史卷五八周室諸王傳、御覽卷三〇九一四三三頁「北」上有「乃」字。按攻陷 姚襄城者乃斛律光之齊軍,無「乃」字,似周軍攻陷姚襄城。疑當有「乃」字。

一七 高祖亦悉其心 起,語法不妥,但可證這裏「其」字下確脫一字。 宋本「其」字下有空格。 北史卷五八周室諸王傳作「悉其此心」,「其」「此」連在

一人者止據天子耳雖陪侍齊公 爾」作虛字,改作「耳」。但屬上讀亦通,今不改。 宋本和北史卷五八周室諸王傳「耳」作「爾」,屬下讀,後人誤以

≯. 建德(三)[三]年進爵爲王 建德三年五七四年正月憲等兄弟八人同日由國公「進爵為王」,又本傳在這條後卽敍衞王直之 變,據紀也是三年事,知「二」字誤,今據改。 宋本「一」作「三」,二張都以爲據卷五武帝紀作「三年」是。按武帝紀

10〕 江海不澄 宋本「海」作「湖」。

(二) 克洪同永安二城 五五頁正作「洪洞」,張說是。但諸本皆同,今不改。 張森楷云:「『同』疑當作『洞』。」按北史卷五八周室諸王傳、通鑑卷一七二五三

- 我虞(侯)[侯]大都督耳 宋本和北史卷五八周室諸王傳、御覽卷三〇二一三八九頁「侯」作「候」,
- 二張皆以爲作侯非。今據改。
- 大將軍尉遲迥 按尉遲迥於建德四年位居上柱國,又沒有參加這次戰爭。「迥」字定誤。 卷四
- 功,尉遲運進封盧國公。)尉遲運傳稱「高祖將伐齊,召運參議,東夏底定,頗有力焉」。卷六武帝紀建德五年十二月賞 又其弟尉遲勸也以大將軍從征,見武帝紀建德六年正月。不知是「運」,

還是「勤」。

承始屆兩河仍圖三(位)[魏] 删府卷四一六四九五七頁「承」下有「茲」字,「位」作「魏」。 按「三位」

不可通,今據改。

- [1吾] 繁帶汚城 册府卷四一六四九五七頁「汚」作「扞」。
- 而諸王有異志 局本和北史卷五八周室諸王傳「而」作「恐」。局本當據北史改。 按本傳旣以齊

王爲冤死,作「恐」較長

時年三十五 爲 哪年出鎭,却有紛歧。 《益州 總管」。 英華齊汪憲碑作「春秋三十有四」。 武成元年憲十六歲,則宣政元年五七八年正得三十五歲, 傳稱武成初,據卷四明帝紀武成元年五五九年八月稱「以大將軍安城公憲 按傳和碑都說憲除益州總管,時年十六。 傳不誤。 碑却 武城 但

城」當作 「成」二年出去都督益壽寧二十四州,差了一年,到宣政元年,也正好三十四歲, 碑也

列傳第四 校勘記

P

周書卷十二

列傳第五

文閔明武宣諸子

氏生高祖、衞剌王直,達步干妃生齊王憲, [1] 王姬生趙僭王招,後宮生 譙孝王儉、陳惑王 文帝十三子。姚夫人生世宗,後宮生宋獻公震,文元皇后生孝閔皇帝,文宣皇后叱奴

純、越野王盛、代奰王達、冀康公通、滕聞王逌。齊煬王別有傳。

書於盧誕。 宋獻公震,字彌俄突。幼而敏達,年十歲,誦孝經、論語、毛詩。後與世宗俱受禮記、倘 大統十六年,封武邑公,二千戶。至尚魏文帝女,其年薨。保定元年,追贈使持

幷前一萬戶。 節、柱國大將軍、少師、大司馬、大都督、靑徐等十州諸軍事、靑州刺史;進封宋國公,增邑 無子,以世宗第三子寔爲嗣。[三] 寔字乾辯,建德三年,進爵爲王。 大象中,爲

大前疑。尋爲隋文帝所害,國除。

列傳

第五

衞

刺王直,字豆羅突。魏恭帝三年,封秦郡公,邑一千戶。武成初,出鎭滯州,拜大將

軍,進衞國公,邑萬戶。保定初,爲雍州牧,尋進位柱國,轉大司空,出爲(梁)〔襄〕州總管。四

援,與陳將淳于量、吳明徹等戰於沌口。

直軍不利,元定逐投江南。

至 直坐免官。 天和中,陳湘州刺史華皎舉州來附,詔直督綏德公陸通、大將軍田弘、權景宣、元定等兵赴

黜,又請帝除之,冀得其位。帝夙有誅護之意,遂與直謀之。及護誅,帝乃以齊王憲爲大冢 長幼有序,寧可反居下列也。」乃以直爲大司徒。 直旣乖本望,又請爲大司馬,意欲總知戎馬,得擅威權。帝揣知其意,謂之曰:「汝兄弟 直高祖母弟,性浮詭,貪狠無賴。以晉公護執政,遂貳於帝而昵護。及沌口還,慍於免

遂誅之,及其子賀、頁、塞、響、賈、祕、津、乾理、乾璪、乾悰等十人,

[8] 國除 直不得入。 宜。」直曰:「一身尚不自容,何論兒女!」憲怪而疑之。直嘗從帝校獵而亂行,帝怒,對衆撻 至廢陟屺佛寺,欲居之。齊王憲謂直曰:「弟兒女成長,理須寬博,此寺褊小,詎是所 自是憤怨滋甚。及帝幸雲陽宮,直在京師,舉兵反,攻肅章門。 建德三年,進虧爲王。初,高祖以直第爲東宮,更使直自擇所居。直歷觀府署,無稱意 語在運傳。 直遂遁走,追至荆州,獲之,免爲庶人,囚於別宮。 司武尉遲運閉 尋而 更有異志,

趙僭王招,字豆盧突。幼聰顥,博涉羣書,好屬文。 學庾信體,詞多輕豔。 魏恭帝三

國。 年,封正平郡公,邑一千戶。武成初,進封趙國公,邑萬戶。 後 建德 三軍 東夏底定,又爲行軍總管,與齊王討稽胡。 總管。 元年,授大司空,轉大司 五年,又從高祖東伐,率步騎一 馬。 三年,進爵爲王,除雍 萬 招 出華谷,攻齊汾州。 擒賊 帥劉沒鐸,斬之,胡寇平。 保定中,拜爲柱國,出爲 州牧。 四年,大軍 及幷州平,進位上柱 東討、日招 宣政 益州總 中,

拜太

師。

大象元年五月,韶以洛州襄國

郡邑萬

戶爲趙。

招

出就

國。

二年,宣帝不豫,徵招

及陳、越、代、滕五王赴闕。

比招等至而帝已崩

威及 所著 招 社 反。 元胄 乃 而 稷 立文集· 其年 陶 隋文 立。 因 以 乃邀 得 大 徹 帝 秋 坐 文 耳 觴 卷,行 於 藏 輔政 語 親 隋文帝 誅招 飮 兵 曰:"形勢大異,公宜速出。」 戶 側 加加 **胄酒,又命胄向** 刃於帷 於 及其子 至第,飲於 招等殊禮,入 世 招 |屢以 席之間,後院 德廣公員、永康公貫、越擕 佩 寢室。 刀割瓜啖 厨 朝不趨, 中 亦伏壯 招子員、貫 取 漿。 隋文帝, 劍履 隋文帝 士。 胄 上殿。 不 及妃弟魯封、所親 隋文帝未之疑也。 隋文帝從者多在閤 共道等就 爲之動。 公乾銑、 隋文帝將遷周鼎,招密欲圖之,以匡 坐, 滕王逌後至, 2 須臾辭出。 弟乾鈴、 人史胄, 外,唯 元胄覺變, 乾鏗等, 隋文帝降階迎之, 楊弘 皆先 後 事 在 覺, 元 扣 國 左右,佩 青、 刀 陷以謀 除 而 招

* 護孝王儉,字侯幼突。 武 成初,封譙國公,邑萬戶。 天和中,拜大將軍,尋遷柱國,出

列

傳

鈩

五.

文

閔

明

武

宣

諸

子

所害,國除。 者,據守河東,儉攻破之,斬首三千級。 宣政元年二月,薨。子乾惲嗣。 大定中,爲隋文帝 平井、鄴,拜大冢宰。是歲,稽胡反,詔儉爲行軍總管,與齊王憲討之。〔五〕有]胡帥自號天柱 益州總管。 建德三年,進爵爲王。五年,東伐,以本官爲左一軍總管,攻永固城,拔之。 進

拜幷州總管。宣政中,除雍州牧,遷太傅。大象元年五月,以濟南郡邑萬戶爲陳。純出就 班師。五年,大軍復東討,詔純爲前一軍,率步軍二萬守千里徑。幷州平,進位上柱國,即 弘拔齊宜陽等九城。建德三年,進爵爲王。四年,大軍東伐,純爲前一軍總管。以帝寢疾, 三司。使於突厥迎皇后,拜大將軍。尋進位柱國,出爲秦州總管,轉陝州總管,督鴈門公田 陳惑王純,字堙智突。武成初,封陳國公,邑萬戶。 二年,朝京師。時隋文帝專政,翦落宗枝,遂害純,幷世子謙及弟扈公讓、讓弟議等,國 保定中,除岐州刺史,加開府儀同

柱國。 韶盛率諸軍討平之。大象元年,遷大前疑,轉太保。其年,韶以豐州武當、安富二郡邑萬戶 伐齊,盛爲後一軍總管。五年,大軍又東討,盛率所領,拔齊高顯等數城。幷州平,進位上 越野王盛,字立久突。武成初,封越國公,邑萬戶。天和中,進爵爲王。〔10〕四年,大軍 從平鄴,拜相州總管。宣政元年,入爲大冢宰。 汾州稽胡帥劉(愛)〔受〕邏干反,〔三〕

爲越。 盛出就國。 二年,朝京師。 其秋,爲隋文帝所害,幷其子忱、悰、恢、懫、忻等五人,國

除。

在州 將軍、右宮伯,拜左宗衞。 釋,終亦不言。 庸,不可 有政績,高祖手勑褒美之。 代奰王達,字度斤突。 加戮; 其 若曲法貸之,江三又非奉上之體。乃令所司,精加按劾,密表奏之。事竟得 、處事周愼如此。 性果決,善騎射。武成初,封代國公,邑萬戶。天和元年,拜大 建德初,進位柱國,出爲荆淮等十四州十防諸軍事、荆州刺史。 所管灃州刺史蔡澤黷貨被訟,自三贓狀分明。 以其世著勳

萬戶爲代。 祖東伐,以爲右 特以馮氏賜之。 爲言,達從容應之曰:「君子憂道不憂貧,何煩於此。」三年,進虧爲王。 達雅好節儉,食無兼膳,侍姬不過數人,皆衣綈衣。又不營資產,國無儲積。 達出就國。 一軍總管。[1四]齊淑妃馮氏,尤爲齊後主所幸,齊平見獲,帝以達不邇聲色, 宣帝即位,進位上柱國。 二年,朝京。 其年冬,爲隋文帝所害,及其世子執、弟審國 大象元年, 拜大右弼。 其年,韶以潞州上黨郡邑 出爲益州總管。 左右嘗以 公轉等,

三年,進爵爲王。 冀康公通,字屈率突。 大象 中,爲隋文帝所害,曰三國除。 武成初,封冀國公,邑萬戶。 天和六年十月,薨。 子絢嗣。 建德

列

將軍。 頗行於世。 爲元帥,節度諸軍事。 渠帥穆友等,自己斬首八千級。還,除河陽總管。宣政元年,進位上柱國。其年,伐陳,詔追 其年冬,爲隋文帝所害,并子懷德公酤、祜弟箕國公裕、弟禮禧等,國除。 滕聞王逌,字爾固突。 建德初,進位柱國。 大象元年五月,韶以荆州新野郡邑萬戶爲滕。 三年,進爵爲王。六年,爲行軍總管,與齊王憲征稽胡。 少好經史,解屬文。武成初,封滕國公,邑萬戶。天和末,拜大 道出就國。 **迪所著文章**, 二年,朝 道破其

孝閔帝一男。陸夫人生紀厲王康。

器,陰有異謀。司錄|| 融諫止之,康不聽,乃殺||融。 利始等五州、大小劍二防諸軍事、利州刺史。 紀厲王康,字乾定。与是保定初,封紀國公,邑萬戶。建德三年,進爵爲王。 康驕矜無軌度,信任僚佐盧奕等,遂繕脩戎 五年,韶賜康死。子湜嗣。大定中,爲 仍出爲總管

隋文帝所害,國除。

明帝三男。徐妃生畢剌王賢,後宮生酆王貞、宋王寔。日公

崩。 州總管,進位柱國。宣政中,入爲大司空。大象初,進位上柱國、雍州牧、太師。 賢性強濟,有威略。慮隋文帝傾覆宗社,言頗泄漏,尋爲所害,幷其子弘義、恭道、樹孃 畢刺王賢,字乾陽。 保定四年,封畢國公。 建德三年,進爵爲王。 出為華州刺史,遷荆 明年,宣帝

帝所害,幷子濟陰郡公德文,國除。 酆王貞,字乾雅。 初封酆國公。 建德三年,進爵爲王。 大象初,爲大冢宰。後爲隋文

等,國除。

武帝生七男。行之李皇后生宣帝、漢王贊,庫汗姬生秦王贄、曹王允,馮姬生道王充,薛

世婦生蔡王兌,鄭姫生荆王亢。

文帝所害,幷其子淮陽公道德、弟道智、道義等,國除。 欲順物情,乃進上柱國、右大丞相。 漢王贊,字乾依。 初封漢國公。 外示尊崇, 寔無綜理。 建德三年,進爵爲王,仍柱國。 及諸方略定,又轉太師。 大象末,隋文帝輔政, 尋爲隋

秦王贄,字乾信。 列 第 五. 文 閔 初封秦國公。 明 武 宣 諸子 建德三年,進虧爲王。上柱國、大冢宰、大右弼。〔三〕尋

爲隋文帝所害,幷其子忠誠公靖智、弟靖仁等,國除。

曹王允,字乾仕。初封曹國公。建德三年,進爵爲王。

道王虎,字乾仁。建德六年,封王。

|蔡王兌,字乾俊。|建德六年,封王。

荆王元,字乾儀。 宣政元年,封王。 元及兄、充、允等並爲隋文帝所害,國除。

宣帝三子。朱皇后生靜皇帝,王姬生鄴王(帝)〔行〕,〔三〕皇甫姬生郢王術。

鄴王(帝)[衎],大象二年,封王。

郢王術,大象二年,封王。 與(帝)[衎]並爲隋文帝所害,國除。

可尋,是非之理互起,而因循莫變,復古未聞。良由著論者溺於貴達,司契者難於易業,詳 史臣曰:"昔賢之議者,咸云以周建五等,歷載八百;秦立郡縣,二世而亡。 雖得失之迹

求適變之道,未窮於至當也。嘗試論之:

胸賢於羣臣者哉,蓋勢重者易以立功,權輕者難以盡節故也。由此言之,建侯置守,乃古今 位,王綱弛而更張。然則周之列國,非一姓也,晉之羣臣,非一族也,豈齊、晉強於列國,溫、 守,循名雖曰異軌,責實抑亦同歸。盛則與之共安,衰則與之共患。共安繫乎善惡,非禮義 制宜者,爲政之上務也;觀民立敎者,經國之長策也。且夫列封疆,建侯伯,擇賢能,置牧 無以敦風;共患寄以存亡,非甲兵不能靖亂。是以齊、晉帥禮,鼎業傾而復振;溫、陶釋 地則用捨或殊。譬猶干戈日用,難以成垓下之業;稷嗣所述,不可施成周之朝。是知因時 夫皇王迭興, 爲國之道匪一; 賢聖間出, 立德之指殊塗。 斯豈故爲相反哉, 亦云治而 何則?五等之制,行於商周之前;郡縣之設,始於秦漢之後。論時則澆淳理隔,易

附衆,武能威敵,莫不謝卿士於當年,從侯服於下國。 政術,懲專朝之爲患,忘維城之遠圖,外崇寵位,內結猜阻。自是配天之基,潛有朽壤之墟 長幼,並據勢位,握兵權,雖海內謝隆平之風,而國家有盤石之固矣。高祖 宣皇嗣位,凶暴是聞,芟刈先其本枝,削黜遍於公族。 太祖之定關右,日不暇給,旣以人臣禮終,未遑藩屛之事。晉蕩輔政,爰樹其黨,宗室 士因其隙,遷龜鼎速於俯拾,殲王侯烈於燎原。 號爲千乘,勢侔匹夫。 悠悠邃古,未聞斯酷。 雖復地惟叔父,親則同生,文能 克翦芒刺 是以權臣乘其 豈非摧枯振 气思弘

之異術;兵權勢位,蓋安危之所階乎。

列

傳第五

文閔

明武

宣

一諸子

校勘記

朽,易爲力乎。

臥赤子,朝委裘,社稷固以久安,億兆可以無患矣。何后族之地,而勢能窺其神器哉 相持,遠近爲用。使其勢位也足以扶危,其權力也不能爲亂。 向使宣皇采姬、劉之制,覽聖哲之術,分命賢戚,布於內外,料其輕重,間以親疎,首尾 事業既定, 僥倖自息。 雖使

校勘記

C1〕達步干妃生齊王憲 挽。」按張說是,北史卷五八周室諸王傳正作「生齊煬王憲」,但諸本皆同,今不補。又達步干妃, 張森楷云:「諸王例皆舉論,不應憲獨去之。據下稱齊煬王,則此當是刻

北史無「干」字。

封武邑公二千戶 按本卷諸王封臂,都說封某公,邑若干戶,這裏「公」下當因涉上「武邑」而脫

「邑」字。

以世宗第三子寔爲嗣 八〇年八月見宋公或宋王實北史卷一〇周本紀下同。「寔」「實」雖互通,這一輩弟兄,名都從具,作「實」 八周室諸王傳「寔」都作「實」。此外卷五武帝紀建德三年五七四年二月,卷八靜帝紀大象二年五 卷五武帝紀上、北史卷一〇周本紀下保定元年五六一年七月和北史卷五

爲是。但諸本皆同,今不改。

- 出爲(梁)[襄]州總管 督諸軍赴援事。 中」,知直出任總管在保定間。 沒有爲梁州 總管的紀載。 卷五武帝紀上天和二年五六七年閏六月紀載此事,也稱「遣襄州總管衛王直・・・・・ 北史卷五八周室諸王傳「梁」作「襄」。按本條上稱「保定初」,下稱「天和 又本傳在這一條下面接着就敍述天和中陳湘州刺史華皎來附,詔直 卷五武帝紀上保定五年五六五年正月記「衞王直爲襄州總管」,却
- 等將兵援之」。 可知直所任爲襄州總管而非梁州。 个據改。
- 五 〕元定遂投江南 與定通和,許放還國,定乃解仗就船,遂爲度等所執」,則是受欺被執,並非投附。 按卷五武帝紀天和二年五六七年九月作「遂沒江南」。 卷三四元定傳說陳將徐度 疑這裏「投」
- 及其子賀貢塞響賈祕津乾理乾璪乾悰等十人,按頁是齊王憲子,曾出嗣莒莊公,後與憲 見卷一二憲傳。 這裏「貢」當是「賓」之誤。 武帝紀建德元年五七二年五月也載衞公直長子賓封莒國公嗣洛生後的事。據此知直 卷一〇萬莊公傳稱以衞王直之子賓爲穆公路生子後。 由於二人先後出嗣莒公,又皆以父誅從坐,遂致混淆。 傳稱實「坐直 有子名「賓」, 誅」。 同誅, 卷五
- -〕三年進爵爲王除雍州牧四年大軍東討 三月。 這裏的「四年」應移在「除雍州牧」上。 按問書武帝紀下載趙王招為雍州牧在建德四年五七五年
- 越携 列 傳 公乾銑 第 五 校 殿本考證云:「北史卷五八周室諸王傳無『携』同携字。」張森楷云:「無『携』字則徒爲越 勘 記

訛,然可證舊本於乾銑封爵久已模糊。 張說推測近情,但也不能解釋 北史單作「越公」, 册府 耳。」按册府卷二六五三一四三頁載趙王招子「乾封甌越公」,脫「銑」字,「甌越」不是郡名,自是字 公,與越王盛同封,當無此理。然諸公被誅,當無諡,此又不得獨有,疑本是「鶬」字,刻誤加旁手

訛爲「甌越」之故。

五〕拜大冢宰是歲稽胡反詔儉爲行軍總管與齊王憲討之卷六武帝紀下、卷四九稽胡傳都說齊王 之上,記着「拜大冢宰」一事,據卷六武帝紀下其事在建德六年五月,「討」稽胡卽在十一月。因 知「拜大冢宰」之上脫「六年」二字,「是歲」指六年。 |憲「討」||稽胡在||建德六年五七七年。這裏的「是歲」遙承「五年東伐」之文,似卽指五年。但「是歲」

(10) 天和中進虧為王 張森楷云:「『天和』當是『建德』之誤,帝紀卷五武帝紀上可證,各傳亦並無以天 字,遂似封王也在「天和中」。 王」,且本傳接敍「四年伐齊」,也是建德四年。這裏顯有訛奪,或如張說「天和」是「建德」之誤, 柱國的紀載。可知這裏「天和中」下當有「進柱國」語。今脫去此事可能還有別事和「建德三年」四 國」。周書之例,諸王大臣進位柱國,幾乎都見傳中,本卷衞、趙、譙、陳、代、滕諸王傳都有何時進 但更可能是「天和中」下有脫文。卷五武帝紀上於天和六年五七一年稱「以大將軍、越國公盛爲柱 和進爵者。」按北史卷五八周室諸王傳、册府卷二六五三一四三頁都作「建德三年五七四年,進爵爲

- 汾州稽胡帥劉(愛)[受]邏干反 卷七宣帝紀、卷四九稽胡傳、册府卷九八四 一一五六〇頁、北史卷
- 九六稽胡傳百衲本。殿本作「父」乃「受」之訛「愛」都作「受」,今據改。參卷七校記第二條
- 灃州刺史 和北史卷五八周室諸王傳「灃」作「禮」,殿本周書蔡祜傳作「灃」。未知孰是。錢說亦是疑辭, **个各仍之。** 錢氏考異卷三二云:「案後周無灃州,疑是『豐州』之誤。」 按宋本周書卷二七蔡祐傳
- 若曲法貸之 諸本「貸」都作「貰」,殿本當據北史卷五八周室諸王傳改,按原文當作「貰」,但 「貸」亦通,今不改。
- [18] 高祖東伐以爲右一軍總管 伐齊,右一軍總管是越王盛,這裏紀載似有誤。 卷六武帝紀下建德四年五七五年七月伐齊,無左右軍名號;次年,再
- (三) 大象中為隋文帝所害 北史卷五八周室諸王傳「大象」作「大定」。
- 穆友 卷四九豬胡傳、北史卷九六豬胡傳「友」都作「支」。
- 〇七)字乾定 北史卷五八周室諸王傳「定」作「安」。
- 二〇 宋王寔 「按宋獻公震傳云:『無子,以世宗第二子寔爲嗣,寔字乾辯』,是寔傳己附於前矣。」知此三字爲 按「寔」當作「實」,見本卷校記第三條。 諸本在下面都注「寔傳缺」三字。殿本考證云:

列 清館臣所刪 傳

(1九) 武帝生七男 張森楷云:「『生』字不當有,蓋誤衎,據前後敍各帝子可見。」

(110) 建德三年進爵爲王上柱國大冢宰大右弼 大象二年五八〇年五月宣帝死後先後遷升,距建德三年五七四年中隔六年。疑「上柱國」上有脫 按贄進上柱國,任大冢宰、大右弼,據卷八靜帝紀在

文。

(三) 王姬生鄴王(帝)(衎) **静帝紀皆當作『衎』。」按考證說是,今據改。參卷八校記第四條。** 殿本考證云:「此與下文『鄴王衍大象二年封王』,二『衍』字據本紀卷八

周書卷十四

列傳第六

賀拔勝弟岳 兄允

侯。[三父度拔,性果毅,爲武川軍主。 遊騎深入覘候,前後以八十數,悉知虜之倚伏。〔三後雖有寇至,不能爲害。 爾頭,[1] 驍勇絕倫,以良家子鎭武川,因家焉。 賀拔勝字破胡,神武尖山人也。 其先與魏氏同出陰山。 獻文時,茹茹數爲寇, 有如回者,魏初爲大莫弗。 北邊 思之。 以功賜爵龍城 爾頭

將

祖

以一 莫不推其膽略。 ·城圍蹙迫,事等倒懸,請告急於大軍,乞師爲援。」

」對許之。 旅。四其賊僞署王衞可孤徒黨尤盛,旣圍武川,又攻懷朔。 魏正光末,沃野鎭人破六汗拔陵反,南侵城邑。 時亦爲軍主,從度拔鎭守。 既圍經年,而外援不至,勝乃慷慨白楊鈞曰: 懷朔鎭將楊鈞聞度拔名,召補統軍,配 乃募勇敢少年十餘騎,夜伺隙 勝少有志操,善騎射,北邊

列

傳 第 六

賀 拔 勝

潰圍 德皇帝合謀,率州里豪傑輿珍、念賢、乙弗庫根、尉遲眞檀等,招集義勇,襲殺可孤。 圍而入,賊追之,射殺數人。至城下,大呼曰:「賀拔破胡與官軍至矣。」城中乃開門納之。 白之勇,良、平之謀,亦不能爲大王用也。」彧以勝辭義懇至,許以出師,還令報命。勝復突 求,今乃頓兵不進,猶豫不決。懷朔若陷,則武川隨亦危矣。逆賊因茲,銳氣百倍,雖有韓、 朔被圍,旦夕淪陷,士女延首,企望官軍。 <u></u>鈞復遣勝出覘武川,而武川已陷,勝乃馳還。懷朔亦潰,勝父子遂爲賊所虜。後隨度拔與 而出。 賊追及之。 勝曰:「我賀拔破胡也。」賊不敢逼。 、大王帝室藩維,與國休戚,受任征討,理宜唯敵是 至朔州,白臨淮王元彧曰:「懷 朝廷嘉

于阿 投肆 却,因拔軍 勝爲軍主。 之、未及封賞、會度拔與鐵勒戰沒。孝昌中、追贈安遠將軍、肆州刺史。 逐委其事,[E] 常爲遊騎。 胡 州 擁 度拔殺可孤之後,令勝馳告朔州,未反而度拔已卒。刺史費穆奇勝才略,厚禮留 允、岳投爾朱榮。 朔州流民,南下爲寇。 向朔州,勝常爲殿。 勝乃率募二百人,開東城門出戰,斬首百餘級。 賊遂退軍數十里。 榮與肆州刺史尉慶賓構隊,引兵攻肆州。 于時廣陽王元深在五原,[5] 爲破六汗賊所圍,晝夜攻戰。召 以功拜統軍,加伏波將軍。 恆州城中人乃潛與謀,以城應之。 又隸僕射元纂鎭恆州。 勝與兄允弟后相失,南 肆州陷,榮得勝,大悅 廣陽以賊稍 時有鮮

曰:「吾得卿兄弟,天下不足平也。」

中山。 侍。[]il 入洛。 督,領千騎與爾朱兆自硤石度,大破顯軍,擒其子領軍將軍冠受,及梁將陳思保等,遂前驅 大破之,虜獲數千人。時洛周餘燼韓婁在薊城結聚,日日爲遠近之害。 侍、平南將軍、光祿大夫、撫軍將軍。從太宰元穆北征葛榮,[10]為前鋒大都督。戰於遙 末,日光從際入路,以定策立孝莊帝功,封易陽縣伯,邑四百戶。累遷直閤將軍、通直散騎常 知。[t] 今蒙驅使,實所願也。」 樂乃表勝爲鎭遠將軍、別將,云 領步騎五千鎭井陘。 意欲屈君鎭之,未知君意如何。」勝曰:「少逢兵亂,險阻備嘗,每思効力,以報(己)[己] 勝委質事榮。 拜武衞將軍、金紫光祿大夫,增邑六百戶,進爵眞定縣公,遷武衞將軍,加散騎常 樓素聞勝威名,竟不敢南寇。 元顥入洛陽,孝莊帝出居河內。 時杜洛周阻兵幽、定,葛榮據有冀、瀛。榮謂勝曰:「井陘險要,我之東 復以勝爲大都督,鎭 榮徵勝為前軍大都

節閔帝。 所疑,置之營外,人馬未得休息。俄而 大悅,「三以本官假驃騎大將軍、東征都督,率騎一千,會鄭先護討爾朱仲遠。 及榮被誅,事起倉卒,勝復隨世隆至于河橋。勝以爲臣無讐君之義,遂勒所部還都謁 以功拜右衞將軍,自己進車騎大將軍、儀同三司、左光祿大夫。自己 [仲遠兵至,與戰不利,乃降之。 復與爾朱氏 同謀,立 爲先護

齊神武懷貳,爾朱氏將討之。度律自洛陽引兵,兆起幷州,仲遠從滑臺,三帥會於鄴 列 傳 第 賀 拔 勝

失策。」兆乃捨之。 不與世隆等俱來,而東征仲遠,罪二也。 反爲 東。 是爾朱兆及天光、仲遠、度律等衆十餘萬,陣於韓陵。 今日之事,生死在王。 巨患,勝父子誅之,其功不小,反以爲罪,天下未聞。天柱被戮,以君誅臣,勝寧負 兆所執。 時勝從度律。 度律軍以此先退,遂大敗 而擊之。 度律惡兆之驕悍,懼其陵己,勒兵不肯進。 度律大懼,遂引軍還。 勝既得免,行百餘里,方追及度律軍。 度律與兆不平。 但去賊密邇,骨肉搆隙,自古迄今, 勝以臨敵構嫌,取敗之道,乃與斛斯椿詣 兆將斬勝,數之曰:「爾殺可孤 我欲殺爾久矣,今復何言。」勝曰:「可孤 兆率鐵騎陷陣, 勝以其攜貳,遂率麾下降于齊神 未有不破亡者。 齊神武旣克相州 罪 出齊神武 也;天柱薨後,復 勝不憚死, ,兵威漸盛。 兆營和解之, 之後, 、朝廷? 作逆, 將乘 爲國 於

山、白洎,都督拔略昶、史仵龍取義城、均口,擒梁將莊思延,獲甲卒數千人。攻馮翊、安定、 荆州刺史,加授南道大行臺尚書左僕射。勝攻梁下溠戍,江也擒其戍主尹道珍等。又使 動蠻王文道期,率其種落歸款。 勢援,乃拜勝爲都督三荆、二點、 太昌初,以勝爲領軍將軍,尋除侍中。 歐陽鄭城。江公 南雍州刺 梁雍州刺史蕭續擊道期不利,漢南大駭。 南襄、南雍七州諸軍事 史長孫亮、 孝武帝將圖齊神武,以勝弟岳擁衆關 南荆州刺史李魔憐、大都督王元軌取久 ,

進位

驃騎大將軍、

開府 勝遺大都督 儀同三司 西,欲廣其 獨 孤

攻之未 中, 州民 陽,遣右丞(楊)[陽]休之奉表 續 (馮)[沔]陽,並平之。 遂城守不敢出。 進 |鄧誕 至淅陽, 拔。 執 元潁,北引侯景。 屬 齊神 韶封勝太保、[三]錄尙書事。 尋進位 武 [15] 勝軍於獎、鄧之間。 與帝 有隙,韶勝引兵赴洛,至廣州 中書令,CIIOJ增邑二千戶,進虧琅邪 入關,自己又令府長史元額 勝至,景逆擊之,勝軍不利,率麾下 時齊神武 梁武勅續曰:「賀拔勝北間驍將,爾宜愼之。」 已陷潼關 行州 猶 豫 事 郡 未進,而帝已 (|||) 公。 數百騎,南奔梁 屯 勝自 軍 續遣柳仲禮 華陰。 率所部, 西遷。 勝 守穀城 乃還 將 勝 還 乃 軍 赴 勝 關 南

親餞 長安 於南苑。 在 江 表 謝罪。 三年,梁武 勝自是之後,每行執弓矢,見鳥 朝廷嘉其還,乃授太師 帝遇之甚 厚。 勝常乞師北討 、獸南向者皆不射之, 齊神武,旣不果,乃求還。 以申懷德之志也。 梁武 帝 許之,

邙山 將高 因告之曰:「賀六渾,賀拔破胡必殺汝也。」 [三] 時募士皆用短兵接戰,勝持稍追 命勝 收 干 仍 後從太祖 遁, 其 與 時 (李丽 太祖 降卒 勝追獲, 擒 見 别 而 還。 攻河東, 齊神武 竇泰於小關, 囚之。 及齊神武悉衆攻玉壁,勝以前軍大都督從太祖 旗鼓,識之,乃募敢勇三千人,配勝以犯其軍 略定汾、 下 河北, 加授中軍大 絳。 擒郡守孫晏。 增邑幷前 八都督。 五千戶。 又從太祖攻弘農。 崔乂。三三 河橋 從破東 之役, 魏 0 勝自陝津先渡河,東魏 勝大破 追之於汾 勝適 軍 於沙苑, 與 東魏 齊 齊神武 北 神 軍 追 武 奔 又 、數里, 相 從 河

列

賀

拔

勝

弓矢者,天也」

刃垂及之。 會勝馬爲流矢所中,死,比副騎至,齊神武已逸去。 勝歎曰:「今日之事,吾不執

是歲,勝諸子在東者,皆爲齊神武所害。勝憤恨,因動氣疾。 大統十年,薨于位。

終,手書與太祖曰:「勝萬里杖策,歸身闕庭,冀望與公掃除逋寇。不幸殞斃,微志不申。 公內先協和,順時而動。若死而有知,猶望魂飛賊庭,以報恩遇耳。」太祖覽書,流涕久之。 願

通率,重義輕財,身死之日,唯有隨身兵仗及書千餘卷而已。 動,唯賀拔公臨陣如平常,眞大勇也。」自居重位,始愛墳籍。 勝長於喪亂之中,尤工武藝,走馬射飛鳥,十中其五六。」太祖每云:「諸將對敵,神色皆 乃招引文儒,討論義理。性又

昆明池,時有雙鳧游於池上,太祖乃授弓矢於勝曰:「不見公射久矣,請以爲歡。」勝射之,一 初,勝至關中,自以年位素重,見太祖不拜,尋而自悔,太祖亦有望焉。後從太祖宴于

勝亦盡誠推奉焉。贈定冀等十州諸軍事、定州刺史、太宰、錄尚書事,諡曰貞獻。明帝一 發俱中。因拜太祖曰:「使勝得奉神武,以討不庭,皆如此也。」太祖大悅。自是恩禮日重,

年,以勝配享太祖廟庭。

黄門郎,加車騎大將軍、儀同三司,驃騎大將軍、開府儀同三司。 六官建,拜守廟下大夫。 勝無子,以弟岳子仲華嗣。 大統三年,賜爵樊城公。魏廢帝時,爲通直郎、散騎常侍,遷

孝閔帝踐阼,襲爵琅邪公,除利州刺史。大象末,位至江陵總管。

勝兄弟三人,並以豪俠知名。兄允字阿泥,〔云〕魏孝武時,位至太尉,封燕郡王,爲神武

兵書而暗與之合,識者咸異之。 岳字阿斗泥。少有大志,愛施好士。初爲太學生,及長,能左右馳射,驍果絕人。不讀

『朝謀不及夕,言發不俟駕』,此之謂矣。」榮與天穆相顧良久,曰:「卿此言,眞丈夫之志也。」 鎭恆州。 人。將軍士馬精彊,位任隆重。若首舉義旗,伐叛匡主,何往而不尅,何向而不摧。古人云 京師,內除君側,外淸逆亂。取勝之道,計將安出。」后對曰:「夫立非常之事,必俟非常之 盜賊蜂起,海內沸騰,王師屢出,覆亡相繼。吾累世受恩,義同休戚。今欲親率士馬,電赴 意合,益重之。際士馬旣衆,遂與元天穆謀入匡朝廷。謂岳曰:「今女主臨朝,政歸近習。 未幾而魏孝明帝暴崩,榮疑有故,乃舉兵赴洛。配岳甲卒二千爲先驅,至河陰。 際旣 與父兄誅衞可孤之後,廣陽王元深以岳爲帳內軍主。又表爲彊弩將軍。後與兄勝俱 州陷,投爾朱際。際待之甚厚,以爲別將,尋爲都督。每居帳下,與計事,多與際

殺害朝士,時齊神武爲榮軍都督,勸榮稱帝,左右多欲同之,榮疑未決。 岳乃從容進 而言

梗,事藉武臣,請捨之,收其後効。」榮乃止。 以定策功,授前將軍、太中大夫,賜爵樊城(郡) 尊立孝莊。 曰:「將軍首舉義兵,共除姦逆,功勤未立,逆 「鄉」男。[if]復爲樂前軍都督,破葛樂於滏口。 岳又勸榮誅齊神武以謝天下。左右咸言:「高歡雖復庸疎,言不思難,今四方尚 此謀,可謂速禍,未見其福。」榮尋亦自悟,乃 遷平東將軍、金紫光祿大夫。 坐事免。 部尋

復之。從平元顥,轉左光祿大夫、武衞將軍。

於是進軍,賊拒戰於潤北,破之,獲馬二千疋,軍威大振。 竊而已,公尙遲疑,若遇大敵,將何以戰。」天光曰:「今日之事,一以相委,公宜爲吾制之。」 時赤水蜀賊,阻兵斷路。天光之衆,不滿二千。及軍次潼關,天光有難色。 衞將軍、左大都督,又以征西將軍代郡侯莫陳悅爲右〔大〕都督,〔三〕 竝爲天光之副以討之。 大悅,乃以天光爲使持節、督二雍二岐諸軍事、「云」驃騎大將軍、雍州刺史,以岳爲持節、假 「汝欲何計自安。」」岳曰:「請爾朱氏一人爲元帥,岳副貳之,則可矣。」勝然之,乃請於榮。 「醜奴擁屪、隴之兵,足爲勍敵。若岳往而無功,罪責立至;假令尅定,恐讒愬生焉。」勝 時万俟醜奴僭稱大號,關中騷動,朝廷深以爲憂。 榮將遺岳討之。 岳私謂其兄勝曰: 岳曰:「蜀 賊草

僕射万俟件同向武功,南渡渭水,〔攻圍趨栅。天光使岳率千騎赴〕援。菩薩攻栅已尅,還岐 天光與岳進至雍州,榮又續遣兵至。 時醜奴自率大衆圍岐州,遣其大行臺尉遲菩薩、

M。Clod 岳以輕騎八百北渡澗,擒其縣令二人,獲甲首四百,殺掠其民以挑。 菩薩率步騎二

答不遜。 萬至渭北。[三]后以輕騎數十與菩薩隔水交言。岳稱揚國威,菩薩自言彊盛,往復數反。菩 部,賊下馬者,皆不聽殺。賊顧見之,便悉投馬。俄而虜獲三千人,馬亦無遺,遂擒菩薩。 騎旣漸增,賊不復測其多少。行二十里許,至水淺可濟之處,岳便馳馬東出,以示奔遁。 不得齊進,前後繼至,半度岡東,岳乃回與賊戰,身先士卒,急擊之,賊便退走。 謂岳走,乃棄步兵,南渡渭水,輕騎追岳。岳東行十餘里,依橫岡設伏兵以待之。 處,隨地形便置之。 岳舉弓射之,應弦而倒。 明日, 自將百餘騎,隔水與賊相見。 岳漸前進,先所置騎隨岳而進, 時已逼暮,於是各還。 岳密於渭南傍水,分精騎數十爲 岳號令所 賊以路 賊 險

以下爲栅者有數處,且戰且守。〔一言〕岳知其勢分,乃密與天光嚴備。 路,〔三〕於後諸軍盡發。昧旦,攻圍元進栅,拔之,即擒元進。 分遣諸軍散營農於岐州之北百里細川,使其太尉侯元進領兵五千,〔三〕據險立栅。其千人 渭之間,宣言遠近曰:「今氣候漸熱,非征討之時,待秋涼更圖進取。」 醜奴聞之,遂以爲實, 醜奴尋棄岐州,北走安定,置栅於平亭。天光方自雍至岐,與(兵)[岳]合勢。[三]軍至汧、 諸所俘執皆放之,自餘諸栅悉 晡時,潛遣輕騎先行

渡渭北,降步卒萬餘,並收其輜重。

列

傳 第 六

急追,明日,及醜奴於平涼之長坑,一戰擒之。 岳星言徑趣涇州,其刺史俟幾長貴以城降。CIRD醜奴乃棄平亭而走,欲向高平。 高平城中又執蕭寶寅以(歸)[降]。[計] 岳輕騎

人。三秦、河、渭、瓜、凉、鄯州咸來歸款。賊帥夏州人宿勤明達降於平涼,後復叛,岳又討 擒之。 天光雖爲元帥,而岳功効居多。 加車騎將軍,進爵爲伯,邑二千戶。 尋授都督|涇北 度隴至慶雲所居水洛城。慶雲、道洛頻出城拒戰,並擒之。餘衆皆降,悉坑之,死者萬七千 得入隴,投略陽賊帥王慶雲。慶雲以道洛驍果絕倫,得之甚喜,以爲大將軍。天光又與岳 | 幽二夏四州諸軍事、涇州刺史,進爵爲公。 賊行臺万俟道洛率衆六千,退保牽屯山。岳攻之。道洛敗,率千騎而走,追之不及,遂

給後部鼓吹,進位開府儀同三司,兼尚書左僕射、隴右行臺,仍停高平。二年,加都督三雍 岐東秦三州諸軍事、儀同三司、岐州刺史,進封清水郡公,至之增邑通前三千戶。尋加侍中, 衆軍合勢。進可以克敵,退可以克全。」天光不從,果敗。岳率軍下隴赴確,擒天光弟顯壽 自相猜貳,則圖存不暇,安能制人。如下官所見,莫若且鎭關中,以固根本;分遣銳師,與 三秦二岐二華諸軍事、雍州刺史。 天光將率衆拒齊神武,遣問計於岳。 岳報曰:「王家跨據 三方,士馬殷盛,高歡烏合之衆,豈能爲敵。然師克在和,但願同心戮力耳。若骨肉離隔, 天光入洛,使岳行雍州刺史。建明中,拜驃騎大將軍,增邑五百戶。 普泰初,除都督二

以應齊神武。

斛律 悅。 傅、錄尙書、都督關 陳悅於高平,將討之,令悅爲前驅。 州 趣 武 持以寄岳,詔岳都督二雍 刺刺 平涼西界,布營數十里,託以牧馬於原州,爲自安之計。先是,費也頭万俟受洛干、鐵 旣 沙門、 悦乃誘岳入營,共論兵事, 忌岳兄弟功名,岳懼, 史又會平涼, 魏 孝 武 射拔彌俄突、[元] 紅豆陵伊利等, 並擁衆自守, 至是皆款附。 即位,加關中大行臺,增邑千戶。 受岳節度。 中三十州諸 二華二岐豳四梁三益巴二夏蔚寧涇二十州諸軍事、大都督。 乃與太祖協契。 唯靈州刺史曹泥不應召,乃通使於齊神武。三年,岳召侯莫 軍事、四一大將軍、雍州 令其壻元洪景斬岳於幕中。 而悅受齊神武密旨圖岳,[岳]弗之知也,[80]而先又輕 語在太祖本紀。 永熙二年,孝武密令岳圖齊神武,遂刺心血, 刺史,諡曰武壯,葬以王禮 岳自詣北境,安置邊防。 朝野莫不痛惜之。贈侍中、太 秦、南秦、河、渭 齊神 率衆 勒 四

子緯嗣 ,拜開府儀同三司。 保定中,錄岳舊德,進緯爵霍國公,尚太祖女。

拔岳。 侯,邑五百戶 **樂引爲府** 侯莫陳悅,少隨父爲駞牛都尉。 以本將軍除鄯州刺 長流參軍,稍遷大都督。 爾朱天光 西討,榮以悅爲天光右都督, 史。 建明中,拜車騎大將軍、渭州刺史,進爵白水郡公,增邑五百 長於西,圖 魏孝莊 帝 初,除征 好田獵,便騎射。 西將軍、金紫光祿 本官 ·如故。 會牧子作亂, 西伐 克獲, 大夫、 封 功 遂歸爾朱 柏 亞於賀 入

列

傳

第

六

賀

拔勝

念

贀

殺岳後,神情恍忽,不復如常。恆言「我纔睡即夢見岳云:『兄欲何處去!』隨逐我不相置」。 岳衆莫不服從。 天光弟顯壽。 悦子弟及同謀殺岳者八九人,並伏誅。唯中兵參軍豆盧光走至靈州,後奔晉陽。悅自 普泰中,除驃騎大將軍、儀同三司、秦州刺史。及天光赴洛,悅與岳俱下隴趣雍州,擒 魏孝武初,加開府儀同三司、都督隴右諸軍事,仍加秦州刺史。[四]及悅殺岳, 悅獨豫,不卽撫納,乃遷隴右。[晉] 太祖勒衆討之, 悅遂亡敗。語在太祖本

因此彌不自安,而致破滅。

侍,行南兗州事。尋進號驃騎大將軍,入爲殿中尚書,加儀同三司。魏孝武欲討齊神武,以 普泰初,除使持節、瀛州諸軍事、驃騎將軍、瀛州刺史。永熙中,拜第一領民酋長,加散騎常 之,賢獨不往。 笑謂諸生曰:「男兒死生富貴在天也,何遽相乎。」少遭父憂,居喪有孝稱。 騎將軍、右光祿大夫、太僕卿,兼尚書右僕射、東〔道〕行臺,回己進爵平恩縣公,增邑五百戶。 留縣伯,邑五百戶。建義初,爲大都督,鎮井陘,加撫軍將軍、黎陽郡守。爾朱榮入洛,拜車 後以破衞可孤功,除別將。尋招慰雲州高車、鮮卑等,皆降下之。除假節、平東將軍,封屯 念賢字蓋盧。 美容質,頗涉書史。 爲兒童時,在學中讀書,有善相者過學,諸生競詣

尉,出爲秦州刺史,加太傅,給後部鼓吹。三年,轉太師、都督河涼瓜鄯渭洮沙七州諸軍事、 賢爲中軍北面大都督,進爵安定郡公,增邑一千戶,加侍中、開府儀同三司。大統初,拜太 大將軍、河州刺史。久之還朝,兼錄尙書事。河橋之役,賢不力戰,乃先還,自是名譽頗減。

五年,除都督秦渭原涇四州諸軍事、秦州刺史。 薨於州。 諡曰昭定。

賢於諸公皆爲父黨,自太祖以下,咸拜敬之。子華,性和厚,有長者風。 官至開府儀同

三司、合州刺史。

朱,中乃結款高氏,太昌之後,即帝圖高,察其所由,固非守節之士。及勝垂翅江左,憂魏室 贏兵,抗三秦之勍敵,奮其智勇,克翦凶渠,雜種畏威,遐方慕義,斯亦一時之盛也。卒以勳 高速禍,無備嬰戮。惜哉!陳涉首事不終,有漢因而創業;賀拔元功夙殞,太祖藉以開基。 「不有所廢,君何以興」,信乎其然矣。 史臣曰: 騰、后昆季,以勇略之姿,當馳競之際,並邀時投隙,展劾立功。 始則委質爾

校勘記

- (一) 祖爾頭 魏書卷八〇賀拔勝傳「頭」作「逗」,乃譯音之異。
- [1] 悉知虜之倚伏 「伏」原作「仗」。諸本都作「伏」。二張以爲「仗」字誤。 張元濟云:「『兵機倚

伏』,見字文貴傳卷十九。」二張說是,今逕改。

〕以功賜爵龍城侯 殿本考證云:「『侯』,北史卷四九賀拔允傅作『男』。」按魏書卷八〇賀拔勝傳也

作|男」。

2]配以一旅 宋本、南本、北本、汲本「旅」都作「族」。 北史卷四九賀拔允傳作「旅」。 殿本當據北

史改,局本從殿本。按賀拔氏本出北邊民族,先世爲大莫弗。「配以一族」是命他統率賀拔本族

成員。原本恐是「族」字。但「旅」字亦通、今不回改。

五〕遂委其事 殿本考證云:「北史卷四九賀城允附弟勝傳作『委以兵事』,文義較顯。」

《〕廣陽王元深 魏書卷八〇賀拔勝傳「深」作「淵」。按周書、北史避唐諱改「淵」作「深」。 以後不

出校記。

4)以報(已)[己]知 宋本、局本「已」作「己」,册府卷三八九四六二頁作「以報知己」,「己知」循「知

己」,今依宋本、局本改。

「八」樂乃表勝爲鎭遠將軍別將 魏書卷八〇賀拔勝傳作「轉積射將軍,爲別將」。

- 「九」孝昌末從榮入洛 按魏書卷九肅宗紀,孝昌只三年,次年改武泰元年五二八年,二月肅宗死,四月
- 爾朱樂入洛,立孝莊帝,改元建義參卷一〇孝莊紀。這裏應作「武泰初」。
- 從太宰元穆北征葛榮 黨王天穆討葛榮」。列傳中多以最終之官爲稱,此稱太宰,亦不誤。又「元天穆」稱「元穆」乃雙 按魏書卷一〇孝莊紀建義元年四月以元天穆爲太尉,九月「詔太尉公上

名單稱。

- (二〕時洛周餘燼韓婁在薊城結聚 但相關紀傳都沒有以韓婁爲杜洛周起義軍的一部。 助傳作「葛榮餘黨韓婁」北史有關紀傳與魏書同。「樓」「婁」音同,當時紀載據耳聞傳寫,無須深辨。 據幽州反」,卷七四爾朱榮傳作「葛榮枝黨韓婁」,卷八○侯淵傳作「葛榮別帥韓樓」,卷九一劉靈 按魏書卷一〇孝莊紀永安元年五二八年十二月稱「萬榮餘黨韓樓
- (1三) 拜武衞將軍金紫光祿大夫增邑六百戶進爵眞定縣公遷武衞將軍加散騎常侍 武衞是右衞之誤,魏書本傳是「衞」上脫「右」字。 ???? 賀拔勝傳稱勝以征北將軍,轉武衞將軍,「尋除衞將軍,加散騎常侍」,似乎質拔勝以武衞將軍遷 『拜武衞將軍』,未有轉官之文,而更云遷武衞將軍,理不可通,疑上下必有一誤。」按魏書卷八〇 衞將軍。 一一前廢帝紀普泰元年五三一年三月、四月兩見「右衞將軍賀拔勝」。 據此,疑問書本條第二個 但魏書卷一〇孝莊紀永安三年五三〇年十一月稱「以右衞將軍賀拔勝爲東征都督」,卷 張森楷云:「上方

列

第

校勘記

- [11] 還都謁帝大悅 按文義應重一「帝」字,疑誤脫。
- 復與爾朱氏同謀立節閔帝以功拜右衞將軍 按魏書卷一〇孝莊紀永安三年五三〇年已稱賀拔勝爲右衞將軍,豈待立節閔帝有功始遷,與問 魏書卷八〇也說「普泰初五三二年,除右衞將軍」。

裡和魏書本傳的紀載顯然矛盾。至魏書本傳稱賀拔勝以第二品之衞將軍除第三品 之右衞 將書和魏書本傳的紀載顯然矛盾。至魏書本傳稱賀拔勝以第二品之衞將軍除第三品 之右衞 將

軍,錯誤更不待言,參第一二條校記。 今按魏書卷一一後廢帝紀,在爾朱氏韓陵戰敗後,稱「前

可知前廢帝即節閥帝普泰初賀拔勝乃是以右衛將軍遷鎮軍

將軍。 魏書卷一一三官氏志鎭軍將軍在從第二品,以第三品的右衞將軍升遷,正合。

廢帝鎮軍將軍賀拔勝……於陣降」。

- 〔1吾〕左光祿大夫 魏書卷八○賀拔勝傳「左」作「右」。
- 勝寧負朝廷 殿本考證云:「北史卷四九及通鑑卷一五五,四八一五頁俱云:『勝寧負王,不負朝廷』,

本書脫去四當云三字。」張森楷云:「新本無『負王不』三字,誤挽文。」 按諸本都無此三字,張所據 本乃局本,當是從殿本考證據北史補。補上三字文義較長,但「寧負朝廷」作「豈負朝廷」解亦可

通,个不補。

通鑑卷一 勝攻梁下溠戍 成在沔北,直襄陽東北。」方輿紀要卷七九襄陽府襄陽縣下笮城條,以爲下笮、下迮是一地,賀 四三四四七三頁齊永元二年十一月「魏東荆州刺史桓暉入寇,拔下笮戍」。胡注:「下笮 卷一六獨孤信傳、卷二八史寧傳同作「下溠」,魏書卷八〇賀拔勝傳作「下迮」。

與胡、顧所云在襄陽東北的「下笮」或「下迮」非一地。當時賀拔勝南攻,至於「沔北蕩爲丘墟」, 梁重鎭有下溠戍,在「漢東郡棗陽縣東南」。 三一地理志下漢東郡唐城縣條稱「隋開皇十六年,改下溠曰唐城」。通典卷一七一 |拔勝所攻卽此。根據胡、顧之說,下迮戍應在今襄陽東北。至於下溠應以溠水爲名。 个隨縣西北,棗陽東南溠水旁有唐縣鎭,當即其地。 州郡序目上稱 據隋書卷

襄陽以至隨縣

一帶同在進攻範圍中,本條所攻之戍究是「下迮」或「下溠」,難以斷定。

- 勝遣大都督獨孤信軍司史寧歐陽酇城 設交境之備」,則歐陽當在合肥、壽春間南北交界處,距離下溠、酇城很遠,必是別一歐陽。 平歐陽酇城」,與此傳合,「史寧」下當脫「攻」或「取」「平」等字。 賀拔勝傳之「酇陽城」,無此地名,疑亦是歐陽酇城的脫 八楊播附子侃傳載梁豫州刺史裴邃「治合肥城,規相掩襲」,故意通知魏人,說「此亦須營歐陽 此乃有似人名,疑誤。」按卷二九字文虬傳云:「魏孝武初,從獨孤信在荆州,破梁人於下溠,遂 張森楷云:「魏書卷八〇賀跋勝傳云:『攻酇陽城,並平之』, 誤。 唯「歐陽」亦有可疑。 魏書卷五
- 二式 攻馮翊安定(馬)[沔]陽並平之 卷八〇賀拔勝傳也作「沔陽」。「馮陽」無此地名,與「沔」形似,又涉上「馮翊」而誤。 **删府卷三五五四二一頁「安」下脫「定」字,「馮」作「沔」,魏書** 今 據 改。
- 尋進位中書令 北史卷四九賀拔允附弟勝傳、册府卷三五五 四二一一頁「中」作「尙」。
- (楊)(陽)休之 張森楷云:「『楊』當作『陽』,北齊書卷四二陽休之傳可證。」按脹說是,今據改。

列

傳第

校

勘

記

- 又作「穎」。北史百衲本卷四九賀拔允附弟勝傳作「穎」,後面又作「頴」。 局本和通鑑一五六四八五三頁「潁」作「穎」。汲本這裏同殿本,而下面「州民鄧誕執元潁」, 北史殿本都作「頴」「頴」即
- 「穎」,「潁」是水名,別無他義,疑作「穎」或「頴」是。
- 詔封勝太保 張森楷云:「『封』當作『拜』。此官,非爵也,而云『封』,誤矣。」 按北史卷四九賀拔
- 允附弟勝傳作「授」。

人,這裏當有訛脫。

- [三] 下河北擒郡守孫晏崔乂 北史卷四九賀拔允附弟勝傳無「崔乂」二字。按郡守恐不得同時有二
- (三三) 因告之日賀六渾賀拔破胡必殺汝也 面稱高歡爲「賀六渾」,即是呼其小字。,册府記周事都採周書,疑周書本與册府同。 日」,册府卷三九五上四六八八頁作「因字呼之日」,通鑑卷一五八四九一六頁作「因字之日」。 按下 北史卷四九賀拔允附弟勝傳「因告之日」作「連叱而字之
- 兄允字阿泥 「可」。北史卷六齊本紀上高歡稱允爲「阿鞠泥」北齊書卷一神武紀以北史補。 五以爲「阿鞠泥」爲允之本名,「阿泥」爲省稱,「可」爲「阿」之誤。 魏書卷八〇賀拔勝附兄允傳、北齊書卷一九、北史卷四九賀拔允傳「阿」都作 北朝胡姓考一一九頁注
- 賜爵樊城(郡)[鄉]男 按北史卷四九賀拔允附弟岳傳「郡」也作「鄕」。張說是,今據改。 張森楷云:「男例不得食郡,郡字非也。魏書卷八〇賀拔勝傳作『鄉男』,當

- 乃以天光爲使持節督二雍二岐諸軍事 魏書卷七五爾朱天光傳作「乃除天光使持節、都督羅岐
- 一州諸軍 事」。 按這裏「督」上應有「都」字。「二雍二岐」與「雍岐二州」 不 知孰是。
- 二党 岳傳、 又以征西將軍代郡侯莫陳悅爲右〔大〕都督 賀拔岳 同卷侯莫陳悅傳、「右都督」都作「右廂大都督」。 和侯莫陳悅分統左右廂,岳爲大都督,悅不應只是都督,這裏脫「大」字,上引諸條 魏書卷八〇侯莫陳悅傳 魏書卷七五爾朱天光傳作「大都督」。 北史卷四 九賀拔允附弟 可 按

今據補

- 光使岳 逕改。 時醜奴自率大衆圍岐州遣其大行臺尉遲菩薩僕射万俟仵同向武功南渡渭水 薩 五頁本條採自魏書。 岳率千騎赴〕援菩薩攻栅已剋還岐州 去援菩薩,不可通,今姑據北史補。 北史卷四九賀拔允附弟岳傳「万俟件」作「万俟行醜」。 率千騎赴」十二字。 通鑑卷一五四,四七七二頁略同魏書、北史。 魏書卷八〇賀拔勝附弟岳傳亦然,只是文字稍異。冊府卷四三〇,五一二 「万」原作「方」,諸本都作「万」, 按周書本條脫了十二字,乍讀像是遣尉遲善 在「南渡渭水」下多「攻圍趨栅,天 万俟是常見的 〔攻圍趨棚 複 天光 姓, 使
- 殺掠其民以挑菩薩率 Ŧi. 一二五頁本條採自魏書。 步騎二萬至渭北 通鑑卷一五四四七七二頁作「岳故殺掠其民以挑之」。按「挑」下當脫「菩薩」 魏書卷八〇賀拔勝附弟岳傳重「菩薩」二字冊席卷四三〇,

列

與(兵)[岳]合勢 局本。魏書卷七五爾朱天光傳、北史卷四八爾朱天光傳、卷四九賀拔允附弟岳傳、册府卷三五五 局本「兵」作「岳」。張森楷云:「新本『岳』作『兵』誤。」按諸本都作「兵」張所據是

四二一〇頁、通鑑卷一五四四七七三頁都作「岳」,局本當是據北史等史籍改。今從之。

- 侯元進 拔允附弟岳傳都作「侯伏侯元進」。鄧名世古今姓氏書辨證卷二二「俟伏侯氏改爲侯氏」。 班姓考侯氏條 八二頁以爲「俟」當爲「侯」之訛。則本條是從改姓。 卷一六侯莫陳崇傳、魏書卷七五爾朱天光傳、卷八〇賀拔勝附弟岳傳、北史卷四九賀
- (三) 且戰且守 |奴「分遣諸軍散營農於岐州之北百里細川」,作「耕」或「田」較長。 魏書卷七五爾朱天光傳「戰」作「耕」,通典卷一五三兵六示緩條作「田」。按上云醜
- (三) 潛遣輕騎先行路 魏書卷七五爾朱天光傳、通典卷一五三兵六示緩條「路」上有「斷」字,文義較
- CECC 俟幾長貴 元和姓纂引官氏志作「侯畿」,陳氏認爲「侯」字誤。 爲幾氏。」陳毅魏書官氏志疏證引廣韻、通志氏族略、姓解、古今姓氏書辨證都作「俟畿」,只有 「侯機長貴」,通典卷一五三兵六示緩條作「侯長貴」。按魏書卷一一三宜氏志云:「俟幾氏後改 「侯幾」「侯機」,又北史卷六齊本紀上見「大都督侯幾紹」,認爲「俟」字誤。今按「幾」「機」「畿」都 魏書卷七五爾朱天光傳作「侯幾長貴」,下注一「疑」字,卷八〇賀拔勝附弟岳傳作 北朝胡姓考一一〇頁據上引魏書的兩條作

是譯音,除魏書官氏志應有定字外,他處可以互用。「俟」和「侯」則必有一誤,陳、姚各有所據,

不知孰是。

[言] 高平城中又執蕭寶寅以(歸)[降] 宋本、南本、局本都作「又執蕭寶夤以降」,北本、汲本和册府 三五五四二〇頁「寅」字同殿本,「歸」也作「降」。按南齊書卷五〇、南史卷四四本傳作「寶寅」,

魏書卷五九、北史卷二九本傳作「寶夤」,通鑑從南齊書、南史。「寅」「夤」通,今後不再出校記。

歸」字則殿本考證云:「依北史卷四九賀拔允附弟岳傳改正」,二張都以爲作「降」是,今回改。

普泰初 至進封清水郡公 按魏書卷八〇賀拔勝附弟岳傳進封清水郡公在普泰前。

斛拔彌俄突 諸本「斛」都作「解」。本書當作「解」。見卷一校記第九條。

而悅受齊神武密旨圖岳〔岳〕弗之知也 北史卷四九賀拔允附弟岳傳「岳」下重「岳」字。按文義

應有此字,今據補。

贈侍中太傅錄尚書都督關中三十州諸軍事 魏書卷八〇賀拔勝附弟岳傳「太傅」作「太保」,北

史卷四九賀拔允附弟岳傳「三十」作「二十」。

一長於西

榮以悅爲天光右都督 魏書卷八〇、北史卷四九侯莫陳悅傳「西」上有「河」字,較長。 按「右」下當有「大」字,見本卷第二九條校記。但這裏可能是省文,和賀

拔岳傳左右大都督爲對文者不同,故不補。

列 傳 第 校 勘

〔60〕 仍加秦州刺史 魏書卷八〇侯莫陳悅傳無「加」字,北史卷四九侯莫陳悅傳「加」作「兼」。 按比

本是|秦州刺史,何須加授。這個「加」字非衍文即「兼」字之誤。

(晉) 乃遷隴右 按悦本督雕右,爲秦州刺史,這次由平涼到隴右,是還本州,而不是遷徙,疑作「還」是。 魏書卷八〇、北史卷四九侯莫陳悅傳都作「乃還入隴」,通鑑卷一五六四八三七頁同。

△□八〕兼尚書右僕射東△道□行臺 張森楷云:「東」下當有「道」字。按北史卷四九念賢傳正作「東道行

臺」。張說是,今據補。

周書卷十五

列傳第七

寇洛 李弼弟 于謹子

軍。 臨邑縣男,邑二百戶。又從岳獲賊帥尉遲菩薩於渭水,破侯伏侯元進於百里細川,擒万俟 醜奴於長坑。洛每力戰,並有功。 及質拔岳西征,洛與之鄕里,乃募從入關。破赤水蜀,以功拜中堅將軍、屯騎校尉、別將,封 於平涼,以洛爲右都督。[1] 洛性明辨,不拘小節。 寇洛,上谷昌平人也。 正光末,以北邊賊起,遂率鄉親避地於幷、肆,因從爾朱榮征討。 累世爲將吏。 加龍驤將軍、都督,進爵安鄉縣子,累遷征北將軍、衞將 父延壽,和平中,以良家子鎭武川,因家焉。

衆所信,乃收集將士,志在復讐,共相糾合,遂全衆而反。旣至原州,衆咸推洛爲盟主,統后 侯莫陳悅旣害岳,欲幷其衆。 列 倳 第 七 宼 洛 時初喪元帥,軍中惶擾,洛於諸將之中,最爲舊齒,素爲

太祖至平凉,以洛爲右大都督。從討侯莫陳悅,平之,拜涇州刺史。 魏孝武 西遷,進爵臨邑

縣伯,邑五百戶。尋進位驃騎大將軍、儀同三司,進臂爲公,增邑五百戶

忠款自心,勳誠早立,遂能糾合義軍,以待大丞相。見危授命,推賢而奉,此而不賞,何以勸 華州刺史,加侍中。 州諸軍事、太尉、尚書令、驃騎大將軍、雍州刺史,諡曰武 率所部鎭東雍。五年,卒於鎭,時年五十三。贈使持節、侍中、都督雍華豳涇原三秦二岐十 勵將來。 次,物情驚駭。使持節、驃騎大將軍、儀同三司、前涇州刺史、大都督、臨邑縣開國公寇洛, 大統初,魏文帝詔曰:「往者侯莫陳悅遠同逆賊,潛害故淸水公岳,志在兼幷。 可加開府,進爵京兆郡公。」封洛母宋氏爲襄城郡君。 與獨孤信復洛陽,移鎭弘農。 四年,從太祖與東魏戰於河橋。軍還,洛 又轉領軍將軍。三年,出爲 當時造

至開 府儀同三司、賓部中大夫。 子和嗣。 世宗二年,錄勳舊,以洛配享太祖廟庭,賜和姓苦口引氏,改封松陽郡公。

後

路弟紹,位至上柱國、北平郡公。

李酮字景和,遼東襄平人也。「三」六世祖根,慕容垂黃門侍郎。「三祖貴醜,平州刺史。「三

父永,太中大夫,贈凉州刺史。

西討,破赤水蜀。 安社稷以取功名;安能碌碌依階資以求榮位乎。」魏永安元年,爾朱天光辟爲別將,從天光 道洛、王慶雲,皆破之。 丽少有大志,膂力過人。屬

屬

靈

喪

亂

っ

語

所

親

日

三

大

去

生

世

,

會

須

履

発

刀

、

平

窓

難

、

こ
 以功拜征虜將軍,封石門縣伯,邑五百戶。又與賀拔岳討万俟醜奴、万俟 丽恆先鋒陷陣,所向披靡,賊咸畏之,曰「莫當李將軍前也」。

守,守恆州大中正。尋除南秦州刺史。隨悅征討,屢有尅捷。及悅害質拔岳,軍停隴上。 走,爭趣秦州。 州,汝等何不束裝。] 酮妻,悅之姨也,特爲悅所親委,衆咸信之。 人情驚擾,不可復定,皆散 出,據險以自固。翌日,願密通使太祖,許背悅來降。夜,爾乃勒所部云:「侯莫陳公欲還秦 陳公智小謀大,豈能自保。吾等若不爲計,恐與之同至族滅。」會太祖軍至,悅乃棄秦州南 夏州收而用之,得其死力,咸云爲主將報讐,其意固不小也。今宜解兵謝之,不然,恐必受 禍。」悅惶惑,計無所出。 太祖自平涼進軍討悅。關諫悅曰:「岳旣無罪而公害之,又不能撫納其衆,使無所歸。宇文 天光赴洛, 丽因隸侯莫陳悅, 為大都督, 加通直散騎常侍。 丽乃先馳據城門以慰輯之, 遂擁衆以歸太祖。 悅由此遂敗。 丽知悦必敗,乃謂所親曰:「宇文夏州才略冠世,德義可宗。 侯莫 太昌初,(受) [授] 清水郡 太祖謂弼曰:

列

「公與吾同心,天下不足平也。」破悅,得金寶奴婢,悉以好者賜之。 尋拜秦州刺史。 仍令弼以本官鎮原州。

洛陽 獨孤 地。 揚塵。 祖與齊神武戰於河橋,每入深陷陣,身被七創,遂爲所獲,圍守數重。 祖以所乘騅馬及竇泰所著牟甲賜廟。 姓徒河氏。[10]太祖西巡,令畹居守,後事皆諮禀焉。 六官建,拜太傅、大司徒。屬茹茹爲突 其將韓軌圍景於潁川。 功拜特進,爵趙郡公,增邑一千戶。又與賀拔勝攻尅河東,略定汾、絳。 司、雍州刺史。尋又進位驃騎大將軍、開府儀同三司。 左軍爲敵 信禦之,景乃退走。 ,爾乃引還。 守者稍懈,弼睨其旁有馬,因躍 太祖率兵東下,徵弼爲大都督,領右軍,攻潼關及迴洛城,剋之。大統初,進位儀同三 **酮爲前驅**。 貸文以爲大軍至,遂遁走。 所乘。 丽呼其麾下六十騎,[c] 身先士卒,横截之,賊遂爲(三)[二],因大破。[d] 以 東魏將莫多婁貸文率衆數千,奄至穀城。 四年,北稽胡反,弼討平之。遷太保,加柱國大將軍。 太祖遣廟率軍援景,諸將咸受廟節度。 九年,從戰邙山,轉太尉。 丽追躡之, 虜其衆, 斬貸文, 傳首大軍所。 上西馳,得免。 又從平弘農。 十三年,侯景率河南六州來附,東魏遣 五年,遷司空。六年,侯景據荆州,弼 與齊神武戰於沙苑, 從平竇泰,先鋒陷敵,斬獲居多。 丽倍道而前,遣軍士鼓噪,曳柴 爾至,軌退。 弼佯若創重, 殞絕於 四年,從太祖東討 魏廢帝元年,賜 王思政又進據 翌日,又從太

之大事,皆與汙謹及關等參議。 厥所逼,舉國請降,弼率前軍迎之。 孝閔帝踐阼,除太師,進封趙國公,邑萬戶。前後賞賜累 給前後部羽葆鼓吹,賜雜綵六千段。及晉公護執政,朝

廟庭。 兼復性沉雄,有深識,故能以功名終。元年十月,薨於位,年六十四。世宗即日舉哀,比葬, 三臨其喪。 丽 每率兵征討,朝受令,夕便引路,不問私事,亦未嘗宿於家。其憂國忘身,類皆如此。 發卒穿冢,給大輅、龍旂,陳軍至于墓所。 諡曰武。 尋追封魏國公,配食太祖

子(輝)[耀]。次子(耀)[輝],尚太祖女義安長公主,遂以爲嗣。

刺史。 出 歸 軍、儀同三司,出爲岐州刺史。從太祖西巡,率公卿子弟,別爲一軍。孝閔帝踐阼,除荆州 授輝武衞將軍,總宿衞事。 附。 [爲總管梁洋等十州諸軍事、梁州刺史。 時渠、蓬二州生獠,積年侵暴,輝至州綏撫,並來 輝常臥疾朞年,太祖憂之,日賜錢一千,自己供其藥石之費。及魏廢帝有異謀,太祖乃 輝大統中,起家員外散騎侍郎,賜爵義城郡公,歷撫軍將軍、大都督、鎮南將軍、散騎常 尋襲爵趙國公,改魏國公。保定中年,加將軍。[1三]天和六年,進位柱國。建德元年, 璽書勞之。 專而帝廢,除車騎大將軍、儀同三司。

魏恭帝二年,加驃騎大將

將 用。 同三司,封河陽郡公。 軍、趙郡公。 上大將軍蒲山郡公。 以功臣子,少居顯職,歷吏部、內史下大夫,並獲當官之譽。 羅)[耀]旣不得爲嗣,朝廷以腕功重,乃封(羅)[耀]邢國公,[四]位至開府。子寬,大象 從高祖平齊,歿於幷州。子璟以晏死王事,即襲其爵。 爲聘齊使主。早卒。子長雅嗣。 輝弟衍,大象末,大將軍、眞鄉郡公。 編弟晏,建德中,開府儀同三司、大 而弟論,最知名,有文武才 位至司會中大夫、開府儀 | 那弟標。

榮破 賓禮 從復弘農,破沙苑。 淝城郡男、江沿遷都督。 不知爝之形貌,正 元顥 ,後得逃歸。 魏孝武西遷,燉從大都督元斌之與齊神武戰於成臯。 標字靈傑。[15]長不盈五尺,性果決,有膽氣。少事爾朱榮。 ,拜討逆將軍。 大統元年,授撫軍將軍,進封晉陽縣子,邑四百戶。 自 標跨馬 如是。 普泰元年,元樹自梁入據譙城,樹從行臺樊子鵠擊破之,遷右將軍。 及榮被害,燉從爾朱世隆奉榮妻奔河北。 連矛, 太祖 初亦聞尽聽悍,未見其能,至是方嗟歎之。 衝鋒陷陣,隱身鞍甲之中。 兵敗,遂與斌之奔梁。 敵人見之,皆曰「避此小兒」。 魏永安元年,以兼別將從 又隨爾朱兆入洛。 尋爲太祖帳內都督。 謂尽曰:「但使 梁主待以 賜爵

膽

決如此,

何必須要八尺之軀也。」以功進

爵爲

公,增邑四百户。

尋從宇文貴

與東魏將任

鮮、

堯雄等戰於

潁川,

皆破之。

徵爲太子中庶子。

九年,從戰邙山,遷持節、大都督。十三

年,拜車騎大將軍、儀同三司。又從弼討稽胡,檦功居多,除幽州刺史,口也增邑三百戶。十 進爵汝南郡公。 增邑幷前二千一百戶。孝閔帝踐阼,進位大將軍。武成初,又從豆盧寧征稽胡,大獲而還。 五年,拜驃騎大將軍、開府儀同三司。 出爲總管延綏丹三州諸軍事、延州刺史。四年,卒於鎭。「〇贈恆朔等五州 魏廢帝初,從趙貴征茹茹,論功爲最,改封封山縣公,

宮伯,改封河東郡公。 **檦無子,以酮子椿嗣。** 先以<equation-block>
劇功,封魏平縣子。 大象末,開府儀同三司、大將軍、右

刺史。

高平郡將。[110]父提,隴西郡守,荏平縣伯。保定二年,以謹著勳,追贈使持節、柱國大將軍、 于謹字思敬,河南洛陽人也。 小名巨彌。口亞會祖婆,魏懷荒鎭將。祖安定,平涼郡守、

太保、建平郡公。

宰元穆見之,歎曰:「王佐材也。」 者,謹曰:「州郡之職,昔人所鄙,台鼎之位,須待時來。 吾所以優遊郡邑,聊以卒歲耳。」太 謹性沉深,有識量,略窺經史,尤好孫子兵書。 屏居閻里,未有仕進之志。 或有勸之

列傳第七 于謹

其衆 陣而 後 鎧曹參軍 乃散其衆騎, 十 七 出。 ,不以爲慮,乃進軍逼謹。 及 破破 1戰,盡 賊以爲謹也,皆爭逐之。 事 六汗拔陵首亂北境,引茹茹爲援,大行臺僕射元纂率衆討之。 〔三〕宿聞謹名,辟爲 ,從軍 降其 使匿叢薄之間,又遣人升山指 ·北伐。 衆。 後率輕騎出 茹茹聞 謹以常乘駿馬一紫一騎,賊先所識,乃使二人各乘一馬,突 大軍. [塞覘賊,屬鐵勒數千騎 謹乃率餘軍擊之,其追騎遂奔走,因得 之逼,遂逃出塞。 麾,若分部軍衆者。 纂令謹率二千騎追之,至郁對原,前 奄至, 謹以衆寡不敵, 退必不免, 賊望見,雖疑有伏兵,旣恃 入塞。

之威 其計。 險要, 至折 亂 以恩信 與 下奉義行誅 、謹參之。 ,羣盜蜂起,謹乃從容謂廣陽王曰:「自正光以後,海內沸騰,郡 敷嶺 IE 則難 光 拔陵果來要擊,破乜列河於嶺上,部衆皆沒。〔三〕謹伏兵發,賊遂大敗,悉收得乜列河 馳往喩之, 於是 迎接之。至三謹曰:「破六汗拔陵兵衆不 四年,行臺廣陽王元深治兵北伐,回司 與爭鋒。 乃使其子佛陁拜焉,其見待如此。 ,遠臨關塞,然醜類蟻聚,其徒實繁,若極武窮兵,恐非計之上者。 西部鐵勒酋長 必不勞兵甲, 今以 也列河等餌之,當競來抄掠,然後設伏以待, 也列河等,[三] 可致淸蕩。」廣陽王然之。 領三萬餘戶並款附, 引謹 少,聞 遂與廣陽王破賊主斛律野穀祿等。 爲長流參軍,特相禮接。 也列河等歸附 |謹兼解 相 國荒殘,農商廢業。 率 諸國語, 必來 南 必指掌 遷。 要擊。 乃單 所有 破之。」 廣 陽王 謹願禀大王 騎入賊 彼若先 ·謀議,皆 廣陽 一欲 時魏 **今殿** 與 **デ**示 然 末

之衆。魏帝嘉之,除積射將軍。

之。臟遂到牓下曰:「吾知此人。」衆人共詰之。謹曰:「我卽是也。」有司以聞。靈太后引見 之,大怒。謹備論廣陽忠款,兼陳停軍之狀。靈后意稍解,遂捨之。尋加別將。 尚書省門外立膀,募能獲<u>謹</u>者,許重賞。 謹聞之,乃謂<u>廣陽曰:「</u>今女主臨朝,取信讒佞,脫 不明白殿下素心,便恐禍至無日。 又有于謹者,智略過人,爲其謀主。風塵之隙,恐非陛下之純臣矣。」靈太后深納之。 侍中元晏宣言於靈太后曰:「廣陽王以宗室之重,受律專征,今乃盤桓不進,坐圖 孝昌元年,又隨廣陽王征鮮于脩禮。 謹請束身詣闕,歸罪有司,披露腹心,自免殃禍。」廣陽許 軍次白牛羅,會章武王爲脩禮所害,云云遂停軍中 韶於 非望。

岳表謹留鎮,除衛將軍、咸陽郡守。 宰元天穆討葛榮,平邢杲,拜征虜將軍。從爾朱天光破万俟醜奴,封石城縣伯,邑五百戶。 普泰元年,除征北大將軍、金紫光祿大夫、散騎常侍。又隨天光平宿勤明達,別討夏州賊賀 遂有伐等,[lɨ]平之,授大都督。從天光與齊神武戰於韓陵山,天光旣敗,謹遂入關。 質拔 經數十戰。進拜都督、宣威將軍、冗從僕射。孝莊帝即位,除鎭遠將軍,尋轉直寢。又隨太 二年,梁將曹義宗據守穰城,數爲邊患。乃令謹與行臺尚書字纂率兵討之。相持累年,

太祖臨夏州,以謹爲防城大都督,兼夏州長史。及岳被害,太祖赴平涼。謹乃言於太

悅。 卒勸農,足觀時變。 稱天府,將士驍勇,厥壤膏腴,西有巴蜀之饒,北有羊馬之利。。今若據其要害,招集英雄,養 近,咸所歸心。 祖曰:「魏祚陵遲,權臣擅命,羣盜蜂起,黔首嗷然。明公仗超世之姿,懷濟時之略,四方遠 必嘉 會有勑追謹爲(關)[閤]內大都督、[云]謹因進都關中之策,魏帝納之。 加 西遷。 然後挾天子而令諸侯,奉王命以討暴亂,桓、文之業,千載一時也。」太祖大 願早建良圖,以副衆望。」太祖曰:「何以言之。」謹對曰:「關右,秦漢舊都,古 且天子在洛,逼迫羣兇,若陳明公之懇誠,算時事之利害,請都關右,帝

陝州 邑一 至盤 三司。 齊神武軍乘勝逐北,不以爲虞。 年,復從太祖 率衆討平之。 軍、儀同 千戶。 刺刺 豆,東魏將高叔禮守險不下,攻破之。 尋而 其年, 史李(徽)[徽]伯。[三]齊神武至沙苑,謹從太祖與諸將力戰,破之,進爵常山郡 三司、北雍州刺 齊神武 又從戰河橋,拜大丞相府長史,兼大行臺尚書。 東征, 夏陽 除大都督、恆抖燕肆雲五州諸軍事、大將軍 逼洛陽,謹從魏帝西遷。仍從太祖征潼關,破迴洛城,授使持節、車騎大將 人王遊浪聚據楊氏壁謀逆,謹討擒之。 別攻柏谷塢,拔之。 史,進爵藍田縣公,邑一千戶。 追騎過盡,謹乃自後擊之,敵人大駭。 邙山之戰 拔虜其卒(叉)[一千]。 ,大軍不利,謹率其麾下偽降,立於路左。 大統元年,拜驃騎大將軍、開府儀同 恒州 是歲,大軍東伐,「云」謹爲前鋒。 稽胡帥夏州 刺 因此拔弘農,[10] 擒東魏 史。 獨孤信又集兵士於 入爲太子太師。 刺史劉平叛、〔三〕謹 公,增

觀其 請兵 後奮擊,齊神武軍逐亂,以此大軍得全。十二年,拜尚書左僕射,領司農卿。 軍 加 授華州 齊氏 爲 援,太祖 稱 即欲遣兵,良用未可。」太祖不聽。 刺 帝,太祖征之,以謹爲後軍大都督。別封一子鹽亭縣侯,邑一千戶。 史,贈秬鬯一卣,圭瓚副焉。 命李酮率兵應之。 謹諫曰:「侯景少習兵權,情實難測。 俄拜司空,增邑四百戶。十五年,進位柱國大將 尋復兼大行臺尚書、丞相府長史,率兵鎭潼關, 且宜厚其禮秩,以 及侯景款附, 魏恭帝元

雍

州

刺

郭。 討。 下,何 移動,據 江 雍 必 謂 一,直 州 太祖 所以 力不 棚於外城,廣輪六十里。〔圖〕尋而謹至,悉衆圍之。 刺 初 也 據 史, 守羅 丹陽 梁元帝平侯景之後,於江陵嗣位,密與齊氏通使,將謀侵軼。其兄子岳陽王詧時爲 餞 ·能分。 用 對 以梁元帝殺〔其〕兄譽,〔言〕遂結讐隙。據襄陽來附,仍請王師。乃令謹率衆出 於 下策 日:「蕭氏保據江南、綿 郭,是其下策。」儉曰:「揣釋定出何策?」 ,是其上策; ;青泥谷。 長孫儉問謹曰:「爲蕭繹之計,將欲如何。」謹曰:「耀兵漢、沔,席卷渡 也。」謹乃令中山 且 一繹便而 移郭內居民,退保子城,峻其陴堞,以待援至,是其中策; 無謀, 多疑 公護 歷 少斷。 製紀。 及大將軍楊忠等,率精騎先據江津,斷 愚民 屬中原多故,未遑外略。 難 」謹曰:「必用下策。」儉曰:「彼棄 與慮始,皆戀邑居,旣惡遷移,當保羅 梁主屢遺兵於城南出戰,至三輒爲謹 又以我 其 有齊氏之患, 、走路。 若難於 E 而用 梁人

列

傳

男女十餘萬人,收其府庫珍寶。得宋渾天儀、梁日晷銅表、魏相風鳥、銅蟠螭(跌)〔趺〕、〔景〕 所破。旬有六日,外城遂陷。梁主退保子城。翌日,率其太子以下,面縛出降,尋殺之。 千戶。謹固辭,太祖不許。又令司樂作常山公平梁歌十首,使工人歌之。 其第,宴語極歡。賞謹奴婢一千口,及梁之寶物,幷金石絲竹樂一部,別封新野郡公,邑二 大玉徑四尺圍七尺、及諸轝輦法物以獻,軍無私焉。 立蕭詧爲梁主,振旅而旋。 太祖親至

·識其意,乃曰:「今巨猾未平,公豈得便爾獨善。」遂不受。六官建,拜大司徒。〔llē〕 謹自以久當權勢,位望隆重,功名旣立,願保優閑。乃上先所乘駿馬及所著鎧甲等。

護深憂之,密訪於謹。謹曰:「夙蒙丞相殊騰,情深骨肉。今日之事,必以死爭之。若對衆 兼受顧託,軍國之事,理須歸之。」辭色抗厲,衆皆悚動。護曰:「此是家事,素雖庸昧,何敢 挟荷戈,故得國祚中興,羣生遂性。今上天降禍,奄棄庶寮。嗣子雖幼,而中山公親則猶子, 定策,公必不得辭讓。」明日,羣公會議。謹曰:「昔帝室傾危,人圖問鼎。丞相志在匡救,投 一解。」 謹既太祖等夷,護每申禮敬。 及太祖崩,孝閔帝尚幼,中山公護雖受顧命,而名位素下,羣公各圖執政,莫相率服。 羣公迫於謹,亦再拜,因是衆議始定。 至是,謹乃趨而言曰:「公若統理軍國,謹等便有所

孝閔帝踐阼,進封燕國公,邑萬戶。 遷太傅、大宗伯,與李酮、侯莫陳崇等參議朝政。

及質蘭祥討吐谷渾也,謹遙統其軍,授以方略。

操,而有斯請。朕用恧焉。公若更執謙沖,有司宜斷啓。」 勤王家,自彊不息。今元惡未除,九州不一,將以公爲舟檝,弘濟於艱難,豈容忘二公之雅 保定二年,謹以年老,上表乞骸骨。詔報曰:「昔師尚父年踰九十,召公奭幾將百歲,皆

典,立三老五更,躬自袒割。朕以眇身,處茲南面,何敢遺此黃髮,不加尊敬。太傅、燕國公 治之要,公其誨之。」三老答曰:「木受繩則正,后從諫則聖。自古明王聖主,皆虛心納諫,以 拜。有司設三老席於中楹,南向。太師、晉國公護升階,設几(施)〔於〕席。〔言〕三老升席,南 辭,詔答不許。又賜延年杖。高祖幸太學以食之。三老入門,皇帝迎拜門屛之間,三老答 謹,執德淳固,爲國元老,饋以乞言,朝野所屬。 可爲三老,有司具禮,擇日以聞。」謹上表固 知得失,天下乃安。唯陛下念之。」又曰:「爲國之本,在乎忠信。是以古人云去食去兵,信 面憑几而坐,以師道自居。大司(馬)〔寇〕、楚國公寧升階,〔三〕正鳥。皇帝升階,立於斧扆之 皇帝北面立而訪道。三老乃起立於席後。皇帝曰:「猥當天下重任,自惟不才,不知政 三年四月,詔曰:「樹以元首,主乎敎化,率民孝悌,置之仁壽。是以古先明后,咸若斯 國家興廢,莫不由之。願陛下守而勿失。」又曰:「治國之道,必須有法。法者,國 有司進饌,皇帝跪設醬豆,親自祖割。三老食訖,皇帝又親跪授爵以酳。有司撤

列傳

第七

于

立身之基,言出行隨,誠宜相顧。願陛下三思而言,九慮而行。若不思不慮,必有過失。天 者日止。 之綱紀。 子之過,事無大小,如日月之蝕,莫不知者。願陛下愼之。」三老言畢,皇帝再拜受之,三老 禮成而出。 若有功不賞,有罪不罰,則天下善惡不分,下民無所措其手足矣。」又曰:「言行者 綱紀不可不正,所正在於賞罰。若有功必賞,有罪必罰,則有善者日益,[80] 爲惡

部。 儉監護喪事,賜繒綵千段,栗麥五千斛,GIJ贈本官,加使持節、太師、雍恆等二十州諸軍事 雍州刺史,諡曰文。及葬,王公已下,咸送出郊外。 天和二年,又賜安車一乘。 及晉公護東伐,謹時老病,護以其宿將舊臣,猶請與同行,詢訪戎略。軍還,賜鐘磬一 尋授<u>雍州</u>牧。三年,薨于位,年七十六。<u></u>高祖親臨,詔譙王 配享於太祖廟庭。

凡有軍國之務,多與謹決之。 ,人無間言。 謹 有智謀,善於事上。名位雖重,愈存謙挹。 每教訓諸子,務存靜退。 謹亦竭其智能, 弼諧帝室。 加以年齒遐長,禮遇隆重,子孫繁衍,皆至顯達,當 每朝參往來,不過從兩三騎而已。 故功臣之中,特見委信,始終若 朝廷

寔字寶實,少和厚。 年未弱冠,入<u>太祖幕府,從征潼關及迴洛城</u>。 大統三年,又從復弘

時莫與爲比焉。

子寔嗣。

農,戰沙苑。 十四年,除尚書。 總管。大象二年,加上柱國,拜大左輔。隋開皇元年,薨。贈司空,諡曰安。 獲雜畜萬餘頭。乃除延州刺史。五年,襲爵燕國公,進位柱國,以罪免。尋復本官,除涼州 疋。孝閔帝踐祚,授民部中大夫,進爵延壽郡公,邑二千户。又進位大將軍, 大將軍豆盧寧討之,踰時不剋。又令寔往,遂破之。太祖手書勞問,賜奴婢一百口,馬一百 寔又爲内殿,除通直散騎常侍,轉太子右衞率,加都督。又從太祖戰於邙山。 人爲小司寇。天和二年,延州蒲川賊郝三郎等反,攻逼丹州。遣寔率衆討平之,斬三郎首, 次鐫勒,預以寔爲開府儀同三司。至十五年,方授之。尋除(滑)[渭]州刺史,[閏]特給鼓吹 部,進爵爲公,增邑二百户。魏恭帝二年,羌東念姐率部落反,結連吐谷渾,每爲邊患。遣 侯景來附,遣寔與諸軍援之,平九曲城。進大都督,遷儀同三司, 以前後功,封萬年縣子,邑五百户,授主衣都統。河橋之役,先鋒陷陣。 是歲,太祖與魏太子西巡,寔時從。 太祖刻石於隴山之上, 録功臣位,以 除勳州刺史, 加散騎常侍。 十一年,韶寔 軍還,

賢,儀同三司,尚高祖女。 子顗,大象末,上開府、吴州總管、新野郡公。 顗弟仲文,大將軍、延壽郡公。 仲文弟象

安平郡公。禮弟智,初爲開府,以受宣帝旨,告齊王憲反,遂封齊國公。尋拜柱國、凉州總 寔弟翼,自有傳。翼弟義,上柱國、潼州總管、建平郡公。義弟禮,上大將軍、趙州刺史、

列

傳

第

于

校勘記

弟蘭,上儀同、襄陽縣公。 管、大司空。 智(初)弟紹,任三上開府、綏州刺史、華陽郡公。 蘭弟曠,上儀同,贈恆州 刺 史。 紹弟爾,上儀同、平恩縣公。

高,禮備上庠,功歌司樂,常以滿盈爲戒,覆折是憂。 擬巨川之舟艥,爲大厦之棟梁。 李丽、于謹懷佐時之略,逢啓聖之運,綢繆顧遇,締構艱難,帷幄盡其謨猷,方面宣其庸績, 亂,抗禦仇讐。 史臣曰: 質拔岳變起倉卒,侯莫陳悅意在兼幷,于時將有離心,士無固志。 全師而還,敵人絕覬覦之望,度德而處,霸王建匡合之謀。 非惟攀附成名,抑亦材謀自取。 不有君子,何以能國。 及謹以耆年碩德,譽重 此功 故不細也。 洛撫緝散

校勘記

於平涼以洛爲右都督 及岳爲大行臺, 以洛爲右都督」,這裏「於」 張森楷云:「『於』上當有挽誤,否則於文不屬。」按北史卷五九寇洛傳作 上疑脫「及岳爲大行臺」六字,「爲大行臺於平凉

除武衛將軍 按洛先已爲衞將軍,魏書卷一一三官氏志載太和後職令在第二品,武衞將軍則在

連讀。

丽

從第三品,這裏說是因功遷除,豈有反而降品之理,前後必有一誤。

- 〔□〕遼東襄平人也 北史卷六○李朔傳作「隴西成紀人」。按遼東是本貫,隴西是西魏時所改。見陳
- 寅恪唐代政治史述論稿一二頁。
- 〔四〕六世祖根慕容垂黄門侍郎 北史卷六○李弼傳「根」作「振」,「黄門侍郎」作「黄門郎」。 新唐書 卷七二上宰相世系表也作「根」,官是「中書令」。官爵多假託,且世系表一般每把祖先官爵提高,

無須深究。「根」與「振」未知孰是。又世系表自根至剛只有四世,也不合。

- 租貴醜平州刺史 新唐書卷七二上宰相世系表單稱貴,官爵提高爲征東將軍、汝南公。
- 《〕丈夫生世會須履鋒刃平寇難 「世」原作「死」。諸本和北史卷六〇李弼傳都作「世」,張元濟以
- 爲「死」字誤。脹說是,今逕改。
- 〔4〕(受)〔授〕清水郡守 弼呼其麾下六十騎 局本「受」作「授」,張森楷以爲作「受」誤。按「受」字不合,今從改。 北史卷六〇李弼傳「六十」作「九十」。
- 「逐」大破之」。按卷一文帝紀載這次戰事,作「絕其軍爲二隊,大破之」「隊」當作「逐」,見卷二校記第一 賊遂爲(三)(二)因大破 北史卷六○李弼傳、册府卷四一九四九九六頁都作「賊分爲二,因 册府作
- ○條。通鑑卷一五七四八八五頁作「東魏兵中絕爲二,遂大破之」。這裏「三」當是「二」之訛,今

據改。又「破」下也應有「之」字**。**

列傳第七

校勘

記

- 賜姓徒河氏 也都作「何」。 但隋書卷三九豆盧勣傳却作「徒河」。 諸本和北史卷六〇李弼傳「河」都作「何」。 譯音無定字,今不改。 舊唐書卷五三、新唐書卷八四李密傳
- (二)子(輝)(耀)次子(耀)(輝)尚太祖女義安長公主遂以爲嗣 卷七〇李密傳,唐書卷七二上宰相世系表作「耀」。疑作「曜」「暉」是。 帝紀天和六年五七一年正月,建德元年五七二年四月,卷二五李賢附從子基傳,卷四九異域僚傳 耀,其證二。 基與義成公李暉、常山公于翼等俱爲武衞將軍,分掌禁旅」。 本條既云嗣爵者名耀,下文却又說輝襲爵趙國公,改魏國公。 居長,以次子暉尚文帝女』,與此長幼互異,北史是也。」張以爲北史是,却沒有說明理由。 李曜見舊唐書卷五三、新唐書卷八四李密傳,文苑英華卷九四八魏徵撰李密墓誌銘。 者爲輝。 前後自相矛盾,其證一。卷二五李賢傳附從子基傳稱字文泰「唯託意諸壻,以爲心膂。 這裏長次顚倒,今改正。又「耀」「輝」,北史作「曜」「暉」。按李暉屢見問書卷五武 張森楷云:「北史卷六〇李爾傳 據此,宇文泰的女壻是李輝而非李 趙是弼始封,魏是改封,顯然嗣 只有隋書 稱『子曜 **今**按 丽
- (1三) 日賜錢一千 (北史卷六○李弼傳作「賜錢一千萬」。
- 保定中年加將軍 將軍也。」 按上稱「加驃騎大將軍」,下稱「進位柱國」,這裏「加」下當脫「大」字。 張森楷云:「此『年』字上,『加』字下當有稅文,否則解不相屬, 且不知是何等
- [18] (輝)[耀]既不得爲嗣朝廷以弼功重乃封(輝)[耀]邢國公 兩「輝」字北史卷六〇李弼傳作「曜」。

按北史是,見本卷校記第一一條,今據改,但仍從「光」作「耀」,和前文一致。

- 〔□〕 燉字靈傑 北史卷六○李弼附弟閼傳「靈」作「雲」。
- 賜爵淝城郡男 張森楷云「『郡』字誤,說見賀拔勝傳」見卷一四校記第二七條。 按脹說是, 但不知是

縣男」或「鄉男」,故不改。

- 除幽州刺史 授,疑爲「豳州」之訛 按幽州是東魏地,西魏不聞僑置。 這是實授刺史,不像封爵或贈官可以空名遙
- 四年卒於鎭 个亦 闕疑。」 張森楷云:「此不知是何四年,若蒙上『武成初』,則止二年,無四年也。 北史無文,
- (14) 小名巨彌 北史卷二三于栗磾附六世孫謹傳「彌」作「引」。
- 祖安定平涼郡守高平郡將 云:「郡將非官,當時稱太守爲郡將,不爲典要。 北史本傳、新唐書卷七二下宰相世系表作「高平郡都將」。 北史作高平郡都將,是也。」按郡將不是正式官 張森楷

稱,郡都將也無此官,疑當作「高平鎭都將」。

(三〕及破六汗拔陵首亂北境引茹茹爲援大行臺僕射元纂率衆討之 不到「引茹茹爲援」。 五二三年二月茹茹主阿那瓌犯塞,四月李崇、元纂北征茹茹。這時破落汗拔陵尚未起義,完全談 而起義之後,北魏政權即勾引阿那瓌參加鎭壓起義軍,茹茹可汗援助的是 按魏書卷九肅宗紀,正光四年

列

可不辩。

CIII 正光四年行臺廣陽王元深治兵北伐

避唐諱改 統軍鎭壓起義軍在正光五年五二四年五月,此誤。

按魏書卷九肅宗紀李崇率廣陽王淵深本名淵、北史、周書、齊書

鐵勒酋長也列河 北史本傳、通典卷一五六兵九「乜」都作「也」。下面幾個「乜」字同。

〔三〕 折敷嶺 北史本傳、通典卷一五六兵九「折」作「析」。北史「敷」作「郭」,通典作「敦」。 疑本作

「敦」,周書誤其左爲「敷」,北史誤其右爲「郭」。

〔三〕 部衆皆沒 「沒」,原作「歿」。諸本和北史本傳都作「沒」。二張都以爲「歿」字誤,今逕改。

(三六) 孝昌元年又隨廣陽王征鮮于脩禮軍次白牛邏會章武王爲脩禮所害 魏書卷九肅宗紀,鮮于脩

禮起義在孝昌二年五二六年正月,五月命廣陽王淵率章武王融領兵鎭壓,九月章武王融在白牛 邏 戰死。按鮮于脩禮之起實在孝昌元年五二五年,本紀據奏報而書,所以記在次年。 至於命將

出兵據詔下年月,大致可據。出兵旣在二年,融之戰死當然不會在上年。 這裏「孝昌元年」是

「二年」之誤。又據肅宗紀和魏書卷一九下章武王太洛附孫融傳、北史卷一六廣陽王建附孫深

傳,融死時,義軍領袖已是葛榮。這裏說融「爲修禮所害」,也不確。

(三七) 賀遂有伐 |宋本「伐」作「代」、汲本、局本作「伐」、下有注云:「一作代。」

會有勅追謹爲(關)[閤]內大都督 關中大都督,則于謹卽在其地,何須「勅追」,也不能說「隨孝武西遷」。今參證考定,「關」改作 孝武帝「置閤內都督部曲」。這些都可以證明魏有此官。閤內都督職任禁衞,于謹人在關中,要 他上洛陽赴任,所以本傳說「勅追」。西遷時,于謹人在洛陽,所以下文說「從魏帝西遷」。若是 曾充閤內大都督或閤內都督見問書卷一九、卷二二、卷三〇、卷三三本傳。 魏書卷八〇熊斯椿傳稱椿曾勸 兩條都有錯字,互證知應作「閣 「閣門」。按這時宇文泰方任關西大都督卷一文帝紀,于謹是其部將,豈得爲關內大都督。 或問內大都督」。侯莫陳順、楊寬、寶熾、趙剛在孝武入關前,都 册府卷三四五四〇八六頁「關內」作「門內」,卷三八二四五四四頁 洲府

[1元] 其年夏陽人王遊浪聚據楊氏壁謀逆謹討擒之是歲大軍東伐 年事。且才云「其年」,又稱「是歲」,亦是重複。「其年」下當有脫文,或「其」爲「三」之誤。 |大統三年 五三七年 六月,東伐在這年八月。這裏「其年」乃承上文|大統元年 五三五年,所敍却是三 按卷二文帝紀下于謹取楊氏壁在

層」。

拔虜其卒(叉)(一千)因此拔弘農 之,乃降。獲其戍卒一千。」知宋本「一人」爲「一千」之訛,尙可縱跡。 甚密,後來刻本以「一人」不可解,又誤合作「又」,似是而非。今據文帝紀改。 作「率一人」。按「又」字誤,張說也未是。卷二文帝紀下云:「東魏將高叔禮守柵不下,謹急攻 宋本「又」作「一人」。張元濟以爲「又」字誤,云「卒一人」疑當 而宋本「一人」二字連接

- 擒東魏陝州刺史李(徵)〔徽〕伯 卷一二孝靜紀「徵」都作「徽」。 按魏書卷三六李順附族人李裔傳,稱「裔字徽伯」,在陝州刺史任 卷二文帝紀下,北史本傳、卷五魏本紀下、卷九周本紀上、魏書
- 上,西魏攻陷州城,「被執見害」。隋書卷四六李雄傳稱:「父徽伯,齊當云東魏陝州刺史,陷于周

當云西魏。」歷考諸書,都作「徽伯」、北史卷三三李裔傳作「伯徽」,乃倒誤,今據改。

- 劉平 這裏作「平」,乃雙名單稱。 卷二文帝紀下一大統七年五四一年三月、卷四九稽胡傳、北史卷九六稽胡傳都作「劉平伏」。
- Clied 其兄子岳陽王詧時為雍州刺史以梁元帝殺(其)兄譽 上有「其」字。 按譽是詧之兄,若無「其」字,便像是元帝兄。今據補。 北史本傳、册府卷三五五四二七頁「兄」
- (三四) 六十里 南史卷八梁本紀下作「七十里」。
- 梁主屢遣兵於城南出戰 文也稱「梁主」,知這裏刻誤,今逕改。 「主」原作「王」。 宋本、南本、局本都作「主」。殿本、北本、汲本在下
- 銅蟠螭(跌)〔趺〕 北史本傳「跌」作「趺」。張元濟云:「諸本同誤,當從北史作『趺』。」張說是,今

據改。

拜大司徒 徒也。 北史卷二三本傳正是『寇』字。」按張說是,册府卷三〇九三六四二頁亦云:「後周丁謹初仕 張森楷云:「帝紀卷二文帝紀下作『大司寇』。|李弼爲大司徒,紀傳文同,則謹不得爲司

魏,爲大司寇。」但諸本皆同,今不改。

設几(施)[於]席 都作「於」。 張元濟云:「『設几於席』,乃承上文『有司設三老席於中楹』而言,殿本乃云『設 席」,一似原未有席者,豈非自相牴牾。」按張説是。 諸本和册府卷五五六一六頁、御覽卷五三五二四二八頁、通典卷六七養老條「施」 北史本傳誤作「設席施几」,殿本蓋據北史妄 几施

「売り 卷五 大司(馬) [寇] 楚國公寧 迥爲大司 稱武成初討稽胡,軍還,遷大司寇。 終於大司寇之官。養老乞言, 也很清楚。 司馬」作「大司寇」。 武帝紀保定五年二月陸通爲大司寇,三月書「寧薨」,則陸通卽在寧病爲時代寧, 馬。 據此知這條「大司馬」當從冊府、御覽作「大司寇」。 到天和三年五六八年迥升太保,始以齊王憲爲大司馬。 按卷四明帝紀武成元年五五九年五月書豆盧寧爲大司寇,卷一九豆盧寧傳, 册府卷五五六一六頁、御覽卷五三五二四二八頁、通典卷六七養老條「大 事在保定三年五六三年,而武帝紀於保定二年五六二年六月書尉遲 自這年到保定五年五六五年寧卒前,紀傳都没有説他遷官。 今據改。 保定三年大司馬是尉遲迥, 也可證寧

則有善者日益 北史本傳、御覽五三五二四二八頁、通典卷六七養老條「有」作「爲」,較長。

图1) 粟麥五千斛 北史本傳無「五」字。

列

傳第

七

校

勘

記

尋除(滑)</ri> 刺史 各本「渭」都作「滑」,北史卷二三于栗磾附于寔傳作「渭」。按北周境内無

書 卷 十 五

滑州,渭州在今甘肅省隴西縣境,其地與羌族相接,所以下文説他鎮壓羌族的反抗。作「渭」是,

今據改。

智(初)弟紹 北史本傳無「初」字。按于智見卷七宣帝紀初卽位未改元,卷一二齊汪憲傳,

其他

紀載也從没有「智初」之稱。這裏乃涉及上「禮弟智,初爲開府」句誤衍,今删。

周書卷十六

列傳第八

趙貴 獨孤信 侯莫陳崇

趙貴字元貴,「一天水南安人也。曾祖達,魏庫部尚書、臨晉子。祖仁,以良家子鎭武

川,因家焉。

從質拔岳平關中,賜爵魏平縣伯,邑五百戶。累遷鎭北將軍、光祿大夫、都督。曰 逼。 貴少頴悟,有節槩。魏孝昌中,天下兵起,貴率鄉里避難南遷。屬葛榮陷中山,遂被拘 樂敗,爾朱榮以貴爲別將,從討元顥有功,賜爵燕樂縣子,授伏波將軍、武賁中郎將。

國士之遇,寧可自同衆人乎。」涕泣歔欷。於是從之者五十人。乃詣悅詐降,悅信之。因請 則爲君子,違之則爲小人。朱伯厚、王叔治感意氣微恩,尙能蹈履名節;況吾等荷賀拔公 及岳爲侯莫陳悅所害,將吏奔散,莫有守者。貴謂其黨曰:「吾聞仁義豈有常哉,行之

傳第八 趙貴

收葬岳,言辭慷慨,悅壯而許之。 貴首議迎太祖,語在太祖紀。 太祖至,以貴爲大都督,領府司馬。 **貴乃收岳屍還,與寇洛等糾合其衆,至季平凉,共圖拒** 悦平,以本將軍、持

峯 爲 河而 節,行秦州事、當州大都督。 與東魏 爲大都督,與李弼等率衆討之。進爵爲侯、增邑五百戶。又以預立魏文帝勳,進爵爲公,增 官建,以貴爲太保、大宗伯,改封南陽郡公。孝閔帝踐阼,遷太傅、大冢宰,進封楚國公,邑 復官爵,拜御史中尉,加大將軍。東魏將高岳、慕容紹宗等圍王思政於潁川,貴率軍援之, 沙苑,拜侍中、驃騎大將軍、開府儀同三司,進爵中山郡公,除雍州刺史。從戰河橋,貴與怡 左長史,加散騎常侍。梁命定稱亂河右,以貴爲隴西行臺,率衆討破之。從太祖復弘農,戰 邑通前一千五百戶。尋授岐州刺史。時以軍國多務,藉貴力用,遂不之部。仍領大丞相府]將軍, ⑤ 賜姓乙弗氏。 諸 左軍,戰不利,先還。又從援玉壁,齊神武遁去。高仲密以北豫州降,太祖率師迎之, 魏孝武已西入關。 齊神武舉兵向洛,使其都督韓軌,進據蒲坂。 州兵亦受貴節度。 人戰於邙山。 **貴爲左軍,失律,諸軍因此並潰。坐免官,以驃騎、大都督領本軍。** 拜車騎大將軍、儀同三司、兼右衞將軍。 東魏人遏洧水灌城,軍不得至,思政遂沒。貴乃班師。尋拜柱國 。爲政淸靜,民吏懷之。 茹茹寇廣武,貴擊破之,斬首數千級,收其輜重,振旅而還。六 太祖以貴爲行臺,與梁禦等討之。 時曹泥據靈州拒守,以貴

萬戶。

怏怏,有不平之色,乃與信謀殺護。 初 ,貴與獨孤信等皆與太祖等夷,及孝閔帝卽位,晉公護攝政,貴自以元勳佐命,每懷 及期,貴欲發,信止之。 尋爲開府宇文盛所告,被誅。

魏俱起。 有節義,北州咸敬服之。 獨孤信,雲中人也,本名如願。 祖俟尼,和平中,以良家子自雲中鎭武川,因家焉。父庫者,爲領民酋長,少雄豪 魏氏之初,有三十六部,其先伏留屯者,爲部落大人,與

地中山,爲葛榮所獲。信旣少年,好自修飾,服章有殊於衆,軍中號爲獨孤郎。 信美容儀,善騎射。 正光末,與質拔度等同斬衛可孤,至 由是知名。 以北邊喪亂,避

拜員外散騎侍郎。 及爾朱氏破葛榮,以信爲別將。從征韓婁,信疋馬挑戰,擒賊漁陽王袁肆周,云以功 尋轉驍騎將軍,因鎭<u>溪口</u>。 元顥入洛,榮以信爲前驅,與顯黨戰於河北,

破之。拜安南將軍,賜爵爰德縣侯。〔刊〕

部, 皆有聲績。 建明初,出爲荆州新野鎭將,帶新野郡守。 質拔勝出鎭荆州,乃表信爲大都督。從勝攻梁下溠戍,破之,遷武衞將軍。 專**遷**荆州防城大都督,帶南鄉守。 頻典二

列

相友善,相見甚歡。 及勝弟岳爲侯莫陳悅所害,勝乃令信入關,撫岳餘衆。屬太祖已統岳兵,信與太祖鄕里,少 因令信入洛請事,至雍州,大使元毗又遺信還荆州。 尋徵信入朝,魏孝

來從我。世亂識貞良,豈虛言哉。」卽賜信御馬一疋,進爵浮陽郡公,邑一千戶。 及孝武西遷,事起倉卒,信單騎及之於瀍澗。孝武歎曰:「武衞遂能辭父母,捐妻子,遠

武雅相委任

語在忠傳。於是三荆遂定。就拜車騎大將軍、儀同三司。 臨陣喩之,莫不解體。因而縱兵擊之,纂大敗,奔城趨門,未及闔,信都督楊忠等前驅斬纂。 奮擊,八能敗而齊民亦潰。信乘勝襲荆州。東魏刺史辛纂勒兵出戰。士庶旣懷信遺惠,信 卒不滿千人,而首尾受敵。若却擊齊民,則敵人謂爲退走,必來要截。 <u>蠻左之衆,拒信於淅陽;又遣其都督張齊民,以步騎三千出信之後。</u>信謂其衆曰:「今我士 僕射、東南道行臺、大都督、荆州刺史以招懷之。信至武陶,東魏遣其弘農郡守田八能,率 時荆州雖陷東魏,民心猶戀本朝。乃以信爲衞大將軍、都督三荆州諸軍事,兼尚書右 未若先破八能。」遂

武帝方始許信還北。信父母旣在山東,梁武帝問信所往,信答以事君無二。梁武帝深義之, 東魏又遣其將高敖曹、侯景等率衆奄至。信以衆寡不敵,遂率麾下奔梁。居三載,梁

禮送甚厚。

情存 刑書。 不可, 軍,加侍中、開府,其使持節、儀同三司、浮陽郡公悉如故。」 請赦罪,復其舊職」。。魏文帝詔曰:「如願荆、襄之役,寔展功効。旣屬強寇,力屈道窮,歸賊 淪沒,責成之義,朝寄有違。 然孤軍數千,後援未接,賊衆我寡,難以自固。 旣經恩降 願,任當推轂,遠襲襄、宛,斬賊帥主纂,傳首京師,論功語効,寔合嘉賞。 但庸績不終,旋致 |王(王言) [玄]等議,<
以爲「邊將董戎,龔行天罰,喪師敗績,國刑無捨。 謙退,款心謝責。 寧容議及恩降,止云免咎,斯則事失權宜,理乖通變。 可轉驃騎大將 大統三年秋,至長安。自以虧損國威,上書謝罪。魏文帝付尚書議之,七兵尚書、陳郡 還朝路絕,適事求宜,未足稱過。達難如吳,岳訓誠貫夷險,義全終始,良可嘉歎。 昔秦宥孟明,漢捨廣利,卒能改過立功,垂芳竹帛。以今方古,抑有成規。臣等參議 荆州刺史獨孤如 理絕 復

月。 州,太祖令信與李弼 陳留之地,並相繼款附。 屬,始得父凶問,乃發喪行服。尋起爲大都督,率衆與馮翊王元季海入洛陽。潁、豫、襄、廣、 及太祖 尋拜領軍。 至瀍東,景等退走。 仍從太祖復弘農,破沙苑。 出武關。 四年,東魏將侯景等率衆圍洛陽。 景退,以信爲大使,慰撫 信與李遠爲右軍,戰不利,東魏遂有洛陽。 改封河內郡公,增邑二千戶。時俘虜中有信親 三荆 信據金墉城,隨方拒守,旬有餘 六年,侯景寇荆

尋除隴 右十 州大都督、[10]秦州刺史。先是,守宰闍弱,政令乖方,民有寃訟,歷年不能

斷決。 弔信。 第二子善封魏寧縣公,第三子穆文侯縣侯,自第四子藏義寧縣侯,邑各一千戶,第五子順 降。 有自 項城縣伯,自即第六子陁建忠縣伯,邑各五百戶。 四年,進位柱國大將軍。 其民六千戶,送于長安。 嬰城固守,信夜令諸將以衝梯攻其東北,信親帥壯士襲其西南,值明剋之。〔三〕擒仲和,虜 諸軍因此得全。十二年,涼州刺史宇文仲和據州不受代,太祖令信率開府恰峯討之。 力拒守,信因詭道趨稠松嶺。〔三〕賊不虞信兵之至,望風奔潰。乘勝逐北,徑至城下,賊竝出 東魏來者,又告其母凶問,信發喪行服。 加授太子太保。 十六年,大軍 及信在州,事無壅滯。 太祖以其信著遐邇,故賜名爲信。 信陳哀苦,請終禮制,又不許。 ·東討,信率隴右數萬人從軍,至崤坂而還。 邙山之戰,大軍不利。 錄剋下溠、守洛陽、破岷州、平凉州等功,增封,聽回授諸子。 拜大司馬。十三年,大軍東討。時以| 茹茹爲寇,令信移鎭河陽。十 而命定子弟,仍收其餘衆。 示以禮教,勸以耕桑,數年之中,公私富實。 流民願附者數 於是追贈信父庫者司空公,追封信母費連氏常山 七年,岷州刺史、赤水蕃王梁仚定舉兵反,韶信討 信與于謹收散卒自後擊之,齊神武追騎驚擾, 屬魏太子與(世)[太]祖巡北邊,口三因至河陽 信在隴右歲久,啓求還朝,太祖 信乃勒兵向萬年,頓三交口。 遷尙書令。 六官建, 拜大司 不許。 賊併 仲和 於是 或

馬。

孝閔帝踐阼,遷太保、大宗伯,進封衞國公,邑萬戶。

趙貴誅後,信以同謀坐免。 居無幾,晉公護又欲殺之,以其名望素重,不欲顯其罪,逼

令自盡於家。時年五十五。

旣爲百姓所懷,聲振鄰國。 詰旦,而吏民有戴帽者,咸慕信而側帽焉。 文氏,仍云無關西之憂,欲以威梁人也。 又信在秦州,嘗因獵日暮,馳馬入城,其帽微側。 信風度弘雅,有奇謀大略。 東魏將侯景之南奔梁也,魏收爲檄梁文,矯稱信據隴右不從宇 太祖初啓霸業,唯有關中之地,以隴右形勝,故委信鎭之。 其爲鄰境及士庶所重如此。

象元年,除楚安郡守,授儀同大將軍。 子羅,先在東魏,乃以次子善爲嗣。及齊平,羅至。善卒,又以羅爲嗣。 羅字羅仁。

討,以功授上開府。 舋,久廢於家。 柱國、定趙恆滄瀛五州諸軍事 驃騎大將軍、開府儀同三司,加侍中,進爵長安郡公。[12]孝閔帝踐阼,除河州刺史。 善(子)[字]伏陁,[云幼聰慧,善騎射,以父勳,封魏寧縣公。 魏廢帝元年,又以父勳,授 保定三年,乃授龍州刺史。天和六年,襲爵河內郡公,邑二千戶。 尋除|兗州刺史,政存簡惠,百姓安之。卒於位,年三十八。贈使持節、 、定州刺史。 從高祖東 以父負

信長女,周明敬后;第四女,元貞皇后;第七女,隋文獻后。 周隋及皇家,三代皆爲外

戚,自古以來,未之有也。

緯義經仁,事深於拯濟。 諡日 父庫者使持節、太尉、上柱國、定恆滄瀛平 燕六州諸軍事、定州刺史,封趙國公,邑一萬戶。 相滄瀛趙恆洺具十州諸軍事、[15]冀州刺史,[封]趙國公,[15]邑一萬戶。 切于心。 國、河內郡開國公信,風字高曠,獨秀生人,睿哲居宗,淸猷映世。 隋文帝踐極,乃下詔曰:「褒德累行,往代通規; 今景運初開,椒闈肅建。 信母費連氏,贈太尉恭公夫人。 方當宣風廊廟,亮采台階,而世屬艱危, 載懷塗山之義,無忘褒紀之典。 追遠愼終,前王盛典。 功高弗賞。 宏謨長策,道著於飛諧; 可贈太師、上柱國、冀定 諡曰景。」追贈信 眷言令範,事 故使持節、柱

後,世爲渠帥。 侯莫陳崇字尚樂,代郡武川人。其先,魏之別部,居庫斛眞水。五世祖曰太骨都侯。其 祖允,至以良家子鎭武川,因家焉。 父興,殿中將軍 、羽林監

杲,平之。 崇少驍勇,善馳射,謹慤少言。 以功除建威將軍。 別從岳破元顥於洛陽。 年十五,隨賀拔岳與爾朱榮征葛榮。 遷直寢。 又從元天穆討邢

從岳力戰破之,乘勝逐北,解岐州圍。 後從岳 入關 破破 赤水蜀。 時万俟醜 又赴百里細川,破賊帥侯伏侯元進栅。 奴圍 一岐州,遣其將李。 尉遲菩薩將兵向武功。行三崇 醜奴率其餘

寶劍金帶賞崇。 於是大呼,衆悉披靡,莫敢當之。 衆奔高平,崇與輕騎逐北,至涇州長坑及之。賊未成列,崇單騎入賊中,於馬上生擒醜奴。 除安北將軍、太中大夫、都督,封臨涇縣侯,邑八百戶 後騎益集,賊徒因悉逃散,遂大破之。 岳以醜奴所乘馬及

以崇行原州事。 崇即入據城門。 祖遣崇襲歸。 及岳爲侯莫陳悅所害,崇與諸將同謀迎太祖。 一學潛軍夜往,輕將七騎,直到城下,餘衆皆伏於近路。 仍從平悅,轉征西將軍。 時李遠兄弟在城內,先知崇來,於是中外鼓噪,伏兵悉起,遂擒歸,斬之。 又遣崇慰撫秦州,別封廣武縣伯,邑七百戶 太祖至軍,原州刺史史歸猶爲悅守。 歸見騎少,遂不設備。

驃騎大將軍、開府儀同三司,改封彭城郡公,邑三千戶。三年,從擒竇泰,復弘農,破沙苑, 六官建,拜大司空。 增邑二千戶。 兼太子詹事。 大統元年,除涇州刺史,加散騎常侍、大都督,進爵爲公,累遷車騎大將軍、儀同三司、 十五年,進位柱國大將軍,轉少傅。魏恭帝元年,出爲寧州 四年,從戰河橋,崇功居多。七年,稽胡反,崇率衆討平之。 孝閔帝踐阼,進封梁國公,邑萬戶,加太保。 歷大宗伯、大司 刺史,遷尙 尋除雍 州 刺史,

聞 卜筮者言,晉公今年不利。 保定三年,至三崇從高祖幸原州,高祖夜還京師,竊怪其故。 高 祖 召諸 公卿於大德殿,責崇。 車駕今忽夜還,不過是晉公死耳。」於是衆皆傳之。 崇惶恐謝罪。 其夜,護遣使將兵就崇宅,逼令自殺。 崇謂 所親 人常昇曰:「吾昔 或有發其

卷 十六

禮葬如常儀。 諡曰躁。 護誅後,改諡曰莊閔。

從平鄴,拜大司馬。

子芮嗣。 拜大將軍,進位柱國。 從高祖東伐,率衆守太行道。 幷州平,授上柱國。 仍

管。 州總管、六州諸軍事、金州刺史。 男,邑三百戶。從魏孝武入關,爲太祖直盪都督。 防諸軍 同三司。 子右衞率,進爵爲侯。 四年,從高祖東伐,爲後二軍總管。 崇弟瓊,字世樂。年八歲喪父,養母至孝,善事諸兄,內外莫不敬之。以軍功封靈丘縣 孝閔帝踐阼,進爵武安縣公,增邑幷前二千戶。 荆州刺史。 從獨孤信征梁仚定。 專進位柱國,進臂同昌郡公。[ie]建德二年,拜大宗伯,出爲<u>秦州總</u> 保定元年,拜大將軍。 專改封武威郡公。[言] 大象二年,加上柱國 累遷北秦州刺史。十四年,拜車騎大將軍、儀 大統二年,三三遷尙藥典御。 天和四年,轉荆州總管、十四州八 出爲郢州刺史。武成二年,遷金 三年,拜太

宮侍書。 進授都督。 瓊弟凱,字敬樂。 從太祖擒竇泰,破沙苑陣,以功拜寧遠將軍。 十四年,兄崇以平原州功,賜爵靈武縣侯,詔聽轉授凱。 性剛正,頗好經史。 隨兄崇,以軍功賜爵下蔡縣男。 累遷羽林監、東宮洗馬、太子庶子, 累遷東宮武衞率、尙書 大統元年,爲東 列傳第八 侯莫陳崇

績。 州刺史。 中大夫, 右丞,轉左丞,進位車騎大將軍、儀同三司。 天和 進位開府儀同三司,轉司憲中大夫,進臂爲公,復除 中,入爲司會中大夫。 武成二年,入爲禮部中大夫。 建德二年,爲 保定中,復爲陵州刺史,轉丹州刺 六官建,授司門下大夫。 聘齊使主。 工部中大夫。 孝閔帝踐阼,拜工部 史。 世宗初,出 所在 |頗有 爲 宜 政

獨孤 戴光武。 識 輕騎啓高平之扉,疋馬得長坑之捷。〔云〕並以宏材遠略,附鳳攀龍,績著元勳,位居上衮。 大謀,爰啓聖明,克復讐恥。 慙明悊,咸以凶終,惜哉! 信 史臣曰: 威申南服,化洽西州。 終而白水復禹,中陽纂堯。 蕭何文吏自愛,懼秦法誅戮,乃推奉漢高; 信雖不免其身,慶延于後。 關中全百二之險,「云」周室定三分之業,彼此 信著遐方,光照隣國。 方策以爲美談,功臣仰其徽烈。 侯莫陳崇以勇悍之氣,當戰爭之利,[17] 三代外戚,何其盛歟 李通家傳讖術,知劉氏當興,遂翊 趙貴 志懷忠義,首倡 時,足爲 連類。 而

初,魏孝莊帝以爾朱榮有翊戴之功,拜榮柱國大將軍,位在丞相上。 樂敗後,此官遂

此職。 懿戚,從容禁闈而已。此外六人,各督二大將軍,分掌禁旅,當爪牙禦侮之寄。 大統三年,魏文帝復以太祖建中興之業,始命爲之。其後功參佐命,望實俱重者,亦居 自大統十六年以前,任者凡有八人。 太祖位總百揆,督中外軍。 魏廣陵王欣,元氏 當時榮盛,

莫與爲比。故今之稱門閥者,咸推八柱國家云。今幷十二大將軍錄之於左。

使持節、太尉、柱國大將軍、大都督、尚書左僕射、隴右行臺、少師、隴西郡開國公李虎,

使持節、太保、柱國大將軍、大都督、大宗伯、趙郡開國公李弼, 使持節、太傅、柱國大將軍、大宗伯、大司徒、廣陵王元欣,曰己

使持節、柱國大將軍、大都督、大司寇、南陽郡開國公趙貴, 使持節、柱國大將軍、大都督、大司馬、河內郡開國公獨孤信,

使持節、柱國大將軍、大都督、少傅、彭城郡開國公侯莫陳崇。 使持節、柱國大將軍、大都督、大司空、常山郡開國公于謹,

使持節、大將軍、大都督、少保、廣平王元贊, 右與太祖爲八柱國。 後並改封,此並太祖時爵

使持節、大將軍、大都督、淮[安]王元育,[6]

使持節、大將軍、大都督、齊王元廓,

使持節、大將軍、大都督、秦七州諸軍事、「三〕秦州刺史、章武郡開國公宇文導,

使持節、大將軍、大都督、平原郡開國公侯莫陳順,

使持節、大將軍、大都督、雍七州諸軍事、雍州刺史、高陽郡開國公達奚武,

使持節、大將軍、大都督、陽平公李遠,

使持節、大將軍、大都督、范陽郡開國公豆盧寧,

使持節、大將軍、大都督、化政郡開國公宇文貴,

使持節、大將軍、大都督、荆州諸軍事、荆州刺史、博陵郡開國公賀蘭祥,

使持節、大將軍、大都督、陳留郡開國公楊忠,

使持節、大將軍、大都督、岐州諸軍事、岐州刺史、武威郡開國公王雄。

河南,並不在領兵之限。 六年以前,十二大將軍外,念賢及王思政亦作大將軍。 右十二大將軍,又各統開府二人。 此後功臣,位至柱國及大將軍者衆矣,咸是散秩,無所統 每一開府領一軍兵,是爲二十四軍。 然賢作牧隴右,思政出 自大統十 鎭

御。 六柱國、十二大將軍之後,有以位次嗣掌其事者,而德望素在諸公之下,不得

預於此列。

校勘記

- [] 元貴 殿本考證云:「北史 卷五九趙貴傳 作元寶。」
- (二) 累遷鎭北將軍光祿大夫都督 北史本傳、册府卷三〇九三六四三頁、卷八〇四九五五一頁「都督」上

貴。 周書諸將傳中「大都督」有時省「大」字,不一定是脫文,以後只是版本有異同或加不加「大」 有「大」字。按卷一文帝紀上魏永熙三年正月稱「都督趙貴」,二月,賀拔岳被殺,即稱大都督趙

字於史事有關的,才出校記。

」貴乃收岳屍還與寇洛等糾合其衆 北史本傳、册府卷八〇四九五五一頁「還」下有「營」字。 册府

此條採周書而稍刪簡,疑周書本有「營」字。宋本「其衆」作「之衆」,册府作「餘衆」。「之」字雖誤,

知此字舊本模糊,作「其」作「餘」都以意補,未知孰是。

尋拜柱國C大J將軍 局本「柱國」下有「大」字,蓋據、北史卷五九趙貴傳補。按柱國將軍無此官,

今據局本補。

一〕正光末與賀拔度等同斬衞可孤 「正」原作「聖」。張森楷云:「『聖』當作『正』,『度』下當更有一

『拔』字。」按正光是魏孝明帝年號,張說是,今逕改。賀拔度拔事見卷一四賀拔勝傳。這裏是雙

名單稱,不是脫文。

CKJ袁肆周 北史卷六一獨孤信傳作「表賜周」。

- [七]賜爵爰德縣侯 北史本傳「爰」作「受」。
- 八] 陳郡王(王言)[玄〕等 殿本考證云:「北史卷六一獨孤信傳作『陳郡王」玄等』爲是。」按卷三八元偉傳 末載元魏宗室有「七兵尚書陳郡王元玄」。考證說是。今據改。
- [九] 違難如吳 諸本「如」都作「勾」,疑作「勾」是。
- [10] 轉除隴右十州大都督 北史本傳、洲府卷三〇九三六四四頁、卷三四五四〇八七頁都作「十一州」。
- (二) 稠松嶺 諸本「稠」都作「綢」,殿本當據北史卷六一獨孤信傳改。
- (二) 值明剋之 四九三七頁又作「遲」。疑本作「遲」,音近訛爲「値」,形似誤作「達」。 北史本傳、册府卷三六九四三八四頁「値」作「達」。通典卷一五三兵六,通鑑卷一五九
- (三) 文侯縣侯 安縣侯」。 考北齊書卷一七斛律金附子光傳稱光曾攻取周「文侯鎭」,其地可能曾置縣。 殿本考證云:「北史卷六一獨孤信傳作『必要縣侯』。」按册府卷一三〇一五六五頁作「必
- (三) 項城縣伯 北史本傳作「武成縣侯」、册府卷一三〇一五六五頁作「武城縣伯」。
- [三]屬魏太子與(世)[太]祖巡北邊 按卷二文帝紀下大統十四年五四八年五月稱:[太祖奉]魏太子巡 撫西境」,這次由安定至原州,歷北長城而返,也可說北巡。這裏「世」字是「太」之誤,今據改。
- 善(子)[字]伏陁 封魏寧縣公者即是善自己,「子」字誤,今據改。 局本和北史本傳「子」作「字」。按下云:「以父勳封魏寧縣公」,據上文以父勳

- [1七] 進爵長安郡公 北史本傳作「長城郡公」。
- 冀定相滄瀛趙恆洛貝十州諸軍事 按這裏只有九州、脫一州。
- [1元] [封]趙國公 宋本、南本、局本和、北史本傳「趙」上都有「封」字,今據補。
- □□□ 祖允 北史卷六○侯莫陳崇傳「允」作「元」。
- [三] 遣其將李尉遲菩薩將兵向武功 殿本考證云:「『李』字下有脫字。」按万俟醜奴部下未見李姓將

領,「李」字恐是衍文。

- [[三] 保定三年 「三」原作「二」。諸本和、北史本傳都作「三」。張元濟云:「按下文云其夜護逼崇自殺。 查崇死在保定三年,見紀五卷五武帝紀。」按張說是,今逕改。
- 大統二年 「二」原作「三」。諸本都作「二」。張元濟以爲「三」字誤。云「下文有三年」。按張說

是,今逕改。

- (三) 同昌郡公 書卷二九地理志上同昌郡同昌縣條云「西魏置」。又尚安縣條云:「大業初,置同昌郡。」在西魏、 北周時同昌是縣不是郡。周昌郡雖無可考,但屢見武帝紀,疑是。 周書卷五武帝紀建德二年五七三年五月、三年九月、四年七月都作「周昌公」。按隋
- 尋改封武威郡公 五八〇年六月見「脩武公侯莫陳瓊」,疑作「脩武」是。 北史卷六〇侯莫陳崇附兄順傳稱瓊「封脩武郡公」。按卷八靜帝紀大象二年

- [日代]關中全百二之險「百二」原倒作「二百」,諸本都作「百二」,今逕乙。
- [14] 當戰爭之利 、北央卷六〇傳論「利」作「秋」。按作「利」亦可通,而「秋」較長。
- (三代) 疋馬得長坑之捷 宋本作「疋馬得長捷之後」。 張元濟云:「北史卷六〇傳論作『迮馬得長坑之
- 俊』。」按宋本「後」字當爲「俊」之誤。疑這裏本有訛字。諸本這句文從字順,未必原文如此。
- Clf.)大宗伯大司徒廣陵王元欣 北史卷六〇傳末「大宗伯」作「大宗師」。 按元成是宗室,疑作「大宗
- (三0) 淮(安)王元育 「臨淮王」,但卷一六三五〇五九頁胡注却作「淮王」,知胡氏所見周書已脫「安」字。雖通鑑亦當有 據,然此處作「淮安」是。參卷二校記第二一條。 末附元氏宗室都作「淮安王元育」北史卷五魏本紀五,廢帝三年同。今據補。通鑑卷一六五五一一〇頁作 北史卷六〇傳末「淮」下有「安」字。按卷二文帝紀魏廢帝三年、卷三八元偉傳
- ○□ 大都督秦七州諸軍事 題附子遵傳作「秦南等十五州諸軍事」。 北史殿本卷六〇傳末「秦七州諸軍事」作「北州諸軍事」。卷一〇邵惠公

周書卷十七

列傳第九

梁禦 若干惠 怡峯 劉亮 王德

梁禦字善通,其先安定人也。 後因官北邊,遂家於武川,改姓爲紇豆陵氏。 高祖俟力

提,從魏太祖征討,位至揚武將軍、定陽侯。

將軍、都將。 **禦少好學,進趨詳雅。及長,更好弓馬。爾朱天光西討,知禦有志略,引爲左右,授宣威** 共平關右,除鎭西將軍、東益州刺史、[]第一領民酋長,封白水縣伯, [] 邑|

後從賀拔岳鎭長安。 轉征西將軍、金紫光祿大夫。 及岳被害,禦與諸將同謀翊戴太祖。

軍。 其意,以禦爲大都督、雍州刺史, 太祖 既平秦隴,方欲引兵東下,雍州刺史賈顯持兩端,〔三〕通使於齊神武。 領前軍先行。 旣與顯相見,因說顯 曰:「魏室陵遲,天下 太祖微知

從征侯莫陳悅,遷武衞將

二七九

列傳

第

九

梁禦

若干惠

車騎大將軍、儀同三司。

鼎沸。 洛。公不於此時建立功効,乃懷猶豫,恐禍不旋踵矣。」顯即出迎太祖,禦遂入鎭雍州。 高歡志在凶逆, 梟夷非遠。 宇文夏州英姿不世,算略無方,方欲扶危定傾,匡復京

令、雍州刺史,諡曰武昭。 舉大綱而已,民庶稱焉。四年,薨於州。臨終唯以國步未康爲恨,言不及家。贈太尉、尚書 破沙苑,加侍中、開府儀同三司,進爵廣平郡公,增邑一千五百戶。出爲東雍州刺史。爲政 大統元年,轉右衞將軍,進爵信都縣公,邑一千戶。 尋授尚書右僕射。從太祖復弘農,

位上柱國。 總管,加授柱國。 子睿襲爵。天和中,拜開府儀同三司。以禦佐命有功,回進蔣國公。大象末,除益州 睿將之任,而<u></u>王謙舉兵,拒不受代。[三] 仍韶|睿爲行軍元帥,討謙,破之。進

若干惠字惠保,代郡武川人也。其先與魏氏俱起,以國爲姓。父樹利周,從魏廣陽王

深征葛榮,戰沒,贈冀州刺史。

惠年弱冠,從爾朱榮征伐,定河北,破元顥,以功拜中堅將軍。 復以別將從賀拔岳西

遠將軍、都督、直寢、征西將軍、金紫光祿大夫。及岳爲侯莫陳悅所害,惠與寇洛、趙貴等同 征,解岐州圍,擒万俟醜奴,平水洛,定隴右,每力戰有功。 封北平縣男,邑二百戶。 累遷鎮

謀翊戴太祖。仍從平悅,拜直閤將軍。

苑,惠每先登陷陣。加侍中、開府,進爵長樂郡公,增邑通前二千二百戶。四年,魏文帝東 巡洛陽,與齊神武戰於河橋,惠力戰破之,大收降卒。七年,遷中領軍。 持節、驃騎將軍。 魏孝武西遷,除右衞將軍、大都督,進爵魏昌縣伯,邑五百戶。 出爲北華州刺史,加使 大統初,拜儀同三司,進爵爲公,增邑五百戶。從擒竇泰,復弘農,破沙

徙輜 武兵乃萃於左軍,軍將趙貴等與戰不利,諸軍因之並退。時會日暮,齊神武兵屢來攻惠,惠 逼。 擊之,皆披靡。 長安死,此中死,異乎?」乃建旗鳴角,收諸敗軍而還。 及高 重於纏曲,夜勒兵襲之。及戰,惠爲右軍,與中軍大破之,逐北數里,虜其步卒。 尋 至弘農,見太祖,陳賊形勢,恨其垂成之功,覆於一簣,於是歔欷不能自勝。太祖壯之。 拜秦州 仲密舉北豫州來附,太祖帥師迎之。軍至洛陽,齊神武於邙山將以邀我,太祖乃 刺史,未及之部,遷司空。[云]惠性剛質,有勇力,容貌魁岸。 至夜中,齊神武騎復來追惠,惠徐乃下馬,顧命厨人營食。食訖,謂左右曰: 齊神武追騎憚惠,疑有伏兵,不敢 善於 撫御,將士

列

莫不懷恩,人思効節。

十二年,東魏將侯景侵襄州,惠率兵擊走之。

明年,景請內附,朝議

欲收輯河南,令惠以本官鎭魯陽,以爲聲援。遇疾,薨於軍。

涕者久之。惠喪至,又臨撫焉。 曰:「親老矣,何時辨此乎?」太祖聞之,卽日徙堂於惠宅。其見重如此。及薨,太祖爲之流 惠於諸將年最少。早喪父,事母以孝聞。 贈本官,加秦州刺史,諡曰武烈。子鳳嗣 太祖嘗造射堂新成,與諸將宴射。 惠竊歎

保定四年,追錄佐命之功,封鳳徐國公,增邑幷前五千戶。建德二年,拜柱國。 騎大將軍、開府儀同三司。魏恭帝三年,除左宮伯。 鳳字達摩,少沉深,有識度。大統末,襲父爵長樂郡公,尙太祖女。 尋出爲洛州刺史。 魏廢帝二年,授驃 徵拜大馭中大夫。

戶歸朝,拜羽眞,賜爵長虵公。 怡峯字景阜,遼西人也。本姓默台,因避難改焉。 曾祖文,冀州刺史。 高祖寬,燕遼西郡守。 魏道武時,率

祖。 給事中、明威將軍、轉征虜將軍、都督,賜爵蒲陰縣男。 進爵爲伯。 **峯少從征役,以驍勇聞。** 時原州刺史史歸猶爲侯莫陳悅守,太祖令峯與侯莫陳崇討擒之。 永安中,假龍驤將軍,爲都將,從賀拔岳討万俟醜奴,以功授 及岳被害,峯與趙貴等同謀翊戴太

及齊神武與魏孝武帝構隊,帝頻勑太祖簡銳卒入衞京邑。 太祖乃令峯與都督趙貴等

先 伏,從解玉壁圍,平栢谷塢, 並有功。 史。 |祥率步騎萬餘攻潁川,|峯復以輕騎五百邀擊之,自是威名轉盛。 加授開府儀同三司。 仍與元季海、獨孤信復洛陽。〔六〕峯率奇兵至成阜,入其郛,收其戶口而還。 於小關。[2] 還,拜散騎常侍、車騎大將軍、儀同三司。又從復弘農,破沙苑,進爵樂陵郡公。 率輕騎赴洛陽。 魏圍潁川 圍洛陽,峯與季海守金墉。 還,太祖因此班師。 尋轉大都督。 ,峯與趙貴赴援。 至潼關,值魏孝武西遷,峯即從太祖拔回洛,復潼關。 討曹泥有功,進爵華陽縣公,邑一千戶。大統(三)[三]年,從太祖破竇泰 詔原其罪。 太祖至,圍解,即與東魏戰於河橋。 至南陽,遇疾卒,時年五十。 拜東西北三夏州諸軍事、夏州刺史。 凉州 刺史字文仲和反,峯與于謹討之。「五十五年,東 時峯爲左軍,不利,與李遠 拜安東將軍、華州刺 後與于謹討劉平 東魏遣行臺任 東魏

府儀同三司,進爵龍河縣公。 爵安平縣侯,起家員外散騎常侍,累遷司土中大夫、左武伯,出爲汾、涇、豳三州刺史,加開 子昂嗣。 峯 沉毅有膽略,得士卒心,當時號爲驍將。 官至開府儀同三司。 光弟春,少知名,歷官吏部下大夫、儀同三司。 朝廷追錄峯功,封昂鄭國公。[10] 昂弟光,少以峯勳,賜 太祖嗟悼者久之。 贈華州刺史、諡曰襄威。

魏大統中,以亮著勳,追贈車騎大將軍、儀同三司、恆州刺史。 劉亮中山人也,本名道德。 祖祐連,魏蔚州刺史。父持眞、二〕鎭遠將軍、領民酋長。

圍,擊侯伏侯元進、万俟道洛、万俟醜奴、宿勤明達及諸賊,自己亮常先鋒陷陣。以功拜大都 督,封廣興縣子,邑五百戶、 亮少倜儻,有從橫計略,姿貌魁傑,見者憚之。普泰初,以都督從賀拔岳西征,解岐州

見亮至,衆皆駭愕,莫知所爲。亮乃麾兵斬定見,縣首,號令賊黨。仍遙指城外纛,命二騎 兵猶遠,未爲之備。原乃將二十騎,先竪纛於近城高嶺,即馳入城中。定見方置酒高會,卒 秦、靈等諸州悉與定兒相應,衆至數萬,推定兒爲主,以拒義師。太祖令亮襲之。定兒以義 曰:「出追大軍。」賊黨忷懼,一時降服。於是諸州羣賊,皆卽歸款。 侯莫陳悅害岳,亮與諸將謀迎太祖。悅平,悅之黨幽州刺史孫定兒仍據州不下,涇、

職,居喪毀瘠。太祖嗟其至性,每愛惜之。俄起復本官。 遷,以迎駕功,除使持節、右光祿大夫、左大都督、南秦州刺史。大統元年,以復潼關功,進 之役,亮並力戰有功。遷開府儀同三司、大都督,進爵長廣郡公,邑通前二千戶。以母憂去 位車騎大將軍、儀同三司,改封饒陽縣伯,邑五百戶。尋加侍中。從擒竇泰,復弘農及沙苑 及太祖置十二軍,簡諸將以將之,亮領一軍。每征討,常與怡峯俱爲騎將。魏孝武西

職三歲,卒於州,時年四十。喪還京師,太祖親臨之,泣而謂人曰:「股肱喪矣,腹心何寄」」 之孔明也。」乃賜名亮,幷賜姓侯莫陳氏。十年,出爲東雍州刺史。爲政淸淨,百姓安之。在 亮以勇敢見知,爲時名將,兼屢陳謀策,多合機宜。太祖乃謂之曰:「卿文武兼資,即孤

邑五千戶。昶弟靖,江三天水郡守。靖弟恭,開府儀同三司、饒陽縣伯。 司、褒中侯。 子昶,尙太祖女西河長公主。大象中,位至柱國、秦靈二州總管。 恭弟幹,上儀同三 以亮功,封彭國公,

令鴻臚卿監護喪事。 追贈太尉,諡曰襄,配享太祖廟庭。

分,良吏無以過也。 寇洛等定議郊戴太祖。 俟醜奴,平之。 爾朱榮討元顥,攻河內,應募先登。以功除討夷將軍,進爵內官縣子。[18]又從賀拔岳討万 王德字天恩,代郡武川人也。少善騎射,雖不經師訓,而以孝悌見稱。 別封深澤縣男,邑二百戶,加龍驤將軍、中散大夫。及侯莫陳悅害岳,德與 涇州所部五郡、三三而德常爲最。 加征西將軍、金紫光祿大夫、平涼郡守。 德雖不知書,至於斷決處 魏永安二年,從

及魏孝武西遷,以奉迎功,進封下博縣伯,邑五百戶,行東雍州事。 在州未幾,百姓懷

鎭諸軍事。 府、侍中,進爵河間郡公,增邑通前二千七百戶。先是河、渭間種羌屢叛,以德有威名,爲夷 民所附,除河州刺史。德綏撫有方,羣羌率服。十三年,授大都督、原靈顯三州五原蒲川二 軍、儀同三司、北雍州刺史。 賜姓烏丸氏。大統元年,拜衞將軍、右光祿大夫,進爵爲公,增邑一千戶,加車騎大將 十四年,除涇州刺史。卒於州。諡曰獻。 其後常從太祖征伐,累有戰功。 、又從破齊神武於沙苑, 加開

德性厚重廉慎,言行無擇。母年幾百歲,後德終。

女以營葬事。 子慶,小名公奴,性謹厚。 因遭兵亂,不復相知。及德在平涼始得之,遂名日慶。 官至開府儀同三司。初德喪父,家貧無以葬,乃賣公奴幷

可謂遇其時也。 史臣曰:梁禦等負將率之材,蘊驍銳之氣,遭逢喪亂,馳騖干戈,艱難險阻備嘗,而功名 及殷憂啓聖,豫奉興王,參謀締構之初,宣力經綸之始,遂得連衡灌、闡,方駕張、徐, 並中年卽世,遠志未申,惜哉!惠、德本以果毅知名,而能率由孝道,難矣。

圖史所歎,何以加焉。

勇者不必有仁,斯不然矣。

- 除鎭西將軍東益州刺史 北史卷五九梁禦傳無「東」字。
- 封白水縣伯 北史本傳「伯」作「侯」。
- 雍州刺史賈顯 張森楷云:「『顯』下當有『度』字, 魏書賈顯度傳卷八〇可證。」參卷一校記第一

八條。

- 四 以禦佐命有功 个逕改。 時因父佐命功進爵者很多,即此卷內若干惠子鳳,怡峯子昂,劉亮子昶都是。 「禦」原作「預」。諸本和北史卷五九梁禦傳都作「禦」。 按北周功臣之子在武帝 知殿本作「預」誤,
- 五. 而王謙舉兵拒不受代 局本「授」作「受」。按「授」字顯誤,今逕改。
- Х 遷司空 二年之前,則十一年事矣。 張森楷云:「按北史魏文帝紀卷五大統十三年五四七年以若干惠爲司空。 紀傳當云北史帝紀與周書本傳不同,未知孰誤。」 此乃敍於十
- 大統(二)(三) 年從太祖破竇泰於小關 (書)北史有關紀傳都一樣,這裏作「二年」誤,今據改。 按破寶泰在大統三年五三七年,周書卷二文帝紀下和周
- 仍與元季海獨孤信復洛陽 「仍」原作「乃」。 諸本和北史卷六五治峯傳都作「仍」,文義較長,今

逕改。

∕∿ ∪ 涼州刺 史宇文仲和反峯與于謹討之 按本書卷二文帝紀大統十二年五四六年載:「涼州刺史字文

仲和 二五李賢 反。 (傳 瓜州 民張保害刺史成慶,以州應仲和。 卷二八史寧傳 也都說獨孤信是這次戰役的主持者, 太祖 遣開府獨孤信討之。」卷十六獨孤信傳、卷 別無于謹主持這次戰役的記

載。這裏作于謹是涉上文而誤。

(10) 封昂 紀 封 作 國 · ; 武 鄭國 鄯 死, 公 ,子震襲爵, 殿 本北史卷六五怡峯傳稱「封昂長沙郡公」百衲本「郡公」上注「闕」字, 卷八靜帝紀大象二年五八〇年八月稱封「開府怡昂爲鄯國公」。 此時尚在,也沒有改封,不可能再封一個 鄭國公見卷一九達奚武傅。 乃是初封, 按「鄭」是達奚武 周書本 疑當 從

(二) 父持眞 北史卷六五劉亮傳「持傳不載。

宿 達 」 年 斷 這裏作「勒」誤,今逕改。 四 八 四 定其 勤 作『勤』。」又 又卷九 月 明 是非。 條、七月條, 達 北史卷六五劉亮傳「持」作「特」。 五. 勤」原 徒何慕容廆傳見慕容泓 按「勤」「勒」周書、北史中常多混淆。 云:「周書卷十八正思政傳、北史卷五 作「勒」。宋本、南本、 卷 四四 以後皆逕改,不再出校記。 源賀附孫子雍傳,卷七三崔延伯傳,卷七五 的謀臣 局本「勒」都作「勤」。 宿勤崇、慕容韜的司馬宿勤黎,沒有作「宿勒」的。 |魏紀五普泰元年五三|年作『勒』。」張氏似不能 但 魏書都作「宿勤」,卷一一前廢帝紀普泰元 張元濟云:「北史爾朱天光傳 爾朱天光傳都見「宿勤明 卷

進爵內官縣子 北史卷六五「內」作「同」。按「內官縣」不見紀載,疑當作「同」。

錢氏考異卷三二云:「案魏志 魏書卷一〇六下地形志下 涇州領安定、隴東、新平、隨

平、平涼、平原六郡,未知此時省何郡也。」

(三) 涇州所部五郡

